



116.361

19452

116.361

Mag. St. Dr. P



Las
I persille
Rebus gestis
esnae) 1649



19452

Cygelde
Ho 1701.

JOHANNIS LASITII
NOBILIS POLONI
HISTORIÆ DE ORI-
GINE ET REBUS

gestis
FRATRUM BOHEMICORUM,

Liber Octavus.

quiescit

De Moribus & Institutis Eorum.

Ob præsentem rerum statum seorsim
editus

(Cujus rei rationem præfatio sequens expli-
cabit)

Adduntur tamen reliquorum VII Librorum argumen-
ta, & particularia quædam Excerpta.

Atq; in gratiam Fratrum Polonorum de prima Ecclesiarum
Fratrum in Polonia origine succincta
narratio.

ANNO M. DC. XL. IX.


*Libra huc spectat ad sig-
naturam D. Gole-
mof Comenios.*

BIBLIOTHECA



CRACOVIENSIS

Wzór grzebieniowy przeciągany placard persille
Johannis Lasitii... *Historiae de Origine et Rebus gestis*
Fratrum Bohemicorum Liber Octavus...(Lesnae) 1649
BJ St. Dr. 19452 I



Las

Library of the
University of
California



Engelke
No 1701.

T

137

XXIX. 5. 123.

VI. m. 29.



Apoc. II. v. 1. ad 6.

Angelo Ephesinæ Ecclesiæ scribe: Hæc dicit, qui tenet septem Stellas in dextera sua, qui ambulat in medio Candelabrorum aureorum. Scio opera tua, & laborem, & patientiam tuam: & quod non potes tolerare malos, & explorasti eos qui se dicunt Apostolos esse, & non sunt, & invenisti eos esse mendaces. Et habes patientiam & sustinuisti propter nomen meum afflictiones, & non defecisti. Sed habeo adversum te, quod charitatem tuam primam dereliquisti. Memor esto itaq, unde excideris: & age penitentiam, & priora opera facito. Sin minus, veniam adversus te cito, & movebo candelabrum tuum de loco suo, nisi penitentiam egeris.

19452
O. R. BIBLIOTHECA
VNIV. MAGELL.
GRACOVENSIS



FRATERNITATIS

Bohemicæ, è patria dispersæ, fidis
Reliquijs.

*Salutem, & in castigationibus divinæ divina
solatia.*



Adeplorandisne horrendis, quibus nos justa inundavit ira Dei, calamitatibus, auspabor hoc Vestri alloquium, o passionum Christi consortes? an à deprædicanda potius majore bonitate Dei, quod tam oppressi, tam disjecti, tam attriti, nō tamen consumiti sumus hucusq,? quia non deficiunt miserationes ejus.

Respicite obsecro, dilecti in visceribus JESU CHRISTI amici, quid nobis fiat, quō delati simus! Nunquam equidem ex quo cū dilectis majoribus Naviculam illam, quā per procellosum hoc Mundi mare Christus cum suis vehitur, ingressi sumus,

sumus, jactationum fuimus expertes:
nunquam tamen æquè ut nunc omnes in-
undationes Dei, omnesq; fluctus, irrue-
runt in nos, ut nihil sit reliquum, nisi co-
opertâ jam fluctibus naviculâ, clamare
cum Discipulis, *Domine serva nos, perimus.*
(Matth. VIII. 25.) Perimus enim verè: i-
mò perijmus. Equisnam periit? Parùm
foret dicere: Tempia nobis periêre, &
in ijs peragi solitus purus Dei cultus. Pe-
riêre Libri sacri, erepti nobis, discerpti,
hostilisquè furoris flammâ absumpti. Pe-
riêre omnia publicæ securitatis, Deoq;
secundùm agnitam Veritatem serviendi
libertatis, vincula. Periit nobis Patria,
& nos illi, per exterarum regionum de-
serta disjecti. Quod majus, Nosmet ip-
si, qui Cultores veri Dei dici digni facti fui-
mus, perimus variè. Pereunt nobis Eccle-
siæ Ministri: imò perierunt, vix peprauis
superstitibus. Pereunt Ecclesiarû nutritij,
Procerum fideles: pauxilli supersunt. Peri-
tis Vos fidelis Populus, imò periistis ple-
riq; seu corpore, seu animo, seu fortunis:
ad extrema omnia redacti sumus omnes,
tam

tam dispersi quàm domi relictî, tota Gens
nostra. Ita in nobis impletum est, quod
minatus fuit Deus, *Relinquemini velut cip-
pus in vertice montis* (Jes. XXX. 17.) *residua
ligna sylva nostræ pauca facta sunt, ut vel pu-
er numerare ea possit* (Jes. X. 19.) *Immissæ
nim ab Oriente & Occidente hostes devorâ-
runt nos toto ore: nec tamen in omnibus his a-
versus est furor ejus, sed manus ejus adhuc ad-
versus nos extenta* (Jes. IX. 12.) Fit certè
hactenus in toto Christiano Orbe, sicuti
olim cum clamaret Propheta: *In tempore
hoc non est pax egredienti aut ingredienti, sed
terrores undiq;, in cunctis habitatoribus terra-
rum. Pugnat n. Gens contra gentem, & Ci-
vitas contra civitatem: quia Dominus con-
turbat omnes in omni angustia* (2. Chron. XV
5, 6.) Cujusmodi furiosæ gentium colli-
siones postquam tot annis duravêre, *con-
tritio super contritionem facta est passim terra-
rum* (Jer. IV. 20.) Potissimum verò Gen-
tem nostram meritò quis cum Propheta
inclamet; *Magna est sicut mare contritio tua,
quis medebitur tibi?* (Thren. II. 13.) Nempe
quomodo Vas aliquod utile, ligneum, vel
argillaceum, quando infringitur, aut in-

partes diffringitur, aut in frustra plura cō-
fringitur. noxam quidem patitur, sed re-
parari rursum potest: at quando conte-
ritur in pulverem, quā reparabitur arte?
ita præsens rerum nostrarum afflictio, &
velut extrema dissolutio, vix ullam auxi-
lij & reparationis admittit spem, quæ cō-
cepta toties, in nihilum relabitur toties.
Toties enim inter Potentes Mundi tenta-
ta pacifica transactio, semper adhuc suc-
cessu caruit. Etiam conclusa jam hīc &
illic pax, in novi occasionem Belli dege-
nerat: adeo verax semper est Deus, pro-
nuncians Verbo suo, fabricantes sapien-
tiæ humanæ artibus Pacem, *surare contri-
tionem populi leviter, decendo Pax, ubi non est
pax* (Jer. VI. 14. & VIII. 11.) *Expectavimus
n. pacem, & ecce nihil boni! tempus modera,
& ecce formido!* (Cap. VIII. 15.) Etiam ul-
timò jam constitutà, generaliori ac antè,
Pace, quid solatij allatum nobis, alijsq;
multis? Id nimirum, ut cum Jeremia-
clamemus jam, *Heu, heu, heu, decepti sumus!*
*Dictitatum nobis fuit, Pax erit vobis: ecce au-
tem Gladius pertigit usq; ad animam* (Jer. IV.
10.) Et cum Ezechia; *Ecce in Pace amari-*
tudo

tudo mea amarissima (Jes. XXXVIII. 17.) Ve-
rissimam nunc habemus verborum Chri-
sti exegesi: *Pacem relinquo Vobis, Pacem
meam do Vobis, non quomodo Mundus dat,
Ego do vobis* (Joh. XIV. 27.) Videmus et-
enim Mundum dare pacem (1) *Serò*, de-
mum quum perditum sumus. (2) *Extrinse-*
cus tantum, internam dare non posse. (3)
Quibusdam tantum, alijs ab illa quoq; im-
perfecta Pace exclusis. Obliviscuntur
scilicet mundani illi Pacificatores imita-
tores esse *Dei*, qui *Pacem restituit*, quando
restituit, omnibus, qui longè sunt & qui propè
(Jes. LVII. 18. 19.) Ostenduntq; se ex nu-
mero eorum esse, qui *Viam pacis nescierunt*
(Jes. LIX. 8.) *Propterea expectavimus lucē,
& intenebris ambulamus* (v. 9.) *Venit
mane, & tamen nox est* (Jes. XXI. 12.) Re-
deundum itaque nobis est ad internam
conscientiarum pacem, & illā acquie-
scendum, juxta illa Domini nostri Verba:
*In me pacem habebitis, in mundo pressuram;
sed confidite, ego vici mundum* (Joh. XVI. 33.)

Siquis interim causam, cur ita nos
premi permittat Deus, quæ fuerit, hanc u-
nam, aut certè præcipuam, reperiet, quod
finem

finem suum in castigandis nobis nondum reperit Dominus. Peccata nimirum, ob quæ infliguntur plagæ Dei, tolli oportet ab oculis Dei, antequam tollantur flagella. Nos verò etiam ad agnoscendum culpas, constituti sub flagellis, quàm difficiles sumus! nedum ad emendandum: iustificare nos semper potius, & interim converteris incedere vijs, paratiores. Multa de eo in Scripturis divinis exstant, tum testimonia, tum exempla: non desinere solere irasci Deum, nisi homines desinant provocare ad iram. Frustrà percussisti filios nostros (inquit Deus) disciplinam meam non receperunt: devoravit ergò gladius Prophetas vestros. Item: Quia dicis, Absq; peccato, & innocens sum, avertatur furor tuus à me: ecce ego iudicia contendam tecum, quia dicis, Non peccavi. (Jer. II. 30. 35. 36.) Sequentibus verò capitibus, agnoscenribus demum promittit gratiam: Revertimini filij avertentes, & sanabo aversiones vestras, (III. 22.) Ablue à malitia cor tuum Ierusalem, ut servaveris: usq; quò morabuntur tecum cogitationes noxiæ? (IV. 14.) Respondente autem Prophetà: Domine percussisti

eos, & non doluerunt; attrivisti eos, & renuerunt accipere disciplinam (v. 3.) Deus rursum: Super quo (igitur) propitius tibi esse potero? (v. 7.) Quinimò sicut iudicio contendendi adversum patres vestros, ita iudicabo Vos: donec Vos subiciam sceptro meo, & inducam in vincula fœderis (Ezech. xx. 36. 37.) Percutiam Vos plagis, sed ut sanem (Ies. xix. 22.) Non prius suscitabo super Sion interdictum nubem, & splendorem ignis flammantis non erit, nisi cum prius abluerò sordes filia Sion, in spiritu iudicii, & in spiritu ardoris (Ies. IV. 5. 4.) Nec prius restituam Iudices tuos ut fuerant antè, vel Consiliarios tuos sicut antiquitus, nisi postquam excoxero ad purum scoriâ tuam, & abstulero omne stannum tuum (Ies. I. 26. 25.) Agnoscamus igitur, dilecti, quid istuc esse oporteat, quod sic usq; obstat, ne ad nos redeat misericordia Dei: Malitia nempe, & durities cordis nostri, impenitentiaq;. Ionas prævaricator in causa fuit, cur savière venti & mare; nec cessare poterant, nisi illo in abyssum præcipitato. Modernæ itaq; tam diurnæ horrendaq; procellæ, multos fuisse communi Ecclesiæ nave vectos prævaricato-

res, ante quos absorptos impossibile est
iræ divinæ sedari ventos, ostendunt. Tot
equidem Navis hujus Gubernatores cum
nautis suis (tot scil. populorum Rectores,
cum innumeris Exercitibus suis, Consi-
liarijs suis, & variè tentatis, jam violentis
jam placidis, medijs suis) nihil non ege-
runt, ut ad securitatis aliquod littus de-
ductà Nave hac, servarent reliquos: ec-
ce tamen quàm irritò conatu hucusq; o-
mnia! licèt non unus, non decem, non
mille, sed infiniti, contumaces Jonæ eje-
cti jam sint, abyssosq; absorpti. Restare i-
gitur necesse est etiamnum multos, qui
non submittendo sedeo ad poenitentiam,
hanc furoris Dei (contra Christiani Or-
bis navem) detinent procellam.

Nec est cur quis cogitet, adversus
ingentia duntaxat publicè grassantia sce-
lera, *Falsam Religionem, Idolomaniam, Ho-
micide, Adulteria, apertasq; & Orbi palpa-
biles Injustitias* &c. ita exardescere Zelum
Dei: etiam adversus Ecclesiam ipsam re-
missio in studio Pietatis, & Religionis ve-
ræ frigus, iram Dei incitat, teste ipso Chri-
sto, Apoc. II. *Novi opera tua, & laborem,*
& pani-

*& poenitentiam, &c. Habeo tamen hoc ad-
versus te, quòd Charitatem tuam primam o-
miseris. Memor igitur isto, unde excideris,
& age poenitentiam, & opera prima facito. Sin
autem, ecce veniam, & movebo candelabrum
tuum de loco suo.*

Ecce causam veram, cur nunc etiam tot
Ecclesiarum (etiam nostræ) Candelabra loco
mota, disjecta, confecta, procurationi data
sunt! Omisimus charitatem primam, refriger-
cere in nobis passi sumus divini amoris ignem.
Quod quâ ratione contigerit alijs, attendant &
emendare quarant alijs: nobis, qui in commu-
ni Ecclesiæ Domo certum obtinemus Atrium,
quomodo pro luce fumos dare coeperint Cande-
labra nostra, ut attendere discamus, præsentis
propositi est. Evenit scilicet nostræ quoq; Ecclesiæ
quod Israeliticæ, & Apostolicæ, & alijs aliàs, quo-
ties Deo placuit renovatis Ecclesijs: ut principium
ferbuerit, medium tepuerit, ultima refrigerint.
Fervorem dilectionis, quæ fuit inter Deum spon-
sum, & novellam Israeliticam Ecclesiam sponsam,
cùm alibi Deus, tùm Jeremiæ II. 2, 3. attingit.
Apostolicæ v. Ecclesiæ ferventissima charitas de-
scribitur Act. II. 42. ad finem, & IV. 32. ad finem.
Nostræ a. Ecclesiæ, ante duo secula à Papalibus
corruptelis repurgatæ, & novis Doctrinæ puræ,
Disciplinæq; sanctæ, Candelabris instructæ, qua-
lis quantusq; fuerit circa salutis negotia ardor,
multa

multa ab illis pie relictæ, à nobis autem minus
 quam decuit observata, testantur monumenta.
 Quæ quia in summam quandam circa Annum
 1570. collegerat nobilis quidam vir, *Johannes La-*
ficius; ego autem in Authorem & librum hunc
 (mihi antehac penitus ignotum, ut pote manu-
 scriptum in Bibliothecæ catenus latentem) felici-
 nuper casu incidi: eum Vobis, dilecti, communi-
 care visum est eò fine, ut speculi usum præstet, ad
 videndum quàm enormiter à vestigijs Patrum ex-
 orbitaverimus, & sic à charitate prima recesseri-
 mus, nos quoq;. Fuit Laficius ille gente *Polo-*
mus, natalibus *Eques*, dignitate eà ut à Rege Ste-
 phano ad exteros Principes legatus adhiberetur;
 religione verò *Evangelicus*, & confessione *Hel-*
veticus: quam scilicet Confessionem Polonia mi-
 nor, Reformatores suos Tiguro nacta, suam fe-
 cerat. Is quum majoris Poloniæ à Papatu repur-
 gari captas Ecclesias, partim Augustanam, par-
 tim Bohemicam amplecti audiret Confessionem,
 percitius singulari quodam Zelo in id sibi putavit
 incumbendum, ut secedentium sic in partes E-
 vangelijs doctrinam profitentium, causas, diffe-
 rentiasq; veras, vestigaret. Profectus ergo in Po-
 loniam majorem, exindeq; in Bohemiam, Ger-
 maniam, Galliam, nihil intermisit quod non
 scrutinio accurato pensitaret. Et quia illi consti-
 tutio Ecclesiarum, quæ regiminis formam majo-
 ribus nostris, *Fratribus Bohemicis*, usitatam sus-
 ceperant, præ cæteris placebat, viditq; paucæ ad-
 ijs in

ijs in publicum esse scripta, consignavit ipsemet
 non nulla, ruditer primum, ut omnia prima so-
 lent. Sed animadvertens multis bonis doctisq;
 Virtus ea placere, inquisivit in eas materias peni-
 tius multos per annos, donec in magnitudinis ju-
 sta molem excresceret Volumen, dispersitum in
 libros octo: quibus *Originem, progressus, resq;*
tam prosperas quàm adversas, nec non Mores, Insti-
tuta, Consuetudinesq; Fratrum &c describit. Hoc
 ille opus circa Annum 1585 ad Fratres misit: ut
 ista recognoscere, emendataq; & suppleta pub-
 licum Ecclesiæ in usum edere liberet, postulante.
 Vidensq; spes suas differri, misit castigatius eti-
 am exemplar, Anno 1599, ad Illustrem Domi-
 nem Carolum, Baronem de Zerotin, Moraviæ
 paulò post Pro Marchionem, ut ipsius autoritate
 ac impensis prodiret Opus, obtinere quærens,
 nec tamen sic etiam ut prodiret, obtinuit: ibi eti-
 am alterum hoc exemplar captivum fuit detentum
 hucusq;. Fieri sanè potest, bonis illis Patri-
 bus non defuisse suas quasdam rationes, eorum opus
 hoc in lucem mittere verecundatisint: ac jam nō
 defuissent causæ poenitendi, quod non publici juris
 & usus factum fuerit. Quicumq; ego sum, &
 quantilluscunq;, qui hæc scribo (sum autem u-
 nus è medio Vestri) negare tamen non possum,
 refrigerantis jam tum charitatis indicium aper-
 tum videri, quod accensum hoc lumen (nescio
 propter quem invidiæ merum) sub modium ab-
 scondere, quàm exponere candelabro, maluerint:
 rixaride

rixariq; jusserint cum tineis & blattis, potius
quàm cum vitiosis, jam tum à puritate sua dege-
nerantibus, moribus nostris. Si enim hæc Ec-
clesiæ nostræ idea obversata fuisset oculis omni-
um, fortassis eò corruptelarum ventum non fu-
isset, quò cheu ventum est. In conspectu Dei &
Vestro loquor, amici: evenisse nuper mihi, ale-
ctione hujus libri attenta, id quod sacri Libri re-
stantur Josiæ Regi, postquam majorum negligen-
tiâ amissus Legis codex in ruderibus fuisset re-
pertus. Erubui profectò, pudetq; me mei &
meorum: adeò pauci inter nos sunt, si modò
quisquam est, qui Majorum illam pietatem re-
ferant. Cujus rei agnitionem, & conceptum inde
dolorem, reditùsq; ad charitatem pristinam ar-
dens desiderium, cum optem omnibus mecum
esse communia, cogitare cœpi de toto illo Lasi-
tiano Opere vel jam tandem in lucem protra-
hendo: quia tamen difficultates usq; obstant, par-
tem ejus saltem quandam dare animum induxi;
nempe *Librum octavum, eum reliquorum Librorum
excerptis quibusdam.* Id autem ideò,
1. Ut dispersi *Unitatis filij* scriptum hoc Lydij
lapidis instar habeant, ad seipsos examinandum,
num tales sint quales hic describuntur? aperi-
anturq; faciliùs omnibus oculi, ad pervidendum
causas, cur Candelabra nostra loco moverit Chri-
stus, quemadmodum minatus fuit? nempe ob
derelictam charitatem primam. Degeneravimus
enim omninò, nos & patres nostri, à primo illo
primæ Majorum charitatis fervore.

2 Ut

2. Ut hoc perspectò, non tam de amissa patria,
bonisq; corporalibus, sed inprimis ob amissam
tam pulchrè formatam Ecclesiam, in qua hæc
nunquam satis laudata sanctæ Disciplinæ ratio
tam pulchrè floruit, doleamus; & ad preces &
vota, ut misertus nostri Deus, priscam illam Ec-
clesiæ faciem nobis restituat, inflammemur.

3. Ut jam quoque in dispersione nostra, ubi-
cunq; hospitia nobis concedit Deus, sacrosq; cœ-
tus (quantilloscunq; illos) habere permittimur,
emendationis studium tantò ferventiùs inchoet;
eòq; poenitentes esse nos, & ad opera prima redi-
re, in conspectu Dei, Angelorum ejus, Ecclesiæq;
nobiscum adhuc militantis, contestemur.

4. Ut pleriq; juniores, qui illius etiam quæ su-
perest Ecclesiarum nostrarum Disciplinæ pertæ-
si, estm aspernantur, & despiciunt, errorem suum
agnoscant: videntes quantopere hæc Disciplinæ
ratio à tot & tantis eruditis & sanctis Viris, lau-
data fuerit.

5. Et quia plerisq; nostratium vivendum est
inter Augustanæ Confessionis socios (in Hunga-
ria, Polonia, Prussia) his quoque libellus hic in-
servire poterit, ad colendam cum Fratribus Au-
gustanæ Confessionis, majorum exemplo, mu-
tuam Concordiam. Legant hæc nostrates: le-
gat & vera genuinaq; Magni illius Lutheri poste-
ritas, quantaq; nostratium cum Luthero, & ejus
socijs, fuerit consociatio, expendant.

6. Etiam Libelli hujus publicatio servire homi-
nibus

nibus nostris, qui nuperarū persequutionum pro-
cellis abrepti, nos & hanc à majoribus salubriter
tritā viam deseruerunt: ut nempe enormis in
Deum ingratitude, & admissa in animus suas
atrocis culpæ, eoq; resipiscen-tæ veræ, dum gra-
tiæ tempus est, facilius inveniant an-
sam. Quod
ipsis largiatur Deus.

Visum autem est dare hæc in lucem, *Latine*
pariter & Bohemice. *Latine*: quia Lasicius hæc
lingvā scripsit, ut illud ipsum quod scripsit, ex-
stet; atq; ut eādē operā alijs quoq; nostra nō
intelligentibus, usui sit, si esse potest. *Bohemice*
autem: ut Lasiciū Vos etiam, qui Latina
non intelligitis, intelligatis. Divisit verō Librū
suum octavum in Capita (XXXIII) ipsemet Au-
tuor: Sed Capitum in versiculos divisionem
ego adieci, ut si quando exorbitantias ostendi o-
pus fuerit, allegatio fiat facilior. Opus totum
dari poterit in lucem, si volet Deus, alijs occasio-
nibus: interim hæc legite, dilectissimi. Et quis-
quis leget, insonare credat auribus suis coelestem
illam vocem, *Memento unde excideris, & age po-
nitentiam!* Plura in fine submoneri poterunt.

Valete, & corroboramini in Domino, &
potentiā virtutis ejus. Scribebatur

21 Augusti, 1649.



Caput I.

*Commendat Fratrum Mores & Institu-
ta, in genere.*



Atis opinor dictum à no-
bis est, libris septem superioribus
de Origine, progressu, & rebus tam
prospere, quàm adversis, Fratrum
nunc ratio propositi nostri postulat, ut *Mores*
Instituta atq; Consuetudines ipsorum referamus: a-
istis ora reipsa obturemus, qui infantes, omn-
suspicionum, calumniarum, conviciorum, ma-
ledictorumq; genere incessunt. 2. Sed ita na-
turā comparatum est, ut omnis virtus vituperatore
habeat, sicut quævis res creata suum habet hostem.
3. Sed à Christianā (ita enim vocatur à Te-
tulliano Apologetici Cap. 21, ac 39. & à Cy-
priano lib. 4. Epist. 5.) nulla alia est melior
sanctior, certior: & tamen ei ubiq; contrad-
cebatur, Lucā teste (Actor. Cap. 18. 22.) & F.

refis malefica dicebatur (Cap. 24. 14. 1 Petr. 2. 12). Apertè id Suetonius in Nerone, Christianorum Carnifice (Cap. 16.) *Afflicti supplicii Christiani, genus hominum superstitionis novæ & malefica.* Et Tertullianus Capite 7. Apologetici: *Dicimur scelestissimi de Sacramento infanticidij, & pabulo inde, & post convivium incestu: quod everfores luminum, Canes, lenones scilicet, tenebrarum & libidinum impiarum invecundiam procurent.* 4. Postea igitur quàm Fratres ab immundo & discordi Papatu Romano in Bohemia (quod liber tertius ostendit) Anno Christi 1456 transferunt ad purum & concors Evangelium Christi, seq; gravi humanorum placitorum excusso iugo, in antiquam libertatem Christianam divinò auxiliò vindicarunt: rati nihil se futuros beatiore, si quorum reliquissent consuetudinem, ijs non essent ut Fide ita & Moribus meliores; huic quoq; religionis parti, secundum Fidem primas tenendi, inde ab ipsis sui cœtus primordiis diligentissimè incubuerunt. 5. Etenim ne amplius majores eorum commemorem, quos & monumenta literarum, & Senum quos mihi videre, audireq; licuit sermones, sanctè vixisse testantur; dicam candidè quod sentio, horum qui sunt hodiè mores atq; actiones omnes, viva quadam novi Testamenti interpretatio est.

est. 6. Quæ quidem ita se habent omnia: non blandior, multò minùs assentior Fratribus, nec illorum causâ mentior: sed quod ipse vidi, ac censeo, id apertè dico. *Quod scimus loquimur, inquit Christus & quod vidimus testamur* (Joh. 3.) Quibus verbis certissima quæq; nos loqui, ac quæ ipsi vidimus, audivimusq; testari, exemplo suo, unus ille Dominus & Magister omnium, docuit. 7. Multi de optimo Statu Ecclesiæ, de Regno Christi in Terris, de Hierarchia Ecclesiastica, deq; Pastorum officiis, scripserunt multa: quorum pars maxima, apud hosce Fratres inveniri, atq; hinc cognosci, potest. 8. *Mihi quidem Sacra Scripta legenti, & veram Ecclesiæ formâ ut oculis, ita & animo, diligentissimè vestiganti, nullus alibi occurrit coetus hominum* (quod sine injuria cujusquam dictum esse velim) qui id quod in iisdem Scriptis traditur, re ipsâ melius exprimat: vel, si hoc dicere odiosum est, qui exsequi magis conetur ac studeat. 9. Sunt ubiq; fateor, ut mali ita boni: at ego nullo alio in loco plures simul, & conjunctè, verè pios, Deumq; reverentes videre potui, licet multas jam per tot annos adierim, viderimque in Europa Ecclesias. 10. Quod non de honestis tantùm factis ipsorum, verùm etiam de vera ac viva in Christum fide, opera producente bona, intelligendum est. Nam sicut credunt, ita etiam vivunt, summo nisi

ad omnia Deo natis in iuncta aspirantes. 11 Non me fugit, ex eadem massa peccati nos omnes nasci: verum isti boni, nescio quomodo plus aliis laboris (partim amore, partim metu Dei, salutisq; suæ studio) in ea evacuanda, purgandaq; impendunt. 12 Memores quippe vivunt illius præcepti Apostolici (1 Tim. 4: 7, 8) *Exerce te ad pietatem, promissiones habentem Vitæ presentis & futuræ.* Et capite sexto: *Certa bonum certamen fidei, apprehende Vitam æternam.* Unde exercitio atque certamine assiduo nobis, peccato Evæ corruptis, opus esse evidens est: ut cum timore ac tremore operemur salutem nostram, quemadmodum nos docuit, qui usq; in tertium raptus Cælum, quomodo sit ad eundem Cælum (sanctæ viventium domicilium æternum) didicerat: (Phil. 2, 12): sicut & collega hujus, Petrus. (2 Pet. 1. v. 4. ad 12.). 13 Quæ omnia, quemadmodum mihi facilia dicuntur, ita ea vivis eorundem Fratrum vitæ Christianæ exemplis confirmare, haud erit difficile. 14 Nec ego arbitror reperiri posse sani iudicii quenkum, quin is benè hominibus hisce cognitis, dicturus sit idem de iis, sensurusq; mecum: modò huic cognitioni aliquid temporis tribuat, nec eam ex uno alterove die & congressu cum eis perat. 15. At si quis nihilominus sit, cui hæc quæ dico dicturusq; postea sum, incredibilia esse

ipsi licet

libeat etiam, aliquem cum iisdem consuetudinem inire: ita cognoscet, si modò de bonis benè iudicare poterit, nec me falsa scripsisse (nam quid lucri ex falso) nec se tempus familiaritati illorum impensum malè collocasse, dicet.

Caput II.

Protestatio, nihil hic scribi hyperbolicè. Et de nomine FRATRUM, cur eo utantur: sicut & UNITATIS Fratrum.

Quod tamen non ita accipi velim, quasi modis omnibus absoluta & omnis prorsus maculæ expers esset *Fratrum Ecclesia* (talis enim perfectio tantum in Cælis speranda est, non in Terris quærenda.) sed quòd minùs emendationis quam non pauca aliæ egeat, multoq; minùs jure reprehendi queat. 2 Digna certè laude est, *Ecclesia Genevensis*, cœterarum in Gallia reformatarum Magistræ, pulcherrima illa Constitutio: *merentur & alia alibi gloriam*, quæ sunt ad regulas Verbi Divini hoc seculo instauratæ: verum istis omnibus nequaquam est hæc nostra inferior, licet obscurior; futura credo nobilior, si tam multa quantum istæ, ipsa etiam de se scriberet, scribive pateretur. 3 Quam verò his

adolescentibus, qui ad honores (seu veriùs labores) aspirant Ecclesiasticos, cum his hominibus vel paululùm vivere, ne dicam in ipsorum se planè tradere disciplinam, expediret, nolo id pluribus persequi; necui non historiam scribere, sed causam Fratrum agere, videar. 4. *Profecto si quis eorum, qui aliquam cupiditatem cognoscendorum bonorum virorum, & verorum Christianorum, habent, me audire, huic ego omninò sperderem, ut hac vita benè regenda Ecclesia, ac vita Christiana exempla, ipse suis aliquandò intueretur oculis, quàm multos ea de re evolveret commentarios.* 5. Est enim apud hos singularis quadam Ecclesia Christi administranda ratio, ita cum Scriptis divinis, conveniens, ut libenter fatear, nusquam me videre potuisse meliorem. 6. Quemadmodum autem ædificium absque æmulli fabrilis, non benè construitur, nec diu stat rectum: ita Ecclesia, nisi in omnibus ad æmulum Verbi Dei instaretur, reformeturq; deformis est semper, & infirma futura. 7. Multi ejus rei causam (quod Fratres ordinem inter se tam constantem habent) hanc esse existimant, quod non alios quàm ipsoe suâ aliundè venientes, seq; ad servandam Christianam disciplinam, & præstandam obedientiam adstringentes, cæcibus ascribant suis, cujusmodi quoque Origo fuit, (ut constat ex Actis Apostolicis) primæ illius Christianæ Ecclesiæ. 8. Verum id quidem est

est: sed Pastorum quoq; industriæ, indefesso labori, vigilantia, sanctitati, non parum est tribuendum: quia qualis fuerit Sacerdos, talis etiam sit populus; Duceum virtutem imitatur miles; Magistratumq; suorum mores, sequuntur subiecti; Præceptorum ac Magistrorum, discipuli. 9. Atq; hic est meus de Fratribus, quos datâ operâ adij, & cum quibus magna cum animi mei voluptate per diu conversatus sū, non falsus sensus. 10. Alius forsitan quis judicabit aliter: quum suum cuique, quamvis turpe, pulchrum videri soleat: ut marito uxor, parentibus nati qualescunq; sed ego, qui non solum amator bonorum, sed etiam defensor veritatis, esse studeo, aliud de bonis sentire, nec volo, nec si vellem, inoffensâ conscientia possem.

11. Sed jam placet Instituta & mores ipsorum quàm simplicissimè referre, additis interdum apologiis, & Opere in Capita digesto (lectoris in gratiam) contra morem historicum; observatōne, ut ea quæ modò nudè dicta sunt, veris exemplis fulciantur: eoque lector habeat, quod vel imitetur si velit, vel si id nolit, seū non possit, saltem ne damnet, temerè laudem merentes.

12. Pontificiorum judicia, quibus nihil nostrum placet, ac Veritas quam tuemur adeò odiosa est, ut sectatores ejus omni immanitatis & calumniarum genere semper persequantur, ac obruant, non

1. non multum moror: quorum, ut Pauli Aposto-
 li, miseratur Deus, quò ommissis Patrum traditi-
 onibus, Patris Coelestis voluntati adversis, ean-
 dem nobiscum lucem videant, veritatemq; am-
 plectantur ac defendant. 13 Ante omnia verò
 cognominis Fratrum dicenda est mihi ratio.
 Quòd enim à plerisq; tunc *Waldenses* nunc *Pi-*
ardi vocantur, sit hoc partim ignorantia, par-
 tim malicia, atq; calumpnia: quia alij sunt *Wal-*
denses Galli, (quod jam libro primo & in fine sexti
 demonstratū est) alij *Frates Bohemi*, sive *Bohemi-*
ci: qui nihil omnino unquam habuerunt commu-
 ne, cum inverecundis & crudelibus *Picardis*, quos
 fortunatissimus ille *Johannes Zizka* Principatu
Wenceslai ignavi, Anno 1421. exuente, peni-
 nitus extinxit, nondum audito Fratrum nomine.
 14 Et *Frates* quidem se ipsi appellant minimè
 arroganter, vel aliorum contemptu: sed primam
 illam, à qua omnia sua perunt, imitantes Ecclesi-
 am, ubi credentes in Christum *Discipuli* & *Frates*
 (Christo ipso id decernente, *Math. 23*: *Omnes*
Vos Frates estis) serius *Christiani*, dicebantur.
 15 De qua primæva Apostolica Ecclesia scriptum
 testimonium, (fuisse totius multitudinis creden-
 tium cor unū, & animam unam (*Act. 4. 32.*) si me-
 is Fratribus tribuero, non aberrabo à vero, adeò
 enim hæc apud & inter eos sunt, ut haud aliam
 ob causam, Ecclesiam suam (lingvâ suâ) **UNITA-**

TEM

TEM appellent. 16 De Fratribus alioqui cogno-
 mine hæc inter alia sunt in Sacris Bibliis exem-
 pla: *Thef. 5. 27. Adjuro vos, ut recitetur hæc E-*
pistola omnibus sanctis Fratribus 2 *Thef. 3. 6. Sub-*
ducite vos ab omni Fratre, inordinatè se gerente.
 1. *Cor. 9. 17. Si quis, cum Frater nominatur, sit scor-*
iator. Et *Cap. 6. 6. Frater cum Fratre judicio ex-*
peritur *Jacob. 2. 15. Si Frater aut Soror nudi fue-*
rit: & alias sæpè. 17. Quin & in Veteri jam
 fædere Fratrum appellationem usurpare docuit ipse
 DEUS. Ut *Levit. 25. 35. Cum attenuatus fuerit*
Frater tuus, ne accipias ab eo usuram & augmentum.
Exod. 21. Si emeris Fratrem tuum, qui sit Ebraeus,
sex annis serviet. 2 *Mach. 1. 1. Fratribus Aegyptum*
incolentibus Judæis, Frates qui sunt Hierosolymæ
salutem. 18. Duravit hæc interè fideles, *Frates*
 sese mutuo compellandi, diù post Apostolica
 tempora, consuetudo. Sic enim *Tertull.* *Cap. 39.*
Apologetici: Quòd Frates nos vocamus, non
alias ob causas opinor insaniunt, quàm quòd apud
ipsum omne sanguinis nomen de affectione simulatum
est. Frates etiam Vestri sumus, jure Naturæ, ma-
tris unitus: etsi parum homines Vos, quia mali Fra-
tres, at quantò dignius Frates & dicuntur, & ha-
bentur, qui unum Patrem DEUM agnoverunt, &c.
 19. *Frates* igitur sumus omnes *Christiani*, tam
 spiritali quàm naturali affectu, & cognatione.
 Et certè ad Fratris nominationem amor mutuus

A

quo-

quodam modo augetur; ac, si quando refrigerat, rursus incalescit. 20. Eadem est cognominis *Sorum* ratio: Utrumque iis inuisum, quibus nec Fraternalium nec Sororium est pectus.

Caput III.

De gradibus & ordine Ministrorum, in Ecclesia Fratrum. Et de officiis Episcoporum.

HAbent igitur Fratres in sua Congregatione *Presbyteros*, qui Latinis sunt *Seniores*, & his gradu inferiores *Ministros*, *Diaconos*, *Acoluthos*: ne Populum variorum ordinum nomen, cuius hi omnes sunt rectores & administri Seniorum, seu Episcoporum. 2. Omnes verò hi sunt *Clerici*, h. e. Personæ ministerio Ecclesiæ deditæ, & consecratæ: quippe vox *Clerici* nihil aliud Suidæ, homini Græco, quam *Diaconorum* & *Presbyterorum* catum significat. 3. Nam *Laicos* Græci non initiatos Sacerdotibus appellant, ad curationem rerum sacrarum has ob causas non admittunt Fratres, quod eos Iesus Christus, Spiritusque ejus, à clericis duci (Hebr. 13. 7.) passi (1. Petr. 5. 2.) doceri (Matt. 28. 19. & Ephes. 4. 12.) moneriq; tanquam ab illis qui præsunt in Domino (1. Thes. 5. 12.) voluerit. 4. Vocatis rursus ad Ecclesiæ ministeria potestatem dederit remittendi peccata (Joh. 20.) & concedi-

derit claves Regni cælorum, (Matt. 16. 19.) hos solos appellans *Episcopos* (Philip. 1. 1.) & *Dispensatores mysteriorum Dei* (1. Cor. 4. 1.) *edificatoresq; Corporis Christi* (Ephes. 4. 12.) & *domus sue* (1. Cor. 3. 16) *sal Terræ, & lucem Mundi* (Matt. 5. 13) *Operarios Messis* (Matt. 9. 38.) *Piscatores hominū* (Mat. 1. 17.) *suos in agricultura cælesti synergos* (1. Cor. 3. 9.) & *Apostolos* i. e. *legatos Ecclesiæ* (2. Cor. 8. 23.) *Ministros* deniq; *Evangelij* (Col. 1. 23.) 5. Quod item in veteri jam Ecclesia, omnia ejusmodi negotia ad solos Sacerdotes Aaronici ordinis Deus per Moysem retulit. (Quibus tamē in rebus Politicorū quoq; seniorū operā utantur Fratres, non tacebitur suo loco, Capite XXII.) 6. Non servatur passim hodie pulcherrimus hic ordo, ubi *Jurisdictio spiritualis* cum *seculari confusa*, *Ministria Christi potestas Ecclesiastica*, *Pastorumq; electio plebi*, à *Magistratu civili* adempta est; at ubi è *Seniorum Politicorum sententia* ita omne regimen Ecclesiæ pendet, ut illi *Ministros*, tot tituli honoribusq; à Christo ornatos, nihil aliud quam è *suggestu prædicatores* esse sinant, prorsus *inverse Christi institutio*: quod ubi sit, ibi *plaustrum Boves trahit*, non hi *plaustrum*. 7. Quò rerum ordine, periit *Pastorum auctoritas*, periit *Ecclesiastica disciplina*: quod illud ipsum est, de quo apud Ezechielem conqueritur Deus, (Cap. 44. 8.) *Non observasti observationem rerum sanctarum mearum, sed substituisisti Observatores. Observationis mea*

mea, in sanctuario meo, arbitratu vestro. 8. Nihil enim magis perturbat bonum Ordinem in Ecclesia, quam cum auctoritas Custodum Sanctuarij, Ministrorum Christi, subijcitur custodie eorum, quos custodit; & opprimitur, atq; evertitur, auctoritate secularium. 9. Turpis est Cleri & Papæ, in Ecclesia etiam Secularem gladium usurpans Tyrannica præsumptio: sed magis turpis, & Ecclesiæ noxia, Politicorum supra Solium Christi & Ministerij in Ecclesia ejus dominatio. Ista enim corporibus, hæc animabus, magis nocet. 10. Episcoporum nomen ex Apostolicis scriptis notum est, dictum Græcis à speculando; quod ipsorum sit officium, gregis sibi à Christo cõmissi, Vitam, Fidem, Mores, speculari atque cognoscere. 11. Quod sane hi nostri diligentissimè faciunt, licet rarissimè à suis ita vocentur; non tam dici, quam potius esse, quærentes. Est enim id apud eos cognomen laboris magis, quam vel dignitatis, vel opum; quæ nunc alibi faciunt, etiam sine re ipsa, Episcopum. 12. Frater illis est quilibet, cujusvis Ordinis ac honoris; ita foemina, Soror. Seniorum appellatio communior est crebriorq;. Minister idem qui & Pastor. Diaconum dignitate hoc aliquantò minor. Acoluthus affecla Seniorum est, & vitæ testis, de quibus infra. 12. Non est autem uni commissa, creditaque, omnis Ecclesiæ administratio: sed quatuor Epi-

Episcopis cordatis, qui sunt instar unitus. Id vero eam ob causam, quò simul aliquor, sinecesse sit, unum alicujus rei fraternè admoneant: ac ut plures eò melius citiusq; negotia Ecclesiæ expediant, quibus nunquam solus unus monarcha satis fecit: nec res semper rectè geritur per vicarios. 14. Id quod olim similiter facitabat, Latina Ecclesia, multis usa diversis locis, juris ejusdem & potestatis, Episcopis, usq; ad excessum Gregorij magni, Anno 604: cum nondum stabilita esset talis Monarchia Ecclesiastica, qualem nòdie videmus, & nostro malo sentimus. 15. Fratres de quatuor Episcoporum pari potestate decretum fecerunt, Anno 1500. celebratà Synodo, postquam decessit Mathias Convaldus, cui antea Primatus sorte obtigerat, quemadmodum attigimus Libro II. Monuerat enim eos res ipsa, Papæ nimirum Romani tyrannidis, Hussusque Magister, quam sit periculosum ita unum præesse omnibus, ut is subijciatur nemini. 16. Episcoporum jure divino ut idem officium, ita eadem est potestas, quemadmodum duodecim Apostolorum fuit, quibus eadem Legatio mandata erat: Ite, inquit Dominus, Docete, Baptizate. Item, accipite Spiritum Sanctum. Et: Hoc facite in mei commemorationem. Et Petrus: Presbyteros inter vos precor, ego unà Presbyter &c. nostros, non alius ali-

auctoritate, graduve, superior; sapientis & ætas provectior honoratur: ac ita sunt Majores inter alios, ut sint eorum Ministri (*Si quis vult primus esse*, inquit Christus Mar. 9. *erit omnium ultimus, omniumq; minister.*) Sic ergo hi præsumt aliis, ut iisdem, si ipsi quoque sint vitiosi & reprehendendi, subfint. 18. Nempe si Apostolici præcepti, *Subjetti alij aliis estote cum timore Dei* (Ephes. 5. 21) Item, *Omnes alij aliis subjicimini*, (1 Pet. 5. 5) non fuisset oblitus Papa Innocentius, nunquam ita Sedem Romanam omnibus aliis prætulisset, ut eam omni humano judicio, contra omnia divina jura, eximeret: (quemadmodum legitur *Causa* 9. Quæst. 3.) 19. Apud hos diversæ animi doctes diversa faciunt officia. Exempli gratiâ, uni cura tradendi ea literis, quæ apud illos accidunt, & fiunt, quæq; scribi de Religione necesse est, committitur: alius est intimi consilij judex & moderator, Magistro Civium in Politica similis, qui, si varient aliorum Sententiæ, sic rem omnem prudentiâ suâ temperat, ut è duabus tribusve fiat una. 20. Horum unus in Majore Polonia, alter in Bohemia, duo in Moravia, ubi plures sunt illorum Ecclesiæ, resident: omnes Viri ætate, doctrinâ, judicio graves, ac illis ornati virtutibus, quas Paulus in Episcopo requirit: usq; eò, ut si quis Religioni eorum, in hac quæ hodie est sententiarum varietate, detrahat, vitæ detrahere,

re, nisi sit sceleratus, non possit, pij, placidi, mites, sobrij, severi, cauti, prudentes, providi, laboriosi, eloquentes; quos inter idem velle, idem nolle, de rebus omnibus. 21. Si quando unus ab aliis dissentiat, dant hi operam, ne diù permaneat in sententia, nisi fortè sit quàm ipsorum deprehensa melior: tunc enim eidem accedunt ipsi. 22. Cujusvis inter eos Episcopi officium in eo consistit, primùm, ut omnium suæ jurisdictionis ac patæciæ curam Paternam gerat; perspectisq; periculorum, undecunque Ecclesiis, aut primariis ejus membris, impendere queant occasionibus, prudentiâ prævenire, quantum possibile, doceat. 23. Secundò, ut Capita futuræ in Synodo consultationis, cæterorum ex ordine Presbyterorum judicio perpendenda permittat: iisdem consultis, Synodos indicet, congregatq; Synodo, concione habitâ omnes officij admoneat, excitet, inflammet; tum deliberanda proponat, Sententiæ colligat, concludatq; ignotos, loquaces, novicios, suspectos, à Concilio removeat, Statuta denique literis consignari jubeat. (24. Etiam tamen extra Synodi tempus Episcopi cum aliis Collegis, conventus privatos agere, casu aliquo incidente solent: ut ne quisquam quidquam, quod alicujus momenti sit, insciis aliis faciat.) 25. Porro, Visitatio Ecclesiarum suæ Diæceles Episcopo cuique incumbit: ut è testi-

monio Seniorum plebis de Doctrina Pastorum, annon forte diversum à recepta professione sequantur, intelligat; & num iidem sic vivant, ut Pastores Ovium Christi decer, cognoscat: cognitoq; in illos qui ob aliquod lethale crimen extra communionem Sanctorum ponendi sunt, sententiam ferat. 26. Ejusdem est Illustres dignitate atq; Nobilitate viros, quid Deo, quid Summo Magistratui, paribus, inferioribus, debent, quotannis privatim docere, aut commonefacere: eosdemq; à luxuria, prodigalitate, superbia, inhonestis lusuibus, ebrietate, contentionibus, injuriis, discordiis, Subjectorum suorum opprobriatione, aliisq; vitiis, dehortando, in sanctitatis studio continere. 27. Debet præterea cum adjunctis sibi ab Ecclesia Consenioribus, incrementis omnium in sancto Pietatis studio attendere; sicuti & conservandæ puritati Doctrinæ: ut si erroris alicujus zizania, aut discordiarum semina, pullulare alicubi incipiunt, evellantur maturè. 28. Adversarii sicut de surgunt, tenetur se illis opponere, seu ore seu calamo; seu per se, seu per alios: ut ne in tempestivo silentio Veritas & innocentia deserui videantur, simpliciorumque animi labascant: Scripta tamen ejusmodi ne à quoquam, sine communi consensu & censura, divulgentur, calumniantur. Aliquo Seniorum, ordi-

nare alium (sed secundum suffragia Pastorum, in Synodo congregatorum) Episcopi munus est: sicut & constituere per Ecclesias Seniores Politicos (quos Morum Censores vocant) Eleemosynarumq; Curatores: hortari denique omnes, ut dum vivunt valentq; Testamenta scribant; confusiones quascunque vitandi causâ. 30. Insuper, visitare quotannis Ecclesias (assumtis interdum, si opus, ex ordine Politico Senioribus) ut num omnia loco suo se contineant cognoscat, exorbitantias emendet, defectus autem (si qui in Pastore, aut ejus ministris, pauperibusvè sustentandis, incidunt) ex beneficentia aliarum Ecclesiarum suppleat. 31. Ejusdem est in numerum Acoluthorum, Diaconorum, Ministrorum, idoneos cooptare, & ut hi idoneè debitis exercitiis præparentur, providere; Pastores autem vitio aliquo notatos coarguere ac emendare; immorigeros verò & inemendabiles, Synodi judicio subijcere. 32. Et quis omnes illorum verè paternos labores, curasq; enumeret? Hæc enim cuncta agunt in Ecclesia, quæ boni Patres familiæ domi solent, ut statum ejus saluum conservent.

OS):H:)SO

B

Caput

Caput IV.

De Co-episcoporum, seu Conseniorum, officii. Et de recipendis adolescentulis ad S. Ministerium se offerentibus: primòque illorum gradu, Acoluthatu.

CReandi autem duodecim, aut etiam plures, Conseniores, (quos Episcoporum adjutores ejusmodi esse arbitramur, quales Pauli Apostoli fuere, Aristarchus, Marcus, Justus, Lucas, Timotheus, ceteri, qualesq; antiqui Chorepiscopos vocarunt) eadem ferè ratio est, quæ in Episcopi electione, ordinationeque, servatur.

2. Convocato enim Concilio proponit Episcopus, augeri oportere Seniorum numerum: ut semper sint in Synedrio totius Ecclesiæ Fratrum, ad summum viginti, aut si minimum, duodecim Viri graves, consilio pollentes. (Nam cum sint varia, & multis vitiis laborantia hominū ingenia, caveant Fratres, ne nimis multi ad consilia Ecclesiastica adhibeantur.)

3. Quoties igitur eligendus est Consenior, aut plures, Episcoporum unus congregatæ Fraternitati concionē habet de Seniorū officiis, talesq; è toto Pastorū cœtu circūspectare jubet: qui electus, & ritu quem Cap. XIV. infra de scribā confirmatq; cœterorū Collegio asseribitur.

4. Habe-

4. Haberi verò solet ætatis quoque ratio, ut ne Candidatus ad minimum triginta quinque annis minor sit: quod & Justiniano Imp. visum est, in Authenticis Collatione 9: ac (Volaterrano scribente) Bonifacius Papa, qui Zosimum secutus est instituit, ne minor annis triginta Presbyter ordinaretur.

5. Declarati comodo, ac cum voto omnium cœteris Consenioribus asciti, locū suppleant Episcopi, sive absentis, sive ægrotantis, sive in re aliqua accusati: eodemq; jubente sententias synodicas colligunt, dictis scriptisq; aliorum respondent, jussu Acta conscribunt, sui tractus Ecclesiarum curam suscipiunt; hæ verò, suis cum Pastoribus, obsequentes se ipsis futuras spondent.

6. Eorundem est, si quid emendationis egere animadvertant, ad Episcopum id referre, aut in Synedrij confesso liberè monere, interimq; arcana Consilij celare, decisis subscribere, vocanti Episcopo se sistere, de Collegis benè persuasos amore eosdem complecti, & cum iis, quatuorq; Antistitibus, seu Episcopis, Presbyterium illud, (sive senatum Ecclesiasticum) de quo 1 Tim. 4. v. 14. Apostolus loquitur (ipsi autem secretum Consilium, respectu generalis illius, cui interfunt omnes Synodicè congregati Ministri, appellant) constituere.

7. Ex horum corpore desumuntur *Episcopi*, quos Hieronymus (ad Evagrium Tomo tertio, in 1 Petr. 5.) è Græco *Superintendentes* ver-

tit: utrisque tamen hisce subiecti sunt Ministri, Diaconi, Acoluthi, reliquiq; adolescentuli Clero dicati. 8. Plures gradus & ordines, veteribus & Pontificiæ Ecclesiæ usitatos, (*Ostiariorum* scilicet, *Lectorum*, *Exorcistarum*, *Suffraganeorum*, *Cantorum*, *Archidiaconorum*, *Scholasticorum*, *Prepositorum*, *Diaconorum*, *Custodum*, *Vicariorum*, *Canonicorum*, aliorumq; in functionum minutias dissectorum) suis Ecclesiis minimè esse necessarios judicant Fratres. 9. Quos autem retinent, Acoluthos, Diaconos, Ministros novellos, Presbyteri in suis Contuberniis, veluti parentes liberos, à teneris ita enutriunt, & educant, ut an sit Mundus ignorare videantur; in amore tantum Christi, & studio erga ejus sponsam Ecclesiā, exercitati. 10. Hos inter primi sunt, ut gradatim de singulis dicam, Adolescentuli, parentum suorum voluntate Ministerio Ecclesiastico ita destinati, quomodo Samuel quondam, Annæ genitricis suæ consilio, Heli Sacerdoti addictus fuit. 11. Docentur hi principiò Literas, deindè Catechismum breviorē, postea novum Testamentum, ac deinceps certa majorum suorum scripta (quò ætate tenerā, omnium capacissimā, circa omnia sensum Ecclesiæ verum imbibant,) lectitare, memoriæq; mandare, jubentur. 12. Quorum ut primūm adolevit ætas, quidam illorum (proindole in singulis apparente ad) Lingvarum

& li-

& liberalium Artium studia, quantum eas Theologos cognoscere necesse est, adhibentur: hebetiores autem artes Machanicas, quas ipsimet sponte delegerint, quæq; sordidæ non sint, ab illarum Magistris propterea addiscunt, ut deinceps otium, malorum fomitem, vitent, vitæq; grandiori subsidium, & adversæ fortunæ levamentum, sibi parent &c. 13. Annis aliquot hæc ratione exercitati ac probati, in ordinem Acoluthorum (quos ipsi vernaculā lingvā Discipulos vocant) in Synodo cooptantur, acceptis plerumque à Senioribus justā quādam ratione, proingeniis eorum, novis (plerumque Biblicis) cognominibus: quemadmodum & Christus quibusdam suis indiderat, 14. Nam Simeonem cognominavit *Pettum*, à *Petra*, quæ Chaldeis *Kepha* est; Jacobum & Johannem fratres *Boanerges*, id est filios tonitruī; (quod integrū Ebraicè dictum esset *Benereges*.) Lebbeus cognominatus fuit, Thaddeus: de Saule autem Chrysostomus (in 13. eap. Actōr. homilia. 28.) inquit, *Nomen ejus muretur cum ordinatione, id quod & Petro accidit.* 15. Quo in ordine salutem suam, in quo ea consistat, officiaque Christiana, ad formam & normam Vitæ ipsius Dōmini Jesu, discere jubentur, & quomodo Fidem sine operibus mortuam esse Frater Domini Jacobus asseveret. 16. *Vita verò Christi potissimam partem, in qua se*

B3

exer-

exerceant sedulò, statuere docentur *animi humilitatem, patientiam, laborem, rerum mundanarum contemptum, & proximorum dilectionem seu charitatem*: Quod ut intelligant melius, commendantur illis octo Beatitudines, de quibus Salvator (Matth. 5. 3. &c.) 17. Admonentur & creberrimè, ut Seniores suos revereantur, illis cohabitare, aliquoque exeuntes sequi, (unde & Græcum illis cognomen, Acoluthorum, quod Latinis *Affectatores* sonat) gaudeant, nihil præter illorum voluntatem agant, non domo exeant, non jurgentur, non maledicant, aliis omni virtutum genere præluceant. 18. Item ut ex scriptis, ad legendum sibi traditis, sanctè vivendi ac benè credendi Regulas discant; quæ Seniores de rebus Ecclesiæ, non prodita fortè literis, referunt (quorum superioribus libris non minima pars recensita jam est) ea aliis postea tradituri memoriam mandent. *Interroga* (inquit Scriptura) *Patrem tuum, & narrabit tibi; senes tuos, & dicent tibi.* (Deut. 32. 7.) Iterumq;: *Auribus audivimus nostris, & Patres nostri narraverunt nobis opus, quod operatus es in diebus eorum.* 19. Committitur verò Acoluthis adultioribus, ut reliquæ juventuti Catechismum instillent, in adhortationibus domesticis ad preces, ordine; ac inde etiam in sermone ad Populum habendo in Templis, sensim & gradatim, exercentur. 20. Domestic-

ficorum & peregrè venientium pedes lavare honor illis est, sibiq; & Pastori suo labore manuum certis horis victum quærere, & alia ejus modimunia, quæ res familiaris postulat, obire, voluptas: quibus omnibus ingenium, obedientia, & fides ipsorum; probatur & enitescit. 21. Qualiter à Paulo exercitatos fuisse, Titum, Timotheum, Philemonem, Clementem, aliosq; comites & socios ipsius, verisimile est. *Permane*, inquit, *in iis quæ didicisti, quæq; tibi concredita sunt, sciens à quo didiceris, teq; à puero sacras literas novisse.* (2 Timoth. 3. v. 10, 14, 15.) Item: *Hac proponens Fratribus, bonus eris minister Jesu Christi, nutritus Verbis fidei, & bona doctrina, quam assuecutus es.* (1 Timoth. 4. 6.)

Caput V.

De gradu Diaconatus; & Ministrj, seu Pastoratus.

EX Acoluthis certà ordinatione (de qua suo loco) fiunt Diaconi. 2. Qui Verbum DEI publicè interpretari incipiunt; Ad Sacram Cœnam accedentibus Poculum Domini præbendo, Pastorem (si fuerint iusti, & requirat necessitas) juvant; aut certè ne-

quis

quis extra communionem ejectus se ingerat, et tendunt: Infantes recens natos, si Pastor jubet, baptizant, adultiores autem factos, & Catechumenos, rudimentis Christianis instituunt: omnium in Fratritatem receptorum domos & nomina memoriâ tenent; iussos venire ad Presbyterum accersunt; cum famulis Opificum diebus Dominicis, horis pomeridianis, auditam in concionibus doctrinam repetunt, descriptaq; illorum officia (de consuetudine cum alijs habenda, de fidelitate Dominis suis exhibenda, deq; modo in cibo, potu, somno, vestitu, servando, malis exemplis vitandis, injurijs patienter ferendis, lingua frenanda &c.) legunt ac relegunt. 3. Missi diebus Dominicis in pagos concionandi gratiâ (Acolutho vel puero quopiam comitante) nunc unum, nunc aliquot milliaria, pedestres eunt: Sed quos ante Pastor, qualem sint in enarrando Evangelio dispositionem secuturi rogat, auditosq; informat, & quô potissimum (secundum temporum, locorum, necessitatumq; circumstantias) collimandum sit, edocet. 4. Inter sunt iidem iudicij Censorum Populi; quô ab illis praxi ipsâ in charitate conservandi proximos, aut in eandem reducendi rationes addiscant: 5. Quando Senioribus presentibus concionatur, eorum censuras a quis animis ferre, iisdemq; populum Pastori suo, quemadmodum Johannes

Christo

Christo, preparare advehiunt. 6. Utque Ecclesia in onere Ministros alendi levetur, manibus suis aliquid laborare, & aliâs sibi imperata fideliter exsequi, condocesiunt Diaconi: quemadmodum gradum illum accipientes polliciti sunt. 7. Si autem quis piam horum, ut & Acoluthorum, duriusculum sibi sentiat eum, quocum vivit, Pastorem, liberum illi est, impetratâ ab ipso placidè abeundi veniâ, conqueri de injuria apud Seniore[m] tractus ejusdem. 8. Appropinquante autem tempore, quô ordinandi sunt Ministri, seu Pastores, requiritur de omnibus per Ecclesias viventibus Diaconis, testimonium illius Ecclesiæ, cui quis servit, nûm superiori gradu digni esse videantur. 9. Nullum enim Fratres ad hunc jam Ministerij gradum admittunt, nisi per omnia exploratum, & ab omnibus bonum testimonium habentem (& quod primum dicere debbam, honestis parentibus prognatum): quiq; ætate trigessimam prout attingat annum: quemadmodum & in Christo ac Johanne Baptista exemplum habemus; Levitis autem sub Veteri lege tametsi vigesimo quinto ætatis anno munus auspiciandi potestas fuit (Num. 8. 24.) alibi tamen trigessimus quoque nominatur (Num. 4. 3) 10. Quanquam Fratres nec juvenes Timotheos, modo ijs ad docendos alios idonei sint; & sermonem veritatis rectè secare queant (2 Timo. 3.

B. 5.

15.)

15.) aspernentur. (Qua in re, ut in multis aliis, graviter peccat Ecclesia Pontificia, & impuberes ad sua Sacerdotia, & ad docendum ineptos, admittens.) 11. Cum inaugurandorum Ministrorum venit tempus, (plerumque tertio quartove anno) indicuntur per singulas Ecclesias jejunia, ut Deo Servi ipsius futuri, eò studiosius ab omnibus commendentur. 12. Deinde confluunt in locum indictum omnes Presbyteri, cum Ministris junioribus (nimirum quomodo Apostoli, Matthiam Judæ Iscariotæ substituturi, convenerant) accurrit etiam è vicinia plebs, atq; Equester Ordo: ideo, ut quæ Ministris injunguntur officia, audiant, consecrandosq; nòrint. 13. Atq; sicut aliis in rebus omnibus, ita hîc etiam, servatur Ordo: ut Episcopi, Seniores, Ministri, Diaconi, Acoluthi, & Adolescentuli, suis quiq; locis, quietissime sedent: quò autem Ministrorum ordinatio fiat modo, id infra suo loco docebitur. 14. Ita ordinati dantur à Senioribus Ecclesiis, quæ eos expetierint; eâ lege, ne quis eorum otium se, sed summum negotium, adeptum sentiat: nemini scilicet se ingerere in locum aliò pinguiorem permittitur, toleratur patienter paupertas, feruntur in commoda. 15. Mandatur etiam illis, ut suæ creditos fidei peccata seriò odisse, in solo Christo remissionem delictorum sperare, piâ vitâ Deo placere, consultè nunquam peccare, omnia

omnia ferventi charitate & conscientia bonâ agere, doceant: studiosq; veluti solertes ac providi Domûs Dei Oeconomi, quò quis modo in Dei hominumq; conspectu versetur, & quâ necesse re habeat, videant. 16. Item: ut Conciones, omnesque ad populum sermones, non è laeunis humanis, sed ex Canonicorum Scripturarum laticibus, hauriant; eos qui auditione, Verbi divini delectantur singulariter ament, alios eòdem disponant, cohortentur, excitent; eos denique solos, qui vitam professione Christianâ dignam instituunt, ad Cœnam Domini admittant. 17. Singulas itidem credentium ædes statim temporibus visitent, & nûm Patres aut matres familiâs mane & vespere, anteq; & post cibum, suis cum domesticis Deum in vocent ac celebrent, expiscantur. 18. Adolescentulos denique quot alere possunt, tot secum habeant, & ad Ministerium erudiant; sacra Biblia nunquam non manibus terant, ac publicæ Confessionis dei adhaereant.

Caput VI.

Pastorum Vita, Moresq; describuntur.

HÆc, aliaq; his similia, sunt Pastorum munia: in quibus ita se hi gerunt, ut nullâ unquam difficultate, aut indigentia, vel calamitate,

tate, advocari se ab officio sinant; aut ullis adversariorum minis, ullave sæviante pestilentia, absterri se patiantur. 2. Et tamen in tali tantaque illorum vigilantia fieri non potest, quin semper in regno DEI sint quinque; ille virigines satuas, prudentibus intermixta, frumentoque interspersa palea, & tritico. Lolium, mali simul cum bonis pisces: adeo hic nunquam vivitur cum perfectis. 3. Considerant autem diligenter Seniores, quali Doctore cuius Ecclesiæ opus sit. Nam quæ frequentior est, huic datur Pastor majoribus Spiritus Sancti dotibus ornatus; quæ minus frequentis, inferior. 4. Si quis post deprehendatur esse (aut vitio ætatis, alioque casu, fiat) parum firmus, parumque aptus & utilis, huic alius firmior, aptiorque sufficitur, qui tanto plus Ecclesiæ prodest. 5. Si quis autem pravis exemplis Populum offendat, nec monitus aliquoties affectus suos, moresque vitiosos, cohibeat, adeoque Senioribus etiam obedire renuat, corripitur gravissime, præsertim in Synodo, ad terrendos cæteros: atque si omnino non emendat, tanquam sal insipidus, & malus operarius, à pascendo grege Domini amovetur: imò fit nonnunquam ut excommunicetur etiam; à corpore Ecclesiæ, tanquam membrum putidum, avulsus. 6. Æquum est enim, ut qui se ipse regere vel nescit, vel non potest, vel non vult, huic in alios adimatur imperium: quod

tunc fit, cum is ob aliquod mortale peccatum, Deo redditur exosus, & Spiritum Sanctum contristat. 7. Cujusmodi hominis, ut est fides mortua, ita precatio Deo ingrata, ideoque inefficax, & labor omnis irritus instructuosusque: quod Apostolus respiciens, jubet *Diaconos* (qui *Ministri* sunt Latinis) *ministrare, at sine crimine* (1 Tim. 1. 10.) Presbyteros autem ab omnibus habere testimonium bonum. (Ibid. 9.) 8. Verum enimverò rarò apud Fratres Pastores excommunicari contingit. DEI enim metus, quem suis summoperè inculcant, omnes intra metas continet, & officij meminisse cogit. 9. Quando mutandus est Ministro locus, (sive quòd ad majorem Ecclesiã transferendus sit, sive quòd hic interveniat aliud, quod ejus minuat auctoritatem) tunc verò supellex domestica, quæ plerumque communi Ecclesiæ pecuniã emitur, successor ei relinquitur. 10. Ita ordinatis, & ad opus Domini coordinatis Ecclesiæ Pastoribus, omnibus est una eademque: tã credendi, docendique: quàm vivendi, regula: secundum id quod Philippensibus præcipit, *ut in eo ad quod pervenerant idem saperent, in eademque permanerent Regula* (Phil. 3. 16.) 11. Conspicitur itaque inter eos, non quidem nimia Seniorum potestas, sicut quidam malè ea de re docti putant: Sed pulcherrimus ille Ecclesiasticus ordo, & miranda obedientia, de quibus tam multa sunt in

divina

divinis Oraculis, & precepta & exempla. 12. Invigilant, regunt, ædificant, Seniores: parent illis, honorem exhibent, & in ædificanda Domo Dei adjumento sunt Juniores; seq; regi, duci, pasci, moneri, argui, castigari, patitur universus Cœtus. 13. Verè hoc illi *Ordinis conservationem* vocant; quia ubi hæc non sunt, ordo non est. *Seniores* (inquit Petrus Cap. 5. 2.) *Pascite Dei gregem, curam illius agentes.* Et Paulus (Actor. 20. 28.) *Attendite vobis & universo gregi, in quo constituit vos Spiritus Sanctus Episcopos, ad pascendam Ecclesiam Dei.* Et 2 Cor. 2. 9: *In hunc finem scripsi Vobis, ut cognoscerem probationem vestri, an in omnibus obedientes sitis.* 14. Dispiciunt iidem Presbyteri, cœu veri Ecclesiæ Patres familiars, nequis deficiat à gratia Dei, ne ingratam superis vivendi viam ingrediatur, nè inimicus ille, etiam nocte vigil, serat in agro Dei Zizania: præterea vel domi opperiantur, dum quis ad eos consilij de rebus capiundi, alteriusve rei gratiâ, veniat; vel aliquid agunt aliud, ita ut sint semper rebus varijs occupati: Indulgere genio, quod sit alibi, nec fas est, nec eis lubet. 15. Aliàs malè audientem Pastorem Seniores ad se, vel è longinquo venire jubent, ut ejus obedientiam cognoscant, ac superbiam, si quæ in illo sit, retundant, si quod vitium corrigant, si delictum castigant: adeò omnia citò avertunt, quæ neglecta detrimento for-

rent

rent Ecclesiæ; ac omni curâ serviunt magis aliorum quàm suis commodis. 16. Student dies & noctes, ut omnes concordēs sint, nihil de via majorum de flectant, quàm sanctissimè vivant: nō ignari, Deum ut pietate fidei conjunctâ placari, ita impietate, malæ fidei effectu, offendi: & Dominum cuidam, *Paucine essent, qui salvi fierent, quærenti, non aliud quàm, Contendite intrare, per angustum Portam,* respondisse (Luc. 13. 23, 24.) 17. Et Chrysostomus (super Cap. Matth. 24.) scripsit: *Prius ex moribus cognoscebatur Ecclesia Christi, quando conversatio Christianorum, aut omnium, aut multorum, erat sancta, quæ apud impios non erat. Nunc autem (inquit) aut tales, aut pejores facti sunt Christiani, quales sunt heretici, aut gentiles; quin major continentia apud istos invenitur, quamvis in schismate sint.* 18. Quapropter magni facit Pastores suos Ecclesia, illud de ipsis sibi dictum per vasa: *Qui vos audit, me audit* (Luc. 10. 16. & Matth. 10. 14.) *Qui vos recipit, me recipit.* Et Phil. 2. 26. *Excipite Epaphroditum fratrem & collegam meum, cum omni gaudio, & tales in honore habete.* Item (1 Tim. 5. 17.) *Qui benè præsunt Presbyteri, duplici honore digni habeantur, maximè qui laborant in verbo & doctrina.* 19. Quum in domum alicujus sui auditoris Pastor venit, magnam ei reverentiam omnes exhibent, adventu ipsius lætantur, & agrè à se dimittunt.

mittunt. 20. Hic autem ad eos non venit sine causa, nec ab eis discedit sine fructu; non suo sed illorum, in quos aliquid beneficij è thesauris Verbi Dei contrulit; hos quidem consolando & confirmando, si in mœrore, aut imbecilles sint (libenter enim ægrotos, viduas, ophranos, invivunt); illos cohortando, si in pietatis studio remissos aut frigidos videant; alios erudiendo, si imprudentes; non nullos terrendo, si dissolutos & securos animadvertant. 21. Ita unoquoque ad omne officij genus instructo, & sacris precibus (si vel mane vel vespere veniant) cum omnibus peractis, domum reperit. 22. Vocati ad prandia, cœnas Convivia, virorum nobilium ac opulentorum invitissimè, rarissimèq; ventunt; cum ideo, ut ne audiant non audienda, videantq; non videnda; tùm ne agant, non agenda. In his enim duobus omnis hominum error consistit quòd faciunt omittenda, aut omittunt facienda. 23. Si tamen veniant, protinùs post cibum acti Deo gratias (canunt autem libentius) omnis convivatoribus atq; convivis, domum redeunt. 24. Non sunt illis in mœre propinationes, ebriatatis invitamenta & incitamenta; tantò minùs Chorum. 25. Sicut edit, ita bibit quisque, quando, quoties, & quantum vult: unus atq; alter vini haustus satis facit naturæ, Cervisia verò sitim restringit; omnia lœbriè & modicè. 26. Neq;

enim

enim temerè Apostolus cavet (1. ad Titum.) ne Vinofus sit Episcopus (quod & ad Ministros atq; Pastores pariter referendum est): quippè non ignotum est, quàm facilè Vinum, si plùs satis bibatur, mentem perturbet, memoriam & hebetet, bilem excitet, ad verbera impellat, maledicta cieat, loquacitatem pariat, ac errorem in exsequendo officio inducat.

Caput VII.

Pastoralis Ministrorum, circa Populum in ordine continendum, cura.

PROvident iidem, nequid defiat orbis, viduis, pauperibus, ægrotis, nève quis damno afficiat alterum. 2. Quæ Seniorum cura id adfert commodi, ut in unitate eorum, neq; mendicum ullum, vicitim obambulantem stipis causa, videas (nisi fortè quis alterius Ecclesiæ fratrem se esse simulet:) nec ullas simulates diu durantes audias. 3. Nec enim ferunt, ut se quis Fratrem nomen, interea verò luxù vitæ sequatur, pravis suis moribus iram divinam adversus Ecclesiam talia tolerantem irritet, intemperantiâ alijsve flagitijs bonos offendat, 4. Quo in numero ponunt potatores, saltatores, aleatores, fœneratores, otiosos, gulæ & voluptati, luxuriæve, deditos, C ac hu-

ac hujus generis alios. (*Ne commisceamini*, inquit Apostolus, cū eo, quicum Frater nominetur, sit scortator, aut avarus, aut idololatra, aut maledicus, aut ebrius, aut rapax; cum ejusmodi ne datis quidem. 1. Cor. 5. 11.) 5. Si quitales esse incipiant, admonentur identidem, ut vitijs abstineant ideo, qui ad rectè agendum, pieq; vivendum, renati sint in Christo; Deusq; Pater sicut ipse Sanctus est, ita nos, quos sibi regeneravit in filios, Sanctos esse velit (Lev. 19. 2. 1. Petr. 1. 16.) nec eum quisquā absq; Sanctimonia visurus sit (Hebr. 12. 14.) 6. Si quos nec pudere facinorum, nec pœnitere malorum, sed ita esse pravos ut flecti non possint, animad vertunt, tum eos adhibitā illā sibi à Deo concessā potestate, de qua Apostolus, castigant & increpant, eō fine ut corrigant. *Dedit* (inquit) *nobis potestatem ad edificationem, ac non ad eversionem vestri* (2 Cor. 10. 8. & 13. 10.) 7. Ceterum extremi peccati extrema pœna est, à Sancto-
rum communione separatio: de qua infra Capite-
xxiv. 8. Neq; enim Ministri aliud jus in Ecclesiā habere permittuntur, quā Regni Cœlorum Claves, à Christo Johanni, Andrea, Petro, Paulo, id est veris Pastoribus, Ecclesiæq; rectoribus, traditas; quibus præcludant aditum in Ecclesiā (regnum Cœlorum appellatam) pervicacibus; permittant autem ingressum resipiscentibus, 9. Nec verò infimæ tantum sortis homi-
nes,

nes, verum etiam Episcopi, Seniores, ipsi Ministri, Comites, Barones, Equites, præcipua Ecclesiæ capita, uti patet, huic Disciplinæ subiecti sunt: peccare diu impunè licet nemini, nec plus uni, quā alteri, indulgetur: æqualia peccata plestuntur æqualiter. 10. Mirifici autem sunt compescendorum hominum vitiorum artifices: non ullā arte captiosā, sed prudenti quādam pietate, quā prædici, facile alios ad ea quæ bona sunt amplectenda inducunt; nisi quis ex eo sit hominum genere, cui ne quidem ipse Paulus Apostolus, licet omnium disertissimus, meliora persuaderet. 11. Et quamvis se Presbyteri illorum adeo demittant, ut alijs, tam ægrotis infirmisq; quā valentibus & firmis, cum postulat necessitas, libenter inserviant: in hac tamen tali demissione eorum (quam Christus ijs qui majores sunt præcipit, Luc. 22. 26.) in est quædā veneranda gravitas, quā mali extimescunt, boni suspiciunt. 12. Testis est omnis hujus ordinis ac disciplinæ eorū, Andreas Fricius Modrevius Polonus, quantū quidē illi eos nosse licuit, cum ita inquit (Cap. 27. libri de Ecclesia) *Sunt populi in Bohemia, cognomento Fratres, quos alij Picardos, alij Valdenses vocant: apud quos ferunt omnibus interdictum esse comesationibus ac ebrietatibus, Choreis, ludis Chartarum & Talorum, impudicis tactibus, complexibus, & osculis illicitis mulierum, amoribus*

ribus turpibus, & id genus facinoribus aliis, unde in finem proveniunt mala. 13. Violatores ejusmodi interdicti, post unam & alteram admonitionem ex cœtu ejici, communione omnium rerum privari, nec prius cœtui restitui, nisi pœnitentia signa publicè dederint. 14. Cùm igitur natura ita sit comparatum, ut homines in perpetuo otio vivere non possint, nec Frueribus ob hujusmodi interdictionem fas sit diebus ad ludum & res ludoctas animum adjicere: ex hac re fieri, ut negotiosa in laboribus operum sese exerceant, sacris autem in ades alicujus confluant, & alij legant (habent enim libros sacros sua lingua conscriptos, multiq; illorum norunt literas) alij audiant. 15. At propterea inter eos esse, & artifices rerum multarum optimos, & per multos in rebus sacris eruditiores, quàm sint apud nos multi Sacerdotum. 16. Neg. illud est reticendum, esse in illorum Ecclesia institutū, ut Ministri peculiares creentur, qui infirmos invitant, eūq; operam tribuant, vel docendo, vel consolando, vel alia officia præstando. 17. Quid simile apud nos? multi homines palam, impune, & flagitiose viventes, accedunt statim temporibus ad Presbyteros, tūm Confessionis, tūm sacra Cœnæ causæ; cumq; id annis recurrentibus faciant, nec ulla in eis vita emendatio appareat, tamen nullo negotio & absolutionem à peccatis obtinent, & in communionem Cœnæ admittuntur. 18. Hæc ille, cūm Anno 1548. Voborij, ubi Præsidentem egit, scriberet præclaros illos, De emendanda Republica libros, ante quam ad

Concilium Tridentinum, cum aliis legatis, à Rege suo mitteretur. 19. Atq; ut quondam (Clemente id Alexandrino, pròdente) vetitum Christianis fuit artes fallaces exercere, ita plebi Fratrum interdicatur; Ne in vitis Pastoribus suis cauponentur, seu aliud quod mercatura aut vitæ genus, in quo sit hominem circūvenite, pejerareq; necesse, suscipiant. 20. Item, ne Matrimonia clandestina, aut religione inæqualia, contrahant; ne pecuniam mutuentur, quàm post ægrè reddant; ne pro incertis debitoribus spondeant; nè male dicant, iræ excandescant, litigent, alios condemnent; ne in Cauponis compotent, Chartarum tesserarūve ludis tempus fallant, perdantq; & hoc pacto æs vel acquirant, vel amittant; ne mares cū puellis saltent, aut colludant, curtas nimis pellucidæve vestes gestent. 21. Si se aliqui in his, & ejusmodi aliis, immorigeros præbent, nōlunt Pastores conscientias ipsorū vanis de remissione peccatorū, quæ tam sponte patrantur, verbis, securas redere: nōlunt Deo invisibilibus sigillis, securas gratiæ, quæ Sacramenta dicuntur, impertiri. 22. Habet & Nobilitas sibi præscripta officia: quorum summa eō redit, ut plebejos antecedit, non contemnat; quibus imperat eos adjuvet, non opprimat; quorum laboribus fruitur, ijs vicem rependat; fortunarum suarum non dominam, sed dispensatricem, se esse sciat; Magnis Subdito-

rum sudoribus parta ne dilapidet, verum illis in gloriam Dei & proximorum subsidia utendo, in opum rationem habeat. 23. Omnibus verò promiscuè hoc præcipitur, ne in scijs, multò minùs invitjs, Pastoribus suis quidpiam novum capessant, quod inconsideratè susceptum vel dedecus, vel damnum, ipsis adferret. 24. Non quòd Seniores adeò curiosi sint, aut se libenter civilibus negotijs involvant; Sed quòd suos, quorum illis reddenda est Deo ratio, in omni vitæ genere salutaribus consilijs instruant.

Caput VIII.

Domesticus Ministrorum Convictus.

Iuli porrò omnes, qui Senioribus suis cohabitant, omnes suas tam diurnas quam nocturnas actiones, ita temporibus divisas habent, ut nò diutius somno indulgeant, quàm eis per tempus liceat, quod tintinnabulifonitu significatur. 2. Nec tamen rursum ita operis manuarijs affixi, deditiq; sunt, quin ipsis magna pars temporis, præsertim matutini, plerunq; usq; ad prandium, ad studia literaria superfit, atq; concedatur: quin & tùm, cùm quid manibus agunt, Sacra & Majorum suorum scripta ob oculos posita interdum legunt. 3. Quæ eorum Latini sermonis rudes sunt, hi ignorantiam

rantiam illam lingvâ patriâ legis divinæ mirabili quâdam scientiâ supplet: Deo unius rei defectum compensante alterius copiâ. 4. Ipsemet obstupui penè non semel, auditis ejusmodi Pastorum Concionibus, vi quâdam divini Spiritûs animum meum percellentibus. 5. In Biblijs Sacris (Bohemi Bohemicis, Germani Germanicis, Poloni Polonicis, qui Latine nesciunt) peritissimi sunt: quod cum olim quendam in Moravia Theologum Pontificium, Patrum ut vocant auctoritate fretum, non lateret, certamen de Religione cum quodam è Fratribus, sola Biblia in medium adferente, recusavit. 6. Verumtamen præter divina scripta, orthodoxos quoq; scriptores, tam veteres quàm neotericos, eodem prorsus evolvunt animo, quò ille *Leontinus* (apud *Sidonium*, lib. nono *Epistolarum*) *legebat incessanter Authores, cum reverentia antiquos, sine invidia recentes*. 7. Præter tamen Spiritum Sanctum, in Sacris scripturis de omnibus scitu nobis necessarijs perfecte loquentem, ac semet ipsum varijs oraculorum suorum testimonijs verissimè explicantem, neminem habent Fratres, in Verbis Biblicis intelligendis, potiore Magistram; qui sicut semper idem est, ita in suis unum & eundem de Mysterijs divinis sensum semper conservat. 8. Ac reverà ex *Analogia fidei*, non ex auctoritate scriptoris, judicandum esse de interpretatione Scripturæ, *Tertullianus* quoq;

quoq; censuit. 9. Eratq; aliquando tempus, quando solum Verbum Dei scriptum regula omnibus Christianis fuit, tam bene credendi, pieq; vivendi, quam Ecclesiam administrandi: nondum natis istis Patribus, ad quos hodie quidam, præsidio Canonica scripturæ destituti, tanquam nautæ coortâ tempestate ad sacram anchoram, confugiunt: sed plerumq; pro anchora ad scopulum, in quo naufragium patiantur, allidunt. 10. *Postilli* (quas ita vulgò Galli vocant) haud frequenter utuntur; idèd, ne juvenes scripta esse omnia, quædicenda sunt ad populum, putantes, segniùs incumbant ipsi fontibus, ex quibus demum varia & multiplex rerum divinarum cognitio manat. 11. Edita est tamen ab illis (non multis abhinc annis) lingua Bohemica Evangeliorum cæteris diebus festis antiquitus accommodatorum, Epistolarumq; Apostolicarum, planè Orthodoxa, eaq; compendiosa, explanatio: Sed eâ lege, ne juniores cessent meditari, versareq; manibus jugiter, ipsa divina scripta. 12. *Ante lucem evigilant, ante meridiem prandent, ante vesperam cenant, primo noctis crepusculo cubant: nihil ad satietatem, nihil sine precibus divinis, inchoantes vel absolventes.* 13. Quod & Barones atq; Nobiles suis cum familijs, si absit Minister, domi faciunt. Non enim illos puderet tunc præsari, quibus pectora adstantium ad reddendas pro beneficijs Deo grates, & stectendum

cum

eum ad clementiam, inflammentur. 14. Nam quid Deus de Abrahamo non Sacerdote? Agnovi eum, & scio quod præcipiet filijs suis, & familia sua post se, ut custodiant viam Jehovæ, exerceantq; justitiam & jus: (Gen: 18. 19.) Quid & de Rex David? Venite filij, audite me, timorèm Jehovæ docebo vos. (Psalm. 34. 12.) 15. Eliminant iidem è familijs suis omnem sermonis obscœnitatè, scurrilitatè, dicitatè, impudicos sales, maledicta, mendacia, ebrietatè, impudicitiam, impuritatem, & quæcunq; dedecorant Christianos. 16. Mira etiam illorum est, virtutum genitrix Temperantia, magna frugalitas & modestia: Ita comeditur & bibitur, ut cibum sequatur precatio, mox lectio: Cibus appositos condunt partim silentio, & Christianâ gravitatè, partim de pietatè ac rebus divinis colloquijs. 17. Adolescentuli verò inter edendum aliquid divini, ex ijs quæ eâ die legerunt, adferunt in medium; vel audiam in Templo concionem recitant; aut solvunt Theologicas quæstionculas, à natu minimo usq; ad maximum, Pastoris arbitrio propositas. 18. Hoc enim est eorum Dialecticum exercitium, ut accuratè id quod verum est inquirent, ac de proposita quæstione in utrâq; partem disceptent; Unde indoles illorum, & auditi in Templo Ecclesiastæ attentio, perspicitur. 19. Nulli tunc inurbani joci, nullus ociosus sermo, nullæ obrectationes virtutis alienæ: quod ne aliâ

quidem

quidem audias, ne ejusmodi maledictis tristitiâ afficiatur is, qui ineredentibus habitat, Spiritus Sanctus (Ephés. 4. 30.) 20. Sic omnia tanquam spectante & iudice Deo, *quem pransuri & pransi, cenaturi & cenati, stantes ante mensam, hymno ex Canticis Ecclesiasticis desumpto, celebrant.* (21. Quomodo & Christus ipse, Coenâ illâ postremâ cum suis finitâ, hymnum cecinisse memoratur (Matth. 26. 30.) Idemq; docuit (Marci II. 25.) *Cum stabili-
ta precantes, remittite, si quid habetis adversus aliquem.* Et Publicanus ille procul stans in Templo, Dei elementiam implorabat, (Luc. 18. 13.) 22. Quapropter Russi quoq; & Moschovitæ, hodiè in Templis continenter stantes, colunt numen divinum, mirabili celeritate interdum fronte terræ allisâ: quæ verus est adorandi ratio.) 23. Interjecto post cibum modico laxamento, rursus se ad labores, inde ad librorum lectionem, donec tenuis coenæ veniat hora, referunt. 24. Matutino tempore, horaq; à meridie tertia (quæ nona est illa, quâ Christus in cruce pependit) ac nocte ingruente, Davidis atq; Danielis exemplo, quotidie fiunt Deo supplices (Videatur Psalmus 55. 19. Et Dan. 6. 10.)

Caput IX.

Domestica Fratrum opera: & Virtutes.

IN domestico Fratrum convictu alij (præsertim juniores) telam texunt, alij libros conglu-

conglutinant, alij pelles alibi eruditæ, vestesq; sarciunt, alij piscantur, alij utensilia torno elaborant, alij agellos, vineolas, hortos, pomaria, excolunt: alij ligna secant, sed quidpiam aliud, fabrilè, quod sordidum non sit, unâ atq; alterâ horâ a cibo, vel ante eum, agunt. 2. Quod exemplo Pauli Apostoli fieri credunt: qui quamvis se potestatem habuisse scribat non operandi (1 Cor. 9. 4. & c.) scenofactoriam tamen exercuit unâ cum Aquila (Actor 28. 3.): & Lucas, qui erat Evangelista, & tamen Medicus (Col. 4. 14.) aliorumq; Apostolorum, qui piscatores fuerunt, etiam post tempus accepti à Domino Spiritus S. (Ioh. 20. 22. & 21. 3.) 3. Quin & ipsemet, *Christus Judæus faber erat lignarius* (Mar. 6. 3.) Justinusq; Martyr (in Colloquio cum Tryphone) *eum fabrilia tractasse, jugaq; & aratra factitasse, testatur.* 4. Et apud Rufinum Spiridion, Episcopus Cyprius, balantum suarum Pastor, & rei pecuariæ studiosus, fuisse legitur. 5. Ac de veris Valdesibus in Gallia ita Historicus: *Negotiationes (inquit) non habent, propter mendacia & juramenta, & fraudes vitandas: sed tantum vivunt de labore manuum, ut opifices; Doctores autem ipsorum sunt Textores & Sutores.* (Hæc quidam Vetus scriptor, in Catologo testium Veritatis Illyrici Flaccij, capite de Moribus Waldensium.) 6. Ejusmodi laboribus rectè haberi rationem

onem Ecclesiarum, non nullis in locis ex inopie plebe constantium, exemplo suo docet Apostolus, dicens (2. Theſſ. 3. 8.) *Non gratis Panem manducavimus à quoquam: sed cum labore ac fatione nocte dieq; operantes, neq; vestrū gravaremus.* Ita 1. Cor. 4. 12. *Ad hoc usque tempus laboramus, operantes proprijs manibus.* Et alibi: *Nōstis, usibus meis, & ijs qui mecum sunt, manus istas ministrasse. Omnia ostendi vobis, oportere sic laborando suscipere infirmos.* (Act. 20. 34. 35: alloquitur autem Episcopus Ecclesiæ Ephesinæ.) 7. En ut labor manuaris nihil derogeret auctoritati dignitatiq; Ecclesiasticæ! quem hodie aliarum Ecclesiarum Pastores derectant, quia piget, pudetq; simul, sudorē vultus sui victum & amictum sibi suisq; parare. 8. At hi nostri præter alios occupationum suarū fructus, Corpora quoque sua, quæ alijs desidia perdunt, utiliter exercent; valētudinēq; temperantiā & modicis exercitijs gaudentē, conservant; atq; ad labores majores tolerandos, dolores preferendos, itinera pedibus conficienda, habitiores redduntur: quodq; summum est, *se occupari otia & vitia vitant.* 9. Vigilandum enim semper est his, quibus Satān nunquam non tendit insidias: *Simon, Simon, ecce appetijt vos Satān, ut ventilaret sicut triticum* Luc. 22. 31. Et Hieronymus ad quendam Monachum, cognomine Rusticum: *Facito aliquid operis, ut te se*
semper

semper Diabolus inveniat occupatum. 10. Quæ causa est, ut Fratres perpauco feriatos dies habeant: quidq; minus solennes sunt, utpote Sanctis dicati: eos ab orta luce ad prandium in re divina transigunt, reliqua diei pars in labore consumitur. *Sex diebus operaberis,* (inquit Deus, Exod. 20. 9.) *at septimo quiesces.* 11. Verè ille dixit, qui dixit, *Orium est pulvinar Satana:* quò sensu & Deus ipse apud Ezechielem de Sodomitis ita loquitur: *Ecc e ista fuit iniquitas Sodoma soror tue, Superbia, Saturitas panis, & Otij abundantia, nec manum pauperis apprehendit* (Ez. 16. 49.) 12. Quibus de rebus sic ipsimet Fratres, in *Apoloogia ad Doctorem Augustinum* (Anno instaurati generis humani 1508.) *Nos verò ob nostros Sacerdotes nequamq; pudore afficimur, quòd provirili laborant, ipsi manibus suis victum hinc sibi quarentes.* *Quòd nos huc ducat, & doctrina & exemplum Apostolorum.* *Id quòd nos libentius videmus, quàm ut ijdem otio vacarent, sequentes per cauponas castra Veneris, aliāq; vana, Usuramq; & avaritiam exercentes;* & quæ ibi plura habentur. 13. Verū tamen quibus inter Fratres primaria Ministerij officia incumbunt, hi negotijs laboribusq; Ecclesiasticis semper occupatissimi, ista corporalia exercitia vel nunquam, vel modicè, attingunt; nec nisi animi permultis curis fracti, recreandi causā. 14. Quibus siquid ad victum desit,

fit, id ipsis haud aliter suppeditant abundantiores Ecclesiae, quam quomodo Regem suum apesalunt, & membra unius corporis sese in vicem iuvant, Caput autem maxime: *Multi enim unum Corpus sumus* (1. Cor. 10. 17.) *& alij aliorum membra* (Eph. 4. 25). 15. Est etiam in eis rarissima jam ævo nostro antiqua illa *Simplicitas*, *piâ Prudentiâ temperata*; *Christiana item patientia*, *animi candor*, *& proximorum in Christo servituti amor*. 16. *Hospitalitatem nusquam adverti majorem*: Nam cum quispiam ad eos peregrè venit, hunc tam benignè & comiter excipiunt, non precio sed gratis, ut se ad suos verè Fratres venisse sentiat. 17. Experti hoc sunt inter multos alios, illi quinque Illustres in Polonia viri Evangelici, qui (ut dictum est libro VI, ad annum 1557.) ad videndos eos profecti erant in Moreviam, quorum insigni pietate capti, se ipsis Religione adjunxerunt. 18. Experitur idem, quicumque ex ijs qui nunc Evangelicorum cognomen habent, ad eosdem veniat. Hunc enim hospitem omnes sigillatim salutant, manus manui jungunt, prosperum adventum ei gratulantur, de statu Ecclesiae, ex qua venit, sciscitantur, gaudent cum gaudente, constrictantur cum constrictato. 19. Acoluthi cum Diaconis pedes ejus lavant, Equos sarcinasque curant, & alia verè germanitatis officia omnes domestici erga eum declarant; qui

qui si inops fuerit, non discedit absque aliquo munusculo, Vestè, cultris, viatrio. 20. Si Clericus est, is illi honos habetur, ut dum preces domesticæ habendæ sunt, brevi ad monitionculâ ceteros ad precandum Deum cohortetur; aut etiam in æde Sacra publicè cocionetur: quò hinc dotes Spiritus S. in eum collatæ appareant, ob quas illarum dator laudetur, 21. Idem quondam egerunt Antichia, rogati à Cætu, Paulus & Barnabas (Act. 13. 15. 16.) Idem Christus, ingressus Synagogam Nazarethanam (Luc. 4. 16) etsi hic nihil aliud, quam ubique locorum indoctos cœlestia docebat. 22. Salutat idem hospes à Concione Ecclesiam, suæ ex qua venit nomine, & omnia ejus seu prospera, seu adversa exponit: unde ab omnibus suam DEUS referat laudem. 23. Si cui Fratrum in animo sit vel genus vitæ, vel domicilij sedem, mutare, aut aliâ novum quid aggredi, is prius propositum suum Pastori suo aperit: posteaque aut persequitur, hoc consulente, & sibi benè optante, quod constituit, aut omittit, si is improbârit. 24. Excellunt enim judicij de rebus, & dandis consilijs quæ sibi salutaria esse illi experiuntur, qui ea ab ipsis exquirunt: contra in fortunati fiunt ij, qui ipsa vilipendunt, cujus rei possem proferre permulta exempla. 25. Neque id sit sine causa. Et enim si quemadmodum olim apud Israelitas Sacerdotes & Pro-

& Prophetæ, ita hi apud suos voluntatis divinæ interpretes sunt, consentaneum esse videtur, ut omnes sua ex illis officia cognoscant, & consilia ab eis petant.

26. Ita olim Deus de Iosua populi sui ducæ, & Eleazaro Sacerdote (Num: 27. 16. 20. 21.) Coram Eleazaro Sacerdote stabit, interrogabitq; eum de Oraculo Dei: ad Verbum ejus egredietur ipse Iosua, & omnes Filij Israhel eum.

27. Hi tamen nostri neminem ad id cogenda cōgunt: Verūm si quis eos, tanquam in Christo Patres, ducesq; suos, in consilium adhibeat, paternè & amanter id quod ipsi expediat, Deoq; gratum sit, suadent; quod officiat, & Deo ingratum sit, dissuadent. 28. Præterea si quæ sollicitudo, si quod dubium, si qui mœror & angor, animum alicujus occupavit, aut perturbavit, hæc illi cognitaqvā lenissimè & prudentissimè discutunt. 29. Ituro peregrè aliquō, dat Pastor ad alterum Pastorem, apud quem sit commoraturus aliquātum, literas, quibus de pietate ac moribus peregrinantis testificatur, eumq; ipsi commendat. 30. Sunt enim singulis Pastoribus ejusmodi libelli, in quibus habent scriptos, & ad Verbum Dei, bonamq; Conscientiam receptos, & à communione rursus rejectos: tū & illos qui se à participatione cum alijs Sacra Eucharistia ulterius subducunt. 31. Sunt deniq; rituales libri; è quorum formulis eadem ubiq; observantur Cere-

moniæ,

moniæ, ut omnibus in omnibus vera sit unanimitas, adeoq; vera Unitas.

Caput X.

Populus Fratrum, in quatuor classes divisus; Incipientium, Proficientium, & Pœnitentium.

HOc etiam visum mihi est lectoris oculis subijcere, *Fratrum Ecclesiam ex quadruplici genere hominum constare.* 2. Primum est *Incipientium*, sicut eos ipsimet cognominant: ijq; sunt tum pueri, in Ecclesiæ gremio nati & educati, tum illi, qui è Papatu ad ipsos transeunt, quibus in pura religione nihil est rudius. 3. Hi persimiles sunt illis, qui Judæis quondam erant *profelyti*, id est adventitij; & priscis Christianis *Catechumeni*, h. e. vivā voce Religionis principia edocti, & quos Tertullianus *Auditores* appellat: & qualis fuit ille, de quo Lucas (Act. 18. 24) *Quidam* (inquit) *Judeus Apollo potens in scripturis, erat initiatus viâ Domini: quem Aquila & Priscilla assumpserūt, & exquisitiùs ei exposuerunt viam Dei.* Hi igitur peccata sua nosse, Christum credentium justitiam fide sibi vendicare, Anti-

D pan i.

pœnitentiâ delere, & similia docentur. Convocatos enim Pastor erudit ex Lege de peccatis cognoscendis, vitandisq; ; & de Relapscentiâ, Fide, Ecclesia, signis divinæ Electionis, deq; alijs huius generis rebus. 5. Tum demum verò, si rogati ab eo de Decalogo, Symbolo Apostolorum, & Precatione Dominica, scire se ea & intelligere responderint, idq; ipse cognoverit, ac veram esse Ecclesiam Christi eam, cujus communionem expetunt, confessi fuerint, Catalogo aliorum interibuntur: atq; tū ipsis *Recepti ad Verbum Dei* cognominari incipiunt. 6. Secundum ergo genus est Ecclesia adscriptorum, quos *Proficientes*, & ad *aspirationem bonæ Conscientiæ admissos*, vocant. Incipere enim multorum est; at perseverare in bono paucorum, quos magnum manet apud Deum præmium: *Hæc meditare*, inquit Apostolus, *in his esto, ut profectus tuus manifestus sit inter omnes.* (1. Tim. 4. 15.) qualiter ipse Dominus. Iesus proficiebat Sapientiâ; & Johannes Baptista crescebat Spiritu (Luc. 2. & 1.) 7. His diligenter inculcatur Dei cum Ecclesia iunctio, & cœlestisq; Patris erga ipsos clementia, quâ ad Christum pertracti, & meritum vitæq; ipsius participes facti sunt: quâ jam fruuntur, animiq; tranquillitatem per ipsam habeant. 8. Monentur insuper, ut Spiritus 8. in Ecclesia operationem agnoscant, illiusq; dono & efficaciâ se quoq; fide,

fide, spe, charitateq; impleri animadvertentes, maiora indies pietatis incrementa sibi ipsis optent, & ab illo precantur. 9. Ita institutos, & consilijs bonis instructos, quò ij tantò magis certiore de salute fiant, *Eucharistiæ*, faciunt compotes; priores autem illos minimè, antequam secundum hunc, scientiâ rerum salutarium, & moribus probatis, attigerint gradum. 10. De his & horum similibus ita Cyrillus (super Evangelium Johannis Cap. 20.) scribit: *Hinc Ecclesiæ regulam accepit. Prohibemus enim à Sacramenta Catechumenos, quamvis veritatem jam cognoverint, & fidem magnâ voce confiteantur; quia nondum locupletati Spiritu S. sunt.* 11. Tertium est ad perfectionem aspirantium, tendentiumq; seu *Militum Dei vincitium*: quibus id officij demâdatur, ut Carnem corruptam, Mundum, & Antichristum, hostes suos, nosse, ac devincere studeant. 12. Vincere autem illos solos, qui in vera permanendo Ecclesia, Christum sæpè in auxilium dovocant, disciplinæ se Ecclesiasticæ subiiciunt, neve à victiosis affectionibus capiantur, sensibus suis imperant, corpus & animum, jugiter exercent, otia fugiunt, in potu, cibo, somno, alijsq; rebus omnibus modum servant, divina scripta libenter legunt & audiunt, de vita beata pœnisq; sempiternis nunquam non cogitando, deflectere à tramite viæ cœlestis non audent.

dent: si verò id aliquando accidat, minime deperantes continuo ad Christum redeunt, et ut lumq; institutum absolvunt. 17. De ejusmodi hominibus illa videntur esse Scripturæ testimonio. Hebr. 6. 1. *Omisso sermone quæ in Christo rudes inchoat, ad perfectionem feramur.* Item 2. Cor. 7. 1. *Perficientes Sanctificationem cum timore Dei.* Et Apoc. 22. 11. *Qui iustus est, justificetur adhuc; & qui sanctus est, sanctificetur adhuc.* Philip. 3. 15. *Quotquot perfecti sumus, hoc sentiamus.* Colos. 1. 28. *Nos Christum annuntiamus: admonentes omnem hominem, & erudientes omni sapientia, ut omnem hominem sistamus perfectum in Christo. Jesu.* Ita Cap. 4. 12. *Epaphras semper decerat pro vobis in precibus, ut steteris perfecti & completi in omni voluntate Dei.* 2. Tim. 3. 16. *Omnis Scriptura divinè inspirata utilis est ad docendum &c., ut perfectus sit homo Dei.* 14. *Perfectus autem intelligendus est (interprete Augustino Cap. 39. libri 1. de Doctrina Christiana) quantum quis in hac vita esse potest; nam in comparatione future vite, nullius iusti & sancti vita ista perfecta est.* 15. *Quartum hominum genus, sunt illi sonites, quos antiqui Theologi Lapso ac Poenitentes appellabāt, qui ob aliquod enorme facinus à corpore sanctipris Ecclesiæ resecti sunt: quales fuerunt Corinthius ille incestu pollutus, (1. Cor. 5. 1.) Hymeneus, item & Alexander, traditi ab Epistolo Satana obmaledicta (1. Tim. 1. 20.) 16. Qui-*

bus illos quoq; adnumerant, quorum conscientia varijs malorum affectuum verberantur procellis; quiq; nomē pietatis Christianæ factis frigidè tuentur & orant; illòs videlicet, quos Christus (Matt. 13. 47.) malis piscibus, cum bonis sagena comprehendere solitis, comparavit. 17. *Istis conversio ad Deum, ut rursus Christi participes fiant, eoq; fruantur, in memoriam reduciuntur; locus autem in Templis posterior humiliorq; assignatur, quò admoniti, peccata sua magis expendant, commissa desinant, fiantq; in posterum cautiore, & in vincendo malo fortiores.* 18. *Produnt quoq; ipsi demisso vultu, deprecatione humili, omnibusq; actibus suis cordis verè contriti indicia, animiq; dolorem, ac poenitentiam.* 19. *Unde fit, ut quemadmodum mali à bonis hac in Ecclesia remonentur, ita lapsi à firmioribus sejungantur ad evidentiorum Ecclesiæ edificationem quorum nihil alibi videas, ubi nullos regerentur ordine, pares sunt omnes inter se, nec ater differt ab albo.*

Caput XI.

Ratio docendi populum inter Fratres, recipiendiq; ad Pastoralem curam.

Horum omnium Pastores in Concionibus diligentem distinctamq; habent rationem

tionem. 2. Ut enim non uno medicamento omnes curantur morbi, nec uno genere esca pascuntur infantes cum adultis; ita nec ingenia adeo diversa uno doctrinae modo alenda sunt. 3. Quare alios lacte spirituali, quemadmodum Paulus suos recens ad fidem conversos Corinthios (1. Cor. 3. 1. 2.) alios cibo solido pascunt: unis Evangelium proponunt, alterius Legis iraq; divinae denunciatione torporis animi excutunt, remissis stimulos subdunt, in stadio sibi proposito currentibus animos addunt; omnes verò, ut cum timore salutis invigilent suae, hortantur. 4. *Beatus homo*, inquit Scriptura, *qui pavet semper*, (Proverb. 28. 14. & Paulus Rom. 11. 20.) *Noli alium sapere, sed time.* 5. Quorum illi, qui sanctius vixerunt, morituri Pastoribus suis, pro animae cura gratias agunt; hi contra ad meliorem vitam migraturi, & in coelestem redituris patriam, convocatis ad decumbentem aliquot Fratribus & Sororibus, Corpus & Sangvinem Domini, quasi viaticum quoddam (exemplo Veteris Ecclesiae, Rufino, suae Historiae Capit. 6. teste) praebeant, ac gratum id sibi esse testantur, quod ipsis, seu veriùs Deo, dum valere obsequentes, sanctimoniam sectati fuerint. 6. Quorum autem vita flagitiola & sine seria resipiscencia fuit, & qui non prius peccare desinunt, quam cum amplius non possunt, istos uti vivos, ita vitam hanc exceden-

excedentes, avertantur. Aequum enim est, ut qui Deum contemnebant viventes, etiam contemnantur à Ministris ejus morientes. 7. *Dum tempus habemus operemur bonum*, inquit Apostolus (Gal. 6. 10.) *Et alibi: Hodie si vocem ejus audieritis, nolite obdurare corda vestra* (Pl. 69. 8.) Item (2. Thess. 3. 6.) *Denunciamus vobis, ut subvertatis vos ab omni Fratre inordinatè se gerente, & non ex traditione accepta à nobis.* Et. 1. Cor. 5. 11. *Scripti vobis ne commisceamini, si quis cum Fratre nominetur sit scortator, aut avarus, aut idololatrus, aut maledicus, aut ebriosus, aut rapax: cum ejus modi ne edatis quidem.* 8. Dispicit quondam rigor illè fratrum, quasi nimius, Luthero, sicut ex ijs liquet quae libro iv. (in anno salutis humanae 1576) posuimus: Sed Fratres sicuti tunc reddiderunt, ita revera hucusq; causas habent graves consilij sui: quas alij Ministri non considerantes, nulli non foedae vitae Christiano, modò is patrato aliquo facinore vel paululum ingemiscat, quamvis Spiritui S. semper mentiatur, Regnum promittunt coeleste. 9. Imò & manifestè Atheis, capitalisq; poenas meritis nebulonibus, ac judicio seculari damnatis, & Carnifici ad necandum traditis, de Poenitentia & animae salute nunquam sollicitis, nec adhuc Dominum Jesum amantibus, cruentam tantum mortem exhorrescentibus, invitatis etiam, & aliud cogitantibus, persuadere

conantur ut dicant *Credo in Christum*: & continuo ipsos *Hodie cum Christo cenaturos* promittunt: plerisq; & hanc ipsam consolationem irridentibus, utq; Sacerdos ipse pro ijs cenatum facit hortatibus. 10. At hoc quid nisi Clavium abusus est? Tam impoenitentibus, quos Mundus terraq; pati non possunt, tam amplas Cœli valvas pandere (quò tamen non nisi per angustam portam, arctamq; viam, veniri; & quidem ab ijs solis qui Crucem Christi, mortificatione in se carnis, gestant, bonum certamen certant, fidemq; & bonam conscientiam servant &c, Christus & Apostoli docuerunt) quid est nisi incautos gratiæ divinæ dispensatores esse? 11. *Ulnus illius Latronis exemplum, non ita debet adhiberi, ut inde constituatur vivendi sed potius sermō pœnitendi, regula.* Nec suspiria ultrò peccantium iuvant, nisi sequatur vita in posterum sanctior. *Septiēs cadit iustus, sed idem resurgit.* (Pro. 24. 16.) Nō verò lapsus resurgat, planè iniustus est, exorsusq; Deo, qui nos sanctos esse iussit, (1. Petr. 1. 16.) & ad opera bona elegit. (Ephes. 1. 4.) 12. At tamen si quis impius, & à communione sancta separatus, in agone suo veram agens pœnitentiā Fratres accersat, seriòq; illorū perā requirat, accedunt libenter, consideratisq; reviviscentis conscientia signis, opus Spiritūs S. quod ille in homine agit sequuntur, scintillam non extinguunt sed

sed excitant, medicinam quali opus est, (seu acrem & corrosivam, seu lenem & placidam) adhibent, peccata hominis aggravant, ob ea iram Dei, & à sorte hæredum Vitæ æternæ ejectionem proponunt. 13. Quod si quis hanc Pastoris Christi virgam patienter sustinens cum Davide iterat; *Irā Domini portabo, quia peccavi ei*: veraq; fidei atq; pœnitentiæ signa certa demonstrans, Deum & homines offensos deprecatur, & sigilla gratiæ divinæ, autoritate Ministerij Christi, sibi exhiberi humiliter & magno studio postulare non desinit: Huic potestate clavium Christi remissio peccatorum annuntiatur, usu Sacramenti ad meliorem illius valetudinem (si ejus spes est) vitæq; piæ novitatem dilato; aut etiam instanti, & enixè roganti, (præsertim si mortis metus adsit) illicò exhibito. 14. Omnia hæc, sicut prudentes mysteriorum Dei dispensatores Fratrum Ministri eò fine sic moderantur, ut Domino suo fidem, & sibi met bonam conscientiam servēt, homini a. cuilibet nō ad deceptionē, sed ad pœnitentiā, & animæ salutem, operā suā cōferant, & sic Ecclesiā rectè aedificent. 15. Mortuorū humatio simplicissima apud Fratres est, absq; funeralibus pompis, & monumentis magnificis; ut terra citius resolvatur in Terram, & saltem post mortem superbire desinat is, è cujus corde dum vixit egrediebatur fastus (Mar. 7. 22.) non tamen ideo non habetur honor membro Christi, &

Spiritus S. domicilio, nisi quòd id sit absq; sum-
tu nimio. 16. Nec id prætermittam; *Omnem*
apud Fratres Pastorum curam consumi annunciendo,
docendo, commonefaciendo, precavendo, & casti-
gando; neg intq; esse prudentem populi Deum
ctorem, qui hæc universa non eo ordine observat.
17. Ante omnia enim Verba vitæ auditoribus esse
annuncianda, veritatisq; sermonem lyncerè ac
simpliciter exponendum, ut doctrina diu varijsq;
modis tradita rectè percipiatur; tum nè homi-
nes vivant immemores professionis suæ, officij
commonefaciendos, posito simul ob oculos dif-
ferimine, quod à neglectu officij emeritum sit.
demum, si contumaces sint, futurâ pœnâ terrena-
dos, immò & objurgandos, ac à communione
obedientium sejungendos. 18. Cæterum so-
lent Fratres, laudandâ sanè ceremoniâ, suæ Uni-
tatis homines (ut suprâ dicta melius explanem)
primò in Ecclesiam, & ad Dei Verbum; post ad pa-
catam Conscientiam, admittere, has ob causas. 19.
Primum, ut homines Fidem, quam ministerio
Verbi, operatione autem Spiritus S. apprehen-
derunt, publicè profitendi occasionem habeant;
ita jubente Apostolo (Rom. 10. 10.) *ut ore id con-*
fiteamur, quod credimus corde; quò tempore An-
tichristianos simul detestantur errores & supe-
stitiones. 20. *Deinde*: ut infantes Christiani,
in ætate surrogante baptisati, jam autem judi-
cij ulum allequuti, scientes volentes Christo se

dedant, Deoq; se verâ fide ac bonâ conscientiâ,
tâm prosperis quàm adversis rebus, servituros;
justitiam semper culturos, veterem hominem
exuturos, (hoc est, naturales motus & affectus
non bonos frænatuos, mutatuosq;) pollicean-
turs. *Juravi*, (inquit David) *& statui custodire*
judicia justitiae tuæ (Psal. 119. 105.) 21. *Tertiò*, ut
fiduciam suam palàm contestetur credere se, quòd
accedant ad talè Ecclesiam, quæ puram Evangelij
profiteatur Religionem, & sit mysticum corpus
Christi, Ecclesia Orthodoxa, quam Christus as-
sumsit in gloriam DEI (Rom. 15. 7.) 22. *Pos-*
tremitò, ut hoc pacto verum Dei amorem indu-
ant, seq; prorsus dedant & addicant huic Patri;
qui eos denuò generavit, & in familiam suam as-
scivit; undè in cordibus illorum tranquilla nas-
catur conscientia, & jube gaudium in Spiritu S.
Si modò gustatù, quàm benignus sit Dominus, ad
quem accedentes, velut vivi lapides edificamini;
(inquit Apostolus, 1. Petr. 2. 4.) 23. Quæ o-
mnia tametsi pulcherrima in se, illis tamen qui in
Ecclesijs malè ordinatis nati educatiq; sunt, su-
perflua esse videntur: cum tamen reverâ, nisi
veri Christi servi ista omnia, quæ necessariò Eu-
charistiam præcedere debent, hoc eodem gerant
ordine, res Christiana procedente tempore eò de-
ventura sit, ut Ministri quidem ab Auditoribus
suis contemnantur; hi verò laxatis sibi habentis
ac soc-

ac foedere quod semel cum Deo in Baptismate inierunt ignorato, aut posthabito, animi sui vivunt prolubio, Sacramentumq; Cœnæ Domini cœ nihil nisi profanetur. 24. Sed operis pietatis fuerit (illorum in gratiam qui his offenduntur) ipsorum mēte Fratrū hāc de re verba in modum producere: quæ ego, nihil non tentando, inter Schedas Johannis Laurentij eorum Episcopi, uti multa alia sibi obducta, atq; neglecta, Orationi reperti. 25. Quod attinet, inquit, formulā admittendi homines per Pastorem ad Ecclesiastica mysteria: Sciant quid, docti & p̄i, observari eam à nobis imitatione prisce Ecclesiæ, in qua Catechumeni fuerunt illi, qui rudimentū doctrinæ Christianæ, non ex scriptis, sed ex prae docentium percipiebant: nec ante ad Sacramenta, quàm mysteria Religionis Christianæ, benè tenuissent, admittebantur. 26. Jam autem quicunque à Patre nobis se jungunt, pleriq; omnes ejusmodi sunt, ut eos pro Catechumenis habere, nec aliter quàm vetus Ecclesiā tractare, necesse habeamus. 27. Quos verò salutare doctrinā instruētos, & vitā Christianā ornatos esse cognoscimus, his undecumq; veniant pro officio nostro de necessaria preparatione admonitis, licentiam accedendi ad Cœnam Domini damus. 28. Monemus autem hos etiam de necessarijs, regulisq; Vitæ constanter pie instruimus, ut mandato Christi, omnibus Apostolorum successoribus, dato, obtemperemus: Docete eos, ser-

uare omnia quæ præcepi vobis. 29. In quibus quidem tradendis optimus nobis ordo visus est ille quem usurpamus. Primum jubentur homines. Ecclesiæ corpori accedentes, Symbolum Apostolicum, in medio audientis Ecclesiæ, clarā voce edere. 30. Deinde interrogantur iidem, An in hac ipsa Fide usq; ad vitæ terminum perseverare statuunt. 31. Si id velint, & promittant, pergit ex eis quæerere sacrorum administer, An ergo secundum fœdus in Baptismate (parentum & susceptorum ore) factum, omnibus vitisq; peccatis, erroribus, scienter volenter committendis, renuncient: sobrijsq; justè, piè, semper vivere habeant in animo? 32. Tum an obediētes fore duobus suis, Ministris Ecclesiæ, recipiant? Id quod annuentibus illis, commonefactio fit ab eodem, ut agnitis suis peccatis, quibus Deum hactenus offenderunt misericordiam Domini sui (exemplo servi debitoris) seriò implorēt. 33. Quibus hoc faciētibz, Ecclesiā simul pro illis orat: sicut scriptum est, Orate alij pro alijs, ut servemini. Item: Si quis aliquid viderit peccantem non ad mortem, oret, & Deus illi dabit vitam. 34. Finitis precibus absoluntur à peccatis, Clavium Christi potestate: sicutq; verbis exquisitis exhortationes ad diligentiam in Vita Christianè exigendā adhibendam, eandemq; Cœnā Dominicā cum ceteris sunt participes. 35. Hac autem omnia ideo ita geruntur, ut ipsi fœdus Baptismi eò melius in memoriā revocentur.

Caput XI.
zur, & unusquisq; in suo vita genere sanctè transi-
gendo sit studiosior; ac ut Pastores Oves suas certè
cognoscant, & bonas quidem conservent, malas au-
tem ovili arceant. Hac ea de re Fratres.

Caput XII.

*De ritu Impositionis manuum. Et de Pa-
dobaptismo, educandiq; liberos cura.*

QUO admissionis ritu, hoc potissimùm qua-
ritur: ut juniores à senioribus, imprudentio-
res à prudentioribus, errantes à non errantibus,
minus pij à magis pijs, omnes verò à suis Pasto-
ribus, Senioribus, judicibus, quoties opus foret,
admoneri se patiantur, & vicina semper virtuti-
bus vitia fugiant. 2. At verò qui ex alijs ad no-
mam verbi Dei renovatis Ecclesijs venientes, de
articulis Fidei rectè informati sunt, & membra
fieri ipsorum Unitatis desiderant, hi nihil aliud
quàm se Pastoribus suis obsequentes futuros
spondent. 3. Quando verò è Papatu aliqui Fra-
tribus se aggregare volunt, pramoneri solent, ut
id deliberatè faciant, quò levis animi sit facile cre-
dere (Ecclus 19. 4.) Si respondeat, còsultò se id ag-
re, percontatur Pastor: An ergò exitiales errores,
aliq; mala, quæ salutis animæ studiose fugienda
sunt, in Ecclesia illa quam deserunt, agnoscant o-

minò!

De Impositione manuum.

minò? & an vicissim cœtum hunc, cui se aggre-
gant, credant esse partem veram Sanctæ Ecclesiæ
Catholicæ? an deniq; Verbo Dei, suisq; Pastori-
bus, obtemperare velint? Si promittunt, repro-
mittit Pastor se quòq; curam illorum habiturum,
voluntatemq; divinam eis fideliter expositurum
esse. 4. Postea numerantur recepti in Ecclesi-
am, & nomina illorum consignantur in Ecclesiæ
Albo: perinde ut numerabantur illi, qui olim
Christo dabant nomina (Acto 2. 41. Et addita
sunt Ecclesiæ die illo capita, quasi tria milia. Et
cap. 4. 4. Fuit numerus virorum qui crediderunt,
quasi quingies mille.) 5. Soleat autem Fratrum
Ministri ijs quos in Ecclesiæ membra recipiunt
manus imponere, tam puerorum baptizatorum
capitibus, postquam ij duodecimum ætatis an-
num attigerunt; quàm illis qui Ecclesiæ eorum
adsciscuntur, & ad bonam conscientiam admit-
tuntur. 6. Ideò quòd Iacobus Patriarcha nepo-
tibus suis fausta precaturus, & Israelitæ in Levi-
tis, hi in victimis Deo offerendis, Moyles in
sua sibi substituendo, ipse Christus in adductis ad
se puerulis, Apostoli in baptizatis, idem egerint
(Actor 8. 18.) 7. Paulus etiam hujus Ceremo-
niæ suæ tempestate in Ecclesia usitatæ meminit
Heb. C. 2. scribitq; de ipsius efficacia (2. Tim. 1. 6.)
*Admoneo te ut exsuscites in te donum, datum tibi per
impositionem manuum mearum.* 8. Ita & Tertul-
lianus

lianus Theologus per antiquus libro de Baptismo; Baptismi carnalis actus, quod in aqua mergimur; Spiritualis effectus, quod delictis liberamur; dehinc manus imponitur per benedictionem, advocans & invitans Spiritum Sanctum. 9. Et Hieronymus adversus Luciferianos: An nescis Ecclesiarum hunc esse morem, ut Baptizatis postea manus imponantur & ita invocetur Spiritus S. ? Exigis ubi scriptum sit ? in Actibus Apostolorum. 10. Ambrosius etiam sic (Cap. 5. de dignitate Sacerdotali) Per hominem dat Deus gratiam; Homo imponit manus, Deus largitur gratiam; Sacerdos imponit supplicem dexteram, Deus benedicit potenti dexterâ; Episcopus initiat Ordinem, & Deus tribuit dignitatem.

11. Ita & Eusebius Cap. 2. lib. 7. Ecclesiastica historia. Ex consuetudine ab antiquis ducta temporibus; in recipiendis in Ecclesiam ijs hominibus, qui se à quocunq; heresis genere revocassent, sola preces cum manuum impositione adhiberi solebant.

12. Sic & Cyprianus, ad aliud etiam id transferens: Penitentiam (inquit) agunt iusto tempore; deinde ad exomologesin veniunt, & per manuum impositionem Episcopi ac Cleri jus Communionis accipiunt.

13. Sed quoniam baptizatorum puerorum mentio facta est, dicamus & de his aliquid, ne quis Fratres cum Anabaptistis facere existimet.

14. Perfundunt igitur Fratres Infantum legitime Christianis parentibus natorum (illegitime enim

enim nunquā nascuntur in eorū Ecclesia) eā Corporis partē, in qua maxime elucet divina imago; idq; ter sancti Numinis mysterio, quod Iustinus, Tertullianus, alijq; veteres Orthodoxi, Trinitatē vocant. 15. Primum eā ob causā, quod sint semē Abrahæ, patris omnium Deo credentium (de quo Genesis Cap. 17. 7. Ero Deus tuus, & seminis tui post te); qui verò Dei sunt, iis hoc gratiæ ipsius signū minime negari nō debet, sicuti olim nō negabatur Circūcisio. 16. Credunt enim Baptismū Circūcisioni successisse: ideoq; liberos Christianorū ita per Baptismū, Ecclesiæ ad participandū Christi in eam collata beneficia, inseri oportere, quemadmodū olim Judæorū liberi per Circūcisionem populo Dei inferebantur, & ab Ethnicis discernebantur.

17. Secundò, quod Peccata Baptizatorū eò modò deleri dicantur, ipsaq; Ecclesia, cujus sunt haud postrema portio infantes, purgari: Exsurge Sancte (dixit Ananias) baptizare, & ablue peccata tua (Acto. 22. 16. Et Cap. 2. 38.) Baptizetur unusquisq; vestrum in remissionē peccatorū. (Et Eph. 5. 26.) Christus seipsum tradidit pro Ecclesia, ut eam sanctificaret mundans lavacro aquæ in verbo vitæ.

18. Tertiò, quia & omnes quicunq; ex corrupta Adami massa progeniti sunt (per unū n. hominē peccatū introivit in mūdū, ac per peccatū mors, in quo omnes perierunt, Rom. 5. 12.) Regni cœlestis confortes esse cupiunt, Aquā & Spiritu denuò gigni necesse

cessu est (Johan. 3. 5.) 19. *Quarto*, quod Baptismus, prima sit janua Ecclesiæ, ubi Christus etiam nunc stans, puerulos ad se admitti jubet, eisque benedicens Regnum DEI, Baptismo majus, illorum esse testatur, nosq; id eò, quò infantes modò, accipere oportere docet (Mar. 10. 14, 15.) 20. *Quinto*, quoniam Petrus dandum esse Baptisma Spiritum S. habentibus censuit; qui tamen non minùs est in pueris, quàm in adultis, ubicunq; sibi hospitium delegit, illapsus olim in Ethnicos ante Baptisma (Act. 10. 44.) quin & omnes nos Ethnicis prognati eò acceptò credidimus in DEUM, Patrem, Filium, ac hunc ipsum Spiritum, unum in Trinitate personarum DEUM. 21. *Sexto*, quò ex verbis Christi (quæ Marcus memorie prodidit, C. 9. 42) appareat puerulos, fidelium parentum prolem, reputari in sorte credentium in Christum. Sic enim ille: *Qui scandalizaverit unum pusillum istorum, in me credentium*: fiduciam ergò in hoc testimonio figentibus, non esse negandum Baptisma, quod est fidei sigillum. 22. Postremò quòd persvasi sint, totius Ecclesiæ Christianæ perpetuo consensu Infantilem baptismum esse receptum: cum nihil uspiam de ejus institutione, aut originè prima, legatur. Quòd evidenti testimonio est, non cujusquam quàm Apostolorum voluntate in-

stitui-

stitutum fuisse: id quod apertis quoq; verbis testantur antiqui, ut Clemens Romanus Cap. 17. lib. 6. constitutionum Apostolicarum: Dionysius Areopagita Cap. 7. Ecclesiasticæ hierarchiæ: Origenes in Cap. 6. Epistolæ Rom: Cyprianus Epistolâ 8. libri 3. ad Fidum: Augustinus lib. 10. in Cap. 23. Genesis: Tertullianus in fine libri de Baptismo: quorum omnium seculo Baptismus Infantum in Ecclesia usitatus fuit. 23. Nec tamen deteriore sunt loco, sententiâ Fratrum, pueruli ante acceptum Baptisma (minimè ignorante invitoq; Deo) extincti, quàm qui (eodem vocante) participes illius sunt. 24. Non enim voluit is, cui adeò omnes, mortui etiam, vivunt, & apud quem est numerus dierum hominis (Job. 14. 5.) seu in cujus manu sunt tempora nostra (Psal. 31.) promissionem suam infringi finitivè, immaturâ vel subitâ cujusquam morte. 25. Sanctæ radices sancti sunt rami (Rom. 11. 16.) Fidelium filij non immundi sunt, sed Sancti (1. Cor. 7. 14.) Seminisque Abrahæ semper est idem Deus (Genesis 17. 7.): solus Sacramentorum contemptus, & malus usus, punitur; non verò is, qui illorum compos esse non potuit, cum voluit. 26. Verum id quidem est, resolvi Baptismo peccatum illud originale: non tamen ideò salus Infantum Christianorù, si baptizari non contingit, vocanda est in du-

E2

bium

bium, dum in conspectu Patris apparet, Ecclesiæ suæ patronus Iesus CHRISTUS: alioqui modicæ aspersioni Aquæ plusquam mortis Christi tribueremus; olimq; etiam infiniti pueruli, mortis interventu non circumcisi, perissent. 27. *Quid est* (inquit Ambrosius) *quod ingemiscas pro mortuis, cum jam reconciliatio Mundi apud Deum facta sit per Dominum Iesum?* (Ambrosius ad Faustinum Epl: 8 lib. 1.) Negatq; idem Valentinianum Imperatorem gratiâ Baptismi caruisse, cujus desiderio flagrabat, quamvis non esset baptizatus. 28. Infantes igitur, qui mote Catholicæ Ecclesiæ baptizati sunt (alii pro ipsis de mysterijs fidei respondentibus, quemadmodum scribit Augustinus Cap. 52. de Ecclesiasticis dogmatibus) duodecimo fere ætatis suæ anno à parentibus & susceptoribus suis ibi sistuntur, ubi primò renati coeperunt in Ecclesiam; fidem suam in conspectu Ecclesiæ professuri. 29. Tunc verò apparere solet, fundine sint in erudiendis eis officio suo Parentes, Propatres & Promatres, quod se facturos in Baptismate obstrinxerant: ut &, num illis pueri paruerint, & prima fidei rudimenta edicerint. 30. Quod si rectè fidem Catholicam confessi, ipsi per se Sanctorum Communionem, & alterius Sacramenti gratiam, expetiverint, siq; quod alij nomine ipsorum in Sacro lavacro decretati sunt, id ipsimet quoq; fecerint, ac San-

ctimo

ctimonia semper se daturos operam polliciti fuerint: tum etiam Minister repromittit, vori eos compotes futuros. 31. Inde exemplum sequens Apostolorum, qui Samaritanis antea baptizatis, quò Spiritum S. acciperent, benè precando manus imponebant (Actor 8. 17.) ipse quoque hanc ipsam initiationem, fideiq; professionem, auctoritate Clavium ad Oeconomiam Ecclesiæ à Christo acceptam confirmat, eosq; divinæ in Baptismate factæ promissionis participes facit. 32. Tunc verò demum ij, ætate sic aucti ut quid bonum malumq; sit dijudicare queant, ad sacramentum Eucharistiæ, quod sui probationem in fide requirit, admittuntur: atq; ut adolescant, magnæ sunt parentibus curæ, ne, ut est Mundus maiorum plenus, obscæni aliquid oculis videant, fœdi auribus audiant. 33. Non mirum est igitur, tali educatione atq; eruditione puerorum, reddi apud Fratres homines adeò probos: qui tamen ut bonis boni, ita malis mali sunt. 34. Hæc de fœderis Dei in Baptismo renovatione, sed potius de adolescentium puerorum profectus in pietate examine; quâ tamen Ceremoniâ quidam, causarum ejus ignari, offenduntur, opinantes semel baptizatos ad nova quædam pacta rursus à Fratribus obligari: adeò omnis error ex re malè intellecta oritur.

E 3

Caput

Caput XIII.

De Precum, Cantionum, Concionum modo

IN precibus divinis (si actum Coenae Dominicae, Baptismi administrationem, Sponsalitiis, & Jejuniorum tempore, publicas supplicationes excipias) non præter verbis Minister more alibi recepto, ut clarâ voce preces recitantem ceteri eadem geminando sequantur : sed Minister paucis antè suggerit, quid in communi omnes & singuli à Deo petere debeant : cum pro se non semper eadem flagitare opus habeat unus quod alter. Tum flexis omnes simul genibus unusquisque tacite Deum orat, donec Minister assurgat. 2. Solet autem cohortationis ad orandum materia sumi, vel ex eo quod ante precationem canitur, vel ex prædicto atque explicato divino textu, vel ex quavis alia loci, temporis, factive circumstantia. 3. Ad mentionem nominis Jesu animos, non genua, flectunt; corda sua, non capita, aperiunt; ne crebro corporis motu tam docentis, quam discipulorum, animi perturbentur: ne Jesus, ut sit vulgò, tantum ad solam nominis ipsius vocem coli videatur. Sanctè colitur à pijs nomen Patris nostri coelestis, quamvis motus corporis non semper accedat: de quo pluribus egimus in fine appendicis.

pendicis Libri VII. 7. In Templis, seu à Ministro seu à quopiam vocali Fratre, titulo Cantici cœtui indicato, ac præcipiente, clarissimis vocibus hymnos concinunt: Davide præcipientem (Psalmo 33. 3.) *ut Iehova canticum novum canatur in vociferatione* : nam reverà totis animi corporisque viribus amandus colendusque est DEUS. 5. Nullus illis est cantus fractus, aut peregrinus, qui intelligi à plebe non possit, nec ad ædificationem Ecclesiæ faciat; nulla Organa Musica ludicrum, quid, umbratile & figuratum, redolentia: nulla item Vexilla, nullæ statuae, nulla alia in æde sacra, quam divina, rationis compos, imago; nullus ardens ignis, nisi hyemis antelucano tempore. 6. In Concionibus verò habendis servatur ab eis certa series, quam à suis majoribus acceperunt: nempe ut omnia Christianis non ignoranda reducta sint ad XII articulos Fidei Catholicæ, quorum explicatio annuo tempore circumbeat. 7. Utque vitetur auditorum tædium, non ultra horam producit Concio: rectè omnino, cum plus emolumenti adferat auditori brevis, eaque rectè divisa oratio, quam superflua loquacitas, quæ diu audita facile tamen effluit. 8. Nempe hoc etiam ad antiquæ Christianæ simplicitatis imitationem. Ita enim Justinus (in fine Apologiæ 2.) *Die qui solis dicitur, omnes in unum locum conveniunt, ubi scripta Apostolorum vel Prophetarum leguntur, quam*

quamdiu hora patitur Et Chrysostomus (Tom. 3: Sermone de Eucharistia) *Centum & Sexaginta octo horas habente hebdomada, unam & solam sibi segregavit DEUS: & hanc tu in opera secularia, & ridicula, infumis?*

Caput XIV.

Synodorum habendarum ratio.

SYNODOS quotannis ferè agunt, in loco aliquo commodo: qui domo parochiali, Templo vicinà, omnes Ministros cum junioribus, famulis & jumentis, capiat: ne huc atq; illuc sparsi, vicatim per hospitia discurrant, & celanda enuncient. 2. In Synodo autem, triduum quadri-
duumve durànte, *Primum* Sacræ Conciones de officiis Servorum Christi habentur; *deinde* vel de præsentibus statuitur, quæ venerunt in consultationem: vel consilia capiuntur de futuris; aut præterita errata emendantur, dissensiones ortæ componuntur, peccantes plectuntur (nempe ut alij à Ministerio removeantur, alij communione penitus ejiciantur, quod tamen rarissimè inter illos accidit): aut viceversâ poenitentes in gratiam recipiuntur, malis Ecclesiæ undecunq; imminentibus occurritur; officia singulorum Unitatis

tatis ordinum leguntur; Ministri Ecclesiæ constituuntur; demumq; transactis quietissimè omnibus Cœnâ Domini conventus solvitur. 3. Quicquid autem Synodicè decretum fuerit, hoc ab omnibus concorditer observari, ita usu receptum est, ut nemini uni soli, ne quidem ex quatuor illis primariis Episcopis, quicquā immutare liceat, nisi senatûs universi accedat consensus: imò si aliquid magni ponderis statuendum venit, non etiam Synedrij soliûs, seu Presbyterij, absq; cæteris Ministris, sufficit autoritas, aut voluntas.

4. Et quoniam me rem multis lectu jucundam facturum nonnulli censere, si omnia quæ in Synodis eorum aguntur, accuratius oratione complecterer, faciam hoc non invitus, quando me in hunc de Conciliis locum orationis series deduxit: idque ve. idè, ut hinc etiam Ordinis Fratrum amantes, aliquid in rem suam decerpant: neq; ignorent, quæ sit illorum in creandis Ministris Ecclesiæ ratio, longè quidem illa melior quàm Pontificia, vel etiam alia. 5. Sunt itaq; apud Fratres *duplices Synodi*; *primæ Spiritualium cum secularibus, alteræ Clericorum tantum.* 6. Illas intra spacium aliquot annorum, gravioribus incidentibus negotijs, indicunt Episcopi, communicato cum Patronis Ecclesiæ consilio: has semel anno Episcopus, consensu Collegis è Seniorum numero, accersitis ad eas Ministris, ita ut ad tem-

pus certum & locum designatum omnes conveniant. 6. De loco jam dictum: Tempus pomeridianum est, ut ad horam Cœnæ, luce solis durante, præstò sint. (Confluunt autem interdum plures ducentis; in Moravia quandoq; circiter quingenti) tum à Cœna ad preces publicas itur. 7. Ubi Archipresbyterorum unus Deo primum, pro felici eorū conventu; post ipsi quoq; cœterorum nomine agit, & habet, gratias, quòd Senioribus suis, ad opus divinum ipsos vocantibus, obtemperaverint: addit admonitiones, cum alias tum eas, ut suis cum servulis sint quietissimi, nec quòquam ignorantibus Senioribus domo exeant. 8. Acoluthis autem & Diaconis distribuuntur ministeriales operæ, ut uni hoc, alij curent aliud; hic ut Cellis serviat, ille Mensis, alius præsit Aurigis, &c quod illi alacriter suscipientes, absq; omni murmure faciunt: procurantes ne quid defit hospitibus, sed liberi omni sollicitudine parata habeant omnia, lectos etiam cum mundis Cubilibus. 9. (Ne autem defint talia, illis in locis, provident Seniores: cum in usum conservantes, quæ Ministri cœlibes morituri reliquerunt, aut Mœcenates Fratrum, ditioresq; matronæ, Ecclesiæ donârunt; nec enim ullus Presbyter quidquã eorum in usus privatos convertit, quæ semel data sunt omnibus; alioqui sacrilegus judicaretur.) 10. In generali Synodo concionatur Episcopus

scopus, Dominorum secularium causâ, de excellentia, ordine, officijsq; eorum; de bonorum remuneratione, atq; malorum pœnis &c. 11. In particulari sermonem dirigit ad universum cœtum, pro temporis rerumq; ratione; unde petant doctrinas, & hauriant consolationes necessarias, sive omnes universim, sive seorsim Acoluthi, Diaconi, Ministri; & quilibet loco & gradu suo constitutus ad piũ laborem excitetur. 12. Tum Seniores aperiunt Ministris Synodi coactæ causas, permittendo cuiq; ut videat, & si videt moneat, quicquid in communitate melius constitui ac emendari oportere existimet: quòd omnes se fideliter facturos promittunt, moxq; inchoatâ Sessione (sejunctim à Senioribus) per suffragia faciunt, uno ex illis (quẽ sibi Notarium eligunt) singula scribente, & Senioribus tradente. 13. Referre libet, quibus gradibus, quibusq; modis, apud Fratres perveniatur ad summum Ministerium. 14. Et primum quidem Seniorum quispiam Concionem habet ad Acoluthos: hinc illi adolescentuli, qui sunt à Ministris commendati Senioribus, vocati ex ordine, obligantur ab Episcopo manu stipulatâ, aliquot interrogatiunculis, ad futuram disciplinam prælecta sibi cognoscunt officia, & in numerum Acoluthorum adsciscuntur. 15. Dehinc habetur alia Concio, de gradu & Officio Diaconorum: quâ finitâ, quos-

quoscūq; Acolutos Seniores, consultis Ministris esse idoneos iudicarint, ut in gradū Diaconorum cooptentur; ij itidem acciti in medium, certis sponsonibus ad id obstringuntur; precibus ad Deum fusi confirmantur, quidq; præstare debeant edocentur. 16. Sequitur deinde Episcopi ad Ministros oratio, partim Diaconis unā audientibus, partim solis Ministris.

Caput XV.

Ritus ordinandi Ministros, & Consen-
ties, Senioresq;

QUod ad Ministros, Diaconis superiores (distingvunt enim hæc Fratres) ipsorum inauguratio hoc modo peragitur. 2. Diaconi, qui suæ doctrinæ ab virtutis Ecclesiarum habent testimonia, ac illis quibus cum diu vixerunt scripta, subiiciuntur censuræ Ministrorum: tanquam ij, qui facuri sunt non doctores solum ducesq;, sed etiam lumina, & exempla aliorum. 3. Tum congregati unā Ministri, pro sua quisq; conscientia considerantes in Candidatis, eum vitæ probitatem, tum dotes illas sine quibus Ministerium Christi rectè obiri nequit, singuli ferunt de singulis sententias. 4. Ubi contingere solet,

ut

ut alius hunc, vel illum tanto gradu esse dignum, dicat, alius indignum, tertius non indignum quidem esse, nī hoc vel illud vitij haberet, atq; si commonefactus illud caveret, tolerari posse, quod iudicio ipsorummet Seniorum esse relinquendum. 5. Ergo candidati ad Seniorum confessum nominatim accersiti, objecta sibi aut agnoscunt, aut diluunt, aut emendationis spem faciunt: Seniores verò Ministrorum sententijs suas quoq; accommodantes, idoneos conscribunt ordine. 6. Prius tamen etiam cum uno quoq; singulatim in colloquium (soli Conseniores absq; Episcopo) veniunt, quærentes ex eis, haberentne in animo, si eos ad altiorem gradum vocaret Dominus, Ecclesiæ ejus ita navare operam, ut ne unquam stationem desererent, sed omnia quæ verorum vigiliis sunt semper facerent? 7. Si annuunt, examinantur mox in omnibus Religionis Capitibus, quæ continet publica fidei Confessio, inq; locis quibusdam Doctrinæ cœlestis obscurioribus: tum secundum responsionem uniuscujusq; de eo decernitur. 8. Ab hoc collegiali morum & scientiæ examine, mittuntur singuli seorsim ad arctius examen Conscientiæ, ad primum Episcopum: qui oratione gravissimā, ad quantum munus in Ecclesia DEUS illos jam vocet, ubi sessuri jam sint in solio Ministerij Christi, tum clavium Regni ejus potestate, conscientias hominum liga-

turi

turi vel soluturi, edocens, ad tam augustū & sublime munus purā, & nullo conscientiae scrupulo oneratā, mente opus esse ostendit. 9. Monetq; nunc tempus esse ut si quid impediāt conscientiam, ingenuē aperiant; atq; si in Caelis certū esse velint suā absolutionis, in Terra eam à potestate clavium Christi accipiant prius ipsi, quā ad eam alijs ministrandam accedant &c. Cujusmodi seriis adhortationibus quin emendationis propositum, sanctimoniamq; studium flammescat, fieri vix potest. 10. Ita prae paratis, atq; emundatis, Ministerij Candidatis, congregatur Ecclesia, (idq; potissimum diebus Dominicis) fitq; Concio publica: quā finitā, Episcopus confurgens praefatur de Ministerij Ecclesiastici dignitate, praestantia, gravitate, ac de ipsorum Ministrorum officijs, honore, praemijs. 11. Exinde ab uno Conseniorum singuli nominatim Candidati, (prout secundum donorum gradus in ordinem redacti, & in charta consignati sunt) vocantur, & se sistere jubentur ante Episcopum. 12. Quos è turba ordine prodeuntes, excipiunt duo Seniores alij, atq; hiscum verbis ante Episcopum, secundum mensam Domini stantem, sistunt: *Rogamus te venerabilis Antistes, totius Ecclesiae nomine, ut his in conspectu Christi ac tuo stantibus Viris, committas legationis Iesu Christi, &*

mune-

muneris Pastoralis, plenam potestatem, confirmesq; ipsos potestate tibi à Christo & Ecclesia factā, eò quò par est ordine. 13. Hic Antistes rogat, *An ad exsequendum id sacrum munus digni & idonei sint, ijsq; praediti virtutibus, quibus legatos Christi ornatos esse decet?* 14. Ad hæc alter illorum duorum, verbis Ecclesiae; *Sunt* (inquit) *ad hoc necessarii dotibus à Deo instructi, bene à teneris eruditi, probati, testimonijq; omnium, tam ob doctrinam quā vitā honestatem, ornati; etiam à scrupulis male conscientiae liberi; & precibus ac jejunijs Ecclesiae à divina Majestate ad sustinendum id munus impetrati.* 15. Respondet Episcopus: *Quandoquidem id agitur, satis fiet in nomine Domini Iesu huic sanctae postulationi vestrae.* 16. Atq; ita demum fit legitima illorum, cum tacitis appreciationibus totius Ecclesiae, segregatio: uno è Seniorum numero rursus prodeunte, & ad animandum ipsos ardentem illam Christi pro suis novicijs Apostolis deprecationem, vā à Iohanne Capite 17. descripta est, praelegente. 17. Tum Episcopus, post eertas quasdam interrogationes atq; obligationes (quib; hi Deo, Ecclesiaeq; ipsius obstringuntur) ritu priscae Ecclesiae eos ordinat, consecrat, & Deo addicit: imponendo scilicet procumbentibus in genua manus (ut & alij duo trēsve è Seniorum numero) Ecclesiam inter *Veni Sancte Spiritus &c.* concinente, & toties

ries quoties opus iterante. 18. Inde consurgentes Ordinator divinâ benedictione animat, exhibet, ac ut foelix sit illis; novum vitæ genus, atq; Ministerij Christi opus, exoptat, & quantum laboris susceperint meminisse jubet.

19. Subjungens votum & admonitionem, utilius semper memores, sibi injuncta fideliter exsequantur, divinitus imperata (certâ spe æterni præmij) obedienter faciant, & in Christo, verbisq; ejus manentes, fructum multum adferant; acclamante totâ Ecclesiâ, Amen.

20. Inter adhortationes id sedulo ipsis inculcatum, ut illud quorundam dictum, *Ne Auditores vitam suorum Pastorum, sed tantum doctrinam spectent*, tanquam pestem caveant; neq; id temere, nam qui solum dicunt, nec faciunt, ipsi suis præceptis detrahunt pondus.

21. Bonum est recta præcepta: sed nisi & tute facias, mendacium ait esse Latantius: estq; incongruens, atq; ineptum, non in pectore, sed in ore habere bonitatem.

22. His rebus omnibus etiam ex plebe qui volunt intersunt; oculosq; & animos eâ voluptatē expleant, ut quidam lachrymas tenere non queant: cum omnibus servatur gravitas, reverentia, religio, & qui omnia ornat, Ordo.

23. Cæterum ipsorum Seniorum (ut & hic, quod Capite V. scripsi, paucis commemorem) ita se habet electio.

24. In Synodo congrega-

vis omnibus Ministris, proponunt Seniores, opus esse augere numerum Senatûs Ecclesiastici, ut in locum eorum, quos Deus evocavit, è totius Ministerij cœtu alij eligantur. 25. Additurq; admonitio, quales ad hoc munus requirantur; & ne quis in suffragio ferendo quæquam alium, sed semetipsum & conscientiam suam, cum invocatione Dei, consulat: nevé alijs hunc vel illum nominandum svadeat, sed quisq; cuiq; libere, ad conscientia dictamen agendi potestatem relinquat.

26. Hinc quilibet Minister post preces ad Deum factas, multamq; deliberationem, quos aptos esse ad suscipiendam eam provinciam censet, in scheda notat: quam obsignatam (in scripto suo cognomine) offert Senioribus. 27. Hinc etiam suis sententijs adjunctis, majoriq; suffragiorum parti consentientes, conscribunt delectos, atq; eodem ferme, quô & Ministros Ordines, per Episcopum consecrant.

28. Nec est diversa ad his ipsorummet Episcoporum creatio: qui quidem ex Seniorum (seu Conseniorum) ordine simili modo, ab omnibus Ministris & Senioribus, delecti, & in conspectum Ecclesiæ evocati, sanctè promittunt, fideles se in omnibus futuros; quibus rursus omnes pollicentur obedientiam.

29. Idem olim fiebat in Alexandrina Ecclesia: ubi Presbyteri semper unum ex se electum, & in excellentiori gradu collocatum, Episcopum nominabant;

(Hieronymus in Epistola ad Evagrum.)

Caput XVI.

*Ordinationum, & in genere Synodorum,
clausula qualis.*

ABsoluta Ministrorum ordinatione (quali hoc aut illo tempore opus) sacra sit universa Ecclesiae liturgia, Senioribus tam Clero, quam plebi, ministrantibus. 2. Perorat deinde Episcopus, suadens, ut roborandi ordinis gratia, omnes diversorum graduum Ministri, dent sibi invicem dexteras, testem inter pares quidem societatis, inter superiores autem & inferiores amoris & obedientiae (Gal. 2. 9.) 3. Primum illud faciunt inter se recens ordinati Seniores, prioribus dexteris societatis & obedientiae porrigentes: ut & recens creati Ministri prioribus Ministris, & Diaconi Diaconis. 4. Deinde inferioris ordinis Clerici, videlicet Ministri, Diaconi, Acoluthi, Senioribus, Ministrisq; & Diaconis, datis manibus sanctam obedientiam pollicentur hymnum interea decantante Ecclesia, aut Psalmo 133. quae cuncta actis Deo gratijs finiuntur. 5. Cum corpora cibo, post tot labores, reficienda sunt, introducuntur in Coenaculum, ac medij collo-

collocantur novi Seniores inter antiquiores: permiscantur & novi Pastores veteribus, Diaconi Diaconis, Acoluthi Acoluthis. (De edendi vero ac bibendi ratione, dictum jam est Cap. VIII.) 6. Post haec congregati, & consultatione graviter habitâ, ad illa respondent Seniores, quae Ministri constitui ordinariq; in Ecclesia oportere ante hac censuerant; addentes ipsi quoque sua consilia, ac juniores cujusvis ordinis, aff. Tu plane paterno, officij commonefacientes. 7. Tunc etiam permittitur Ministris, atq; alijs junioribus, ut adhuc etiam Seniores unâ sedentes accedant, si forte quis aliqua in re sibi, suave Ecclesiae, consilium exquirere necesse habeat: sitq; (communis Seniorum judicio) Pastorum, juniorumq;, ad certa loca missio. 8. Tandem fit dimissio solennis: ubi post brevem per Episcopum admonitionem, singulorum officia complectentem, consurgens unus ex veterum Ministrorum numero, agit omnium nomine gratias, tam Deo pro tantis beneficijs, quam ipsis Senioribus pro eorum paterna cura, salutaribus admonitionibus, adjunctione operariorum ad ministerium Christi, totaq; illa beneficentia, quam durante Synodo experti sunt: simul & promittit, se omnes officium summam cum fide ac diligentia exsecuturos, obiturosq; esse. 9. Idem faciunt recens creati, tum Minister, tum Diaconus, tum Acoluthus, unus

reliquorum nomine: Senioribus, gratum id sibi esse, respondentibus, ac ut singuli domum rever-
si saluent Ecclesias, curamq; illarum gerant pa-
ternam, & quilibet gradus sui officium præter,
rogantibus. 10. Ad extremum, collaudato si-
mul Deo, ad sua se singuli recipiunt. 11. Hæc
mihi scribenti venit illud in mentem, quod Oro-
sius (Quæstione. 65) explicari sibi petijt ab Au-
gustino: *Quomodo (inquit) possumus scire quis
mittatur à Deo?* respondet Augustinus: *Illam
cognosce missum à Deo, quem non paucorum homi-
num laudatio, vel potius adulatio, elegit, sed illum
quem vita & mores optimi, & Apostolicorum sa-
cerdotum commendat actio, vel etiam qui universa-
rum popularum judicio comprobatur: qui non ap-
petit præesse, qui nec pecuniam dat ut Episcopatus
honorem acquirat.* 12. Addam apud Fratres in
ereandis Ministris Ecclesiæ omnia quæ recensui
servari, absq; tamen unctione, quam illi Deo, Spi-
rituiq; ejus, relinquant; qui tam Iesum Christum,
quàm Apostolos, virtute suâ unxit. (Act. 10. 38.
& 2. Cor. 1. 21. & 1. Ioh. 2. 27.) 13. Quæ omnia
sequis pius hospes, cum aguntur, vel semel videat,
prorsus sit excors oportet, nã ita animo afficiatur
suo, ut cuncta quæ sunt verorum Christianorum
Fratribus esse tribuenda fateatur. 14. Hic enim
illud videas, quod scripsit Lucas. (Act. 13. 3.)
Cum jejunaissent, & orassent imposuissentq; ipsis ma-

*nus dimiserunt eos, & Cap. 14. Cum suffragijs de-
legissent per singulas Ecclesias Presbyteros, precatiq;
essent cum jejunijs, commendarunt eos Domino. Et
Rom. 10. 15. Quomodo predicabunt nisi mittantur?
Et 1. Tim. 5. 22. Manus cito nemini imposueris, neq;
communicaveris alienis peccatis. Itẽt. Cor. 14. 40.
Omnia decenter & ordine fiant. Et 1. Tim. 3. 13.
Qui bene ministraverint, gradum sibi bonum acqui-
rent.* 15. Qui gradus, nescio an, uspiam alibi
melius servantur in Ministerio Ecclesiæ: quod ex
ipsismet Mathiæ Czerwenæ Episcopi verbis bre-
viter sic cognoscamus; qui auditor Lutheri, mis-
sus fuit legatus à Fratribus ad Bucerum Anno
1540. fatali sorte absumptus 13. mensis Decem-
bris, 1569. 16. Anno, inquit, 1521. Februa-
rij, 21. Celacoviæ honestis parentibus natus sum:
Anno 1533. Calendis Januarij, Boleslaviæ in
fraternitatem admissus: 1540. die Jovis post
diem Purificationis Virginis Mariæ, factus sum
Litomisliæ Acoluthus: 1544. die Solis post Phi-
lippi & Jacobi, Diaconus: 1549. die Luciæ (Ma-
thiæ Sionio creante) Minister; 1550. allectus
in numerum intimi Consilij XII. virorum: 1553.
septimo Junij, sorte electus Episcopus, post 8.
die autem confirmatus: tertio decimo verò die
post, scriptor sum Unitatis (Protonotarium alijs
vocant) à Concilio eorundem XII. Virorum, fi-
de illis datâ, declaratus. Hæc ille de se, nec ali-
ter

ter posset de quocunq; alio. 17. Est enim illis Liber, quò vita uniuscuiusq; Ministri brevissime describitur: ubi non prætermittuntur, uti singulares virtutes, ita vitia ipsorum, sine quibus nemo mortalium nascitur. 18. Laudavit hæc olim *Erasmus Roterodamus*, quemadmodum Libro III. ostendi, in Anno 1511. Laudavit & *Lutherus* ijs literis, quas dedit ad Fratres Anno 1523. Quòd (inquit) *Episcopos, Concionatores, & Diaconos, qui verbum Dei prædicant, & ministrant Sacramenta, ipsi è Vobis eligitis, habitâ ratione eruditionis & vitæ, proba: Sed tamen hoc cum Evangelio pugnat, quòd eos à conjugio arcetis.* (Hæc *Lutherus*: nos autem de Connubio Ministrorum paulò pòst videbimus.) 19. Quòd autem Fratres agunt in ordinatione Ministrorum, militibus similem, *Milita bonam militiam*, inquit *Apostolus, habens fidem & bonam Conscientiam* (1. Tim. 1. 18) idem olim egere Romani milites, *Vegetio* teste. *Jurant*, inquit, *omnia se strenuè facturos, quæ præceperit Imperator, nunquam deserturos militiam, nec mortem recusaturos, pro Rom. Republica.* 20. Ac certè multò magis hisce militibus Christi fides Imperatori Christo integrè servanda est, semel suscepta functio nunquam deferenda, Arma spiritualia semper tractanda, & in promptu habenda; assidui hostes illis oppugnandi, pro veritate decertandum ad mortem usq;.

Caput XVII.

De Linguarum studio inter Fratres: Reditibusq; eorum.

POTRÒ ut semper sint docti Viri in Ecclesia, mittuntur à Senioribus Ecclesiasticis in Academias adolescentes, domi utcunq; eruditi, in quibus erga studia liberalium artium amor, excellensq; ingenium, appareat. 2. Cœteros ipsimet Seniores, atq; nonnulli Pastores, non magis literis quàm pietate instituunt, & ferendo deinceps gravi Ecclesiastico oneri paulatim à puero assuefaciunt. 3. Fatendum verò est, Fratres illos pluris facere illiteratam pietatem, quàm parùm piam literaturam: & majorem curam habere bonorum Morum, cum voluntatis divinæ notitia, quàm Artium liberalium exquisitam scientiam. 4. Et certè Deus non benè doctis, sed benè credentibus, & benè viventibus, vitam æternam promittit: de doctis autem, quorum & nos hodie superbissimos, & lingvæ stiliq; intemperantissimi, habemus, ita *Apostolus* (1. Cor. 8. 1.) *scientia inflat, charitas adificat.* 5. Suffragatur Fratribus *Quintilianus* (Cap. 3. libri 1.) ita scribens: *Si studijs quidem scholas prodesse, moribus autem nocere, constaret: potior mihi ratio vivendi honestè, quàm vel optimè discendi, videretur.* 6.

Demiror tamen unde in quorundam animis ea de Fratribus opinio nata est, quasi Lingvarum cognitionem, & Artes, penitus contemnerent.

7. Scilicet adeo sunt improbi, ut Spiritus S. dona alpernentur; nec velint, si suppeteret facultas, lingvis loqui, ut inquit Apostolus, easq; interpretari, (1. Cor. 14. 5.)

8. Si contemptio Lingvarum est dicenda, non potuisse illas olim discere, cum in ejusmodi docerentur locis, qui sine vitæ periculo, aut fidei & bonorum morum corruptela, adiri non poterant: aut non posse eas propter indigentiam discere, contemnunt illas Fratres.

9. Atq; ita eas suâ aetate contempsit beatus ille Augustinus, lingvæ Græcæ (ut ipsemet fatetur, in libris de Trinitate) parùm gnarus, Hebraicæ autem prorsus ignarus: multiq; alij Theologi veteres expertes earum fuere.

10. Et Syrii, Indi, Armenij, Græci, Russi, Latini, suâ tantùm contenti; atq; adeo ipse quod; Jeremias Papa, seu Patriarcha, Constantinopolitanus, quantum ex eo intelligere potui, Græcam solùm atq; Turcicam tenebat: & tamen doctus est, suosq; quantum patitur tyrannis & barbaries Turcica, benè regit.

11. At nunc auctis Dei gratiâ his almi spiritûs dotibus, sublatisq; omnibus cum alijs vivendi periculis, studiose Fratres lingvis navant operam, quantum quidem per sumptus licet: ac observatum est, *Adolescentes Fratrum in lingvis plûs ad-*

disce-

discere annis duobus, quàm alij annis quatuor.

Quod si quis non credit, ipse eos examinet, & cum alijs conferat. 12. Nec ego Waldenses majores his habuisse causas crediderim, quod de sua Religione nihil ipsi latine, quod ego sciam, in publicum ediderint.

13. Porro si hoc de Fratribus, quod ajunt, ita se haberet, unde quæso illa tam literæ, quàm lingvæ in multis eorum Presbyteris atq; Ministris? videlicet in illo Luca Baccalario Pragensi, Mathia Czerwenka, Iohanne Augusta, Ioh. Blahoslao, Petro Herberto, Ioh. Laurentio, Ioh. Rokita, Ioh. Aenea, Georgio Vettero, Luca Libano, Isia Cæpolla, Simeone Turnovio, Ioh. Effraimo, Paulo Jessenio, Ioh. Capitone, Hieronymo Ficaro, Luca Helicio, Ioh. Sifferto, Ioh. Gircæa, Ioh. Campensi, Samuele Sufficio, Iohanne & Bartholomæo Niemczanijs, Zacharia Aristone, Ioh. Lannecio, Adamo Felino, Magistro Nicolao Alberto, & a ne omnes recenscam.

14. Idem testantur eorum scripta quædam, arguitq; ipsum Biblicum opus, annis superioribus (ut videre est sub finem libri VII.) excultissimâ ab ipsis, & verissimâ, interpretatione Bohemicè editum. Profecto Sacra Biblia ex Hebræo & Græco in lingvam Patriam rectè transferre, nec unius viri docti, nec lingvarum rerumq; variarum rudis esse, fateatur necesse est, quisquis non imperitus rerum æstimator fuerit.

15. Pergo ad alia. Fratrum singuli, incerti quò

ti quò tempore morituri, parata habent Testa-
 menta, quibus suam aperiunt voluntatem de ijs,
 quæ habent, post fata dispersiendis: utq; idem Au-
 ditores illorum faciant, eos subinde monent.
 16. Si cui calibi patrimonium est, id ille, dum vi-
 vit, magna ex parte erogat in varias Ecclesiæ neces-
 sitates, memor tamen propinquorum suorum:
 moriturus autem supellectilis suæ Ecclesiam facit
 heredem. 17. Nullos autem alios habent cen-
 sus, nullos proventus, sive redditus, præsertim ij
 qui sunt in Moravia & Bohemia, præter eam pe-
 cuniolam, quæ ex voluntaria hominum benefi-
 centia eis provenit, quæq; domesticis juniorum
 laboribus acquiritur. 18. Et quia meminit Apo-
 stolus collectarum & oblationum in sanctos pau-
 peres (Rom. 15. 26. & 2. Cor. 9. 1. Gal. 2. 10.) Me-
 minit & Justinus Martyr (in Apologia pro Chri-
 stianis secunda) his verbis: *Die Solis convenimus*
omnes in unum, Apostolorum vel Prophetarum scri-
pta legimus; ditiores, si libeat, pro sua quisq; vo-
luntate conferunt; collecta deponuntur apud præ-
positum, is subvenit pupillis, & egenis, &c. 19.
 Harum igitur apud Fratres quoq; colligendarum
 quadruplex quotannis constituitur tempus, sin-
 gulis scilicet spacijs trimestribus; sub custodi-
 bus illarum viris ab avaritia alienis, qui accepto-
 rum & expensorum reddunt Senioribus Politicis
 rationem. 20. Aliæ sunt ab his Eleemosynæ volun-

voluntariæ: quæ vel iisdem viris, vel ipsis dantur
 Ministris, & quarum rationem Seniores Ecclesia-
 stici, sub visitationis tempus, exigunt. 21. E Col-
 lectis ordinarijs, quas quemlibet, prout est ani-
 mus, conferre oportet, Vinum ad usum Eucharis-
 tiæ, Cerei ad Templum hyemis tempore, Cali-
 ces cum suis operculis, & Mappæ ad insternen-
 dum mensam Domini, emuntur: Aedes item sa-
 cræ reparantur: ac si quid superfuerit, abit in ali-
 menta Pastorum egenorum, atq; exulum propter
 Evangelium. 22. Atq; utinam nostra Nobilitas
 in hos suos Pastores esset aliquantò liberalior!
 adeò verecundos, ut nihil à quoquam nisi quis suâ
 sponte offerat aliquid, petant, tantò minùs exi-
 gant; quin ne hoc quidem, nisi precibus adacti,
 accipiunt, sicut mihi sæpè narrabat, pius ille se-
 nex Jacobus Comes ab Ostrotog, majoris Polo-
 niæ Præfectus generalis, idq; ipse expertus sum.
 23. Nimirum quòd *beatius esse dare, quàm accipe-*
re, Christus dixerit (Act. 20. 35.) & *Ministrum*
Christi alienum esse ab omni specie avaritiæ conveni-
at (1. Tim. 3. 8.) turpeq; sit mendicare Pastorem
 Evangelicum. 24. Sin autem plùs satis des, non
 accipiunt omninò: ut vehementer mirei in con-
 servandis eis divinam providentiam. 25. Sed
 pudet referre, quemadmodum quidam hodie ita
 sunt augendæ rei dediti, ut etiam id, quod majo-
 res illorum pio studio sacris usibus addixerant,
 animò

animo sacrilego ad se rapiant; nihilo tamen alij locupletiores, qui hoc non faciunt. 26. Atqui si illi, qui Altari ministrabant, Altaris erant participes (Num. 18. 8.) & si Pharaō sacerdotes suos ē publico alii voluit, ut non necesse haberent vendere possessiones suas tempore famis (Gen. 47. 22.) & Rex Ezechias certas fructuum terrae portiones Sacerdotibus Aaronicis dari iubebat (2. Paral. 31. 4.) multo magis alendi nobis sunt Ministri Evangelij, cum id Dominus ordinaverit, ut qui Evangelium annunciant, ex Evangelio vivant, (1. Cor. 9. 14.) & Apostolus praecepiat, ut qui doctrinā eruditur, omnia sua cum doctore communicet (Gal. 6. 6.) 27. Quod si praestaremus, absq; dubio & viros doctos, quos in Scholis nasci oportet, plures haberemus, & Pastores nostros ijs curis eximeremus, quibus eos in victu comparando distineri necesse est. 28. Injustum profecto est, quibus multum debeas, his parvam referre gratiam; & iniquissimum negare mercedem benemerito famulo; quid ergo Jesu Christi servo?

Caput XVIII.

De Fratrum laboribus manuarijs, & Calibatu.

Me-

Mecum facit Petrus Martyr Florentinus, Theologus Tigurinus, cum ita inquit; *Graviter illi peccant, qui Ministris Dei alimenta vel negant, vel maligne suppeditant, quod quidam avaritia faciunt, & sibi decidi putant, quicquid Ministris Ecclesiae tribuitur: alij videntur imperito zelo commoveri. Nam audientes Paulum & Barnabam laborasse, neq; victum accepisse à fidelibus, idem iudicant omnes Ministros debere praestare. Sed argumentatio vitiosa est: quoniam à particulari & singulari facto, legem universalem inducunt: Cum potius è diverso debeat concludi, neq; uno exemplo debeant omnes Ministri gravari. Ita fieri dicitur hodie in Polonia parte, ubi Fratres Waldenses Ecclesias gubernant. Ipsi enim sumptus pro victu à populo non capiunt, sed ex suis laboribus victitant, & quae supersunt erogant pauperibus. Hac Martyr, Locutum Communium Classe 4. loco. 2. numero 3. 2. Recte de praemio: id enim merentur Ministri, ipsiusmet Christi sententiā (Math. 10. 10.) 3. Verum quod Fratres errore labi putat, minimè ei assentior. Ofsensae enim sunt Capite IX, istius illorum laboris causae: quae aliquot sunt simul, non solius Pauli & Barnabae exemplum. Quamquam quidni hoc etiam vel maxime argumento moverentur? 4. Certè idem Paulus ita scribit ad Philippenses: Imitatores mei estote Fratres, ac vos considerate, qui ita incedunt, sicut habetis nos pro*

pro exemplari, (Phil. 3. 17.) Et ad Thessalonicenses docens, quò quid unquam animo fecerit, his verbis utitur; *Ipsi nostis, quomodo oporteat nos imitari; quoniam non inordinatè nos gessimus inter vos, neq; gratis panem edimus à quoquam. Non quòd non habeamus potestatem, sed ut nosmet ipsos pro exemplari exhibeamus vobis, ad vos imitandos.* (2. Thess. 3. 7. 8. 9.) 5. Quod licet ab eo in genere dictum sit, tam de vita pia, quàm de labore manuario, dictumq; videatur Auditoribus: Actorum tamen 20. Episcopos alloquens imitationem sui hanc ipsa in re tradit (v. 33. 34. 35.) 6. Præterea, habent Ministri in Polonia fundos, quos vel ipsi sua cum familia excolunt, vel horum loco certam à Dominis agrorum, seu pecuniam seu annonam, capiunt. Non eam quidem tantam, quæ labori ipsorum respondeat: sed quæ Doctorem fame perire non sinat. 7. Ast in Moravia atq; Bohemia, ubi arva Domini Jesu sunt fertiliora, eà Populus fertur in Pastores suos liberalitate, ut sapius sit frenis ab illa cohibendus, quàm stimulis ad exhibendam excitandus: Ministris nihilominus ut animos rerum divinarum contemplatione, ita corpora voluntariis laboribus, libenter exercentibus: quia Caro ut pareat Spiritui, omnimodè domanda est. 8. Quia & ijs Ministris qui sunt Posnaniæ, in maiore Polonia (alter Polonus, alter Germanus) quamvis nullum sit cer-

tum

tum præmium, victus tamen utcunq; suppedit: dum quemadmodum quondam Eliam in eremo Corvi. jussu Dei, quotidie pascebant, ita his cum familia unus civium panes, alter carnes, tertius pilces, Cervisiam quartus, alij alia alimenta, tanquam ex composito plerumq; comportant (cùm id faciat ille, cui una cura est de nobis omnibus) legumina verò hortus suggerit. 19. Simili modo Jesum Christum victitasse, hæc testantur: *Iudas marsupium habebat, & quæ mittebantur portabat, inquit Iohannes (12. 6.) Lucas autem (8. 14.) Ipse iter faciebat per singulas Urbes, & vicos, prædicans Verbum Dei, & duodecim cum eo, & mulieres quædam quas sanaverat à spiritibus malis, & alia multæ quæ ministrabant ei ex facultatibus suis.* 20. Admonet me hic locus, & facta viduus Ministrorum Ecclesiæ mentio, ut de Celibatu quoq; ipsorum dicam nonnihil, propter quem sunt expositi multorum sinisteris opinionibus: quasi id Deus ipsis dare non possit, quo carent reprehensores eorum, & quidem hoc idem pluribus largiretur, si id studiosius quàm uxores expeterent. 21. Ist hæc enim continentia, potissimè in Ministris Ecclesiæ, singularis quædam Novi Testamenti, eam extollentis, virtus est: olim celebris ac frequens, nunc contempta & rara, adeò ei pauci student, cupiditati statim cedunt, iustitiam suam cum carne negligunt: sed nò pauci possunt

simul

simul ac eos agmen invasit molestiarum uxoria-
rum, illud Corinthijs datum consilium, *Bonum
est homini Mulierem non attingere*, serò probant
(1. Cor. 7. 1.) 22. Inter Fratres autem multi
sunt ex Ministris, antiquâ Consuetudine Cœlibes,
imò perpauci non Cœlibes: si eos qui sunt in libe-
râ & tuta Polonia excipias: id autem ob eas cau-
sas, quòd superioribus temporibus multa pericu-
la adierint, multaq; exilia experti sunt, quæ etiam
nunc extimescunt, dum idem vivit genus homi-
nium, quod Evangelij professores summè odit.
23. Quò rerum statu nihil est his miserius, qui U-
xore liberisq; onusti sunt, nec falsò opinor olim
ita scripsit illè Græcus.

*Felix primum quidem, qui nihil cuiquam debet:
Mox qui uxoris expertus: tertio, qui sine liberis est.*

Quod Epigramma Cælius Rhodiginus tri-
buit Automedonti, Capite. 12. libri 15. Anti-
quarum lectionum. 24. Altera causa est, quòd
Paulus Doctor gentium, toties periclitatus, id
censuit de Virginitate (1. Cor. 7. 26.) existimo
hoc bonum esse propter instantem necessitatem. Item
ibidem: *Velim vos absq; sollicitudine esse, & supra,
Velim omnes homines esse, ut ipse sum: sed unus-
quisq; proprium donum habet ex Deo.* 25. Quod
sive is ad viduitatem (nam eum habuisse uxorem,
præterquam quòd ipsemet fateri videtur, (1. Cor.
9. 5. Et Philip. 4. 3. testes sunt Ignatius Epistolâ
ad

ad Philadelphenses, Clemens Stromatum lib. ter-
tio, & Eusebius Historiæ Ecclesiasticæ libro 3.
Cap. 24. sive ad continentiæ donum, divinitus sibi
peculiariter datum, retulerit, eodem tamen
res recidit. 26. Vult enim idem Episcopum esse
continentem (1. Tim. 4. 8.) & eò qui potest carere uxore,
malo necessario à Philosophis vocato, nihil
potest esse liberus; ut sunt solutæ caveis aves.

27. *Tertia ratio est*, quòd liberis viduisq; illorum,
quibus res non modò angusta, sed nulla prope
est domi, nihil esse soleat calamitosius: Viro au-
tem, cui salax, rixosa, superba, ignava, prodiga,
temulenta, contigit uxor, nullus alius inferior.
28. Huc accedunt Parentum in liberis benè edu-
candis tot sollicitudines, à quibus sunt Cœlibes
liberi. 29. *Postrema ratio*, quia soluti curis &
impedimentis conjugalibus, expeditiores se esse,
promptioresq; ad sua munia exercenda sentiunt.
Qua de re sic idem Apostolus: *Si duxisti uxorem
non peccasti, & si nupsit virgo non peccavit; tales
tamen afflictionem carnis habebunt* (1. Cor. 7. 28.)

30. Neq; omnino suâ opinione falluntur Fratres;
certò enim certius est, plerisq; eorum qui con-
jugibus mancipari, & curis humanis implicari
sunt, fieri in sacro Ministerio Cœlibibus aliquan-
tò remissiores, & ad rem attentiores: quippe
quos distrahi re familiari, negotijsq; domesticis
(ut sibi ascitis, & ex se progenitis, necessaria pro-

Ipſicant) necesse est: qvā uxorum expertēs nōn gravant.

Caput XIX.

*De Cœlibatu adhuc & Matrimonio
ſecundisq; nuptijs.*

A Tramen ſi cui negatum eſſe divinitus continentia donū cognoscant, vel morbis ſibi ſubjectum; ut hi curari abſq; miniſterio Uxorū non poſſint, videant: huic tam ante qvām poſt ipſius ordinationem dūcendā Conjugis poteſtatem faciunt: idq; ideo, ne libidinis æſtu abrepti notam inurat Eccleſiæ, qvām tali maculā carere convenit; ac ut ægrotus eō cūretur melius: led ut eam ſibi jungat, cujus virtutes perſpecta ſint Eccleſiæ. 2. Solent nihilominus tamen illi etiam, qvī talia præſentit, contulere; ut ſi ſe caſtrare, ſeu cupiditatem ſuam vincere poteſt (non fruſtra n. Chriſtus, *Qui poteſt capere capiat* (Matth. 19.) ſine Uxorē potiūs cū *Tiro*, *Timotheo*, *Chymenie*, ætatem tranſigat: qvos *Ignatius Marcy* vitam cœlibem egſſe Epistolā ad Philadelphienſes aſſerit. 3. Certē Apoſtolus, melius illū facere ait, qvī ſuā virginem non dat, qvām eum qui dat nūptum: & beatiorē eſſe viduam dictū ſi permaneat in ſua viduitate & ſolitudine (1. Cor.

7. 40.)

7. 40.) 4. Qvibus verbis, cū in Cœlibem vitam præferat Matrimonio, tot mala, curas, & ſolitudines ſecum trahenti, nec Miniſtrum Chriſti diſtractum eſſe in cultu divino expediat: non eſt mirandum ejusdem Fratres cū Apoſtolo ſententia eſſe, atq; illos priſcos Chriſtianos fuiſſe, de qvibus hæc Epiphanius (hæreſi. 80. in qvā refert Statuta & Traditiones Eccleſiæ Catholicæ:) *Primum quidem fundamentum in ipſa eſt Virginitas, qvā exercetur & ſervatur à multis, & glorificatur.* 5. Sic Juſtinus in Apologia, Antonino Imperatori oblata, Anno 141. *Multi, inquit, apud nos in utroq; ſexu reperiuntur, egreſſi annum ſexageſimum, & ſeptuageſimum, qvī a teneris diſciplinā Chriſtianā imbuti, perpetuam caſtitem conſervaverunt.* 6. Et Synchronos Juſtini Athenagoras, in ſua pro Chriſtianis Apologia: *Invenias multos ex noſtris in utroq; ſexu, qvī in Cœlibatu conſeſcant: quod in hoc ſtatu Deo conjunctiores ſe futuros ſperant.* 7. Idem ego Fratres, præſertim Miniſtros Eccleſiæ, facere dico, veterum Chriſtorum æmulando virtutem: permulti enim illorum non ullis adſtricti votis, aut Presbyterorum territi minis, ſed ſua ſponte, uſq; ad finem vitæ caſtiſſimè vivunt, aſſidui in precationibus & laboribus, in Viſtu autem ac ſomno temperantiſſimi. 8. Nec id ſoli Mares, Viriq; verū etiam fœminæ faciunt: quarum aliquæ acu ſuere,

62

lege.

legereq; & pingere literas, docent puellas, ac primis fidei imbuunt rudimentis: alia, quæ se liberiori cultui divino, sicut Maria Martæ soror, & Anna Prophetissa, illaq; Christum affectatæ mulieres, (Luc. 8. 3. 4.) dederunt, sunt Presbyterorum quorundam Oeconomæ, & coquæ, ut ex illis Verbum Dei crebrò audiant, precibus quotidianis intersint, & Christo in servis suis serviant: ubi pudorem mirabilem, tam harum quàm illorum, cum omni castitate, videas. 9. Quod ad secundas Ministrorum Christi nuptias, non ignorant Fratres, visum id quibusdam antiquis Theologis fuisse, Græcisq; hucusq; videri (quod etiam hodie observat Russorum Ecclesia) ut is Clericus, esse desineret, qui conjugium repeteret. 10. Verùm cum hoc, nō fallor, sanctis literis, quibus solis observandis obstringimur, expressum nō sit, quin potius scriptum in eis legatur, ut qui uritur, nec se continere queunt, contrahant matrimonium: illud item, Ferendam esse infirmorum imbecillitatem, nec esse cuiquā laqueum injiciendum; neq; omnes verba Christi de Celibatu capere posse: non privam Fratres dignitate Sacerdotali eum, qui unis nuptiis non potuit esse contentus. 11. Nam constat alium hoc, alium aliud à Deo, accepisse donum: Vnum uri perpetuò, & magno ardore ad propagandum genus humanum ferri; alium ab hac re penitus abhorrere: utrumq; autem veni-

re cre-

re credimus ab illo, ex quo, per quem, ac in quo, sunt omnia. 12. Proinde contrarium huic conscientiarum liberrati edictum Gregorij (Anno 1074. Papæ creati) Antichristianum esse, atq; de doctrina Demoniorum (ut scribit Paulus, 1. Tim. 4. 3.) profectum existimant: quod tale est, de Clericis sanxit, ne uxores ducerent, qui verò haberent, aut eas aut Sacerdotium dimitterent, nec quisquam ad sacerdotium vocaretur, qui non perpetuum Celibatum profiteretur. Hæc Sigonius Italus, de Regno Italiæ lib. 9. 13. Hoc idem diu ante Siricius Papa (circiter Annum 390.) tentarat, sed tamen non perfecerat, dum omnibus Ecclesiæ Ministris Conjugio interdiceret, Gratiano teste (Distinct. 52. & Polydoro Virgilio lib. 5. Cap. 4.) 14. Illa verò Apostoli verba ad Corinthios; Solutus es ab uxore? ne queras uxorem: non præcepti esse sed consilij, quod sit cuivis sequi liberum, interpretatur ipse Apostolus: dum distingvens præcepta à consilijs ait, De Virginitate præceptum Domini non habeo, consilium autem do. Alioqui peccarent omnes tam Vidui quàm Viduæ, iterantes matrimonia. 15. Illa proinde Apostoli, de Episcopo & Diacono unius uxoris viris, verba variè aliàs ab Orthodoxis intellecta, ceu quidam cum Novatianis & Catharis hæreticis, secundas nuptias damnantibus, sentire viderentur) cum Hieronymo, Chrysostomo, Augusti-

G3

gustino, Theodoretus, Catholicis Doctoribus, accipiunt Fratres. 16. Hieronymus enim ita scribit: Hos quod dicit, Unius uxoris vir, potest & aliter differi. Ex Judæis erat Apostolus, primæque Christi Ecclesia de Israël relicta congregabatur. Sciebat lege concessum, & exempla Patriarcharum ac Moysis familiare populo noverat, in multis Uxoribus liberos spargere, ipsis quoque Sacerdotibus hujus licentia patebat arbitrium. Præcepit ergo, ne eadem licentia Ecclesie sibi vendicent Sacerdotes, ut bina pariter & trina conjugia sortiantur: sed ut singulas una tempore Uxores habeant. Hæc ita Hieronymus tomo 3. ad Oceanum. 17. Et lib. I. adversus Jovinianum ait Apostoli verbis. Plures Uxores Episcopis interdictum, unam concedi. Item in Commentario Epistolæ ad Titum; Quidam de hoc loco ita sentiunt: Judæica consuetudinis fuit, vel binas habere uxores, vel plures, & hoc nunc volunt esse præceptum, ne is qui Episcopus eligendus est, uno tempore duas pariter habeat uxores. 18. Idem sentit Chrysostomus in 1. Tim. 3. Idem Theodoretus, super eadem verba: Illud unius uxoris virum, mihi videntur quidam rectè dixisse, olim enim consueverant & Græci & Judæi, cum duabus, & tribus, & pluribus etiam Uxoribus, simul jungi lege Matrimonij. Quin etiam nunc, cum leges Imperatoriæ prohibeant duas simul uxores ducere, rem habent cum concubinis & mer-

meretricibus. 19. Dixerunt ergo, divinum dixisse Apostolum, eum qui cum una sola Uxore pudicè cohabitavit, dignum esse qui ordinetur Episcopus: nunc enim secundum rejecit matrimonium, qui illud sæpe jussu fieri. Mulier, inquit, alligata est lege, quamdiu vivit vir ejus. Sin autem is mortuus fuerit, libera est ut cui vult nubat, tantum in Domino. Hæc considerans, admitto eorum interpretationem, qui sic intellexerunt. Ita ille. 20. Non dissentit ab his Augustinus in libro de fide ad Petrum: Quia (inquit) agnoscendi semper est consulendum, propterea si cui primò contigerit privari conjugio, si voluerit secundas vel tertias inire nuptias, nullum de illis peccatum habebit; si eas castè servaverit; id est, si unus & una legitimè duntaxat conjuncti fuerint; ut nec ille Mulieri præter Uxorem, nec illa viro præter maritum, ullatenus misceatur. 21. Bene ista Augustinus: sed cur ultra numerum ternarium non procedat, causam non video. Sane homo nunquam polluitur matrimonio, aliqui DEUS, rem detestabilem, quâ is macularetur, instituisset; quin ne unquam pollueretur, remedium est matrimonium, quod hodie Judæi diligenter curant. 22. Sunt enim quidam naturæ tales facti, ut solitudinem ac viduitatem nullo modo ferre queant. 23. Perijt Basilicæ pestilentia, principio Anni 1564. (me tunc inde Genevam egresso) quædam Dorothea Werkerin, undecim Ma-

ritorum conjux. Vidit & Sanctus Hieronymus Romæ mulierem, quæ viginti & duos viros legitimos habuit. Vidit etiam virum, qui viginti uxores, ad ultimum hanc quoque ipsam duxerat, victor habitus, quod ei superstes esset (Hieron. Tom. 1. Epistolâ ad Geruntiam) 24. Novi & ego duos in Polonia Ministros satis pios, qui usque ad quartum matrimonium processerunt, cum non pauci alij, vel unicum refugiant: quos quis sapiens perperam fecisse dixerit, cum aliâ ratione peccatum, ad quod illos æstus incitabat internus, evitare, neque rei familiari, suæque valetudini bene consulere, poterint? 25. Utinam verò aliquando idem suis permittat Pontifex Romanus! ira namque illa ejus Babylon, quam Apocal. 17. graphicè depinxit Angelus, magna Meretrix esse desineret.

Caput XX.

De Jejunijs Fratrum.

Dici hic aliquid posset de Jejunijs Fratrum (quibus si preces ad Deum cum fide, respicientia, & misericordia erga proximos jungantur, naturalis petulantia reprimatur, & animus ad supera magis elevatur) nisi id melius ex Confessione è Apologia Fidei eorum peteretur: modi-

modicè tamen hoc ipsum etiam perstringamus. 2. Jejunant enim sæpè, semel in die (plerumque vesperi) comedentes ac bibentes (& si absque cibariis deleat) assidue simul sunt in precibus diebus Mercurij & Veneris, quadripartitis Anni temporibus; & ante Ministrorum inauguratorem, & pridie Sacre Cœnæ Domini; & ante festa Christi solennia; ac tunc etiam, cum aliquid effugituri sunt à Deo, quod esset admodum necessarium, & utile, cum Ecclesiæ, tum verò toti Reipub. 3. Videlicet cum Comitibus Regni celebranda sunt; Novus Rex eligendus est; Pestilentiam ingruere sentiunt; bella præparari, aut Ecclesiam infestari, audiunt; vel aliquid aliud adversi sibi imminere cernunt: ut hæc tali abstinentiâ iram divinam mitigare, & corpus in obsequium Spiritus redigere sit necesse. 4. Sic Daniel & Eldras, per Jejunia futura cognoverunt: Nuntiavit iratum numen cœleste placaverunt: Everserunt Regem Alverum ab illo crudeli proposito avertit: Anna prophetissa, addens jejuniis precationes, die ac nocte Deum coluit: Discipuli Christi Dæmonia eiciebant: Cornelio Centurioni, jejunanti & Deo supplicanti, Angelus apparuit: Johannis discipuli, ac ipse Paulus, crebro jejunabant (Luc. 5. 33. 2. Cor. 6. 5.) Davidis genua jejuniis debilitabantur (Psal. 109. 24.) Judæi adventantis Antiochi Eupatoris minas, tridu-

ano jejuniū effugerunt (2. Macha. 13. 12.) Christiani prius jejunijs aridi, & omni continentia asperi fiebant (Tertullianus Apologetici Cap. 40.) 5. Apostoli quartā die, quā assumptus est Dominus, & pro Sabbato, quā crucifixus, jejuniū usque ad horam nonam constituerunt (Epiphanius testis hæresi 80 quod & 75. affirmat.) Meminit & Augustinus ijs diebus jejunijs ad Cassulanum. 6. Ac fuisse id usu receptum apud Judæos, ut quālibet hebdomadā bis jejunarent, etiam hodierna fæx illorum, idem agens, testatur: & Phariseus ille docet Luc. 18. secundā & quintā Sabbathi id facere solitos fuisse, ait Clemens, Apostolicarum Constitutionum lib. 7. cap. 24. 7. Non commemoro alia eorundem Jejunia ut Levit. 16. 29. Zach. 8. 19. & alia quæ per Prophetas etiam ab ijs feriō requirebat Deus, dicens: *Convertimini ad me toto corde vestro, cum jejuniis & fletu* (Joel 2. 12.) 8. At hodie in quibusdam terris & civitatibus Evangelicis, non modò ignotum est jejuniū, sed etiam ceu superstitionis videtur, & commentum Papisticum esse putatur. Atqui non Papista erat Octavius Augustus, cujus hæc verba refert de Jejunio Svetonius: *Ne Judæus quidem mihi Tiberi, tam diligenter Sabbatho jejuniū servat, quam ego hodie servavi, qui in balneo demum post horam primam noctis, duas buccas manducavi, priusquam ungi inciperem.* 9. Verè id Imperator:

Nam

Nam Judæi non nocte, sed sub occasum Solis, jejunare desinunt, carnibus promiscuè vescentes. 10. Fratres omni suā vitā id faciunt, quod prudenter consulit Sanctus Hieronymus (in regula Monachorum, & Epistola ad Furiam:) *Parcus cibum, & venter semper esuriens, triduanis jejunijs præservatur. Multò enim melius est quotidie parum, quàm raro satis sumere. Nihil prodest biduo, triduoque transmissio, vacuum portare ventrem, si pariter obstruatur, si compensatur sacritate jejunium.* Etiam ex vilissimis cibis vitanda est satietas. 11. Idem Epistola ad Eustachium: *Nec si biduo jejunaveris, putes te nā jejunantibus meliorem. Tu jejunas, & irasceris; ille comedit, & fortè blanditur. Tu vexationem mentis, & ventris esuriem, rixando digeris; ille moderatius alitur, & Deo gratias agit. Qvale illud patet esse jejunium, cuius iram non modò non accipat, sed Luna integram derelinquit?* 12. Ita & Athanasius in libro de Virginitate. *Non quòd cibis jejunat solū, probè se gerit: sed qui abstinet ab omni opere malo: hoc enim jejunium censetur.* Nam si jejunes, neq. servas os tuum ne loquatur malum, aut non vitaveris iracundiam, aut mendacium, aut perjurium, aut si alteri obtrestes, nihil prodest. 13. Sic & ipse sapiens Siracides (Cap. 34. 31) *Si quis propter peccata sua jejunio se affligit, rursumq. abit, ut eadem committat, quis preces ejus exaudiet? aut quid sibi suū profuit afflictione?* 14. Quare valde

valde dubitō, num utiliter jejurent pluribus
 quā Fratres diebus nonnulli alij, minimē mu-
 tatis cohibitisq; pravis suis moribus: nam cū
 similiter cibo ad tempus abstinuissent olim Judæi,
 ita Deum compellabant (Esaïæ Cap. 58. 3.) *Qua-
 re jejunavimus & non aspexisti? affliximus animas
 nostras, & nō novisti? Quid respondet Deus: ecce in die
 Jejuniij vestri invenitis quod delectat!* 15. Et pro-
 fectō etiam hodie Papistarum jejuniij diebus, ma-
 gna voluptas in cibis multifariē coctis, atq; con-
 ditis, invenitur: ita ut jejunium illorum nihil ali-
 ud sit, quā esæ (savis mutatio; qui verō simpli-
 ci Carnium (absq; condituris) frustulo, vel uno
 atq; altero ovo, butyrōve, famam suam explet,
 hic illis hæreticus est, & quod Romæ atq; Parisijs
 vidi, strangulatur laqueo. 16. Attamen quoni-
 am cavent Fratres, ne cui sint offendiculo, aut ul-
 las dent in communi hominum societate turbas,
 utrumq; vetante Apostolo, atq; monente Siraci-
 de (cap. 7. 7.) *Ne peccemus in multitudinem civita-
 tis:* fit plerumq; ut iisdem cibis vescantur tem-
 poribus iisdem, quibus & illi cum quibus vivunt,
 citra tamen superstitionem, & cum protestatione
 contra Dæmoniū ea in re doctrina. 17. Ii-
 dem singulis spacijs trimestribus Deo grates pū-
 blicas in Templis reddunt, sicut dixi, conditas je-
 junio, pro foelici tempore præterito: obsecran-
 tes eum, ut & in posterum Ecclesiam & Rempu-
 blicam

blicam in pace conservet, scandala omnia extir-
 pet, iram suam & eam sequentes plagas, famem,
 pestem, & bella avertat, atq; in omnibus neces-
 sarijs clementem se ipsis præbeat Patrem. 18.
 Adhortantur etiam tunc suos ad seriam pœni-
 tentiam; & eam vitæ emendationem, ut in om-
 nibus à Deo sibi permissis voluptatibus, eam ser-
 vent moderationem, ne vincantur à Concupi-
 scentijs carnis, regnū sibi in homine erigere sem-
 per quærentibus, neque usu illarum nimio mens
 confundatur, valetudo lædatur, proximi offen-
 dantur, Angeli custodes electorum repellantur,
 & Spiritus S. cordium inhabitator fidelium, con-
 tristetur. 19. Observantur etiam inter Fratres,
 privata spontanea jejunia, pro libera voluntate
 ejuslibet pij Deum adorantis, & ad gratiam e-
 jus in necessitatibus suis confugientis. 20. Ve-
 rū id faciunt, ut Christus moner, ne homini-
 bus appareant, neu tubā clangant, & sine Papisti-
 ca certorum dierum observatione.

Caput XXI.

De Scriptorum edendorum ratione.

SI postulet necessitas, ut sit eis scriben-
 dum quidpiam, injungitur id negocij uni Epi-
 scoporum, aut alij cuipiam ad scribendum ido-
 neo:

neo: veruntamen Scriptum non ante exit in lucem, quam à primario Episcopo, qui est Synedrj præses, atque si sit opus à pluribus etiam doctis, è Seniorum Ministrorumq; Classe, examinetur.

2. Id utem ideò, ut certiora sint illa, quæ aliquot prudentes ante perpenderent, quam in publicum prodierunt: nève quid scripto insit maledici, quod totam Ecclesiam deformet; vel falsi, quod lectores in errorem inducat; aut stomachosi, quod eosdem offendat. 3. Solet autem id, semper ferè, nomine universæ Ecclesiæ eam ob rem divulgari, ut alia alijs membra ejusdem corporis honorem adferant, eoq; pacto ansa inanigloriæ, animos scriptorum titillandi, præcidatur, ac scriptum eò majus pondus atq; auctoritatem habeat.

4. Quà hodie alibi sublatâ disciplinâ, quod cuivis in mentem, imò in buccam, venit, id spargere in vulgus licet, nemoq; non ita se doctû, & liberum, esse existimat, quo sibi quodvis excogitandi, & ut est ingenium humanum, vel optima damnandi arroget facultatem: unde tot eadem de re opiniones, & tam multa sectarum errorumq; genera. 5. Eadem Fratrum diligentia est, cum quid alieni editur lingvâ vernaculâ; multi enim vident prius, quod plures possent lecturi sunt. 6. De superiore illo scribendi genere, unicum pro multis adducam exemplum. Scripsit quidem *Johannes Turnovius*, Magnificorum

Croto-

Crotosciorum in Cujavia Ecclesiastes, librum *de Choreis*: in quo haud infimis rationibus demonstrat, nefas esse, ac turpe omnino Christiano, ita ut vulgò sit, saltare cum fœmina. 7. Quò quid verùs? cum ejusmodi Saltationes & ab Ethnicis profectæ, & in se nihil nisi opus carnis, in voluptates sese diffundere gestientis, sint: sæpeq; numero itas, maledicta, lites, odia, pugnas, inducant, spectatoresq; ad similes lascivos amplexus & tactus proritent, eoque verè pijs scandalo sint.

8. Ad minimum rectè negari non potest, eos qui ita saltant, configurare se seculo huic: contra expressum Dei interdictum (Rom. 12. 3.): eò magis, quòd & honestioribus Ethnicis, quales Romani erant, saltationes ejusmodi abominationi fuere. 9. Quare prudentissimè Synodus Laodicensis, (Anno 368.) interdixit, *ne Christiani saltarent in nuptijs, nève cum paganis festa celebrarent*; ac vellem ut isti petulci legerent in *Cranij Saxonia* Cap. 5 lib. 10. & 34. tam lascivè saltantium, horrendis supplicijs à Deo punitorum, exempla. 10. Rectè igitur Turnovius, eruditi juvenis *Johannis Turnovij* (postea Theologiæ D. & Fratrum per Poloniam Episcopi) pater, pestem hanc infectatus est: & tamen scutè aliquid, præter styli obscuritatem, deprehendit Episcopus Laurentius, quòminus viri non mali laudandus pet se labor publicaretur, 11. Pauca verò scribunt

bunt edenda typis in lucem: non quòd non possint, sicuti alij, sed quia malunt ea, quæ jam infinita literis mandata sunt, legere; quæque Deus universè omnibus mandavit pro virili parte exsequi, quàm scribendo id præcipere, cui nemo pareat, neq; viâ meliori, quàm ostenderetur, insistat.

12. Quid, quòd ipse hominum sapientissimus monuit, *faciendi libros nullam esse finem* (Eccles. 12. 12.) & quòd multa lectio sit carnis afflictio? Ne illud dicam, *omnis verbi ociosi reddendam esse illi, quòd os homini dedit, aliquando rationem* (Meth. 12. 34.)

13. Verissimum est illud Pœtæ (nostro præsertim tempore) *Nihil esse dictum, quòd non dictum sit prius*. Etenim nihil propè aliud hodie scriptores, quorum operâ obscurata olim Sathanæ artibus puta Religio renovatur, quàm unam & eandem materiam, verbis methodisq; alijs, transformant: perinde ut lotrices aquam variorum cinere percolant.

14. Nihil novi sol hic aspiciat: ac eò jam res sensim denuò redit, quòd primum astu mali genij devenerat, ut homines multò libentius humana quàm divina scripta legant; impleanturq; Musea varijs eruditorum, & inter se pugnantibus lucubrationibus, quæ lectoris depravant judicium.

15. Quasi non plùs una pagella Dei, in Canonicis scriptis nobiscum loquentis, decies lecta, quemvis docere possit, quàm mille hominum nobis similitum (nisi quòd nòs ætate ante-

antecefferunt) commenta. 16. In quos non ita dotes suas contulit Deus, ut non etiam aliquid nobis, illorum posteris, reliquerit. *Effundam* (inquit) *è Spiritu meo super omnem carnem* (Joel. 2. 27.) quæ caro nos quoq; sumus, non solus illi Patres fuere; omnes verò æquè illi ut nos, ut peccato ita ignorantia obnoxij sumus. 17. Nam, quid Hieronymus? *Scio aliter habere Apostolos, aliter alios tractatores: illos semper vera docere, istos in quibusdam, ut homines, aberrare*. 18. Quam obrem ut alia multa, ita hoc laudem meretur Fratrum institutum, quòd juvenus ipsorum percepta è monumentis majorum Vnitatis suæ, de cultu divino, unanimi sententiâ, libros inde Sacros sedulò evolvit: unde puritas doctrinæ, & in ea consensus, in omnibusq; concordia & unanimitas (quibus maximè Christianis opus est) feliciter conservatur.

Caput XXII.

De Judicijs administrandis per Seniores Politicos.

Magistratum Fratres partiuntur in Ecclesiasticum atq; Politicum. 2. Ecclesiasticum Presbyterium (de quo Cap. IV.) apud ipsos omnia quæ ad Religionem, & Salutem, Conscientiasq; hominum

minum spectant, jus administrandi habet: Politica non attingit. (3. Quod etiam tunc fiebat, cū ita scriberet Hieron. (super I. Cap. ad Tirū) *Idē est Presbyter, qui Episcopus: & antequam Diaboli inflinctu studia in religione fierent, & diceretur in populo, Ego sum Pauli, ego Cephe, communi Presbyterorum consilio Ecclesia gubernabantur*) 4. Præter tria illa cætera omnia Politicō Magistratui, tanquam legitimo humanæ societatis Patrono atque tutori, permittunt Fratres. eumq; si pietatis Christianæ sectator sit, multis in rebus consilij instruunt. 5. *Illis Custodia Ecclesiæ, & omne spirituale regimen* (ut pluribus dictum est Cap. III. & dicitur Cap. XXVIII.): *huic Gladius cum scepro*, ad coercendos plectendosq; improbos; & Vexilla multa, ad honore afficiendos ac tuendos bonos. 6. Uterq; Dei Minister est (Rom. 13.) sed Ministerij forma diversa. *Discrimina Ministeriorum sunt, sed idem Dominus.* (1 Corinth. 12.) 7. Civili obsequitur universa Ecclesia, sed tantum ad Aras Nam si fines imperij sui transgressi, ea mandet, quæ supremus vetat: hinc Fratres, tum illorum de quibus Daniel, & Apostolorum exemplo, in hominis potius quam Dei viventis manus incidere malunt: quæ causa est, ut cum illicita vetitæque se facturos negant, non raro periclitentur. 8. Quoniam verò nemo unquam solus, absq; fideis administris & adiutoribus, Ma-

gistratus

gistratu recte functus est (quod præter alios multos Moysis & Esdræ exempla satis declarant; illud Exod. 18. 18: hoc Esdræ 7. 24.) ideo Fratres, in medio Papatu habitantes, tam ex Equestri quàm plebejo ordine certos viros, pietate, judicioq; & prudentiâ alijs præeuntes, eligere solent, quorum operâ in conservando recto statu, & Membrorū Ecclesiæ concordia, utuntur. 9. Hos illi *Seniores Politicos*, & *Judices Populi*, nominant: (quælium etiam Matthæus meminit: ut Matt. 21. 23. *Accesserunt ad Jesum Principes Sacerdotum, & Seniores populi.* Sic & alib.) 10. Hi Presbyterorum, in rebus Spiritualibus occupatorum, quæ si oculi auresq; & tanquam *Censores plebis* habentur: qui electi à Cœtu, manu stipulatâ ab Episcopo in Congregatione constituuntur, bini, terni, vel seni aut octeni, prout frequentia Ecclesiæ requirit. 11. Hi verò ita res agunt suas, ut à pietate familiæ ipsorum cætera multitudo petat, vitæ Christianæ exempla. 12. Tum verò Pastorum Ecclesiæ curam gerunt, bonam illorum exhortationem, si quis vellicet, tuentur; ædes eorundem, observandorum quæ necessaria sint gratiâ, sæpiusculè ingrediuntur; Auditores ad gratum erga ipsos animum declarandum excitant; num singuli Fratres & Sorores ad regulas Verbi divini vivant, & officia vocationis suæ, justè, sobriè, piè, & honestè faciant, animadvertunt.

H2

13. QVOS

13. Quos si qui viam mundi latam sectari deprehendantur, vel parùm piè se gerant, sedulò monent: perstantes in malo objurgant, contumaces autem ad Ministros deferunt, scandalis ne quæ inter Fratres & Sorores oriantur obviant, Hospiti Fratrum felicem adventum gratulantur, ac redituro ad suos totius Coetus nomine prosperum iter & salutem, omnibus ad quos it, precantur. 14. Sæpè ipsi inter se, conscio tamen Ministro, de rebus necessarijs, consilia conferunt, charitatem inter omnes conservant, sparsam de quopiam infamiam maturè sopiunt, in omnibus silentium servant, pro Ecclesia Deum sæpè orant. 15. In ædes cujuslibet singulis anni trimestribus, tanquam speculatores, intröeuntes, quales quis tam domi quàm cum peregre est, sectetur mores, quomodo vivat, & suam familiam regat, quibus artibus victum quærat, quali conscientia sua agat, quid se dignum vel indignum faciat, num preces quotidianas cum suis domesticis manè ac vespere habere soleat, an libenter Verbum Dei audiat, quomodo se in Magistratu (si quò fungitur) gerat, aliaq; ejus generis, diligenter perscrutantur, & singula scitu necessaria Pastori suo referunt. 16. Operarijs item Opificum, aliundè venientibus, Magistros officinasq; Artificij eorum ostendunt: in facultatibus emendis & acquirendis, vel rursus justè vendendis, opifices adjuvant; ne

quid

quid ij volètes nolètes Reipub. damni dēt, cōsiderant, inq; difficilioribus negocijs eos salutaribus consilijis instruunt: ac ne is qui æs contraxit alienum, ad extremam redigatur penuriam, solerter provident. 17. Pauperes in Ptochodochijs, vi-duosq; egenos & viduas, & pupillos, & aliàs inopes, pecuniâ ex communi Eleemosyna collectâ, sublevant. 18. Ægrotos etiam visitant, consolantur, & ad scribenda ejusmodi Testamenta, in quibus Uxoris, liberorum, familiæ, calamitosorum, Christi q; Ministrorum, habeatur ratio, fideles tutores ab eis designentur, ac debita ante mortem exsolvantur, si possunt, hortantur. 19. Tutores itē atq; Curatores orāt, ne quā Orphanis injuriam faciant: Pastores autem, ut expirantibus viaticum spirituale, coactis ad id aliquot Fratribus sororibusq; præbeant, rogant. 20. Interfunt & Nuptijs, quò suâ præsentia convivantium immodestiam (si quæ foret) cōerceant, mares cum foeminis saltare prohibeant: videant denique, ut omnes ante ebrietatem, quæ hilaritatem scilicet sequitur, domum repetant. 21. Illorum quoq; est inimicitias inter fratres exortas dissolvere, compositis amicè litibus, si possunt: aut si arbitrio illorum non acquiescatur, litigantesq; forum sequi eligant, monere, ne quid ejusmodi apud Magistratum agant, quod Ecclesiæ foret scandalo, condonantes potiùs, Christi exemplo,

H3

alter

alter alteri injurias (Coloss. 3. 13. & Eph. 4. 32.)
22. Est autem illorum amica ac fraterna litium
decisio, legibus Civilibus multò expeditior: nec
ita animos offendit litigantium, sicut politica,
quæ propter summum jus solet esse molestior.

23. Quin fuit aliquando tempus (uti docet liber
primus Digestorum) cum *optimorum quorumq;
arbitria pro legibus essent*: ac hodie etiam Æthi-
opes Christiani in India, Europæis numerosiores,
nullis legibus ex præscripto utuntur, causam su-
am per se quisq; ore, non libello, agit; Iudex au-
tem de omnibus rebus ex æquo & bono statuit:
idedò, ne Causidicorum avaritiâ lites protrahantur,
(testibus Sabellico, Eonæade, 10, lib. 8. & Damia-
no à Goes Lusitano, in Æthiopica Historia.)

24. Si cui è Fratribus lis intercedat cum quopi-
am alterius Ecclesiæ, voceturq; ad Tribunal, sistit
se ille foro, ad quodcunq; tractus fuerit. Si ve-
rò ipse actor sit, expostulat de injuria sine verborum
acerbitate, saltem ut malorum licentia re-
primatur. 25. At verò si quis nimidum sit litigi-
osus, is ad terrorem, alijs à concordium & quie-
torum societate segregatur: quòd non deceat.
Ecclesiam Christi esse contentiosam, cum ad pa-
cem, non ad jurgia, vocarit nos DEUS: qui adeò
hoc abominatur vitium, ut Paulus, legatus ejus,
neget illo s Regni cælorum confortes futuros,
qui litibus, irâ, contentionibus, dissidijs, Deum
& homines offendunt (Gallat. 5. 20. 21.)

Caput XXIII.

*Laus hujus Administrationis: & de
Senioribus fæminis.*

ATq; hi sunt illi Iudices, de quibus Pau-
lus (1. Cor. 6. 4.) Si *judicia habetis de ijs quæ
ad hujus vitæ usum pertinent, eos qui minimi sunt
in Ecclesia in subsejjs collocare*; Ut vos pudeat, hæc
dico. Itane non est inter vos, ne unus quidem sapi-
ens, qui possit *disjudicare inter Fratrem suum*? Cap.
5. 12. *Quid mea interest, de ijs qui foris sunt judi-
care? nonne vos de ijs qui intus sunt judicatis?* 2.
Ipse autem Iudex omnium nostrum, turbam ho-
minum alloquens: *Cur per vos ipsos non judicatis
quod justum est*, (Luc. 12. 57.) Quibus verbis id do-
ceri, ut ipsi inter nos, citra severi Magistratûs o-
peram, obortas controversias amicè dirimamus,
sopiamusq; sequentia ibi verba (v. 58. 59.) o-
stendunt. 3. Idem visum est Martino Bucero in-
figni Theologo ita scribenti: *Illæ certè rarior opti-
ma est, quam observant Fratres, qui Fidei suæ Con-
fessionem nuper Ferdinando Regi Bohemorum abla-
tam, Anno 1535. ediderunt, cum præfatione Docto-
ris Lutheri: qui soli propè in Orbe, cum puritate do-
ctrinæ vigorem etiam Disciplinæ Christi, apud se re-
tinerunt* 4. *Quam laudem ut ijs tribuamus, &
Dominum qui sic in illis operatur celebremus, res ip-
sa nos*

sanos cogit: Etiam si Fratres illi, à præposterè doctis non nullis, contemnantur. 5. Ratio verò quam in hac re observant, hæc est: Præter Ministros Verbi & Sacramentorum, habent certum collegium Virorum, prudentia & gravitatè spiritus præcellentium, qui munus obeunt monendi ac corrigendi Fratres peccatores, componendi dissidentes, & in causis eorum iudicandi. 6. Excommunicationis tamen sententiam non ferunt, nisi causa delata ad totam Ecclesiam, & communibus sententijs iudicata, fuerit; idq; per supremum Ecclesiæ curatorem. 7. De ejusmodi Senioribus scribit & divus Ambrosius, in Epist. 1. ad Timoth. Cap. 5. Unde synagoga, & postea Ecclesia Seniores habuit, sine quorum consilio nihil agebatur in Ecclesia, quod quâ negligentia obsoleverit, nescio, nisi forte Doctorum desidia, aut magis superbia, dum soli volunt aliquid videri. 8. Ità Bucerus, in libro hujus Inscriptionis; Scripta duo adversus Latruncum, Capite de Authoritate Ecclesiæ. 9. Hoc idem fermè agunt in suo sexu Seniores Matrones: non quæ judicia exerceant, sed quæ virorum exemplo, tanquam Matres familiâs Domûs Dei, puellas nuptas, vi tuas, famulas, officij commonefaciunt, discordes reconciliant, ne quam ulla vituperationem meritò suâ incurrat, nè pudicitiam prostituat (facinus apud Fratres execrandum) etiam atq; etiam attendunt: & si quid usquam quod dedeceat, quodq; fugere conveniat, animad-

nimadvertant, id ob oculos ponunt, & ab illo dehortantur. 10. Eadem sororibus ægrotantibus præstò sunt, contristatas consolantur, egentibus quâ possunt opitulantur; nuptias denique suâ præsentia faciunt moderatiores; Anus sint honestatis magistra, ut ad prudentiam instruant adolescentulas, inquit Apostolus (Tit. 2. 3. 4.) 11. In lumina, tam Viri quàm Mulieres illæ diligenter circumspiciunt, ne sit in aliquo animus malus, qui à Deo deficiat; ac ut se omnes gerant, sicue dignum est Deo, vocantè nos ad suum Regnum. 12. Ut praxin ejus videas apud Fratres, quod Paulus præcipiebat Thessalonicensibus (Cap. 5. 14.) Monete inordinatos, consolamini pusillanimes, subleuate infirmos, patientes estote erga omnes. Et paulò ante (v. 11.) Adbortamini alij alios, & adificite singuli singulos. Et Hebr. 10. 24. Observemus alij alios, ut nos acuamus ad Charitatem & bona opera. 13. Ita enim fit, ut si quis delinquentium talibus admonitionibus ad se redeat, mores mutet, culpam deprecetur, nè suo lapsu alij offendantur, neu malum exemplum imitentur, obsecret; ut hunc alij moerentem consolentur: consolationi tamen adhibitâ moderatâ quâdam reprehensione, Deo genitos non facere peccatum (1. Joh. 3. 4. 6. 8.) vitet ergò deinceps omnibus modis peccatum, iram frænet, &c. 14. Quæ omnia cum brevi post exortum Lutherum quidam Sles-

us, vir clarus & doctus, veri boniq; amans, vidisset, *Fratres Granum Christianorum* appellavit: confessus ingenue, se tum demum, postquam horum doctrinam audivit, disciplinamq; & malorum coercionem cognovit, peccata odio habere, salutiq; suæ diligentius incumbere, coepisse. 15. Similiter præclarus ille *Joachimus Camerarius* in Academia Lipsensi Græcæ lingvæ Professor, scripturâ ornans suâ, more Germanis recepto, album amicorum *Wenceslaj Placelij*, nobilis Bohemi, nunc apud Fratres judicis, hujus sententiæ verba in eo exaravit; *Sicubi gentium nunc est vera Christi Ecclesia, certè apud Fratres Bohemicos est.* 16. Quod vir tantus haud temerè pronuntiavit: sed quia eum de ipsis historiam coccinrare haberet in animo, scire prius eum oportuit, quales ij essent de quibus scripturus erat. 17. Multis idem Camerarius de iisdem Fratribus mecum, præsentē celebri illo Medico *Casparo Peuce-ro*, (cujus constantiæ mentis libro VI. in Anno 1568. facta est) Lipsiæ contulit, Anno 1571. cum certio iter facerem in Galliam.

Caput XXIV.

De Excommunicatione.

Caterum si quis animum nefaria cupi-

de a-

dè amantem ostendit, orbitamq; Christianam identidem excedit, toleratur is quidem aliquantisper. 2. Verùm cum *peccare non esse necessitatis, sed propositi ac voluntatis*, non falsò dicat *Lactantius* (Cap. 27 lib. 4.) nec homini aliò sine tribuatur à Deo prudentia, pietas, temperantia, quàm utis vivat, prudenter, piè, temperanter; sit, ut si is à nequitia, per Seniores politicos, atq; per ipsum Pastorem aliquoties (clam palam) admonitus, non recedat, neq; respiscat, tanquam membrum putidum à Corpore sanæ Ecclesiæ reseceatur; & quasi palmes infructuosus extra vineam Domini eiiciatur. 3. Fit, inquam, talis veluti Ethnicus & Publicanus: nec in Ecclesia illi locus est, cui auscultare renuit, (Matth. 18. 17.) 4. Quando autem eò res devenit, *primum* peccati commissi magnitudo, & id sequens irati Dei vindicta, soniti proponitur: *deinde* voluntas divina, de exterminandis Ecclesiâ Sanctorum contumacibus, Satanaq; tradendis, denunciatur: *tum* re ipsâ sequitur *impenitentis excommunicatio*, qui potestate clavium Christi in nomine Patris, Filij, & Spiritus S. ligatur, frustioneq; bonæ conscientie, & gratia Dei privatur; eòq; ex cœtu heredum vite æternæ ejectus, Satanaq; traditus, esse pronuntiatur. 5. Deinde ab uno Seniorum Cœtus, aut à Diacono, ex congregatione foras educitur, statimq; Ecclesiâ ad vitandos tales lapsus commonefactâ, Deus Pater suppli-

suppliciter oratur, ne oviculam Pastoris sui Christi ovili exclusam (ubi à lupis infernalibus animæ illius periculum est) diu in peccatis hære, adeoq; perire, sinat. 6. Quæ severitas idè adhibetur, ne cæteri impunita imitentur peccata; & ne è Sancta Christi Ecclesia fiat flagitiosorum sentina, è templo Dei latronum spelunca; ac ne vel modicum fermentum omnem massam corrumpat, unica morbida Ovis totum inficiat Ovile: nè ve propter maleficum inter probos toleratum totus cœtus, ipsumq; Evangelium, malè audiret; atq; quod præcipuum est, quò tali animadversione malus peccare suo bono dedisceret ac desinere, benefacere autem inciperet. 7. Gravior multò fuit sub Moyse in contumaces adversio. Scriptum enim est: *Vir qui superbiens non obedierit sacerdoti, aut iudici, moriatur, & auferes malum ex Israhel, ut universus populus audiat, & timeat, nec amplius superbe agat* (Deut. 17. 12. 13.) 8. Porro cœrtionis huiusmodi, secundum peccantis gravitatem, sunt aliquot gradus. Nam occultata peccata, quæ quovomodo prodit Deus, occultè puniuntur; aut in Concione, suppresso fontis nomine, perstringuntur: manifesta aperte, partim publicà in cœtu deprecatione, & vitæ melioris promissione; partim negatà istiusmodi homini Eucharistià; partim eò curà Pastoris excluso, & ut modò dixi, ab Ecclesia depulso; vel si Clericus sit, Ministeriò dejecto (*Auferte, in-*

quit, *malum istum ex vobis ipsis*. 1. Cor. 5. 13.) 9. In quos autem eà gravitate vindictæ animadvertitur, sunt illi (de quibus etiam Capite VII.) qui contemptà Ministrorum Verbi Dei auctoritate, comestationibus, ebrietatq; (summo Aquilonarium vitio) sese dedunt, choreas ducunt, rixantur, homines percutiunt, maledictis gaudent, iniquo fœnore & injustis exactionibus, rem augent, cœde humanà cruentantur, Venere illicita se polluant, immorigeri suis superioribus sunt, peccata peccatis accumulunt: breviter, qui obstinate ijs se immergunt flagitijs, quæ Apostolo sunt opera carnis, ac homines Regno Dei excludunt (Gal. 5. 21. & 1. Cor. 6. 9.) 10. Multò verò magis illi excommunicationem merentur, & perferre coguntur, qui errore hæretico vel idololatrico irretiti, in eoq; perserverantes, naufragium Fidei fecerunt. 11. Sed quia hominem Satanæ tradere res est magni momenti, non solet solus Ecclesiastes, privato iudicio, usu civitatis Dei cuiquam interdicerè: non quasi rei huius, ratione Ministerij sibi commissi, potestate careat, sed ne fortè quis opinari posset, quòd is non studiò gloriæ Dei, sed vel de spiritali lepra iudicij inopià, vel iracundià, odio, invidiæ concitatus, id faciat. 12. Quamobrem si quis talem poenam mereatur, de hoc Pastor Seniores Ecclesiæ facit certiores: qui de crimine lapsi cum ipso iudicantes, de pot-

de pœna quoq; irroganda statuunt. Quorum sententia si variant, sit ut prudentia Archipresbyteri, auctoritateq; Verbi Dei, concilientur. Solent etiam Pastores in rebus magnis totam, convocare Ecclesiam, taliaq; negotia expedire absolutâ Concione, ante dimissionem plebis cum hanc ob causam, quod Ecclesiæ quoq; concessa sit à Christo ligandi solvendiq; potestas (Mat. 18. 17. 18.) tùm quia primi illius Apostolici Concilij statuta, non solis Apostolis Senioribusq; sed omni congregationi (id enim nomen Ecclesiæ significat) ascribuntur, (Actor. 15. 22.) 14. Corinthij quoq; illum impurum, noverca suæ consuetudine usum, Apostoli mandatu è medio sui eiectioni, Satanæq; tradituri, congregari iubentur (1. Corinh. 5. 4.) de quo in gratiam recipiendo ita rursus idem; *Cui vos aliquid condonatis, & ego condono* (2. Corinh. 2. 10.) quod similiter faciunt Fratres. 15. Quibus ne quis id vitio vertat, quod illis Auditores sui sint alij sancti, alij minus; is meminerit etiam Apostolos ita locutos esse Philip. 4. 22: *salutant vos omnes sancti*, maxime qui sunt ex Cæsaris domo Eph. 1. 1: *Paulus sanctus qui sunt Ephefi, fidelibus in Christo* 1. Cor. 6. 2: *An ignoratis sanctos mundum esse iudicatuos?* 1. Tim. 5. 10. de pia Vidua, *si sanctorum pedes lavit*, Actor. 9. 32? Petrus devenit ad *Sanctos*, qui sunt Lydda &c. 16. Quin hanc

hanc *Sanctorum Communionem*, omnes Catholici Orthodoxi confitemur, & esse credimus: licet eos qui eam violant, contra Christi mandatum, & Apostolorum praxin, Ecclesiæ malo toleremus; quod non faciunt, eoq; rectè Ecclesiæ consulunt, pii Fratres. 17. Dici enim vix potest, quàm sit hæc vitiorum cohibitio semper utilis, imò necessaria, Ecclesiæ Christi, id præceptum habenti, ut sit *sancta, inculcata sine ruga & macula; ne quem offendant, sanctificationem sui in timore & tremore perficiat, se ab omni carnis spiritusq; inquinamento purget, saveat hypocrisis Pharisæam, mundi huius mores fugiat, vetus fermentum expurget*, & lexcenta id genus alia. 18. Maxime verò necessaria est hoc seculo, quò depressa olim Satanæ astu & improbitate veritas, & versa in nequitiam virtus, Dei beneficiò rursus emergere incipiunt, multa; laudanda postliminio vindicantur, ac eò unde exciderant restituantur. Quidni igitur hæc etiam salubris omnium corruptelarum medicina, Ecclesiastica Disciplina?

Caput XXV.

Laudes Disciplina Ecclesiastica.

EXcommunicationis commoda videns, magnus ille & prudens Lutherus, sic de ea
(Tome

(Tomo primo typi Vittebergenfis) fcripfit: Excommunicatio non tantum pro fidei contumacia, fed pro quolibet crimine fcandalofo, debet ferri. Quod patet ex Paulo (1. Cor. 5. 2. Thef. 3.) Ubi jubet vitari etiam fornicarios, &c. 2. Sic & Geneveenfes in Biblijs Gallicis magnæ formæ, fuper 12. Caput Levitici: Lepra; inquit, fignificat, debere unamquamq; impuritatem feperari in Ecclefia, quæ poffit cultus Dei corrumpi: fignificat & verum ufum Excommunicationis. Nam perversi & mali, qui in nequitia perfiftunt, debent f fungi à corpore & communione Sanctorum. 3. Et Calvinus in Inftitutionibus Chriftianis, Libro 4. Cap. 12. Sect. 1. & 2. Quicunq; vel fublata Difciplinam cupiunt, vel ejus impediunt reftitutionem, five hoc faciant datâ operâ, five per incogitantiam, Ecclefia certè extremam diffipationem querunt. Quid enim futurum efl, fi unicuiq; liceat quod libuerit? Atqui id fieret, ne ad doctrinæ prædicationem accederent privati monitiones, correctiones, & alia ejusmodi adminicula, quæ doctrinam fufinent, & otiofam eflè non finunt. 4. Difciplina igitur veluti frenum efl, quò retinuntur, & domentur, qui adverfus Chrifti doctrinam ferocifunt: veluti ftimulus, quò excitentur parum voluntarij, interdum etiam velut paterna ferula, qua clementer, pro Spiritus Chrifti mansuetudine, caftigentur, qui gravius lapfi funt. 5. Quum ergo jam imminere cernamus initia horrenda in Ecclefia

Ecclefia vaftitatis, ex eo quòd nulla efl cura nec ratio continendi populi, ipfa neceffitas clamat remedio eflè opus. Porro hoc unicum efl remedium, quòd & Chriftus præcepit, & fempè ufitatum inter pios fuit. Primum autè Difciplina fundamentum efl, ut privata monitiones locum habeant, &c. quæ ibi fequuntur. 6. Sunt enim certè quidam ejusmodi Chriftiani, qui fe ipfos propter fcclera non folum Cœnæ Domini, verùm etiam ipfius Ecclefie, privant communione: quibus tamen, poftquam fe correxerint, reditus ille patere debet, unde ejefti funt. Ita Chriftus (Apoc. 2) monet Ephefinam Ecclefiam, inquit, memor eflò unde excideris, & refpice, & fac priora opera. 7. Et alioqui (ut digreffus ab Hiftoria, nonnihil fufius hac de re differram) nifi fub hunc mundi occafum (rebus humanis adeò prolapsis, ut non annus modò, nec mensis, fed dies, pofterior fiat priorè deterior) fervetur in Ecclefijs ifthæc rectè vivendi Magiftra, quæ peccata hominum magis ac magis erumpentia, coërceat, ea quæ prava funt corrigeat, fanabilia ingenia à deploratis diftingvat, ac difcrimen inter bonos & malos ftatuat: hæud equidem video, quomodo populus, in vitis admodum proclivis, folâ Verbi Dei auditione, & generali illa Confectionatorum peccantium objurgatione, in officio, contineri queat. 8. Accedendum efl cominùs Paftoribus ad Oves, fi eas falvas eflè cupiunt:

morbi singularum cognoscendi, cogniti curandi, & quod eis in ore est, id re ipsâ exsequendum, ut sint illis meliores. 9. Alioqui sic in eos graviter invehitur divinus Ezechiel (Cap. 34.) *Va Pastores Israelis! Adipem comeditis, & Lanam induitis, quod opimum est mactatis, gregem tamen non pascitis, morbo affectas non confirmatis, agrotantes non curatis, confractam non obligatis, depulsam non reducitis, nec pereuntem requiritis, sed durè dominamini eis, & per sevitiam: ut dispergantur destituta Pastore, sicut & cibus omni bestia agri &c.* 10. Accipiet Christus (Apoc. 2.) *Habeo adversum te pauca, quod permittis mulierem Jeshabel docere, ac seducere servos meos ut scortentur, & comedant idolis immolata.* Quæ cum Pastori dicta sint, ejus est videre, ne quid mali geratur in Ecclesia. 11. Paulus verò ita (2. Cor. 13. 2.) *Predixi, & predicavi ut presens, absens & nunc scribo iis qui ante peccarunt, & reliquis omnibus fore, ut si denuò venero, non parcam.* Et paulò post (v. 10.) *Hac absens scribo, ut in presens severitate utar, ex potestate mihi à Domino ad ædificationem data.* Item 1. Cor. 4. 21: *Quid vultis? cum virga veniam ad vos, an cum charitate & spiritu lenitatis?* 12. Quæ omnia dum à pud Fratres observantur, laudem certè merentur, neque enim ullo alio modo melius ædificatur Ecclesia, quàm si in facinorosos, censurâ divinâ animadvertatur: nullo pacto illa magis labascit, quàm

quàm si mali eodem cum melioribus loco habeantur, quos Apostolus procul esse à regno cælesti futuros ait (1. Cor. 6. 9.) 13. Videt hæc illius Disciplinæ commoda, in militia etiam, laudabilis ille Imp. Romanus, Alexander Severus, ut Lampridius testis est. Sic enim inquit; *Commilitiones, Disciplina majorum Rempublicam tenet; quæ si dilabatur, & nomen Romanum, & Imperium amittemus.* Ac reverà hoc ita Romano Imperio, prout prædixit ipsius Imperator, pridem accidit; 14. Sed & ipsi Ecclesiæ Romanæ, postquam disciplinam aliò transtulit, evenisse cernimus. 15. Ac nisi hæc virtutum conservatrix planè necessaria Ecclesiæ esset, nequaquam illam primi seculi Christiani retinuisent; nec se olim in universum Orbem Terrarum, quòcunque pervenit Evangelium, tantoperè effudisset; quæ jam, dolendum, progressu temporis planè interijt, solâ ejus remanente umbrâ. 16. Ne hîc Judæos testes apponam: apud quos nulla unquam gravior fuit, ac etiamnum est, interdicti poena, quàm Excommunicatio. Hinc illud: *Non confitebantur, ne Synagoga ejiceretur* (Joh. 12. 42. Et 9. 22.) *Constituerant Judæi, ut si quis eum confiteretur Christum, Synagoga moveretur.*



Caput XXVI.

*Antiquorum Patrum de Disciplina
Ecclesiastica testimonia.*

Sed lubet aliquot de ea è Patribus proferre testimonia. 2. Cum peragraremus gentes, Ecclesiasq; confirmaremus, alios quidem multi admonitionibus, & Sermonis medicinâ curatos, ad sanitatem reduximus, cum morti essent vicini; Eos verò qui nullo remedio curari potuerunt, ab Ovili rejecimus, ne morbi contagione valentes Agni contabescerent: sed puri, mundi, sani, integri, Domini conservantur, atq; hæc quidem ubiq; toto Orbe Terrarum, in singulis Civitatibus præstitimus. Ita Clemens Pauli Apost. assecla, quem tertiū fuisse à Petro Romanæ Urbis Episcopū, scribunt, Cap. 8. lib. 6. Constitutionum Apostolicarum. 3. Et Cap. 44 lib. 2. *Versamini vos Episcopi cum ijs, qui propter peccata segregati sunt, eos procurantes, consolantes, confirmantes, dicentesq; Corroboramini manus dissolutæ, & genua debilitata.* 4. Sic Cap. 20. *Ovis scabiosa cum alijs communicat morbum, nisi separentur ab ea Oves integræ, & homo pestilens à multis cavendus est, & canis fabidus nisi coërceatur, periculosus est omnibus quos attigerit. Si igitur hominem iniquum ab Ecclesia non separemus, faciemus domum Dei speluncam latronum: non enim oportet*

res peccantibus convivere, sed coarguere, admonere, arguere, jejunijs affligere, ut alijs timorē incutiamus. Timoratos facite filios Israel, inquit Deus (Deut. 4. 10.) 5. Et Canon Apostolorum 10. *Si quis cum excommunicato, licet in domo, preces conjunxerit, communionem privatur.* 6. Item duodecimo: *Si quis Clericus, aut Laicus, à communionem segregatus, seu non dum in communionem receptus fuerit, in longius illi tempus Excommunicatio protenditur.* 7. Tertullianus Afer, Discipulam sui seculi (circa Annum 225) describens, Cap. 39. Apologetici sui inquit: *Coimus in cætum & congregationem, ut ad Deum quasi manu factâ precationibus ambiamus orantes: Hæc vis Deo grata est, &c. Ubi disciplinam præceptorum inculcationibus densamus. Ibi dem etiam exhortationes, castigationes, & censura divina. Nam & judicatur magno cum pondere, ut apud certos, de Dei conspectu: summumq; futuri iudicii præjudicium est, si quis in diliquerit, ut à communicatione orationis, & conventus, & omnis sancti commercij relegatur. Præfident probati quidq; Seniores, honorem istum non pretio, sed testimonio, adepti.* 8. Sic Eusebius historiæ Ecclesiasticæ, Cap. 22. lib. 4. de Dionysio Corinthiorum Episcopo: *Aliam, inquit, Epistolam Ecclesia quæ Amastrin obtinet, unâ cum alijs Ponti Ecclesijs misit, in qua multa de nuptiis & castitate eos hortatur, & eos qui quacunq; casu, sine gravi alicujus peccati noxâ, sine hæretico*

retico pestiferoꝝ errore, Ecclesia excidissent, denudatam Ecclesiam, modo se totos converterent, clementer recipiendos præcepit. 9. Origenes, factus Presbyter Casareæ Palæstinæ Anno 232; Homiliâ 2. in librum Judicium: Non solum per Apostolos suos Deus tradidit delinquentes in manus inimicorum, sed & per eos qui Ecclesia president, & potestatem habent, non solvendi tantum, sed & ligandi, traduntur peccatores in interitum carnis; cum pro delictis suis à corpore Ecclesia separantur. 10. Cyprianus, octavâ Christianorum persecutione, Anno Christi 258. Capite Truncatus, Epistolâ II. lib. 1. Interfici DEUS jussit, Sacerdotibus suis non obtemperantes, Judicibus ad tempus constitutis non obediētes: Et tunc quidem gladio occidebantur, quando adhuc & circumcisio carnalis manebat. Nunc autem quia Circumcisio spiritualis esse ad fideles servorum Dei cœpit, spirituali gladio, superbi & contumaces necantur, dum de Ecclesia ejciuntur. Neque enim vivere possunt foris, cum Domus Dei una sit, & nemi nisi salus esse nisi in Ecclesia possit. Ambrosius, cum summus dies fuit 4. Aprilis Anni 398: Ab Ecclesia relegatis sumptus impartiendus, si desit eis alimentis copia. Et in Psal. 118: Recte ergo sacerdos vulnus, ne latius serpat, à toto corpore Ecclesia, quasi bonus Medicus, debet abscindere, atque prodere virus criminis quod tacet. 12. Augustinus (cui mors vitam ademit 28. Augusti Anno 430, Genferico Vandalorum

lorum Rege Ariano, Hipponem, Patriam ejus, in Africa obsidente) Tractatu 50. in 12 Cap. Johannis: Si hoc Petro tantum dictum est, non facit hoc Ecclesia. Si autem & in Ecclesia sit, ut quæ in terra ligantur, in Cælo ligentur, & quæ solvantur in Terra, solvantur in Cælo: quia cum excommunicat Ecclesia, in cælo ligatur excommunicatus; cum reconciliatur ab Ecclesia, in Cælo solvitur reconciliatus. Si ergo hoc in Ecclesia sit, Petrus quando claves accepit, Ecclesiam Sanctam significavit. 13. Et Tomo 3. de Fide & Operibus, Cap. 2. & 3: Primum (inquit) dico, ne quis ea testimonia scripturarum, quæ commixtionem bonorum & malorum in Ecclesia, vel presentem judicant, vel futuram prænuntiant, sic accipiat, ut disciplina severitatem, sive diligentiam, solvendam omnino, atque emittendam, non illis edoctus literis, sed suâ opinione deceptus existimet. Neque enim, quod illam primi populi commixtionem Moyses Dei famulus patientissimus perferbat, ideo non in multis etiam gladio indicavit. Et Phineas Sacerdos adulteros simul inventos ferro ultore confixit: quod utique degradationibus, & excommunicationibus, significatum est esse faciendum in hoc tempore, cum in Ecclesia Disciplina, visibilis erat gladius cessaturus. 14. Ac ante finem capituli: Ita etiam est ratio dissimulandi, & tolerandi malos in Ecclesia; & est ratio rursus castigandi, & corripiendi; non admittendi, vel à communione removendi. 15. Et

15. Et Zaga Zabo, Æthiops Episcopus, in suo li-
bello de fide & moribus Æthiopum, quem Dami-
anus à Gões Latinum fecit; *Est*, inquit, *Patriar-*
cha munus, Excommunicationibus adversus conti-
nares procedere. quarum una arcta observatio est,
ut etiam pravicatori pena perpetua media, usq;
ad mortem, infligatur. Indulgentias nullas dat. &c.

Caput XXVII.

De Disciplina intermissa noxa: ejus demq;
Usu & Abusu.

Ha sunt Ecclesie, & hi Doctores, (ne plu-
res commemorem) quibuscum Fratres senti-
endo, peccantes ligant, resipiscentes solvunt: ne
si hoc non facerent, illorum essent similes Hære-
ticorum, de quibus sic Tertullianus in libro de
Prescriptionibus adversus hæreticos. Cap. XLI. *Non omi- tam, inquit, ipsius etiam conversationis*
hæretica descriptionem, quam futilis, quam
terrena, quam humana sit, sine gravitate, si-
ne autoritate, sine disciplina, ut fidei sue con-
gruens. Inprimis quis Catechumenus, quis fidelis,
incertum est: pariter adeunt, pariter audiunt, pa-
riter orant: etiam Eibnici si supervenerint, san-
ctum Canibus, & Porcus margaritas, licet non ve-
ram, jactabunt, Simpliciter volunt esse prostratio-
nem

rem disciplina. cujus penes nos curam lenocinium vo-
cant: pacem quoq; passim cum omnibus miscant. &c.
3. Nihil hoc verius, solâ olim Disciplinâ florui-
se Christianas ubivis gentium Ecclesias: eâ verò
luxatâ, fœdè illas deturpâtas esse. Nimirum quia
id Ecclesiæ accidere necesse est, quod Republicæ,
in qua nec boni præmijs, nec mali poenis, efficiantur.
4. Dolendum sanè est, non audere nunc eâ
quosdam in suos Auditores uti, qui tamen ipsis
regendi tui potestatem semel tradiderunt: quodq;
ipsi facere verentur, id fieri ab alijs non posse pu-
tant. 5. Solvunt igitur tantùm, non ligant; al-
perunt Ecclesiam, non claudunt; in comuni-
onem sanctorum recipiunt, nunquam eâ vel pes-
simos eiciunt: ligare peccantes, ligatos esse à
Deo interpretantur, id est, munere se exuunt suò,
& potestatem acceptâ à Christo, ultro spoliant.
6. Atqui si suâ disciplinâ utitur Magistratus in
Politia, si Magistri in Schola, si Imperatores in
Bello, si Patrès familiâs in ædibus privatis (pro-
pterea quòd sicut virtutes, ita vitia, crescant ex-
emplis): sola eam domus Dei vivi, sponsa Jesta
Christi, & Columna veritatis, vibrare in mortua
sua membra verebitur? 7. Alibi est, quàm in re-
bus Christianorum religiosis, illi dicto Quintia-
liani locus: *Frangas citius quàm corrigas, qua in*
pravum induruerunt. 8. Nondum ita invalue-
runt mala nostra, ut hâc Medicinâ, si essent fide-
les

les Chirurgi, curari non possint: non dum Christiani tales prorsus facti sunt, ut si quis res urgeat, legi Dei subijci nolint. 9. Recuperent modo Pastores amissam, vel sibi à Politicis ereptam, auctoritatem, à Domino unâ cum Ministerio acceptam, quam Apostolus potestatem edificandi Ecclesiam appellat: ac ostendant Populo, quam per Disciplina intermissionem in passim per Orbem creverint hominum Mores, quos nunc merito averlamur, & ea quam cernimus Religio, siue potius Superstitio: faciantq; à se ipsis, rigore debito, correctionis initium. 10. Abusus, inquit Ataxia patroni, secutus est Disciplinam: nec alij artibus Papa Romæ, Reges ac Cæsares tubegit, quam huius effectui, Excommunicatione. 11. Verum, à boni, minimè æquum est, ut rei per se laudandæ, & quod majus est, à Christo ipso & Apostolis institutæ, idè intereat usus, quòd eam interdum sequatur abusus. Non tollimus sacram Scripturam, quam in suam perniciem detorquent hæretici; non Ferrum, quo sese interficiunt homines; non Vites ob ebrietatem, quam illarum succus adfert; non sexum fæmineum, propter tot adulteria & scortationes. 12. Nec id vobis damus, Papam impiorum extra communionem ejectione subiecisse sibi Reges: *miracula enim falsi, doctrinâ perversâ, fraude, superstitione, audaciâ, fastu, & plus quam regali potentia, hoc aliquando faci-*

facturum fuisse prænuñciaverat Spiritus S. (2. Thess. 2. 3. 4.) 13. Ad hoc, impleri oportuit illud Apoc. 17. (v. 8. 9. 10. 11. 12. 13.) de eo qui nunc est, Domino Romæ, & Principibus Christianis; *Decem cornua quæ vidisti, decem Reges sunt, qui vires ac potestatem suam bestia tradent. Habes, Roma, quod sumpsisti, decanta canticum: quia per malitiam, non Religionem, orbem vicisti:* sic Abbas Urspergensis. 14. Fateor Judæos iniquè excommunicatione usos esse, cum tuis Synagogis exturbarent credentes in Christum: de quo in fine cap. XXV. 15. Iniquè & Diotrephem illum, qui (uti Christo charissimus Johannes secundâ Epistolâ queritur) Fratres Ecclesiâ temerè eiciebat. 16. Nec benè eam exercuit Constantinus Papa in Philippicum Bardanem; & Gregorius 2. in Leonem tertium, Imperatores Orientis, Imagines Sanctorum Templis eicientes. 17. Crudeliter & superbè Gregorius 7. & Alexander 3. quorum ille (tradente id Campo Folgeso cap. 3. libri sexti Exemplorum) Henricum 4. non aliâ ullâ ratione ob venalia quædam sacerdotia, ad honorem Imperatorium rursus admisit, quam hyeme nudis pedibus in nive collo inductâ zonâ, multas horas ad Canussæ oppidi portas, ubi tunc is Papa degebat, erroris sui veniam petijt: hic Fridericum Barbarossam, qui schisma in Ecclesia concitasse dicebatur, non antè Anathemathe solvit, quam

quàm pronus in Terram pedes ejus osculo veneratus esset. 18. Addunt, Sabellicus in historia Veneta, atq; Johan. Stella, Venetus Sacerdos, in viris Pontificum, Papam pede pressisse prostrati Imperatoris collum, Venetijs: quàm ego historiam vidi depictam in Palatio Veneto, quod Anno 1576. conflagravit. 19. Et sic quidem fulminibus Excommunicationum Regibus olim formidabiles Papæ, nimis malè usi fuerunt potestate à Domino Ecclesiæ Rectoribus datâ, oblitâ, datam esse in ædificationem, non in destructionem (2. Cor. 13. 10.) 20. At Paulus benè illâ usus est in Corinthio, novercæ incestu contaminato: benè & Fabianus Papa in Philippo Arabe, inter Imperatores Christianos primo, ob patratam in Gordianum antecessorèm ipsius proditiionem. 21. Non malè etiam Innocentius in Arcadio Augusto, qui pium Chrysostomum Patriarchali honore spoliârat. 22. Iustè & Nicolaus 2. in Rege Lotario, qui Tebergâ Uxore repudiâtâ, alteram loco legitimæ habuit. 23. Iustissimè Ambrosius, præsul Mediolanensis, in Theodosio Impo. homicida. 24. Item ille alter Episcopus, in ejusdem sceleris reo Svenone Danorum Rege: quod testatur Saxo Grammaticus libro undecimo historiæ Danicæ; ne plura ejusmodi exempla adferam.

Caput XXVIII.

Potestas Ecclesiastica cum Civili non confundenda, nec ab illa impedienda.

Adunt iidem, qui nunquam viderunt melioribus legibus fundatam Ecclesiam, & Rempublicam, præter eam in qua ipsi nati sunt, extorqueri è manibus Magistratui gladium, concessâ Presbyteris potestate ejiciendi Ecclesiâ homines nefarios. 2. Quæ ipsorum opinio quàm falsa sit, documento est Ambrosij & Augustini seculû, quò floruit hæc Disciplina, cum jam in Ecclesia esset Christianus Magistratus: & Unitas Fratrum, quæ ab Anno 1456, usq; adhuc, hæc usa est in contumaces censurâ, absq; Politicæ auctoritatis diminutione. 3. Nec nostrum est adimere Ministris Ecclesiæ hanc facultatem, quam à Christo unâ cû Evangelio acceperunt. 4. Habet semper aliud Magistratus, quod agat in Republica: discretæ enim sunt Politia & Ecclesia, alia hujus alia illius sunt negotia: aliæ sunt leges Cæsarum, aliæ Christi; aliud Papinianus, aliud Apostolus præcipit. 5. Ac diu Ecclesia fuit, & disciplinam exercuit, absq; ope Civilis Magistratûs: nam ad Constantini Magni seculû, qui religionem Christianam amplexus est Anno Christi nati 312, quo tempore Roma quoq; (ut testatur Prudentius)

Augusti sui exemplum secuta, ad Christum conversa est, & pax Ecclesijs per Orbem Terrarum reddita: tam diu eas Dominus varijs infestationibus exercuit, tam diu fortitudinem suorum militum, & fidem Martyrum, probavit. 6. At postquam Ecclesia (ut in Vita Malchi Hieronymus ait) ad Christianos Principes venit, potentia quidem & divitijs major, sed virtutibus minor facta est. 7. Quinimò minus molestiarum habet Magistratus in administranda Republica, stabilito in Ecclesia maleficos coercendi ordine, quam maximè decet ordo. 8. Punit ille quidem malos: sed & perpaucos, & abjectæ tantùm ferè sortis homines: damnat adulteros & fures, absolvit scortatores, maledicos, ebriosos, ita ut verè poëta dixerit, *Dat veniam Corvis, vexat censura Columbas.* 9. Cumq; ipse Magistratus prout libet vivat, nullius de se subire vult iudicium: ob id Deus, justior Magistratus, multis sæpè plagis Civitates & Regna afficit, in quibus indulgetur sceleratis. 10. Quod futurum Christus prævidens, dedit ob id Ecclesiæ suæ alios *Vigiles, Duces, Pastores, morum Censores, Ministros, Dispensatores*; addit illis ligandi, solvendi, remittendi atq; retinendi peccata, potestate, & clavibus Regni colorum creditis. 11. Quos id agere, quod ipsa eorum cognomina (Vigilum, Ducum, Pastorum, Censorum, &c.) indicant, oportet omninò, si suo munere

nerè salvà conscientia fungi velint: alioqvi tam dabunt poenas illi, à quo sunt alijs præfati, hoc si non faciant, quàm si jure malè utantur suo.

12. Etenim impunitas, quæ fit Magistratibus continentia, peccati illecebra est: & qui parcit malis, nocet bonis; qui ad vitia connivet, eaq; dissimulat, locius malorum habetur. 13. Sed jam Petrum Martyrem, acutissimum Theologum (quem Tiguri in Helvetia Anno 1557. audisse juvât) idem sentientem cognoscamus: *Quò autem commento seu prætectu (inquit) rejiciatur hodie in plebis, locus Disciplina, opera pretium est audire Periculū a jure imminere, ne Disciplina colore Ministræ Ecclesiæ tyrannidem occupent; corrigant, arguant, excommunicent, non justis de causis, sed pro libidine.*

14. Ad hæc. Magistratus nostros, inquiunt, Dei gratia hoc à Christianos esse, ideoq; cum illi graviora crimina puniant, disciplinam hanc Ecclesiasticam videtur supervacaneam. 15. Nec attendunt qd fovēs homines, nihil à Ministrorum Tyrannide posse temeri, ubi Evangelij doctrina de correctione servatur.

Non enim minus auctoritati, atq; libidini, hoc munus est concedendum, sed in excludendis à Fratrum societate ita qui corrigi nolunt, Ecclesiæ consensus est adhibendus: cujus auctoritate si agatur, nemo de unitis aut paucorum tyrannide, jure poterit conqueri.

16. Neq; minus frivolum est, quod affertur de Christiano Magistratu, siquidem bona ex parte Principes nostri

nostri Orbis Antichristi Romanensis legibus obtemperant. Et idcirco instauratis ac reformatis Ecclesiis infensi sunt; tantum abest, ut quicquam velint illis commodare. 17. Ad hoc sicubi à Papa defecerunt, & in suo principatu Ecclesias Evangelicas habent, non aliis legibus, quam Casareis aut Civilibus judicant; quare tamen, ut divinus literis, acriter taxantur, ita Ecclesia Christi non vulgariter nocent. 18. Exemplo sunt scortationes, ebrietates, luxus & hujusmodi vulgares pestes, quæ à civili judicio dissimulantur, & à corrupta plebe videntur. 19. Deinde Magistratus Politicus, per multa crimina, vel carere temporario, vel pecuniaria multa, castigat: quæ cum quis luerit, vel in corpore, vel in are, liber dimittitur, neque ulterius providetur saluti animi ejus qui peccaverit. 20. Verum Ecclesia ita corripit, & interdum excommunicat, ut spiritus salvus fiat in die Domini: neque hoc pacto castigatus, vel ad tempus donec respuerit, pudefactus, ut hostis habetur, verum de salute sua, ut frater charissimus, admonetur. 21. Ad hanc verò, de qua loquimur, Disciplinam inducendam, & retinendam, conducit plurimum assidua Scripturarum tractatio in Ecclesia: ibi enim perpetuo loca se offerunt, ad quorum præscriptum Vita Christianorum exigenda est. 22. A Patribus quidem, & à Conciliorum Canonibus, multa interdum, quod fatendum est, satis utilia præcipiuntur. Sed quæ fuerint ex ipso sacrorum librorum com-

men-

mentario de promptâ, longè potentiora sunt, & ad movendos animos efficaciora. 23. Ita Martyr. Anno. 1556, Februarij 14, ad Ecclesias Polonicas: quæ tunc primum turmarum emergebant ex idolatria & licentia Pontificio, magnæque cum difficultate inveteratos mores relinquebant, adeo bonis malivè assuevisse magnū est; de quo libro quinto satis superque dictum. 24. Quare meritò laudanda sunt Ecclesiæ Scoticæ reformatæ, quod in illis vigeat hoc Censuræ exercitium: ubi is qui fædo aliquo peccato & Deum & Ecclesiam offendit, stat foris, extra Templum, tribus Dominicis diebus, vilissimâ veste indutus (saccus id olim Judæis erat) sordibus, obscurus, capite pedibusque nudis: aliis interim rei divina intus vacantibus: dehinc publicè deprecatur offensos. (Id ego percepi ex Joha. Skineo Nobili Scoto, nunc Regio Causidico, quocum vixi Vittebergæ Anno 1570.) 25. Sic de Genevensi Ecclesia celebris hujus tempestatis scriptor, Jo. Bodinus (Cap. 6. Methodi historiarum primæ editionis): Sed illud, inquit, apud Genevates laudabile, si quid usquam gentium, quoque Rempub. efficit, si non opibus & Imperij magnitudine, certè virtutibus & pietate, florentem: illa scilicet Pontificum Censura, quæ nihil majus ac divinius cogitari potuit, ad coercendas hominum cupiditates, & ad vitia, quæ legibus humanis, ac judicij, nullo modo emendari possunt. 26. Hac autem coercitio ad Christi

K

nor-

normam dirigitur, latenter primum & amice; deinde paulò acerbius; tùm, nisi parcas, sequitur interdictio Sacrorum gravis & efficax; interdictionem, animadversio Magistratuum. 27. Ridiculum est enim, ait Seneca, ad legem bonum esse; ita fit, ut quæ legibus nusquam vindicantur, illuc sine vi ac tumultu coercantur, ab ijs Censoribus, qui summam virtutis opinionem de se ipsis excitarunt. Igitur nulla meretricia, nulla ebrietates, nulla saltationes, nulli mendici, in ea Civitate reperiuntur. 28. Ista sunt Verba Bodini, Juris consulti Parisiensis, adeò vera, ut ipse quoque, qui eadem illic vidi geri, nihil possem scribere certius. 29. Ex eadem Genevensis disciplinæ officina prodijt ille, qui propter veritatis Evangelicæ constantem amorè ad dirum mortis trahendus supplicium, hæc ad suos collegas ex carcere scripsit: Præter Baptismum & Cenam Domini credo tertiam notam, sive insigne Ecclesiæ, esse Disciplinam Ecclesiasticam; eamque maximopere utilem, fructuosam, atque necessariam esse in Ecclesiâ Catholica, ad consolationem piorum & animadversionem improborum: eiq; me subiicio, quippè quam scio esse à Christo in Evangelio institutam, & ab Apostolis in Ecclesiâ primitiva observatam, atque usurpatam, ut omnia rectè atque ordine fierent, quemadmodum honestas ipsa in omni hominum cœtu necessaria desiderat. Credo potestatem vinciendi & solvendi, id est excommunicandi & ab

solvendi

solvendi, quæ vulgò Claves Ecclesiæ appellantur, à Deo donatam esse, non uni alicui homini, vel duobus, vel propriè ac peculiariter, quibusdam certis hominibus, sed Ecclesiâ Univerſa. 30. Ita Annas Burgenſis, Senator Parisiensis, & piè & verè, si plus de Auctoritate Ministrorum Ecclesiæ addidisset, quorum est remittere Christi nomine peccata resipiscentibus: Qui tamen nihilominus (21. Decembris 1559.) vivus combustus est ab Antichristianis, quemadmodum ante eum permulti alij, quorum hic fuit ultimus. 31. Non multò enim post, læsà toties Evangelicorum patientiâ, exarsit in Gallia Bellum intestinum perquam cruentum, Pontificijs crudelibus semen Dei nequicquâ extirpare conantibus: sed ne alienis recensendis longius efferat, redeat ad propositum oratio.

Caput XXIX.

Circa recipiendos in Ecclesiam ritus: & de Cænâ Dominicâ efficacia.

EXclusus quispiam ob nequitiam cœtu sanctorum (de quibus Capite XXIV. 15.) tan-
tis per extra Ecclesiam Christi esse creditur, do-
nec manifestis ostendat documentis animi sui se-
riū dolorem, & mores multò meliores. 2. At-

K

tamen

tamen ei, si libeat, licet pro foribus ædis divinæ (in quam ipsi celer reditus ad prius ovile, gregemq; Christi, optatur) Verbum Dei ex Ecclesiastæ audire, quò illius auditione citius, mollior fiat, & melior: 3. Sed ad mensam Domini propterea non admittitur, quòd illa mystici Panis manducatio, & Vini potus, sit, cum Christi Corporis nobiscum communicatio, tum firmum vinculum Ecclesiæ, ad quam palme refectus non pertinet. 4. Recipiendus autem rursus in societatem ejus congregationis, quâ meritò suo exciderat, id peccatum quò invisus factus erat Deo, electosq; ejus offenderat, propalam confitetur, & illa agit, quæ sub finem Capituli XXIII. dicta sunt. 5. Quòd verò oporteat eum, qui deliquit, sui peccati pudore affici, docet exemplum Mariæ sororis Moysis: quæ mandatu Dei septem diebus extra castra cum pudore, egit pœnitentiam. (Num. 12. 14. 15.) 6. Similiter quondam Philippus, primus Christianus Cæsar, Anno Domini 246, (vel eo citius) cum in die postremæ vigiliæ Paschatis, simul cum reliqua multitudine vellet esse in Templo, particeps precatationum, & Cœnæ Dominicæ, non prius ab Episcopo Fabiano permissus est ad sacram intrare, quàm se peccasse fassus est, & inter eos, qui peccatorum vinculis adhuc tenebantur adstricti, locumq; pœnitentiam agentibus præstitum occupabant (ô felix tali censurâ seculari

lum!) se sua sponte collocasset: Eusebius lib. 6. Ecclesiæ Hist. 7. Ac de Theodosio Imperatore Sozomenus, libro 7. cap. 24. Ambrosius, inquit, Theodosium Imp. ab Ecclesiâ arcuit, & à communione seclusit: is vero publicè coram Ecclesiâ peccatum confessus est. Addit de eodem Imperatore Augustinus (lib. 5. cap. 26. civit. Dei:) Ecclesiasticâ coercitum disciplinâ, egisse præstratum pœnitentiam. 8. Cœterum accidit Fratribus non raro, ut pervicaces, quos culpam agnoscere, seque corrigere, pudet, pulsi domo Dei, associant seclæ Augustinæ Confessionis sectatoribus, ubi insontibus ejusmodi plectendis lenior est Ecclesiastica severitas, Civili Magistratu, id quod est Ecclesiastici, quadâ ex parte obeunte, quanquam in Polonia certæ conditiones Concordiæ & Consensus, bonis quibusq; gratiæ, jam transfugis ejusmodi viam præcluserint; in Synodo Anni 1570. 20. Maij, (quæ de re libro VII. in eodem Anno.) 9. Alij ad Papatû (ubi magna est impunitas) errorumq; papisticorum lacunas, tanquam suæ ad Volutabra sua, revertuntur, ut discipuli quondam Christi ad Phariseos & sacrificulos Aaronicos redibant. (Joh. 6. 66.) 10. Cœteri autem, quorum corda emollit Deus, cum rursus Corpori Ecclesiæ inferuntur, miram reditu suo ad frugem, & ipsimet declarant, & alijs qui hoc illis gratulantur, excitant, animi lætitiâ: Pastores verò sæpe cum illis sunt

lis sunt, ut eos in renovato pietatis genere, confirmet, quidq; in posterum cavendum ipsis sit, erudiant. II. Neq; tamē sub tali Disciplina nō est illa, quæ esse debet, Pastorum in plebem Dei indulgentia: est non parva, sed talis quæ nullam ferat impietatem. Nempe tantō flagrant amore Dei, peccato odio habentis; & amore animarū, peccati veneno pereuntium: probantq; illum Phineæ Sacerdotis zelum (Nume: 25.) licet ferum, sicut ille, peccantibus non adhibeant; Magistratui Politico relinquentes; sed velut boni Medici, morbis, ne serpent longius, maturē occurrunt. 12. Eadem illorum est vigilantia circa sacram Liturgiam: cujus causā potissimū adhibetur isthæc morum censura; & quam illi, Græcum Verbum lingvā suā exprimentes *Ποσὺ ἡρώαν*, *h. e. Ministeriū*, vocant. Hæc toties peragitur, quoties Pastor plebem in vera fide frigidiorē, atq; in certaminibus Spiritualibus remissionem factam, tam salutari refectione opus habere animadvertit. 13. Cū enim Sacramentū sententiā Patrum Orthodoxorum, sua insit spiritualis, invisibilisq; gratia, hujus effectus Fratres in suo Catechismo ita expresserunt: *Eucharistia participes corroborari in fide de gratuita peccatorū remissione, & in spe vite æternæ; sumereq; majorem cremētū in pietate, & fraterna Charitate; & reddere lacrimas ad obeundas suas functiones, &c.* 14. Plur

tamen

tamen aliquantō Beza, quamvis Calvinianus, huic Sacramento tribuit, dum ita scribit: *Quum non tantū remissionis veterum peccatorum obſignationem, sed etiam recentem eorum quæ quotidie committimus remissionem, in Christi Corpore & Sangvine nobis communicato consequamur: quis nihil ex Cena Domini nos reportare, nisi planē insanus, dixerit? ut interim omittam, quod minimē reicui, dubium non esse, quin nova etiam peculiaria dona interdum suis Dominus, in ipso Usu Cænæ, largiatur.* Ita ille Apologiā 2. ad Claudij de Xianctes responsionem paginā magnæ formæ 363. 15. Ac certē si cibi corporei esus, Viniq; potus, efficit homines robustiores, hilariores, & curas animis illorum eximit: multō id facit magis in corde, virtutum sede, hic mysticus cibus, Carnis nempe Christi, Sangvinisq; sacramentalis manducatio ac potus. 16. Plerūq; tamen apud Fratres quater hoc fit annō: quō sit plus spaciū ad animorum præparationem. Nempe festis solennioribus, nati, mortui & ad vitam reversi Domini Iesu, Spiritūs S. conspicuā specie in Apostolos demissi, atq; in autumnō, cū Deo grates pro fructibus Terræ redduntur. 17. Nonnunquam etiam Bacchanalium tempore, quō carnales Christiani maximē insanunt: idq; servato delectu accedentium, ne si is prætermitteretur, aliqui indigni, Canes & Porci à Christo vocati, sancta profanent

K 4

myſte

mysteria, néve imprudentiâ suâ iidem attrahant sibi ipsi exitium. 18. *Qui enim edit & bibit indigne, damnationem sibi edit & bibit, non discernens Corpus Domini. Propterea multi sunt inter vos debiles, invalidi, & moriuntur multi,* ait Apostolus 1. Cor. 11. 29. 30. 19. Quæ verba horrenda sunt, nec olim Pascha indignè manducantes talis ultio seqvebatur: nempe quod ibi umbra & imago futurorum bonorum fuerit; hic sit corpus & res ipsa, licet invisibilis. Ideoq; hoc mysterium *Pascha Spirituale* appellat Chrysostomus Tomo 3. Homiliâ de prodicione Iudæ. 20. Quin & morituris hoc gratiæ Dei pignus præbent Fratres; ac dictabat S. Augustinus, (teste Volaterrano, Antropologiæ lib. 21.) *etiam Sanctis Viris in extremo positis, minimè esse negligenda hac Sacramenta;* quæ & ipse sumit migraturus è Vita Anno 437.

Caput XXX.

Ritus preparandi Convivas ad sacram Cœnam,

Quamobrem Ministri Sacrorum, ut melius præparent populum ad hoc divinum Convivium, duobus tribusvè antè hebdomadis celebratum iri prædicunt: quò interea secum quisq;

quisq; de eo cogitet, se Christi auxilio à peccatis respicientiâ, precationibus, jejunijs, elemosynis, purget, ac in fide probet. vivane ea an fructibus vacua sit. 2. Id quod illa Israëlitarum purgatio sui antè Pascha, figurâ quâdam futurum designabat: *Ascenderant multi Hierosolymam antè Pascha* (inquit Evangelista) *ut sese purificarent* (Ioh. 11. 55.) Et Numerorum capite notè prohibetur, ne quis immundus (*quoad se mense uno interjecto mundaret,*) cum alijs Pascha ederet. 3. Ubi Mystæ, quos horum mysteriorum velle esse participes cognoscunt, (dant autem operam, ut omnes simul faciant) jubent antè singulos, præsertim rudiores, colloqui hac de re, consilij item gratiâ, ad se venire in Templum: valde utiliter. 4. Non omnes enim norunt sese probare; nec quicquam est æquè difficile, ac se, suaq; vitia nosse, & illa cavere: nemo non naturâ sibi blanditur, peccataq; sua apud se extenuat, ac vix millesimus hominum suos morbos sentit. 5. Rarus est, qui à vitijs ultro recedat; multò rarior, qui ea libenter Ministro Ecclesiæ confiteatur: adeò amor sui inest omnibus & innata nobis hypocrisis, quam inde à primis nostris parentibus, manifestissimum suum peccatum occultare volentibus, hausimus. 6. Adhæc, sunt quædam ejusmodi peccata, quæ vulgò levia putantur; ut alteri temerè irasci; minuta quædam alijs surripere; alia tempus perdere;

dere; negligenter officium facere; fatuum eum, qui non sit, vocare; libidine oculos pascere; nomine divino abuti; maledicere, otuari, nugari, garrere; multa; his similia: quorum gravitas in castigando utiliter ostenditur, quæ in patrandi non sentiebatur. 7. *Utile sibi* (inquit Isidorus in Exomologesi) *ac jucundum quisq; existimaverat rapere, adulterari, furari: sed ubi hæc æterna damnationi obnoxia esse cognovit, confitetur errorem.* Confessio autem erroris; professio est desinendi. 8. Est autem Ministrorum Ecclesiæ (qui sunt quædam reconciliationis media) de Lepra spirituali iudicium ferre; Canibus sancta subtrahere; fideles his ministeriorum Dei dispensatores esse; hædos ab Ovili segregare; alimenta familiæ Domini suo tempore, certâ mensurâ, distribuere; vigilantes domûs Dei speculatores ac custodes esse; homines secundum Christum Deo reconciliare; peccata illorum alia tenere, alia remittere: quod fieri haud potest, nisi ea voluntariâ peccantium confessione cognita habeant. 9. Præterea eorundem est, perturbatam magnitudine delicti hominis conscientiam, prudenti consilio pacare; metu de spe misericordiæ Dei, usq; ad Cælos pertingentis, eximere: quod quâ fieret, nisi in familiare colloquium cum uno quoq; sigillatim venirent? 10. Seipsum post peccati Deo factam confessionem absolvere, hominis est inflati, au-

toris.

toritatem Ministerij vilipendentis, Ministrum magis quàm DEUM, peccato offensum, reverentis, & disciplinam institutumq; Christi contemnentis. 11. Quid? morbos Corporis Medico aperiemus; animi verò labe, lapsusq; nostros, legatum Christi, potestate eos condonandi, remittendi; respicientibus, præditum, calabimus? 12. Aut ubi locus opportunior, commodiorq; illi Apostolicæ doctrinæ (de qua Paulus ad Timotheum) redargutioni falsarum opinionum, correctioni hominum pravorum, eruditioni insipientium, consolationi tristium? 13. Probet se ipsum homo, ait Apostolus: sed addit ipse Christus, *Qui ex Deo est, vadit ad lucem* (lucem Ministerij Christi, solventis & ligantis peccata) *ut judicentur opera ejus, rectene an male seipsum quis probet.* 14. Idem faciendum censuit Calvinus, Gallicorum Theologorum Coryphæus, cum ita scriberet; Ergo id officij sui unusquisq; fidelium esse meminerit, si ita privatim angitur & efficitur peccatorum sensu, ut se explicare nisi alieno adjutorio nequeat, non negligere quod illi à Domino offertur remedium; nempe ut ad se sublevandum privatâ Confessione apud suum Pastorem utatur, ac ad solatia sibi adhibenda privatam ejus operam imploret, cujus officium est, & publicè & privatim populum Dei Evangelicâ doctrinâ consolari, &c. Quæ tamen confessio non ab omnibus exigatur, sed ijs tantum commendetur, qui

ea

ea se opus habere intelliget. Ita ille Institut. Christi. lib. 3. Cap. 4. distinct. 12. 15. Et Distinctione sequenti: Interim quin sistant se pastori Oves quoties Sacram Cœnam participare volunt, adeo non reclamamus, ut maxime velim hoc ubiq; observari: nam & qui habent impeditam conscientiam, referre inde possunt singularem fructum; & qui admonendi sunt, monitionibus ita locum præbent: modò semper absit tyrannus, & superstitio. 16. Nec aliter Martinus Bucerus, de Luthero cum ipsius Symonistis loquens; Optant, inquit, omnes, ut in Ecclesia etiam, privata absolutio conservetur; & propter consolationem conscientiarum, & quia valde utilis est Ecclesie disciplina illa, in qua privatim audiuntur homines, ut imperiti erudiri possint. Nam profectò tali colloquio, & examine, opus est rudioribus: nec, idèò vetus Confessio, & delictorum enumeratio, probanda, aut requirenda est: sed Colloquium illud propter absolutionem, & institutionem, conservetur. Ita Bucerus in scriptis Anglicis, quæ Articulorum de Concordia titulum habent: 17. Jacobus quoque, Prilufius, Evangelicus magis quam Pontificius, statutorum Regni Poloniæ libro 5. Cap. 14. ita. (Anno 1510.) scripsit: *Aculeus concupiscentiæ ex nostræ carnis non eximitur, donec sumus in hac vita, compeisci, adeo nequit, quin adversus Spiritum erigatur & militet. Cum verò in hoc conflictu rursò victores evadamus, sæpe autem victi manus demus peccatores.*

eato: idcirco terrore Legis, quam transgredimur proximo reconciliamur, quem offendimus, & ad pedes Presbyteri nos abijcimus, qui pro habitu delinquentium, impenitentes vel penitentes, annunciatione ira vel gratiæ DEI, ligat vel solvit; ut cum Niniitis jejunantibus, Petro autem plorante, in spem gratiæ Christi fide erigamur. Ita Prilufius, & Theologus & Juris Consultus Cracoviensis. 18. Verum & ij. qui sunt Augustanæ Confessionis, ante Cœnæ Domini participationem, ex præscripto Lutheri, quisque pro se privatim peccata confiteri (sed generaliter: quis enim singula enumeret?) solent: quam Confessionem, sequitur verbis Pastoris absolutio. De qua Confessione, & Bucholcerus Ilagoge Chronologicâ, Anno 1523: *Vitteberga Canon Missæ abolutus est, revocata item in usum Confessio Auricularis, & privata absolutio, quam Carolostadius aboleverat.*

Caput XXXI.

De tali in preparando diligentia Veterum testimonia.

A Dijciamus neotericis veteres, & concordiam utrorumque paucis ostendamus.

2. Cyprianus sermone de lapsis; *Quantò & fide major.*

magiore & timore meliore sunt, qui quamvis nullo sacrificij, aut libelli, facinore constricti: quoniam tamen de hoc cogitaverunt, hoc ipsum apud sacerdotes Dei, dolenter & simpliciter, confitentur, exomologesim conscientia faciunt, animi sui pondus exponunt, salutarem medelam, parvis licet & modicis vulneribus, exquirunt. 3. Hieronymus in Cap. 16. Matthæi: Episcopus vel Presbyter pro officio suo, cum peccatorum audierit varietates, scit qui ligandus sit, quive solvendus. 4. Chrysostomus homilia 3. super Matthæum: Confessio peccatorum testimonium est conscientia timentis Deum, & habet pudorem. Erubescere verò pœna est gravis. Sed idem Deus jubet confiteri peccata nostra, ut verecundiam patiamur pro pœna. 5. Porro quod ait Chrysostomus, Deum jubere nos confiteri peccata nostra, illud opinor intelligit, quod est Num. 5. 6. 7. Cū vir aut mulier aliquod peccatū humanū commiserint, fitebuntur peccatū suū, &c. 6. Citat & Reatus Rheanus (Annotationibz ad librū Tertulliani, de Pœnitentia) hæc verba Theodulphi Aureliani Episcopi, ex libro ejus, de Ecclesiasticis observationibz; Inprimis (inquit) confitendum est Deo, postea etiam Sacerdoti; propterea quòd Confessio quæ sit Sacerdoti, in hoc nobis adminiculum prabet, ut accepto salutaris ab eo cōsilio, saluberrimis penitentiæ observationibz, seu mutuis orationibz, peccatorū maculas diluamus. 7. Sed nos omisissis Patrum lententijs, id quod reli-

reliqum est de Fratribus referamus: qui eliminatis abusibus Confessionis clanculariæ Papisticæ, verum & necessarium ejus usum sedulò retinent; habeturq; in ipsorum Catechismo peccata confitendi generalis forma, paucis deducta, verbis ex divinis mandatis, quæ sæpè transgreditur humana imbecillitas. 8. Ita ea olim in genere confessus est Vates Daniel: Obsecro Domine Deus, peccavimus, & iniquè impieq; egimus; rebellavimus & recessimus à mandatis tuis, neq; obedivimus servis tuis Prophetis. Tibi Domine justitiâ, nobis autem pudor faciei! &c. (Dan. 9. 4. &c.) 9. Sic & Esaiâs Cap. 42. Quis exponit proculationi Jacobum, & Israëllem diripientibus? Nōne Jehova cui peccavimus? nec voluerunt vijs ejus ambulare, neq; paruerunt legi. 10. Ita Nehemias, capite 1. v. 6. Confiteor tibi, Jehova DEUS, peccata filiorum Israël, quæ commisimus, ego & domus patris mei: graviter peccavimus tibi, & non custodivimus præcepta tua. Et Cap. 9. Steterant & confessi sunt peccata sua, & patrum suorum, &c. 11. Similiter Salomon (Proverb. 28. 13.) Qui tegit scelera sua, non aget prosperè; qui verò ea confitetur, & relinquit, misericordiam consequetur. 12. De Confessionis forma multa leguntur in sanctis libris, illud elegas Psal. 32. Dixi, Confitebor adversū me pravitationes meas Jehova, & tu remisisti iniquitatē peccati mei, (Quoddam peccatum David ita confessus fuerit Deo,

Deo, omnibus hodie notissimum est.) 13. Quomodo autem id confessum iuit? Certum est ex præscripto legis (Levit. 4. 12; Si Princeps peccaverit &c) eum iuisse in Templum, seu Tabernaculum Domini, cum hostia pro peccato, ut Sacerdos offerret, & oraret, pro dimissione peccati ipsius. 14. Ita igitur coram Pastoribus suis Fratres quoque confitentur, ante participationem Cœnæ Domini, peccata sua, ut ab illis per Christi vicarium absolvantur: sed post seriam confessionem, cum reprehensionem tum admonitionem. 15. Si quid autem occultum in aliquorum animis hæreat, quod eos inquietet, ac indignos sacris epulis faciat, idque ipsimet ultro fateantur, ut ingenui solent: suadet Pastor, ut tantisper Mensam Domini abstineant, donec se planè expendant, conscientiam lætam tranquillent, sordes animi cuncta purgante poenitentia abluant, & offenso satis faciant. 16. Sin aliquos valdè perplexos, & à conscientia nimis laceratos cognoscat: tum verò perterritas illorum mentes divinis solatijs erigit (quanquam, quòd eo usque peccando progressi sint, ut proprio, etiam iudicio damnationem incurrerint, graviter prius increpare non intermittat) datamque resipiscētiis, & verè dolentibus, loco Christi, cuius legatus est, dexteram, reconciliationem peccantis cum Deo testante, admittit ad mysteria, quæ gratiæ divinæ sigilla sunt. 17. Accidit autem nonnun-

nunquam, ut si quis crimen Pastori confiteri erubescat aut post habeat (ut si Fratri suo diu irascatur, si genio indulgeat, si aliud quid simile patret,) Pastori verò id aliunde innotuit: is tanquam hypocrita verbis castigetur, quòd illotis manibus sacra sumere voluerit. 18. Quæ omnia Fratres syncerus humanæ salutis amor facere jubet, ne qui scilicet indignè ad divina accedentes, digni incurrant Dei poenas. Absque hoc sit tam illis factum promptum esset omnes promiscuè admittere, quam hoc alibi complures Ministri, nescio quâ conscientia ferunt. 19. Unde ij omnes in populo effectus, quos Apostolus de non dignè manducantibus corpus Domini enumerat: culpam certè Pastorum, indignos admittentium, nec eis manus tum Sacramento subtrahentium. 20. Atqui si Apostolus pios simplici etiam cibo cum impijs vesci prohibet (1. Cor. 5. 11,) quantò cavendum est magis, ne ijdem Mysticum cum illis communem habeant? 21. Quamobrem denunciat antè Mysta, qui hanc Cœnam indigni sint: ut sese interea quilibet, an Corporis Christi communionem dignus sit, probare possit. 22. A communionem autem si quis absit, aut præsens non accedat: Pastor huius rei causam exquirat, & cum tali expostulat, quòd credendo Sanctorum communionem, vinculum tamen tesseramque ejus parvi fecerit. 23. Similem fuisse priscorum Christianorum de eo

L curam,

curam, hæc declarant: Nullus Catechumenus, nullus infidelis, nullus hæreticus, ne quis contra aliquem, ne quis in hypocrisis, &c. Clemens Constitutionum Apostol. cap. 15. lib. 8. Et cap. 20. narrat, solitum fuisse ante communionē Diaconum ita clamare; Sancta Sanctis. 24. Quod & Cyrilli, Alexandrini Episcopi, atq; Chrysostomi seculo in usu fuit. Sic enim ille (lib. 12. in Johan. cap. 10.) Accedentibus, inquit, ad benedictionem Mysticam, Ministri Mysteriorum magnâ voce clamant SANCTA SANCTIS solis sanctificatis spiritu, tactum & participationem Corporis Christi congruere significantes. 25. Ita & alter, (Chrysostomus Tom. 5. homiliâ 6. ad Populum Antiochenum: Hac dico, volens vos semper ad sancta accedere: propter hoc & Diaconos acclamat tunc, Sanctos vocans, & per hanc vocem omnium taxans maculas. 26. Porro sancti sunt (ut idem inquit homiliâ 29.) omnes, quot cum Vita bona Fidem rectam habent; licet signa non faciant, licet Dæmonas nomen ejicient. Si sanctorum, inquit, pedes lavit. 27. Præterea Clemens (lib. 7. Cap. 27.) ita habet: si quis Sanctus est, accedat: qui non est, fiat per penitentiam. 28. Justinus Apologiâ 2: Hoc alimen tum apud nos Eucharistia vocatur, ad quod nemo admittitur, nisi qui credit veram esse nostram doctrinam, ablutusq; est regenerationis lavacro in remissionem peccatorum: & qui ita vivit ut Christus tradidit,

29. Rursum Chrysostomus (homiliâ 83. in 26. G. Matt. ita Ministros Ecclesiæ monet: Nullus accedat crudelis, nullus immisericors, nullus impurus quovis modo; hæc tam ad vos qui communicatis, quam ad vos qui ministratis, dicta esse volo. Non parva vobis imminet pœna, si quem aliquâ improbitate reneri scientes, et hujus Mensæ participationem permittatis. Sanguis enim ejus ex manibus requiretur vestris. Si Dux igitur quispiam, si Consul ipse, si qui Diademate ornatus, indignè adeat, cohibe ac coërce: majorem tu illo habes potestatem. 30. Et paucis interpositis: Omnes simpliciter pellamus, quos indignè accedere videmus. Nullus communice nisi ex discipulis sit; nullus impuro animo, sicut Judas, panem assumat, ne similia patiatur. Quod si ipse pellere non audes, mihi dicas, non permit tam ista fieri: animam primò tradam meam, quam Dominicum Corpus indignè: Sanguinēq; meum effundi patiar, quam sacratissimum illum Sanguinem, præterquam digno, concedam. Quod si quis venerit cum sordibus ignoranter, nulla vestra culpa est. 31. Sozomenus lib. 7. Cap. 24. hæc refert verba Ambrosij Episcopi, ad Theodosium Imperatorem: Siste gradum; homini enim ob peccata profano, & manus innoxio sanguine commaculatus habenti, fas non est antequam penitentiam egerit, vel sacrum ingredi solium, vel ad divinorum mysteriorum Communionē admitti, &c. 32. Sed pluribus, in re tam per se laudanda, testibus, quid opus?

Caput XXXII.

*In celebranda sacra Cœna ritus Fratrum.
Cum appendice de Sacramentis.*

QUOD Chrysostomus monet, hoc prorsus Fratres faciunt: quando nonnisi discipulis Christi, veris scilicet Christianis hoc gratiæ divinæ pignus proponunt, ac offerunt. 2. Nam ante ipsam communionem adhuc, de vero Mysteriorum hujus usu Concilio habetur. 3. Mox fit publica, verbis Ministri, peccatorum Ecclesiæ Confessio; simulq; precatio, ut illa Pater cœlestis, filiis suis sæpè labantibus propter Christum semper propitius, clementer condonet, eos mundet, iustificet, intus renovet, tranqvillet, per Spiritum suum confirmet, & dignos ad participandum verum Corpus & Sangvinem filij sui efficiat. 4. Confessionem hanc, & precationem, sequitur & promissionibus divinis ardentè concepta à peccatorum reatu Absolutio. 5. Hanc excipit testamenti Salvatoris mundi prælectio, ejusq; talis interpretatio, ut visibilia Symbola (minimè mutatis suis naturis, sed Sacramentali ratione, secundum Auctoris institutionem, & de eis testificationem) omnes credant esse ipsum Corpus Domini in cruce expantum, & sangvinem pro nobis effusum

sum in remissionem peccatorum: quæ ut jam sumant participationem spiritali, per fidem, in salutarem perceptionem omnium bonorum, ejus morte nobis partorum. 6. Ibidem super Pane & Vino, destinatis huic à Christo instituto usui, preces ad Deum funduntur: quod Apostolo est *Poculum benedicere*, cum ita inquit (1. Cor. 10. 16.) *Poculum benedictionis, quod benedicimus, annon cõmunio sanguinis Christi est?* ac si diceret, quod sumimus cum benedictione, precatione, & laude Dei. 7. Atq; ita illud fit, quod Augustinus in *de Catachismo* scripsit; *Accedit Verbum ad Elementum, & fit Sacramentum.* 8. At verò si qui Ministro ignoti, id est hospites & advenæ (Pastor enim suos novit) participes esse mysteriorum cupiant, non consequuntur id, antequam à suis Pastoribus fidei vitæq; suæ testimonium proferant: aut alicujus è cœtu cui noti sint, elogio ornentur. 9. Panis est illis orbiculatus, triticeus, & infermentatus, qualis nunc Latinis & Lutheranis, olim & Græcis, fuit. 10. Sic enim Epiphanius, in *Ancorato*: *Hoc est rotundæ formæ, & sensus expertus, quantum ad potentiam.* Loquitur autem de pane Eucharistico, ob subtilitatem sensu carente: qui tamen creditur Dei gratiâ Corpus Christi esse, vimq; ejus credenti adferre. 11. Ac talis est hodie Russis: nisi quod multò densior, è cujus medulla futura Eucharistia excinditur, ac Vino injecta,

jecta, cochleari e Calice hauritur, sed Fratribus est crassior, solidiorq; : nam Christus buceas fractas suis dabat. 12. Quum autem Minister, togâ simplici indutus (nam cœteras illas Sacerdotum omittunt vestes, quæ sunt Papæ Stephani primi inventum) illa Testamenti verba, *Accipite & fregit*, clarâ voce recitat; accipit ipse quoq; Panem, & frangit: sicut & Calicem, ad mentionem horum verborum; *Similiter etiam Paculum accipiens*, in manus idem sumit: quod benedictionis loco est. 13. Sessionem Christo convivatori suo, Cœli terræq; Domino, relinquunt: neq; necessitatis esse credunt, ut quò gestu & tempore Apostoli hanc sacrâ Cœnâ (præsente adhuc in humili carne Domino) usi sunt, eodem necessario utamur, tantiq; momenti sacra obeamus, omnes. 14. Agnoscunt illi humili fide, præsentem ac nobis promissa representantem Christum; par esse ut quàm humillimâ veneratione, colamus: qualiter in cœtibus piorum semper fuisse cultum, ex ipsa antiquitate constat: *Sciat mens reverentiam se debere ei, ad cuius corpus sumendum accedit*, dicit Ambrosius, super I. Cor. cap. 11. 15. Sed & ipsis mysterijs talibus & tantis, omnium Orthodoxorum Confessione aliquis debetur honor: quandoquidem oblatum etiam à Rege quopiam terreno donum, reverenter accipimus: Unde nô rare antiquorû ad venerationem Sacramenti adhorta-

hortationes. 16. Cum reverendum Altare cibis spiritualibus satiandus ascendis, sacrum Dei tui Corpus, & Sanguinem, fide respice, honora, mirare, mente cōtinge; & maxime totum, haustu interioris hominis, assume (inquit Eusebius Emyssenus, distinct. 2. de consecrat.) 17. Ambrosius verò: *Eucharistia Medicina est Spiritualis, quæ cum reverentia degustata, purificat sibi devotum* (ibidem) Et Epistolâ 28. lib. 5. ad Theodosium Imperatorem: *Quomodo VENERANDUM sanguinem Domini tui admovebis?* 18. Quæ considerantes Ecclesiæ nostrates, in Polonia, & Litvania (Fratrū, Augustanæ & Helveticæ Confessionis) ita hac de re (Cracoviæ in Synodo Generali, Anno 1573. 29. Septembris) sanxerunt: *De Ceremonijs, præsertim, in Usu Cœnæ Domini, motâ quæstione, an ea in omnibus Ecclesijs nostris uniformes esse possent? conclusum est, ut secundum morem primitivæ Ecclesiæ, libertati Ecclesiæ inter nos Ceremoniæ permittantur; monitis tamen Fratribus, si qui sessione in sacra Cœnâ uti caperunt, ut eam ceremoniam Arianæ baptistæ propriam relinquunt.* 19. Sic & in Petricoviensi (1578. primis Junij diebus) Sessionis ad Mensam Domini, quæ præter ritus in omnibus per Europam Evangelicâ Ecclesijs vulgò consuetos, illi inter nos primi Authores extiterunt, qui omnia temerè in Ecclesiâ immutantes, & sine scientia Christum quasi imitantes, à nobis ad Arianismum perfidi transfu-

gafacti sunt: quare hanc propriam ipsis (ut Christus), ita & sacra ejus, irreverenter tractantibus) & tanquam minis honestam ac religiosam, simplici-
busq; admodum scandalosam Ceremoniam, rejicimus.
20. Ita & in Wladislaviensi (19 Junij, 1583.): Ne sit in usu Sessio ad mensam Domini, in ullis hujus nostri consensu Ecclesijs, Polonia, Lithuania, & cæteris. Nam hac Ceremonia (licet cum cæteris libera) Ecclesijs Christianis, & cæcibus Evangelicis, non est usitata: tantumq; infidelibus Arianis, cum Domino pari solio sese collocantibus, propria. Ita Synodi.
21. Ubi jam ad rem ipsam venit, populus in duos ordines ante Mensam mysticam distributus, sancta ore accipit à Ministro porrigente: quod alij manu, ore minimè impuriore, faciunt.
22. Priori modo jam olim, ut ait Prosper in Latina Ecclesia Sacramentum sumebatur (Decret. 2. parte, de Consec. distin. 2. Cap. 36.) Cum frangitur hostia (inquit) cum sanguis de Calice in ora fidelium funditur: quid aliud quàm Domini Corporis in cruce immolatio; ejusq; sanguinis de latere effusio, designatur?
23. Accipientibus autem alijs, canunt hymnos alij, donec accedant & ipsi, sacrumq; cibum & potum assumant, genibus humi positis, oculis autem & animis in altum sub-
latis.
24. Ubi, ne quis adeò demissum cultum non Deo, sed Sacramento, exhiberi existimet, præ-
it verba Administer, Corda procubiturosum sur-
sum

sum ad Deum elevatis hujusmodi dictis: Charissimi Vescientes hoc suavissimo cibo, à Christo nobis corroborandi interioris hominis gratiâ preparatio procumbamus; non ante Sacramentum, quod faciunt idololatrae, sed Patrem, Filium, ac Spiritum S. unicū Deum nostrum veneraturi: gratias ei pro beneficijs, corpore & sanguine filij ejus nobis acquisitis, acturi, &c.
25. Testati enim & professi sunt jam ab initio Fratres (ut supra libro III. docuimus, in Anno 1507.) se non Sacramentalem Corporis Christi præsentiam in terris, sed ipsummet Christum, naturali personaliq; substantiâ in Cœlis constitutum, colere ac venerari; quippe quod illud, neq; ipse Christus faciendum præceperit, neq; Apostoli mensæ ejus accumbentes, neq; primi illi Christiani, Panem Cœnæ Domini in ædibus privatis frangere soliti, fecerint.
26. Qua de re pluribus disputarunt cum Luthero, ipsis hac in re non nihil adverso: uti recitavimus supra, libro IV. Anno 1523.
27. Porro si quid Panis sacrati superfuerit, id vel Minister ipse ibidem absumit, vel pro futura Synaxi diligenter reservat.
28. Absoluto autem sacro convivio totius populi, grates aguntur Deo pro præsentibus beneficijs; idq; Christi exemplo, qui Cœnâ illâ peractâ, hymnū cum suis Deo cecinit.
29. Oraturq; simul Deus, ut mysteriorum participibus det vitæ renovationis incrementum, in tentationibus usq; ad finem
L5 per-

perseverantiam; ac ut Ecclesiam suam ab Antichristianis erroribus liberet, Spiritu suo in veritatis cognitione regat, veros Pastores ejusdem Spiritus donis impleat, & ad ritè exsequenda officia excitet; populum verò suum in veritate fidei, spei, charitatis, conservet; lapsos erigat; poenitentium misereatur; mœstos consoletur; victis propter veritatem, opituletur; ægrotis medeatur; Magistratus Christianos gubernet, ac regendi subiectos rationem edoceat; hostium Ecclesiæ animos mitiget ac immutet; atq; omnibus suis pacem det. 30. Ad ultimum admonentur omnes promiscuè ad recolendâ, gratisq; animis accipiendam, hanc divinam beneficentiam: cui benefactis ut respondeant, peccata sūmoperè fugiant, in elemosyna pauperibus eroganda liberales se præbeant. 31. Tandem cœtus solvitur post illam faustam benedictionis, ore Ministri, verbis Aaronicis denunciationem, quæ legitur Numerorum 6. v. 24. 25. 26. *Benedicat tibi Dominus, & custodiat te: Ostendat Dominus faciem suam tibi, & misereatur tui: Convertat Dominus vultum suum ad te, & det tibi pacem!* 32. Hæc de Sacra Synaxi atq; ritibus Cœnæ Dominicæ. 33. In Baptismatis quoq; administratione eadem est puritas, absq; cereis, unctionibus, sale, exorcismis, & similibus, quæ humana excogitavit, seu superstitio seu curiositas, simplici divino instituto haud contenta.

renta. 34. Quæ licet pro antiquis in Ecclesia ceremonijs vendicerentur, talia tamen Apostolis tribuere, religio est Fratribus; haud ignaris, nihil eos istius modi in baptizandis gentibus adhibuisse, simplici Aquâ (descensu tunc super eam Spiritus S. consecratâ) acquievisse. 35. Præter hæc duo Sacramenta plura non agnoscunt Fratres: illa tantum remissionis peccatorum, suæq; cum fidelibus conjunctionis, sigilla reliquisse, credunt. 36. Nec verò antiquis Christianis plura his duobus, fuerunt vera Sacramenta: testantibus id Tertulliano (lib. 4. adversus Marcionem) Chrysostomo (homiliâ ad Neophytos) Augustino (ad Januarium Epist. 118. & de doctrina Christiana libro 3. cap. 9.): *qui omnes, pluresq; alijs, Baptismum tantum & Eucharistiam nominant.* 37. Nec plura è Corpore Christi in Cruce pendentis effluerunt: totque typi horum in antiquo fœdere fuerunt, nempe *Agnus ille Paschalis, & Circumciso; Manna item & Aqua, Israelitas in deserto sequuta.* 38. Absolutionem verò ad Claves, seu dispensationem fidelium Christi Ministrorum, referunt; sine qua hi sunt similes Magistratui, absq; jurisdictione; & Avibus, alis ad volandum destitutis.

Caput XXXIII.

Libri totius Conclusio.

Hactenq;

Hactenus de Fratrum Bohemicorum Origine, institutis, Fide, Moribus & matre omnis boni, Disciplina: quâ nulla, certè alia afferri potest commodior medicina, ad sanandos Ecclesiarum luxuriâ, licentiâ, & lasciviâ diffuentium, (ut nunc sunt tempora) morbis. 2. Nihil longum foret cuncta, imitatione dignissima, stylo persequi: præcipua attigisse sufficiat, ac plura scribant alij: quique possunt Fratres adeant, quò singula cognoscant. 3. Ad hoc, ejus sunt ingenij Fratres, ut nihil de se quod ipsis laudi sit, & gloriam adferat, scribere & publicare soleant: imò vix aliquid scribi, dicere, à quoquâ patiantur, quia omnem laudem à se removens, soli Deo integram tribuunt. 4. Qui quidem sicut origin eorum, in densis Papisticis tenebris adfuit: ita in hac Evangelij luce adest propitius progressui, odiò juxta & invidia adversarij ipsorū tabescentibus: nimirum quòd Deus semper soleat ea, quæ esse aliquando voluit, ne intercidant custodire: quæ verò exorta intereunt, ista dormientibus hominibus, satore satanâ, apparuerant. 5. Ego verò non Ministrorum solum, sed totius Unitatis Fratrum mores ceteraq; pro mea virili descripsi, omnia judicio Ecclesiæ subijciens. 6. Quia in Ecclesia si qui ignaviores, remissioresq; inveniuntur: id accidit præter culpam Pastorum, Sponsam suam JESU CHRISTO brevi redituro, omnis

macu-

maculæ expertem, dies & noctes sistere studentium: Sed vel istius ultimi temporis, quò regnatura erat impietas, ac refrigura vera charitas, maligno quodam fato: vel naturâ hominum, ad ingenium semper redeuntium, qualis etiam Apostolorum seculo fuisse, ex epistolis Pauli, Jacobi, Petri, Judæ, Joannis, discimus. 7. Ita homines nunquam non sui similes sunt: perpauci mediocriter boni, nulli perfecti, omnes infirmi, fragiles, imbecilles. 8. Persuasus autem sum, inimicos Fratrum, lætis placido animo hisce meis, amicioris illis, placabilioresq; futuros; amicos verò multò magis eos, ob tot virtutes, chariores habituros esse. 9. Quod si quis hosce bonâ fide à me scriptis non credit, is illud ex Evangelio responsum habeat, *Veni & vide* (Joh. 1. 39) sensu enim oculorum nullus alius est fidelior. 10. Fratres autem ipsos, mihi admodum charos, oratos velim, ut omnia in meliorem partem accipiant: & quæ his desunt (nihil enim in rebus humanis perfecti est) ipsimet suppleant: quæq; non bene fortassis percepta & observata à me sunt, ea melius explicant, & posteris tradant. 11. Ego meo proposito, adjutore Christo, satisfecisse mihi videor, minùs opinor alijs; sin, ut est verisimile, alicubi peccavi & hallucinatus sum, supplex à Deo peto veniam, qui si confitemur (inquit divus Johannes) peccata nostra, fidelis est & justus,

justus, ut ea nobis remittat, & purget nos ab omni iniquitate. 12. Tu verò veni ad nos clementissime JESU! Veni citò tam diu expectate Redemptor! Veni ad servos tuos, ab injuria vindicandos, Domine: ac ut nostram imperfectionem tuâ absolutissima justitiâ, quam moriens nobiscum communicasti, reapse perficias. spem expleas, charitatem augeas, fidem promissionum tuarum nobis datam liberes, & ejectos Paradiso terrestri in hanc miseriarum vallem miseros præparatores in cælestem deducas, Amen, Amen,

A M E N.



APPENDIX

Continens præcedentium
VII LIBRORUM
LASICII
generalia argumenta,
particulariaq; nonnulla excerpta.

Vix dubitare licet, fore qui mirentur, se non indignentur, pro tam desiderato Operis partem foras dari. Sed ita ferunt res presentes, alijsq; nunc mundum rebus occupantia calamitosa tempora. Sufficiat ea dedisse, quæ presentaneum ferant usum; stimulorum aliquid in animos spargendo nostros ad resipiscenciam, si quorum antiquorum sanctorum progenies sumus, & quàm justè Christus ob intermissam charitatem primam commotus, candelabra nostra suis moverit locis recordati, de redeundo ad opera prima serias suscipere incipiamus cogitationes. Ut ne tamen molestum relinquamus desiderij hiatus, subjungamus interim vel argumenta præcedentium septè Librorum; unà cum particularibus quibusdam excerptis.

PERIUM

rerum ab intentione presenti non abludentium. Nempe quædam magnorum Virorum, de Rebus olim apud nos laudabiliter constitutis, Testimonia; quæ alibi non leguntur, aut certe non simul. Non ut nobis laudibus finire, si hanc amisimus, placere libeat: sed ut de amissa gloria filia Regis abintus iusto impleamur pudore, & dolore. Nisi enim nos posteri majorum fuerimus similes, laudes illa non nostra erunt, sed illorum quorum sunt: ad nos inde, præter debitum ab origine sua degenerantibus dedecus, redibit nihil.



ARGUMENTUM LIBRI PRIMI.

Differencia inter Fratres & Valentes. Viclevi Hussique ortus & obitus. Tumultus Pragenfes. De Concilio Constantienfi Anno 1415. Occisi propter Veritatis confessionem plurimi. Res gestæ, mors, & epitaphium Johannis Ziscæ. Successores ejus in bellis gerendis. Poloni, cum Lithvanis, Bohemis

mis Hussianis auxiliantur. Qui Calixtini sint, quid; Taborienfes olim fuerint. Quâ ratione Fratres exorti Anno 1450. Bohemorum de Calice Domini in Concilio Basiliensi disputatio. Incrementum Fratrum. Rokezana Episcopus Calixtinorum de Captivitate Ecclesiæ. Fratrum cum eo, ut & ipse Babylone exiret, multa colloquia. Blasphemia Sacerdotum de Christi in Missa creatione. Bohemi anathemate soluti, quos Græci ad suam Ecclesiam pellicere sunt conati. Fratres à Calixtinis avulsi, quibus hi facti suat capitales inimici.

LIBER SECUNDUS.

Ladislaô Regi, (annos 18 nato, & inopinanter extincto) Georgius Pro-Rex suscitatur, gravis suis, sed maximè Fratribus. Vexatur à Pontificibus Rom, Fratrum molestiæ de indignis ad mensam Dom. admittendis. Anno 1461 maxima illorum mala, Exilium & Carceres. Consilium de creandis novis Ministris. Martini Lupacij dicta. Novus ordo Seniorum instituitur. Testimonia & exempla Sanctæ Scripturæ Dei cum hominibus locuti. Consilium Fratrum de cognoscendis Ecclesijs Orientalibus. Testes corruptissimi Orbis Christiani. Novi Ministri Ecclesiæ

Æliæ forte creantur, Anno 1467. In Papatu sunt quædam bona. Epistola Fratrum ad Roketzanam. Quædam de Valdensibus. Picardorum Gallorum descriptio. Ordo novus multa adversa creat Fratribus. Doctrina Papistica describitur. Infesti Fratres moriuntur.

LIBRI TERTII.

Georgio Regi successit Wladislaus Polonus, qui Fratres exterminare studuit. Hi certos e tuorum numero mittunt cognitum Religionem & mores exterarum Nationum. Digressio ad res Turcicas, nobis quoque formidabiles. Idololatria Græcorum Latinorumque in cultu Mariae. De Mathia Hungarorum Rege, qui Fratres ex Moravia expulit in Moldaviam. Sententia Fratrum de alijs illo tempore Ecclesijs. Romæ descriptio. Archiducum Austriæ genus. Baptismi repetitio. De Habrowanitis. Rex Wladislaus adversus Fratres inflammatur: hi confessionem fidei suæ de Sacramentis edunt, ad Regem scribunt: cujus edictum non est ad effectum perductum. Erasmi Roterodami censura de Fratribus.



LIBRI

LIBRI QVARTI.

De Luteri Jesuitarumque ortu. Originis Fratrum ex Prelacio brevis repetitio. Scriptum eorum ad Luterum de Verbis Coenæ Domini, ac rebus alijs. Error Campani Belgæ refellitur, negantis fuisse ante Luterum Evangelium. Enumeratio plagarum Dei, quibus mortales affligit ab Anno 1524, usque ab 1527. De Cyrillo & Methodio, qui primi Anno Domini 895 in Bohemiam & Moraviam Christianissimum induxerunt. Lucae Prageni Fratrum Episcopi dicta, & Testamentum. Fratrum Confessio Fidei, Tiguri & Vitebergæ edita, 1533. Fratrum cum Lutero conjunctio, & Ferdinando Regi oblata Confessio. Luteri de illa censura. Pauca quædam de Valdensibus. Causa defectionis Fratrum à Papatu. Luterus, Bucerus, alijque, laudant & commendant Fratres, Fides Calixtinorum.

LIBRI QVINTI.

Causa Belli exorti in Germania 1546. Turba Bohemicæ, ac effectus illarum, Fratres Regi suo Ferdinando in cassum supplicant. Forma ipsius proposita ejurandi Religionem. Quidam illorum capiuntur. Proscripti à Ferdinando.

M 2

do Re-

do Rege conferunt se in Poloniam; ex hac eijciuntur in Prussiam. Literæ doctorum virorum ex Helvetia ad Polonos. Fratrum unus disputat Thoronij cum Papista, de successione Sacerdotii. Sperati Episcopi Augustanæ Confessionis de Fratribus testimonium. Quâ ratione in majori Polonia sparserunt purum Evangelium. Coniunctio Polonorum cum Fratribus Bohemis, Anno 1555. Calvinî Epistola, & Musculi, de Fratribus. De Stancaro Italico reformatore Ecclesiarum. Descriptio instaurati Regni Dei in minori Polonia, cujus est caput Cracovia. Hæreses ibidem exorta.

LIBRI SEXTI.

DE Johanne Funccio historico, hæresique Osiandriana. Fratrum hic salutare consilium, Conatus Papistarum de movendis Fratribus Posnaniâ. De Fratrum consilij, Polonis datis; eorundemq; crebris ad Polonos itineribus. De Johanne à Lasco quædam Fratrum instituta taxante. De itinere quorundam Procerum, Anno 1557, ad Fratres in Moraviam suscepto. De Vergerio Fratrum laudatore. De Polonis reprehensis à Fratribus: & quæstionibus quibusdam ab eis solutis. Sententia Fratrum de Coena Domini. Caroli Imperatoris obitus. Illyricus captans Fratrum societatem repellitur.

LIBRI

LIBRI SEPTIMI.

FRATRES Legatos mittunt in Germaniâ, & ad Ecclesias Helveticas. Synodus Polonorum in *Xians* oppido; & Fratrum Posnaniæ. Statuta in illis. Colloquium unius è Fratribus Thoronij cum Luterianis. Numerus Cleri Fratrum, uno Anno creati. De Concilio Tridentino. Mors Ferdinandi Imper. Edictum Regis Poloniæ contra Ebionæos, seu Antitrinitarios. Crudelitas Antichristi. In quibus rebus consistat instauratio Ecclesiæ. Fratres respondent calumniatori, suam Religionem defendentes. Ministri Helveticæ confessionis in Cujavia Fratribus conlociati. Fratrum inimici miserè pereunt. Duo luxuriosi Proceres à Fratribus Ecclesiâ eijciuntur. Lasici testimonium de Fratribus. Vitebergenses sententiam ferunt pro Fratribus. Chytreus de iisdem. Consensus Fratrum cum Calvinianis & Luterianis. Cui se Fratres subducunt à Calixtinis. Vitebergensium & Bezarum sententia de Fratribus: horum literæ ad maledicum Kirmezerum. Quò differant Fratres à cæteris Evangelicis. Synodus Fratrum & aliorum. Appendix continens defensionem Fratrum contra *Illyricum*, *Kirmezerum*, *Hedericum*, & *Morgensternium*.

M

PAR-

PARTICULARIA EXCERPTA.

1. *Ex epistola dedicatoria,*

ad

Illustrem Baronem D.

CAROLUM à ZEROTIN &c.

Laudare si cui videbor Fratres, non diffiteor id: sed laudo ideò, quòd idem fecerint viri celeberrimi, Lutherus, Melancthon, Bucerus, Calvinus, Musculus, Vergèrius, Camerarius, Eströmus, Eberus, Chytræus, multiq; alij; quodq; meo iudicio ejusmodi sunt Christiani, si quis eos bene nôrit, quales esse deberent omnes, qui sibi & Catholicorum, & Orthodoxorum, arroganti cognomen. Cum certè non sufficiat, Catholicum vel Orthodoxum dici, aut fidem solo ore profiteri, nisi simul ornatisq; virtutibus, quæ in ultimo illo examine suâ ferrent laudem. At si de bonis secus scripisssem (quod fecere haud pauci) tum verò mendax, ac divina illi execrationi subiectus essem, Væ dicentibus, malum bonum; & bonum, malum: Esa. 5. Porro mendacij quod premium? Timidus, ait, non credentibus, & homicidis, & scortatoribus, & veneficiis, & idolatriis, & omni-

Omni-
bus mendacibus, pars est in signo ardente, igne & sulphure, quod est mors secunda: Apocalypsis Cap. 21. Quid? cùm nobis res quæpiam præclara describenda venit, num eam falsè laudamus, cùm qualis in se est narraemus? Laudavit Apostolus Corinthios, & iudavit Romanos, at in quibusdam minime: idem agente Christo Apoc. 1. Similiter ego quoq;. Laudo quidem Fratres: attamen illis quedam deesse fateor. Ne hi soli extra sortem hominum, multis infirmatibus, & ut olim Apostoli, Satana tentationibus subjectorum, positi esse videantur. Cùm primum mense Aprili Anno 1567, cognitis hisce Fratribus, specimen quoddam future huius historie ad Theodorum Beza m. magnum hoc seculo Theologum, censura gratia Heidelbergâ Genèvam misissem: ita id ille licet rudè fuerit opusculum, accepit, atq; legit libenter, ut etiam voluerit, si ego annuissem, præfatione ex animi mei sententiâ adjectâ, quâ melius me oratione suâ excusasset Fratres, edere in publicum. Quod igitur tunc propter exiguitatē scripti factū non est, Domino me ad meliora servare, nunc, si Vobis idē quòd illi placuerit, per me licet; imò verò opta ut fiat. Nam, ut sunt cogitationes posteriores (dicunt Græci) prioribus meliores: ita & hæc primâ illa scriptione sunt perfectiora, id est plus continent rerum, inq; suos Libros disposita sunt atq; divisa. Vale. Zaslavi Litvanorum 12 die Januarij Anno Christi 1599 Etatis meæ 65.

JOHANNES LASICIUS POLONUS.

LIBRI PRIMI.

--- Cum Taboriensium alij excisi, alij ob amissos duces dispalati, Calixtini verò Pontificij propemodum facti essent: cum Veritas, ab Husso in lucem prolata, trium sectarum altercationibus obruitur, Ecclesia verò Romana deleta potissimorum adversariorū (Taboriensium) nomine, ante victoriam triumphum canit; ecce tibi alij (Anno Domini 1450 circiter) potissimum Pragæ, & mox passim per Bohemiam, mutuis colloquijs & consultationibus, à Spiritu sancto excitati, quasi in excisa sylva quidam furculi exorti, crescere cœperunt, & postea à Calixtinis bellacibus, & discipulis Hussi inconstantibus, avulsi, peculiarem Cœtum instituerunt. Hi sunt *Frates*, de quibus nobis sermo institutus est, veri Hussi discipuli, nec pugnam spirantes, nec pacem mundi & bona huius seculi captantes, de sola animarum salute solliciti. Qui dum Calixtini antiquæ Ecclesiæ Doctrinam, Pietatem, Disciplinam, Puritatem, quam verbis laudabant, per omnia sequi reipsa nollent, è seipsis peculiarem, quæ antiquam illam in omnibus referret Ecclesiam, constituerunt sectam. Sed res hæc illis magnò stetit, &c. &c. Et post: Quod quidem futurum prædixerant, Matthias Parisiensis, Canonici Pragensis, divinandi dono prædictus; ipseque

ipseque; Hussus, atque Rokezana. Matthiæ hæc sunt verba in libro de Abominatione, sive Antichristo, Hussi nomine edito, Cap. 37. *Surget novus Populus, secundum novum hominem formatus, qui secum dum Deum creatus est: ex quo novi Clerici & sacerdotes prodibunt, & assumentur: qui omnes oderunt avaritiam, & gloriam huius vite, ad conversationem celestem festinando. Hæc autem puto successivè actum iri, & intemporebus à Deo dispensatis, qui hoc faciet propter suam bonitatem & misericordiam, divitiasque longaminitatis suæ & patientiæ, dans locum penitentiæ peccatoribus inveteratis, flagiendi, à facie furoris Domini: donec similiter partiantur, & successivè populus carnalis, & Sacerdotes, & Clerici defluent, & quasi à tineâ consumentur.* Hussus verò quâdam Epistolâ, è Carcere Constantiensi ad Bohemos missa: *Utinam mihi mandare literis omnes Antichristi abominaciones liceret, ut hæc à fidelibus observari & caveri possint! Verum confido in Domino, quod me vitâ hæc functo Vobis sit Pastores suscitaturus, qui ejus ope Ecclesiæ munia, me integrè & feliciter, obibunt, quique omnes filij illius perditionis impusturas, scelera, errores, dolos, hypocrisin, superbiam, & fœditatem, plenius in lucem proferent; quos nulla præmia, nulle minæ, à veritate abducere poterunt, quin pro ea semper omni ignominia & morte contemptâ, parati erunt ferre testimonium.* Rokezanae quoque, Calixtinorum Archi-

episcopi, postquam se à Fratribus sæpe consulti videret, ista fuere Verba: *Secuturum esse felicitus seculum, quò ea quæ in Ecclesia contaminata sunt, prius non nitenti restituentur, inveterata renovabuntur, Fides, Sacramentum, Ministeriumq; Ecclesiasticum, repurgabuntur.* In Ecclesia Babylonem deportata nihil ritè geri: sed tempus jam instare ejus è captivitate liberanda. Tum verò de novo fundam^{en}ta ejus in ipsis sacris Scripturis jacentur, quemadmodum Templum Israëlitarum à Babylonis dirutum, in ruinis prioris inflatum fuit, &c. Idem ad populum Pragensem publicè, de universali omnium in Ecclesia corruptione, sæpe multumq; questus, addebat: *Nos, quibus subutraque cognomen est, nondum fundamentum rei ipsius attingimus, in exterioribus tantum versamur, indices tantummodo vitiorum sumus, nec aliud, quam quid sit ex hoc agro, tot noxijs herbis, imò feris, scatentibus, evellendum monstramus.* Verum successurus est nobis Populus, qui usq; ad ipsa fundamenta penetrabit, atq; paulatim radibus, firmus stabit, gratum Deo, utileq; hominibus, aggressurus opus. Intelligebat verò Fratres, tunc jam Reformationem meditantes, quos ex mutuis colloquijs penitiora Religionis tentaturos olfaciebat: subinde Auditoribus inculcans, *Tria esse in quibus omnes reslorescent in Ecclesia negotiū versatur: Sacra Scriptura, Christi Apostolorumq; exempla, & primitiva Eccle-*

Eccle-

Ecclesiæ vestigia: his omnes salutè studiosos nitè debere, hæc necessario ab omnibus observari oportere. His ille præceptis suis, *Aureorum Canonū* cognomen dederat, ipse *Coti ferrum* acuenti, nunquam tamen *secanti*, perstimilis, &c.

III.

ELIBRO SECUNDO:

De erigendo novo Ministerio Consultationes.

Solicitis de Animarum pastoribus (unde hos accepturi essent, si decederent aliquot illi, quos habebant, pij) Fratribus, consilium dabat Lupacius, & alij docti pijq; Fratrum incepto benè faventes, Viri: ut omittis Sacrificiis, quos captivitas Babylonica nihil ritè exequi, infita malicia nihil boni agere sineret, ipsimet, præcà Ecclesiæ consuetudine, è suo corpore Ministros Evangelij sibi optarent: & sic ad ipsam originem reversi, sua omnia ad formam Oraculorum divinorum revocarent, cultusq; divini, miserum inmodum deformati, fundamenta in solis Sacris scriptis collocarent. Nè hoc facerent, facile perituros omnino, nec diutius Taboriensibus duraturos esse; qui bellis intenti, nullo ordine sua gesserūt, opinati satis esse armis Regnum Christi quærere. *Omnem si quidem catum tam diu durare solere, quam*

die

duo capita ducesq; haberet. Evangelicam veritatem, nullo alto modo melius, quam Ordine ac recta Ecclesiæ gubernatione propagari. Et si me non fugit (addebat Lupacius) ubi hoc feceritis, grave vos odium Ecclesiæ Romanæ incursum esse; orietur brevi propter Sermonem Dei infectio, calamitas, oppressio: tumq; illud verè dictum esse à Terruliano (Cap. 7. Apologetici) experimini, Cum odio sui caput Veritas, simul atq; apparuit inimica esse. Si Christum verè sequi volueritis, animos vestros ad Crucem quotidie ferendā preparatote: si Deo servire institueritis, ad sufferendas varias tentationes instructi estote. Faxit autem Deus, ut ego quoque hunc vestrum Ordinem brevi videam. Respondentibus Fratribus; Vereri se, ne novo administranda Ecclesiæ modo instituto, Deum offenderent: eos bono esse animo jubebat. Non enim quamvis defectionem Deo displicere: quin gratum eidem futurum, quicquid viciatā tantoperè Ecclesiā displiceat Papæ. Laudem mereri conatus voluntati divinæ morigerorum: pergerent igitur Sacrosanctum fœdus divinum, quod alij violassent, renovare, causamq; Veritatis in fractis animis tueri, Babylone magis magisq; egredi, & lutum illius planè conculcare. Meminissentq; Hussi, de Ecclesiā scribentis, verborum; Possè melius regi Ecclesiā à sanctis Sacerdotibus, quam à Papa & Cardinalibus, prout recta fuerat

fuerat irrecensā amplius post Christum annis. Perpendere verba Ignatii Martyris, Petri Apostoli in Ecclesiā Antiochena successoris; Seditorem illius, qui se à Veritate abscidisset, non esse futurum Regni Dei heredem; similiter & illum poenas in gehenna esse daturum; qui à mendaci non abscederet. Concionatore. Item illa beati Cypriani Epist. 4: Nec sibi plebs blandiatur, quasi immunis à contagione delicti esse possit, cum Sacerdote peccatore communicans, & ad injustum atq; illicitum prapostiti sui Episcopatum, consensum suum commodans: cum per Oseam comminetur, dicatq; censura Divina; Sacrificia eorum esse tanquam panem lutus, omnes ea manducantes contaminari. Ideoq; plebem præceptis Dominicis obsequentem, & Deum timentem, se à peccatore Prapostito separare, nec se ad sacri-legi Sacerdotis sacrificia misere debere; cum ipsa haberet potestatem, vel eligendi (NB) dignos sacerdotes, vel recusandi indignos. Dicebantur Fratribus ab iisdem consultoribus etiam ista: Jam illa rursus instare à Prophetis prædicta tempora, ut DEUS Oves suas ex faucibus malorum Pastorum ereptas, melioribus pascendas committat; ex ingenti Israhelitarum numero per paucos sibi segreget, reliquias tantum servet, singulos à singulis Civitatibus, binosq; à singulis Nationibus seligat, & Captivitatis Babylonicæ in patria ipsorum jam tandem finem faciat. Et Lupacius quidem cum alijs hæc, aliaque ejusmodi,

modi, consilia Fratribus dabat: hi verò quantæ
 ipsis erant ea orituræ essent difficultates, animis su-
 is providentes, persuasi Pontificios, ipsosq; Ca-
 lixtinios, veteres Ritus nequaquàm innovari passu-
 ros, nec innovatos toleraturos, ac licet necessari-
 am defectionem, crimini tamen esse daturus, ve-
 hementer angî, adhibitisq; ieiunijs Deum arden-
 ter precari, ut quid facto õptus foret ignaros do-
 ceret, redactosq; in tantas angustias vi suâ expelli-
 ret. Tandem post longas halitationes, ad per-
 severandum in re bona necessariaq; animis divi-
 nitus corroborati, convenerunt ex ordine Sacer-
 dorum, Nobilium, Literatorum, Civium, & Ru-
 ritolarum, selectissimi Viri 70, in pagum Lhota
 (quæ vox Bohemis *manuissionem*, atq; ex ser-
 vitude liberationem significat) prope Oppidum
 Richnow: ubi precibus sacris dediti, ac illis Chri-
 sti persuasi promissis, *Quicquid petieritis duo tris-
 ve in nomine meo roasti, dabitur vobis.* Item il-
 lis; *Si manserit in me, verbaq; mea manserint in-
 vobis, quicquid volueritis petite, ac fiet vobis;* ro-
 gant supplices Cœlestem Patrem, essetne ipsius
 voluntas, ut se jam planè à Babylone spirituali,
 quam ipso revelante cognovissent, subducerent;
 sodomâ excederent; tot vitiorum errorumq; viâ
 delertâ, Mores suos reformarent; Disciplinam
 veterem revocarent; puriorem Dei Cultum, ab
 hoste illius mirificè contaminatum, ipsi pro se in
 inter-

Integrum reducerent; & novum Ministerij San-
 cti, soli Christo addicti, Ordinem inter se con-
 stituerent, ut jam tandem ostenderet. Uti sunt
 inprecando hisq; Davidis verbis; *Domine,
 bone, misis, & invocantibus valdè clemens, audipre-
 ces nostras, die angustia nostra invocamus te, quia
 exaudis; docenos viam tuam, ut in veritate tua
 ambulemus.* Quòd deinde factum: exaudit e-
 nim simplices misericors ille, & in promissis su-
 is verax Pater &c, &c.

IV.

*De Fratrum circa novam Ministrorum
 ordinationem scrupulis, tentatisq;
 alijs vijs.*

—**F**Ratres actis Deo pro eo beneficio gratijs,
 sua in sententia, soli fundamento Sacra scri-
 ptura, in qua DEUS suam revelat voluntatem, esse
 nitendum, confirmantur. Postmodum eligunt
 tres viros, qui ad tempus primarij essent, alios re-
 gerent, & sponte suâ obedientes officij commo-
 nerent; quorum præcipuus fuit Gregorius ille,
 de quo supra, rerum divinarum scientiâ, vitæque
 sanctiore, clarissimus: reliqui duo Procopius &
 Joh. Clenovius. Interim sciscitantur quàm dili-
 gentissimè, an uspiam terrarum præstia Ecclesiæ so-

rent ejusmodi reliquie, quas fermentū Papisticū non corrupisset, quæq; ipsi factū suam in Christum fidem, & veterum Christianorum sanctimoniam, declararent: tum quibus studebant se animis conjungere, & veros ab eis Pastores Ecclesie petere, modo ne ad novos creandos inviti descenderent. Accipientibus se ad iter Orientale quibusdam, cognoscunt repetiri quidem illuc Christianos, at non tales, quales videre averent, & à quibus ea quæ vellent perciperent. Luxatam ibi quoq; esse Disciplinam Christianam, depravatam longo ævo, multisque obrutam Ceremonijs, etiam Mosaicā circumcissione, Religionem. Qui bene præsit, quiq; imperantibus auscultent, raros admodum esse. Idem illis interrogati responderunt illi, qvi Græciam, Valachiam, Russiam, & in hac Armenios Regis Poloniae subjectos, viderant. Nempe gentes has suis Episcopis contentas, à Patriarcha Romano non pendere quidem: nihilominus tamen, quæ natura hominum est, molliter vivere, Deum supersticiosè colere, Sacerdotes vitâ populo similes, spiritu mundi agi. Walachos atq; Moldavos planè corruptos esse, Græcos more antiquo pergræcari, & Turcicâ tyrannide fractos, divina langvidè curare. Russos autem, eorundem Morum ac Religionis, quosvis venientes, absq; omni frutina, tam morum quàm doctrinæ, acceptâ à Candidatis pecuniâ, ad sacrum Ordinem admittere.

tere; Nunquam concionari; sed quotidianâ liturgiâ, satis oscitanter murmuratâ, omne Religionis pensum absolvere. His ita auditis Frateres, constitutam in longinquas nationes peregrinationem, in aliud tempus rejiciant: omnesq; exterris, ad se ipsos converruntur, expectaturi, an quod foris quæsitura erant, domi consequi ope divinâ possent.

V.
De nova tandem (post decennales deliberationes) Ministrorum Ordinatione suscepta.

Postquam illi tres Fratrum Seniores Ecclesiam aliquandiu administrassent, & Ministerij Ordo à Christo institutus per quam utilis esse ipsis videretur, (jam enim non alius ferè Sacerdos præter Michaelē Zambergium, illum doctrinæ pietatisq; Russi genuinum hæredem, supererat, alijs fato, alijs violentiâ hostium veritatis absumtis): Fratres, indictis Anno 1467 publicis jejunijs, precati sunt Deum omnes, ut de ijs quæ ipsi grata forent cogitantibus, benignum se præberet. Quibus peractis, convenerunt rursus eodem loci, ubi & antè, totidem aut paulò plures viri, reliquis in suis sedibus conatum illorum precibus divinis juvantibus, Ubi promisso Christi

N (Quicquid

Quicquid orantes petieritis, credite vos accepturos) freti, seligunt inter se viginti viros, & integræ cōscientiæ, & legis divinæ scientiā cæteris excellentiores; rursumq; ex horum numero (divinō planē consilio) novem segregant, ē quibus Deus Pater cœlestis sumeret, quos duces Ecclesiæ constitueret; reliquos verō undecim rei huic peragenda designat. Destinatos illos novem sortitioni (quæ delectos à Deo ostenderet,) iterum Christo Ecclesiæ sponso commendant: ut si quos illorum muneri Ecclesiastico præfici vellet, eos ipsemet sanctificaret, Spiritusque donis exple-
ret. Parant inde duodecim convolutas chartulas, ex quibus novem vacuis relictis, tribus inscribunt voluntatis divinæ indicem vōculam, Est. His eodem modo constitutis, rursus orant Deum, ut pro sua in Ecclesiam benevolentia, cujus redimendæ, ac in unum Fidei corpus cogendæ causa, unigenam, Spiritumq; suum sanctum in terram demississet, & doctores ducesq; semper illi dedisset, ex illis novem Viris unum, duos, tres vè simul, Ecclesiæ suæ rectores deligeret. Sin id nollet, nefaceret; (quod utiq; fieri potuit, si omnibus puræ chartulæ obvenissent.) Hæbit ibidem Gregorius ad Cœtum, ejusmodi oratiunculam: *Quando quidem, chari fratres, negotium hoc Deo commissimus, ut si velit aliquot ex his viris, ad munus legationis Filij sui in Ecclesia ritè obeun-*
dum,

dum, seligat, æquum erit ut voluntate ac indicio ejus atquiescamus. Interea bonæ sitis animo; non faller nos ille, qui se effecturum apud Patrem recepit, quicquid quis ab eo firmâ fiduciâ potierit. Post hæc adolecens schedulas ē sitella averfis oculis eximēs, dabat singulis Candidatis, in medio stantibus; hi verō eō ubi undecim alij confederant accedentes, suam singuli apud eos deponebant. Ubi rem mirandam! inventi sunt tres, quorum signatæ schedulæ fuerunt, *Mathias Convallensis, Thomas Prelautius, & Elias Krenovius.* Atq; revera isti fuerunt, inter illos novem, omnium testimonio, tanto muneri aptissimi. Hi ergo visi sunt omnibus Deoplacuisse, ut Ecclesiæ gubernationem susciperent, (sic enim diserte ille sapientissimus hominum Prov. 16: *In sinum conijcitur fors, sed à Domino est directio ejus.* Quod quidem ita esse, præter alios in Jonathamo filio Saulis, Jona Propheta, & Mathia novo Apostolo, apparuit.) Tum extemplo omnes, pro ducibus dono Deo declaratis gratias agere, sorti consentire, electis obedientiam, Christo autem per eos fidem, datis dexteris polliceri; eosdemq; orare, ut munus laboriosum, ad quod se divinitus vocatos esse ipsimet cerne-
rent, alacribus animis susciperent: his autem, annuentibus, sibiq; divinis promissis certi spem, auxilij facientibus, læti omnes carmine extem-
po re composito, grates Deo concinunt: (cujus

hoc est principium, *Gaudemus omnes h. die, celebramusq; Deum, qui nobis hoc tempore excitat fideles Pastores &c.* quod cantico hodieq; Deum laudant, in suorum Ministrorum creatione &c.) Quod ad consecrationem, licet crederent, hanc à solo Deo, ad preces Ecclesiæ, per Christum proficisci, (*Ego me ipsum sanctifico pro eis*, inquit Christus, *ut & ipsi sanctificentur in veritate*.) tamen pius ille Michael, Romani chrismatis Sacerdos, rogatus à Coetu, forte electis cum fausta precatione manus imponit, & sacri Ministerij munus, quod & ipse ab alijs acceperat, committit. Fecit idem postea Stephanus, Episcopus Valdensium, electisq; confirmavit: quin & Episcopalem potestatem, alios Pastores confirmandi, dedit. Quò facto Fratres ostendere voluerunt, nihil se boni damnare quodcumque esset, sive in Romana sive in alia quacunque Ecclesiâ. Nihil nempe illis magis cordi est, quàm Ordo quivis bonus, etiam si humanæ institutionis: qualis est, ut Clerici non nisi ab Episcopo ordinentur, &c, &c.

VI.

Fratres cupiunt jungi Valdensibus.

— **P**lacuit Fratribus Valdensium declarata in legatos ipsorum hospitalitas, in factis conspicua

spicua pietas, & tam diuturna ob Veritatis professionem adversorum tolerantia: usq; ed ut cogitare cæperint, quomodo utriq; in unam Ecclesiâ planè coire possent. Verùm ne rem magpi momenti imprudenter aggredenter, visum illis est omnia Valdensium tam dogmata, quam acta diligenter prius explorare. Quò factò, animadvertunt doctrinam illorum, non minus quàm suam, ex ipsis divinorum oraculorum manasse fontibus: mores quoq; paucis correctis, ipsi Evangelicæ professioni responderè. Missi igitur ad eos, qui dicerent, *Decrevisse Fratres cum ipsis ejusmodi societatem jungere, ut ex duobus unus in Christo populus coalesceret, atq; coagmentaretur:* quòd prius quàm fieret, petere se cum illis colloquium. Porro quia exploratis eorū rebus nonnulla emendanda observassent, quæ veris Christi imitatoribus indigna essent: velle se ista fraternè ipsis aperire, quæ pro sua pietate in meliorem partem acciperent. *Primum* autem, id sibi displicere, quod ipsi periculorum metu clanculum tuerentur veritatem Evangelicam, quasi ignari lucem mundi tenebras illustrare, & salem terræ insula condire debere; lumen accensum in aperto esse ponendum, & os veri Catholici inconstitenda cælesti doctrina respondere oportere cordi. Alterum, quòd licet à Pontificijs intantum dissentirent, ut Papam Romanum Antichristum es-

N₃ le

le, gregemq; ipsius illam Ficum instructuosam, quam Christus execratus, existimarent; tamen, Fana illorum frequentarent, & sacrorum participes fierent; dummodò ita quieti latere, & furorem Papalem evitare, possent; quâ simulatione unum cum illis corpus fieri, non laudanda laudando, adversa voluntati divinæ præsentia suâ comprobando, fugiendaq; faciendo &c Hoc dici, repidum esse, utroq; pede claudicare, societatem cum tenebris habere, jugum cum infidelibus trahere, Deum solo spiritu, Antichristum autem corpore, colere. Postremum, æquè damnum esse, quòd ipsorum Presbyteri opes sibi ex ea cogerent pecunia, quamquisq; expropensa liberalitate in usum Ecclesiæ largiri solet; nempe ad sustentandâ penuriam Ministrorum pauperum, & quorumvis ægrotantium, illorumq; quos impia Caini & Elau proles persequeretur, qui non possent labore manuum victum sibi parare. Dedecere servos Christi ita sua curare, ut cætera ejusdem Domini inops familia despiciatur; in honestè parari inclementiâ opes; amorem proximi beneficentiâ declarari maximè. Pastorum populi esse Apostolos imitari, possessionemq; auri & argenti cavere; Theluros sibi in Coelis parare; Lilia agri, aëreasq; volucres, aspicere, omnemq; sui curam Deo, etiam Cervorum Passerumq; pullos providentiâ suâ conservanti, permittere; qui illud de suis servis effatus semel, præstaret semper, Non

deseram te, neq; derelinquam, &c. &c. Ita Fratres cum Valdensibus, sua etiam, si quæ emendatione egerent, censuræ ipsorum subijcientes &c. Quæ vero Valdenses Fratribus ad superiora responderunt; hæc erant: Non displicere sibi propositum Fratrum Bohemicorum, de societate Religionis secum firmitus jungenda: sed consultius videri, ut de eo omnes prius deliberarent. Quod ad vitia, quæ vita conservanda amore admitterent, se ea neq; ignorare, neq; excusare: fateri se, uti ceteros Christianos, ab antiqua majorum suorum fortitudine, atq; frugalitate aliquantulum deflexisse: eam vim nature omnibus in rebus esse, ut à prima origine progressu temporis non nihil degeneret: tamen se cogitare de emendatione, velle admonitionem Fratrum, ut utilem, ita sibi gratam esse. Coclusum ergò, ut utriq; (inscijs Sacerdotibus Pontificijs) rursus unâ convenirent, certi quidpiâ de rebus à Fratribus propositis constituturi, & vitiosa quæq; secundum Verbi divini Canones utrinque amputaturi. Fratres gavisi futuræ conjunctionis spe, præparant se ad conditum conventum. At Valdenses pacti silentij immemores (nec extra culpam levitatis, quæ genti Gallicæ vulgò adscribitur) arcum consilium publicant. Quare Sacrificuli de hortari illos, ac terrere minaciter, desisterent ab incepto, Picardorum conjunctionem fugerent, &c si quidem longiori quiete frui cuperent. Isti

his dictis territi, nec se Fratribus adiungunt, nec depravata corrigunt; duo solum Ministri illorum, vitâ in melius commutarâ, ad Fratres transiunt &c.

VII.

E LIBRO TERTIO.

Fratres quæsitum mittunt puras Ecclesias.

Wladislao gubernacula Bohemiæ teneq-
te, quæsiere tandem Fratres, quod pri-
dem erat illis in animo, *An usquam gentium essent
ejusmodi Christiani, qui ut ore Christum confiteren-
tur, ita moribus referrent, puros Ecclesiæ antiquen-
tias observarent, Papæ Romano obstricti non essent;*
non postremum in eo delectationem posaturi, si
istiusmodi hominibus repertis, fraternâ illis soci-
etate jungi, ab illisq; perfici, possent. Placuit igitur
omnibus mitti, harum rerum pervestiganda-
rum causâ, aliquot prudentes viros, in longinquas
Regiones: daturq; destinatis ad iter à Nobilitate
viaticum: (Erant enim jam adjuvati Fratribus,
non solum ex ordine Equestri, verum & ex Baro-
nibus, opulenti homines non pauci.) Cæteris
liberalior fuit Bohussus Kostka, Baro à Postupitz,
Litomislæ Dominus, imperterritus Fratrum de-
fenzor; qui & investigatoribus ab Rege Diplo-
mata

mata impetravit, securi transitus & salvi reditus,
per Regum ac Principum provincias ac ditiones.
Delecti igitur investigatores, acceptis mandatis
per Poloniam Constantinopolim versus, contenden-
dunt; Unde scilicet ante viginti & aliquot annos
Bohemi, post suam à Papa secessionem, literas ab
Ecclesiâ Græca acceperant, quibus ad unionem,
cum ipsa faciendam amicè invitabantur. Hujus
unionis Fratres cupidi, explorare prius religio-
nem vitamq; Græcorum voluerunt. Constanti-
nopoli lustratâ, divisis itineribus perrexerunt; *Lucas*
quidem *Pragensis* in Græciam, vicinasq; Regio-
nes versus Italiam &c; *Maresus Cocovecius*, No-
bilis Vir, in Moscoviam, alias que Slavici gen-
tis Regiones: *Martinus Kabatnik* civis Litomi-
slienſis, adjuncto sibi Judæo interprete, in Pale-
stinam atq; Ægyptum (cujus liber hac de pere-
grinatione extat Bohemicus, Anno Christi 1490
typis excusus,) *Caspar* verò *Marchicus*, viribus fa-
ctus infirmior, reditum horum suorum comitum
Constantinopoli opperiebatur: ita tamen, ut
interim Thraciam & loca finitima perlustraret,
&c. Reverſi domum, ex Asiaticis & Africanis
regionibus, pietatis illi inquisitores, spe falsi suâ,
quodd nihil eorum quæ cupiebant invenerint; fal-
si & illi, qui eo fine hos viatico instruxerant, ut
ex bonis remotarum Ecclesiarum exemplis emo-
lumentum aliquod caperent: ita speciosæ quon-
dam

dam Ecclesiæ jam tum emarcuerant. Omnes quos videre potuerunt Christiani, quasi ex composito in varij generis vitia, Divorumq; & Simulacrorum cultum, ruebant, superstitionibus dediti, & quæ potiora sunt, Legis Divinæ, negligentes: Sacerdotes sceleribus superabant populum, nec tamē à quoquā corrigi volebant: ut verissima fuisse illa Monitorum, qui tali itinere supersedendum esse suadebant, de corrupto universo Christiano orbe testimonia (quæ libro superiori memoravimus) oculis tandem convicti suis agnoscerent. Tantum rebus in omnibus mutare solet temporis longinquitas, maximè ubi præfectorum populi socordia invalescit. Ut quod Varro dixit de homine, *Quem puerum vidisti formosum, hunc vides deformem in senecta*; hoc illi tūc spectarent in illis quas adierant Ecclesijs. Quas quis miretur in Turcicam devenisse potestatem? Nec aliter olim Palestini peccata peccatis cumulantibus Israelitæ, gentibus Idololatricis, Cananæis, Philistinis, Syris, Assyrijs &c, castigandi tradebantur à Deo &c.

VIII.

Fratres canonem condunt, cum quibus Ecclesijs, & quomodo, jungi optandum sit.

Anno

1486. adversarijs eā calumniā Fratres onerantibus, quasi hi omnibus alijs Ecclesijs, atq; earum Ministris, damnatis, sibi soli ut Salutem ita Ecclesiam arrogarent: hæc in communi conventu de his rebus decernunt, quæ ad verbum liber Decretorum ita habet. *Si fuerit repertus quispiam Sacerdos in alia Ecclesia, Veritati contraria, qui ob puriorem doctrinam, & quod rarum est probatos mores, commendaretur, debent de eo omnes fideles gratias Deo agere: tales enim singularis alicujus boni causā divinitus excitantur. Non debent tamen ij vel se illi adjungere, vel Sacramentorum communionem ab ipso petere; primum ideo, quod periculosum videatur, hujus rursus Ecclesiæ participem esse, à qua propter multiplices perniciososq; errores & abusus, specie veritatis reftos, facta est secessio. Deindè, quod post mortem istius Ministri, nullum fortè Pastorem alium huic similem habituri essent. Tum quia idem nullo legitimo adjuvetur societatis ordine; qui in eo consistit, ut alij præsent, alij obtemperent; omnes verò in unitate Spiritus & Corporis Christi permaneant. Postremo quoniam fideles, bonorum copiam Dei beneficentiā domi jam habentes, non sine periculo apud externos querere salutem viderentur. Quod si autem fuerint multi Sacerdotes, qui legitimo inter se juncti ordine, populum sibi commissum puro Dei Verbo pascere: hos fideles ut suo arbitrio contemnere, sic se*

illis applicare, reliquæ societate Ecclesie domesticæ non debent. Verùm Seniores Ecclesia dabunt operam, ut aliquâ ratione cum illis conjungantur, & in unum corpus coalescant: Omnia enim in Ecclesia Christi, ordine geri debent, 1. Cor. 14. Quid si maximis & necessarijs Christiana Religionis articulis, in quibus cæcus externus Ecclesia Christi fundatur, præ nobis excellent: & constet Senioribus illos in hæc articulis sine ulla vacillatione perituros, se ipsos, suâq; omnia, unâ cum populo, ipsis subicient. Sin minus excellent, tamen quatenus Veritatis notitiam habere cognoscuntur, neq; vituperandi sunt, neq; cõtemnendi; præsertim si Ecclesia illorum fundamentum solido innitatur. Non debet autem cum illis fieri conjunctio, propter defectus illis quidam incognitos, sed nobis notos: ne forte illorum contagione puritas doctrine cælestis corrumpatur. Verùm fraternè ad clariorem lucem agnoscendam, illis inserviendum erit. Postmodò proficimur, nullum solum unum cætum, quantumvis numero pollentem, posse esse, aut dici, Ecclesiam Catholicam: id est talem, qui universum fidelium numerum complectatur, nec DEUS extra ejus limites alibi electos suos habeat. Sed solam & unicam fidem Catholicam Christianam, in Veritate à Deo fundatam, & in Verbo ejus scriptam, ubicunq; locorum sub nomine Christiano esset, constituere Ecclesiam sanctam Catholicam; extra cujus societatem nullus spes Salutis credenda est.

IX. Fra.

Fratres iterum in Gallias & Italiam mittunt.

--A Nno 1488 misere iterum Fratres in Gallias & Italiam, Lucam Pragensem & Thomam Germanum, Cætus pios, & veritatis cælestis amantes, in ea Europæ parte, quæ primas in Christianitate tenere existimabatur, indagaturos. Quibus Regionibus dum vacante perlustrandis, inveniunt in media fece vulgarium Christianorum, carnis concupiscentijs deditorum, quosdã viros Dei metu præditos, varijs periculis expositos (per eosdem enim dies pientissimus monachus Hieronymus Savonarola, Florentiæ vivus comburebatur, cujus rei Fratres fuere spectatores.) Nichilominus cum alijs & alijs pijs de Religione sententias contulerunt, & alteri alteros mutuâ cohortatione ad absolvendum Christianæ pietatis cursum cohortati sunt. Inciderunt & in Gallia in Valdenses, ejusdem fortunæ; à quibus planè hospitaliter & fraternè accepti sunt, atq; tractati. Ita Deus ubiq; locorum suos habet, vulgo ignotos, quorum vita crux est perpetua, mors perenne gaudium. Morari verò aliquandiu Romæ, ut omnia Apocalypsi de illa scripta oculati testes pernoscerent, viderunt super septem montes sitam fuisse, nunc autem ad Tiberim descendisse; Populâ

pulos variorum Gentium, & Meretrices penè innumeras, habere; majori ex parte dirutam, vastatamq; jam esse; verè magnam (propter ambitū 32 milliariū Italicorum) ab Angelo dici; Byssos, purpurā, coccō, indumentis mollissimis, vestiri; delicijs enervari; omnis generis voluptatibus perfluere; continentes Christianos lubricio habere; Imperium ejus, quondam maximum, magis ac magis decrescere; eum qui ipsam nunc tenent, divi Petri scilicet successorem, Sanctissimū vocari, adorari, coronari, throno excelsso gestari; armis circum eum strepantibus terribilem reddi; ad pedes suos osculandum filios DEI admittere; supra Reges se efferre; arbitrio suo quidvis in Orbe Christiano agere; Clavibus Christi abuti; his Gladium adjungere, Bellaq; Regibus inferre; homines jure jurando solvere; fœdera DEO teste facta rompere; Connubia illicita copulare; dispensationes Legi divinæ adversas facere; Expectativas avaris concedere; Beneficia Ecclesiastica partim in ineptos, partim multa in unum, conferre; pœnam meritis, acceptā levi pecunia solā, gratiam facere; animas quodam purgatorio eximere; conservis suis tyrannicè dominari; quicquid ageret, acceptum id DEO esse opinari; majorem se Conciliō vocare; omnes nutui suo obsequentes habere; Beatorum in cœlis numero, qui placerent, adscribere; qui displicerent, cartaro ad-

ro addicere; ab se dissentientes hæreticos dicere; à Pallijs quibusdam sacris magnam vim auri, ab novitijs Episcopis, corradere; contemptā Christi paupertate immensis opibus inhiare, suosq; dirare; abjectā ejusdem humilitate, superbissimè se in omnibus gerere: Pastorem primum nunquam populum Verbo DEI pascere: signis mirabilibus, quæ ad Imagines in Regno ejus passim edantur, fastuosiores reddi. Hæc, aliq; plura, in Templo DEI sedentis apertè Antichristi facinora, Fratres non absq; stupore spectantes, animadvertunt quendam *Valdensē*, hujus ipsius dea-ftri vegeti, humeris sex bajulorum gestati, fastum molitiemq; detestantem. Qui causam ab illis rogatus, cur hoc cum suis clam faceret, nec publica peccata palam carperet, respondit: *malle ita bestiam devorare, quàm ab ea devorari*. Nisi (inquit) me eadem pati velitis, quæ expertus quidam est, qui hoc idem cernens, & clarā vocæ, *Non sic Petrus*, dicens, sacco protinus inclusus aquam Tiberis bibit. Non licet hîc, ô Bohemi, nec tutum est, verum palam dicere: peccare multifariè, pejerare, mentiri, assentari, scortari, licet. Tuebatur verò suam opinionem Josephi & Nicodemii, occultorum Christi discipulorum, exemplo, atq; hoc Apostoli (de re alia) dicto; *Tu fidem habes? apud te metipsum coram DEO habes*. Quod quidem Lynceris Fratribus displicuit. Quare ad suos

uos reversi, omnia ipsis enarrant, demirantibus DEUM tantam mortalibus immisisse de ceptionis efficaciam ut crederent mendacio, qui à veritate animos averterunt. &c.

X.

Fratres suæ à Papatu discessionis causas examinant: sententiamq; de Sacramentis suam.

— ANno 1994 tractatum est in Synodo Fratrum, de secessione à Rom. Ecclesia: cujus causæ, ut antehac, inventæ sunt justæ. Dicebant autem se ab illa descivisse, non propter improbos civium eos Mores, ad quos imitandos nemo cogebatur, quicquid à volentibus facile vitari possent: Sed quòd de Sacramentis, ipsosq; divino cultu perversas opiniones tueretur, aliasq; omnes ad idem malum adigeret, ac sequi renuentes tyrannicè tractaret. De Cœna Domini hanc sententiam ibidem scriplerunt: Ubicunq; sacra Synaxis secundum constitutionem & voluntatem Christi administratur, credimus Panem Corpus, & Vinum Sanguinem ejus esse, Sacramentaliter ac mysticè. Non signum corporis, ut Taborita senserunt &c. Non ignorandum verò est, in illis primordiis suis Fratres aliquandiu rebaptizare solitos è Papatu ad Evangelium venientes. Cujus rei causa prima illis fuit vulgaris Ec-

clesiæ

ecclesiæ illius temporis consuetudo: quòd sicut Pontificij Calixtinos atq; Græcos, ita hi vicissim illos, denuò baptizarent. Cujus rei legitur exemplum in Miechovio, Chronicorum Polonicorum Cap. 47. lib. 4. de Sophia Græcæ, sive Russicæ, religionis, Regina Poloniæ, Jagiello-nis Conjugæ. *Altem*, quòd Fratres priorem baptismum ab Antichristianis sacrificulis collatum scirent, quorum ut fides frigida, ita preces Deo ingrata, essent: in Baptizato autem nec effectus mortui cum Christo veteris Adami, ut scriptura loquitur, apparerent, nec ulla cognitio prioris Baptismi esset; quòd nempe instam nobis primorum Parentum labem deleteret, Baptizatosq; cives Cœlestes, & membra Ecclesiæ Christi, faceret; quodq; Deus Pater suos liberos per Baptismum regeneret, atq; illuminet. *Ad hoc*, legebant idem hac dere in Justino & Cypriano Martyribus: Legebant Christianos Aethiopes in memoriam Baptismi Christi quotannis Baptisma renovare. Legebant item in Actis Apost. (Cap. 19) Johannis Baptismum perfectiore Baptismo Christi absolutum à Paulo factum esse. Hisce igitur Fratres, aliisq; moti rationibus, ab illis primordiis suos rebaptizabant. Etiam ideò, ut sacro lavacro abluendus errores peccataq; sua cognosceret, fidem synceram confiteretur, promissis divinis crederet, Baptisma prius in memoriam sibi re-

O

voca-

vocaret, & sanctius fedineceps in melliori Ecclesia victurum, Christo redemptori suo, præsente Cœtu piorum, polliceretur. Nec tamen omnes rebaptizabantur: Sed ij tantum, qui de priore Baptismo, à Babylonijs accepto, dubitabant, quique causas cur Christiani essent ignorabant. Sed postea Fratres rem diligentius perpendentes, & quæ sit vis semel in uno Baptismate invocati nominis Divini considerantes, atque etiam commune facti à quibusdam doctis Viris, rebaptizationem abrogarunt: nempe quemadmodum etiam Cyprianus, errorem suum propè mortis articulum depoluit, teste Augustino cap. 5. lib. 2. contra Donatistas. & Eusebius scribit (Cap. 2. lib. 7. Eccles. Historiæ) *Ex consuetudine ab antiquis du-cta temporibus in recipiendis in Ecclesiam ijs hominibus, qui à quocunque genere hæresis revocati essent, preces solum cum manuum impositione adhiberi solitas, non rebaptizationem.* &c. Anno 1499 Fratres in Synodo locum de Cœna Domini illustrantes, distinctionem fecerunt inter prædicationem figuratam (ut, *Christus est petra, via, janua, panis &c.*) et inter prædicationem Sacramentalem (*Panis est Corpus Christi*) Contraque sensum Taboritarum ferentes decretum, prohibuerunt, ne sententia Cœnæ Domini explicetur tali phrasi; *Panis ita est corpus Christi, quomodo Christus est Petrus, Janua, Via.* Hæc illi, pie omnino & reverenter.

Nec

Nec tamen defuerunt adversariorum clamores, irreverenter Sacramenta tractare, impieque blasphemare. Inter alia nobella fuit Augustinus Olomucensis, qui contra Fratres diversis scriptis pugnans, Regem Wladislau talibus etiam alloquutus fuit (Epistolâ 2. Anno 1508. scriptâ) verbis: *Vidi literas, quas nunc Majestati Tue perfidi & abjecti Pighardi scribunt. Quid ego amplius dicam? cum aperte fateantur, quod Corpus Christi sub specie Panis & Vini non debeat venerari? Non sunt digni pessimi latrunculi, qui nobili elemento Ignem absumantur: Sed ut corpora eorum ferocissime fera deliniant, canes Sanguinem eorum lingant: in vindictam salutis nostræ, Corporis & Sanguinis Jesu Christi, ut pro eorum meritis venerari carnifices compellantur, qui honorem dare Christo spernunt. Quam facundus nugator! Non adorant Fratres Sacramentum; ergo non honorant Christum &c.* Dum ergo iterum Regi Wladislao rationem fidei suæ, scriptis ad eum missis, redderent, & adversariorum criminationibus Apologias suas opponerent, Fratres, in illis collationibus & consultationibus assidius, *Quid sentiendum, & quibus verbis loquendum sit de Cœna Christi, ita* (congregati Anno 1508) mutuo consensu concluderunt, & in suis monumentis consignarunt. Optimum quidem esset verbis Domini; *Hoc est corpus meum, simpliciter, pie, & humiliter, credere.* At cum

Oz

mul.

multi nolint esse contenti simplici istâ confessione, sed urgeant, Quomodo sit Panis Corpus Christi, Vinumq; sanguis? Sentiendum, credendum, atq; interrogantibus respondendum est hoc modo: Unanimiter, secundum sensum Sacrarum literarum, statuimus: Panis est Corpus Christi naturale, traditum pronobis inmortem, Sacramentaliter, Spiritualiter, Potenter, & Verè. Sacramentaliter, id est mysticè: Spiritualiter, id est non corporaliter, non tangibiliter, non visibiliter, non sensitivè. Potenter seu efficaciter, id est communicativè, fidelibus ad confirmandum gratiam salutarem, indignis ad iudicium. Verè, id est non in signo sicut typi veteres, sed in veritate, & re præsentè, ita verè ut Christus verax dixit, Hoc est Corpus meum, Hic est sanguis meus. Itaq; corde credendum & ore confitendum est, cum Sacerdos dignus, accepto pane & vino, orat cum Populo fideli, & benedicit, atq; verbis Christi pronunciat Panem & Vinum Corpus & Sanguinem Domini, illic, in præsentî communionè & usu, esse Panem Corpus, & Vinum Sanguinem Christi, percipiendum ad commemorandam & annuntiandam mortem Domini, donec venerit. Hactenus verba Fratrum, Quæ sententiam, dictasq; Phrases, decennio post infrequenti synodo Boleslaviæ habita, Anno 1518. diligenter examinârunt & confirmârunt: & ad Lutherum in responsione sua, Anno 1523, scripserunt. Ac postea, Anno 1526. contra Habrovanites,

signum & figuram urgentes, libro lingvâ Bohemicâ publicato (cui Titulus est *de Signo & Veritate*) defenderunt: atq; hactenus semper retinuerunt, & illustrârunt. &c.

XI.

Erasmi Rotorodami de Fratribus Boh. iudicium.

— Circa annum 1511 cœpit sermone hominû celebrari *Erasmi Roterodami*, artium humanitatis, synceriorisq; Theologiæ, instaurator, & fidei Orthodoxæ assertor à multis habitus: ad quem *Jobannes Schlechtæ*, Nobilis Bohemus, quædam de Fratribus malâ fide perscripsit, minime ab eo laudata: at quæ veriora erant, ea non improbavit Erasmus. Sic enim Schlechtæ respondit: Quod sibi Sacerdotes & Episcopi ipsi eligunt Fratres isti, non abhorret à consuetudine veterum: sic electus est Sanctus Nicolaus, sic Ambrosius. Quod indoctos, tolerabilius esset, si vitæ pietas penset eruditionis inopiam. Quod se invicem Fratres ac sorores appellant, non video cur debeat reprehendi: atq; utinam eadem appellatio mutæ charitatis perseveret apud omnes Christianos! Quod minus tribuant Doctoribus, quàm Divinis voluminibus, hoc est, plus deferant DEO quàm hominibus, rectè sentiunt. Jam tamen si non abhorret à vero, Christum &

sumus Apostolos in quotidiano vestitu consecrasset: *im-
men impium est contemnere, quod non absq̃, salu-
tari consilio post, à patribus, est institutum. Quod si istud
tãtoperè placet Dominica precatio, ea & nostri Sa-
crificij pars est.* De Festis diebus non multum ab est
istorum opinio à seculo Hieronymi: nunc in immen-
sum accrevit fistorum turba, cum nullis diebus plus
scelerum comitatur vulgus: & quod est inhumanissi-
mum, coguntur esse otiosi totos dies, nec victum a-
lendis suis quarunt. Sint crebra festa, sed in Templis
quibus peractis redeant homines ad sanctos labores,
&c. Ita Erasmus. Cujus Viri celebre nomen movit
Fratres, ut ad eum miserint Antverpiam, ubi tunc
degebat, Nicolaum Claudium & Laurentium Voti-
kum, cum suæ Religionis Apologia, Noribergæ
tunc (quod ego miror) excusa. Accesserunt, do-
num precesq̃; omnium Fratrum nomine obtule-
runt; orantes ut Librum diligenter perlegeret, ac
notatos, si qui in eo inveniuntur errores, candidè
ipsis indicaret: quos agnoscere, ac cedere meli-
oribus, parati essent. Sin verò nihil in eo Chri-
stianis indignum offenderet, ornaret eos suo,
quod tunc magni ponderis fiebat, testimonio, ac
quantum posset ab injuria defenderet. Erasmus
se id facturum polliceri; munus sibi acceptum
esse dicere; Fratribus veri cognitionem, quam
pridem multi boni expetierint, gratulari; ac de-
multis cum Legatis (docti enim & prudentes fue-
runt)

conferre. Qui legati, interjecto aliquan-
to temporis intervallo, quò supersticiosam Eccle-
siarum inferioris Germaniæ religionem iustra-
bant, reversi ad eum rogant, num Libellum lege-
rit? Verum is, varias prætendens occupationes,
negare sibi otium omnia evolvendi fuisse: tamen
haud paucis perlectis nullum errorem animadvertis-
se, idemq̃, de cæteris existimare. Quod ad testimo-
nium, id neq̃, sibi tutum videri neq̃, Fratribus necessa-
rium esse: cum idcò, quod in illo nequaquam in ac-
quieturi essent, ad quos fama de Picardis pervenisset;
tùm quod tali omnibus in visorum commendatione,
id tantum effecturus esset, ut Pontificiâ auctoritate
sua scripta ex manibus hominũ exirenter, ex qui-
bus vera pietatis semina hauriri vulgò duerentur, &
paulatim repullulans Religio multũ juvaretur, quæq̃
liberè ab omnibus legerentur. Cum igitur sua censura
accessione, neq̃, nobiliores, neq̃, meliores reddi possent;
præstare ut se ipse ad meliora servaret Ecclesiæ. Fra-
tres verò sicut instituisent, purius Christi Regnum
more suo propagarent dilatarentq̃. Reversis Bo-
leslaviam legati, Erasmi dicta Senioribus refe-
runt, aliud de illo antea spectantibus; quæ hi æquis
tulerunt animis, illa Christi perpendentes ver-
ba, Ego testimonium ab homine non accipio. E-
rasmo id nihilò secius accidit, quod, si veritati
tulisset testimonium, & præstitisset patrocinium,
futurum metuebat. Etenim Papa Pius IV. quo-
rum

rundam scriptorum ejus lectione omnibus interdixit, donec à Cenforib. Romanis repurgarentur. Fuit Erasmus in Religione varius, & medij cujusdam sectator, quod hæc non admittit: quæ stricte repurganda est, procùl ab ea oportet illa facessant, quæ institutis divinis homines de suo attexerunt. A principio tamen Erasmus utriq; parti placere studuit: ideoq; eum Cælius Secundus Curio, Rhetor Basiliensis, in Dialogo quodam scitè ad modum inter Cælum & Terram pendentem finxit, &c.

XII.

De Lutheri ortu, Fratrumq; ad illum legatione.

—**E**Xoritur tandem Vitebergæ in Saxonia, (providentiâ quâ regitur orbis Terrarum) Doctor ille Germanorum, *Martinus Luther*, sub finem anni 1517 avarâ Papalium Indulgentiarum nundinatione (non secus ac Hussus) excitus, Majestatis divinarum literatum vindex, & puræ Religionis restitutor: quò nullus antea plures Ecclesiæ Romanæ errores, apertiusq; & liberius, ostenderat. De quo Erasmus Roterodamus, Scriptorum Ecclesiasticorum censor acutus, ita scripsit; *Ex libris Lutheri lectis, videbar mihi deprehendere dotes nature raras, & ingenium pulchre*

accommodatum

accommodatum, ad explicandum juxta veterem morem arcanas literas, ad suscitandam Evangelicæ doctrinæ scintillam, à qua & publici mores Orbis, & Scholæ nimirum jam indulgentes argutijs, magis quàm necessarijs quasiunculis, vehementer prolapsæ videbantur. Audiebam eximios viros, probatæ doctrinæ, probatq; religionis, sibi gratulari, quòd in hujus Viri libros incidissent. Videbam, ut quisq; esset integerrimus moribus, & Evangelicæ puritati proximus, ita minimè infensus Luthero. Porro vita predicabatur & ab ijs, qui doctrinam non ferebant. Mundus, veluti jam pertasus hujus Doctrinæ, nimium vergentis ad humanas vel commentatiunculas, vel constitutiunculas, sicire videbatur vivum illum ac purissimum laticem, ex Evangelicis & Propheticiis haustum venis. Ad hoc præstandum mihi videbatur ille, & naturâ compositus, & accensus studio. Hæc Erasmus de Luthero, nondum ab eo offensus magnâ illâ, quæ in eo fuit, damnandi falsa dogmata libertate: Lib. 14. Epistolâ ad Laurentium Campegium Cardinalem 6. Decemb. 1520. Lovanii. Hic verò est ille Cygnus sonorus, quò Anser comburendus (Hus) altera Deo chara avis, centum & duobus ante annis aliquando exoriturum prædixerat. Quare majorem in modum lætati sunt Fratres, auditò Lutheri ortu, & in purganda Ecclesiâ prospero pergressu, &c. Anno verò 1522, Lutheri famâ vires lumentes, scriptisq; ejus

Os

etiam

etiam in Bohemiam pervenientibus (nam & ad senatum Pragensē scripserat de instituendis, ac in Templis inducendis, puris Evangelij Ministris). Fratres nullam prætermittentes occasionem, quæ spem aliquam haberet dilatandæ magis ac magis charitatis Christianæ, ablegarunt ad Luterum, certos viros è suo corpore, ad gratulandum ipsi lumen agnitæ Veritatis, atq; id optandum, quò se ea, ipsius operâ, in Orbem Terrarum quàm latissimè effunderet. Qui viri haud mediocriter ipsi, licet aliàs animoso, addiderunt animum, eumq; de sua Ecclesia ignarum melius erudierunt, & societatem cum eo junxerunt. De quibus sic ipse ad Spalatinum: *Picardi apud me legatos habuerunt, de fide sua consulentes. Inveni ferme omnia sana: nisi quòd obscurâ phrasi, & barbarâ, utantur, pro Scripturâ phrasi. &c.*

XIII.

Fratres, rogati à Luthero, quadam sua plenius explicant.

— ANNO 1532. Papâ Adriano in Comitibus Noribergensibus morbos & vitia Ecclesiæ ab ipso ejus capite, quod interris esset, usque ad pedes agnoscente, spemq; illius emendandæ aliquantò liberalius pollicente: ediderunt Fratres Germanicè *Catechesin puerilem*, à Luthero visam.

In

In qua cùm scriptum legeretur, *Adorationem à Sacramento Cænæ Domini abesse debere, propterea quòd in eo Corpus Christi naturâ suâ minimè inclusum esset*; oravit eos, ut hac de re aliquid apertius conscriberent. Petijt tamen simul, ne hæc sententiarum de Cænâ Domini diversitas, semel in vitam abrupteret amicitiam; curaturum se pollicens, ut si aliud scriptum hac de re sibi satis faceret, id in publicum per Typographos Vitebergenses ederetur. Missus ergo ad eum, à Luca Pragensi, jam Fratrum Episcopo, ejusdem argumenti libellus, haud aliter est acceptus, quàm Catechismus. Quocirca rescribens Fratribus Germanicè, ostendit, quid ipse hoc de Sacramento sentiret, ac sentiendum omnibus censeret: tùm quæ obscuriora in eorum scriptis essent; & quæ illorum instituta in primis probaret, &c. Quod Lutheri scriptum in ejus Tomis exstat: Fratrum verò rescriptum, hic à Lasinio in compendium redactum est. Ubi subdit: *Scripserunt etiam de Fide ac Operibus bonis, semper Fidei jungendis: aliud esse docentes, Credere de DEO, DEO, & in DEUM.* Quod discrimen propter illos statuerent, qui vivâ, quiq; mortuâ fide præditi sunt: quorum humiliter sæpe Deo, atq; de Deo, absq; vera in Deû fide, crederent. In DEUM credere, esse dono Fidei, per spiritum, consequi vivificationem & renovationem Voluntatis, ita ut par est credentis, & quæ man-

data

data sunt, exequentis, ut homo exsequendæ divi-
næ voluntatis studio, voluntati Dei fieret confor-
mis. Neminem quidem nisi gratiâ Dei, absq; o-
peribus, justum fieri: Justificationem tamen effe-
ctum sequi necessariò, justitiæ studium, juxta il-
lud Johannis 1. Joh. 3. v. 13, & 7: *Nemo vos sedu-
cat, qui facit justitiam justus est, sicut ipse (Chri-
stus) justus est.* Ita primos parentes nostros, ju-
stos gratiâ Dei factos, præcepta vivendi acceperunt,
ac ob ea violata vitâ æternâ excidisse. Similiter
post lapsum Adami, Abelem, Noënum, Abraha-
mum, ceterosq; justos fide pronuntiatos, justitiæ
suz effectus demonstrasse: idem ipsum
CHRISTUM fecisse, & Apostolos cum mandatis
prædicandi Evangelij, & observatione Præcepto-
rum suorum, in Mundum misisse. *Quemad-
modum ante justificationem fide obtingentem, nulla
opera facerent justitiam Dei; ita eam post, sine effe-
ctu visibilibus nullam esse. Mirum sibi videri quòd
Lutherus in Fide depradicanda, & peccatis per eam
facile remittendis, adeò occupatus, in urgendis effe-
ctu justitiæ Fidei, per Penitentiâ se exerentibus, mi-
nus opera poneret.* Hæc ita Fratres ad postulata
Luteri, quem Organon Dei appellant, &c. Qui-
bus ille tùm acquievit, nihilq; contra ea rescripsit.
Eodem tamen anno (veluti in quibus ad huc defi-
ceret agnoscens, & responsione Fratrum, admo-
nitioneq; ab eis sibi factâ contentus) literas dedit

huma-

humanissimas, ubi etiam hæc ad Fratres verba
sunt: *Omite vos pro nobis, ut assiduum exercitium,
tùm Verbi, tum etiam Charitatis, & bona Vita, apud
nos sit: præsertim cum è luto Papistici Regni nuper
eluctati simus.*

XIV.

*Inter Lutherum & Fratres orta diffensi-
uncula majori consensu pen-
satur.*

--A Nno 1524. quò Lutherus cucullum
Monasticum (9. Oct.) exuit, missus est
rursus à Senioribus Vitenbergam idem qui antè,
Fra. Johannes Robur, homo doctus, tam collo-
qui cum Luthero, quam *Disciplina in renascenti
Ecclesia cognoscenda causâ.* Quam Disciplinam,
cùm in hominum inveterata vivendi licentia, &
magno undiq; concursu varij generis Scholasti-
corum, non constitui viderent Fratres, offensi
hæc vitæ sanctioris, (quam Regenerationem
vocant, cuiq; ipsi magnâ curâ incumbunt) ne-
gligentiâ, intermiserunt cum Luthero commer-
cium octennio. Quod is ubi animadvertit, simul
& à quibusdam Fratrum osoribus concitatus,
carpsit paulò quàm conveniebat licentiùs, quæ-
dam Fratrum instituta: inter alia (quæ in pri-
mis ejus scriptis, Sermonibusq; Convivalibus, le-
gun-

guntur) dabat illis vitio, quod infantes infide Ecclesia, Deo ipsos offerentis, baptizarent; Marem cum femina ducere choreas vetarent: easq; à carnis lasciviana scilicet, & peccatum in saltante gignere, semirent: Justificationem hominis parum sincere explicarent; innocentia vita scilicet plus satis tribuendo. (De quibus omnibus infra dicitur De Saltatione verò Libri octavi Capite XXI.) Interim moritur (Anno 1528.) doctus Fratrum Episcopus Lucas Pragensis, testamento hoc suis relinquens, ut cum puritate Doctrinæ Pietatis studio constanter invigilarent. Inter alia ejus dicta hoc fuit memorabile: Fratrum Ecclesia non esse metuendum ab externis hostium persecutionibus, quibus illa excindi non possit, sed à neglectu disciplinae &c.

Anno Domini 1532, qui fuit secundus à conscripta Confessione Augustana, rogati Fratres ab Georgio Marchione Brandeburgensi, Ludovici Regis educatore, conscripserunt Germanicè Religionis suæ Epitomen, anno proximè hunc secuto cum amica præfatione Lutheri Witebergæ edita: in qua illos sibi quondam in Eucharistiæ articulo suspectos testatur satis fecisse, commendatq; illorum pietatis studia. (addito, Optem mundum universum nobiscum, nosq; cum mundo universo, in Fidei Christi unitate concordare, si non phrasibus loquendi, assensu &c.) Anno 1535. Fratres viso auditoq; Lutheri in asserenda veritate profectu, & erga se-

met.

met propensione, coeperunt rursus cum eo familiarius agere de rebus Theologicis. Et quoniam Luterus antè quàm Fratres benè nosset, eadè ipsis scriptis mandarat, quæ omitti melius erat, amicè cum eo per suos internuncios de his expostulârunt. Tum ille, Agnosco, inquit, hæc mea de vobis, quæ ego ignorantia, & vulgi sermonem secutus feci, melioribus ea aliquando compensaturus. Epistola Lutheri ad Fratrum Episcopum, Benedictum Bavorinum, hæc erat. Gratia & Pax in Christo Venerabilis vir, Benedicte, Domine in Christo charissime: Audivimus, ego & Magister Philippus, Fratres à vobis missos, & quidem diligenter: hi vobis rursus nostri animi iudicium & intentionem renunciabunt. Valdè autem nobis gratū fuit, quod illi verum sensum circa fidem Sacramenti nobis aperuerint, deinde & verba quedam, quibus aliquoties commovebar adeò, dilucidè explicaverint, ut nunc fateri cogar, mihi omninò satis factum esse. Inquare, seu sententia, non video quid differamus, licet nos alijs verbis utamur: verum ut dicitur, frustra de verbis disceptatur, ubi res ipsa conveniunt.

Baptismum apud vos esse correctum, vehementer gavisi sumus. Nam ubi hæc duo Sacramenta rectè & ritè administrantur, cetera omnia observatu facilia sunt: de his fratres ipsi vobis copiosius enarrabunt. Quare non est quod dubitetis, tantisper dum vos ita nobiscum, & nos vobiscum sentimus, de nostro syn-

cero

cero erga vos amore & benevolentia. Quod si alterutri parti quid piam defuerit, (sicut non omnes sancti in hac vita perfecti sunt) ea permutuam & Christianam patientiam transigemus Abundè satis est, si Ecclesia sancta Catholica in fide & doctrina consentit: Caremonias & Mores variari ipsa necessitas postulat. Ita enim docent & scribunt ipsi apostoli, ita & Christus precipit, remittendum esse Fratribus, dum modo in Christo sunt & permanent. Nos sanè fortiter urgemus discrimē Doctrinae & Vitae: Doctrina enim efficit aut Christianos, aut hereticos; Vita autem sanctos aut peccatores. Mali reprehendi & excludi debent, sed (ita ut Paulus docet) Fratres primùm esse admonendos, & non statim abijciendos. Plura ab hisce Fratribus audietis. Bene valete in Christo, orate pronobis, sicut & nos pro vobis oramus. Data Dominica Tertia Paschae. 1535. Melanthon quoq; hæc tum scripsit ad eundem Benedictum Archipresbyterum.

Existimo vir eximie, fratres tuos in hoc nostro congressu in multis rebus melius meam sententiam cognovisse, & perspexisse, quàm olim. Ego quoq; videor mihi res vestras percepisse. Quare cum de præcipuo articulo Doctrinae Christianae inter nos cōstet, completamur nos mutuo amore, neq; dissimilitudo & varietas rituum, & Ceremoniarum, disjungere debet mentes nostras. Sæpe Paulus concionatur de Ceremonijs, & prohibet Christianos dissidere
propter

propter varietatem Rituum & Ceremoniarum, quæ via Mundus propter Ceremonias vehementer pugnet. Severius exercitium Disciplinae in Ecclesiis vestris, profectò non malè mihi placet: Utinam in Ecclesiis nostris quoq; paulò severior possit retineri!

Hæc Philippus Melanthon. Quin & ipse Lutherus apud legatos dolorem constebatur suum quòd ab ipsis Evangelij reslorescentis primordijs quosvis absq; discrimine ad Cœnam Dominicam admisisset, quòdq; Disciplinam Fratrum similem, apud suos non constituisset, quæ non sinit manifestis deditos peccatis, Eucharistiæ esse participes. Testes horum quæ bonâ fide refero, fuerunt haud pridem tarris erepti, Johannes Augusta, Fratrum Antistes; Erasmus Sumersfeld à Tumice, vir nobilis; & qui mihi hæc narrabat, Georgius Jfrael, Episcopus octogenarius: hi enim tum juvenes ad Lutherum à Fratribus mittebantur. Sed danda venia est tanto viro, in Pontificio dominatu infringendo, veraq; in Christum Fide fideis obscurata operibus asserenda, cæteroq; illo multiplici Antichristiano luto abstergendo, eoq; bellis extraneis sæper occupato, negligentius de disciplina inter suos egisse. Quis enim solus uno & eodè tempore cuncta animadvertat, absolvat? aut cuius animus simul omnia exsequatur? Non omnia possumus omnes: nec (ut ipsimet Lutherus de servo arbitrio scribit) *uni dat cuncta Deus. Crescit, cre-*
p
vita

utq; semper, progressu temporis hominum sapientia adde, quædam deesse uni, ut ea suppleat alter. Fecit Deus ut quæ defunt Lutheri sectatoribus, ea aliquando suppleantur, si non aliunde, at saltem ab istis nostris Fratribus, Luthero cognitione veritatis antiquioribus. Et si, quod principiò ordinis cuiusvis boni incuriā quādam omitti solet, id postea vel difficulter, vel frustra, reduci tentatu.

Anno eodem trigésimo quinto, Fratrum in Bohemia & Moravia Patroni, Barones & Nobiles, assiduis improborum maledictis commoti, obtulerunt Novo Regi Ferdinando Confessionē fidei suæ, eam ob causam, ut se in eorum hominum, communitatē transisse demonstrarent, qui omnia quæcūq; essent veræ Ecclesiæ prosterentur, nihilq; cum sacris pugnant literis, nihil Catholicis orthodoxis contrarium, sectarentur.

Quam Confessionem iterum D. Lutherus Witebergæ excudi curavit, præfatus in eam verbis illis, quibus ea quæ superioribus annis parū amice sparserat, emendata esse voluit. Exstat Præfatio hæc publicè, insertaq; illi hæc etiam verba: *Gratias nos agere oportet quàm maximas, Deo & Patri Domini nostri Jesu Christi, qui secundum divitiis gloriæ suæ, iussit è tenebris splendescere lumen hoc Verbi sui, quò denuò in nobis destrueret mortem & il-*

lumi-

luminaret vitam: & gratulari tum illis, tum nobis, quòd qui inter nos ipsosquod longè fuimus, destruetò nunc interstitio suspitionis, quā nobis mutuo heretici videbamur, facti sumus prope, & reducti simul sumus in unum Opile, sub unum illum Pastorem, & Episcopum animarum nostrarum, qui est benedictus in secula Amen. Quod si qua differentia in hac eorum Confessione occurrent de Ritibus, & Ceremonijs, vel Cælibatu, meminerimus nunquam fuisse, neq; esse potuisse, omnium Ecclesiarum omnes ritus & observationes æquales, vel easdem. Id enim non permittunt hominum, regionum, temporumq; variationes & varietates, modò salva sit doctrina fidei & morum: hac enim debet esse eadem, ut Paulus sæpè monet, &c. Commendo igitur in Domino omnibus pijs & hanc Confessionem Fratrum, in qua videbunt clarè, quantà injuriā hæctenus à Papistis fuerint damnati & vexati. Ita Lutherus: cuius testimonium, Veritati datum, quàm ingratum fuerit Adversarijs, patuit etiam è libris Anno 1537 publicatis, Johannis Fabri, Episcopi Viennensis, ubi ita scribit: *Piccardi, qui & Valdenses, à Catholicis in multis dissentiunt: erga quos admodum variè habuit se Lutherus in scriptis suis. In quibusdam enim eos damnat, ut pessimos hereticos; (ut puta in libro de X Preceptis, in Resolutionibus propositis: 15, & 80. in Psal. 109. in Commentario ad Galatas.) Postea vero, in reprobum sensum datus, blandissimè ad eos*

scripsit, plenè eos, super omnes alios Christianos, laudibus extollens, & quæ priùs in eis improbaverat colaudans, & quæ ipse approbaverat reprobandans.

XV.

Legatio Valdensem à Gallia, ad Fratres in Bohemiam.

— **H**is cum Luthero peractis, venerunt ex Gallia ad Fratres Boleslaviam, à Valdensibus, duo viri eruditi, eo consilio, ut in sinum illorum labores suos, calamitates, pericula, quæ ob Adversarijs magna sustinebant, & quoddam dissidium inter suos exortum, effunderent, tam lætis, quàm adversis rebus invicem afficerentur: ac ipsi id cognoscerent, quod in Patria sua inaudierant, videlicet, num quæ mutatio in ipsorum Ecclesia esset facta; & an ij Ministri, qui antea Cœlibes vivebant, uxores ducerent, &c. Valdenses hi morati sunt consultò cum Fratribus totos sex Menses, quò meliùs propria ipsorum (absit invidia dicto) pernoscerent; nimirum vitam Christi, unanimi tatem, mutuam dilectionem, Pastorum de grege Domini curas, juniorum obedientiam, operas domesticas, exercitia desiderii pellentia, rebus in omnibus Ordinem, &c. Quò omni tempore ea elucebat in illis Valden-

libus

sibus, sanctimonia, isq; pietatis ardor, ut non dubitarent Fratres ex duobus capere de reliquis conjecturam. Itaq; examinatos in omnibus fidei Orthodoxæ articulis, ad sacram Synaxin admiserunt. Tandem modestissimi hospites, ingenti gaudio ex laudandis Fratrum institutis ac moribus affecti, reversi sunt ad suos, nunquam deinceps Fratribus visi. Non defuit interim domi Fratribus, quod agerent, Calixtinis eos renovato quòdam odio insectantibus, scriptisq; etiam injurijs vexantibus: adversus quos tutari se scriptis etiam publicis necesse habuerunt, sed verbis plerumq; adeò mollibus, ut ipse demirer, ad superandam patientiâ malitiam. Ubi tum quidam illorum, Calixtinis sibi solis veram Ecclesiam, arrogantibus, lepido usus apologo; Erant, inquit, uni Vulpi aliquot fœtus; qui cùm ad pastum digressi, in contentionem de forma venerunt. Quos Mater reversa monuit, ut id judicium Pellioni relinquerent; qui de captis, & consuendis, tale esset facturus, ut pulchriorum exuvias in antecia vestium, deformiorum in posticis, esset positurus. Haud secus (Inquiens) Christus quoq; verà praditos fide à dextris suis, fucatâ autem & mortuâ à sinistris, die illo novissimo collocaturus est; cui proinde nos permissa de nobis & Ecclesia judicio, quæ sò id quod unicuiq; nostrum injunxit, exsequamur. Facetè admodum, ut pleriq; apud eos senes, taliû apologorû pleni sunt.

P;

XVI. Fr.

Fratrum legatio Argentinam, ad Burgicum.

— **Q**UUM Scripta ad Marchionem Brandenburgicum, Anno 1532, *Apologia Fratrum*, typis prodisset anno sequenti duobus simul in locis, Tiguri in Helvetia, & Witebergæ in Saxonia; Theologi Argentinenses, inter litigantes de Sacramento Saxones & Helvetios quasi medi, dederunt ad Fratres epistolam sequentem.

Fratribus in Christo dilectis, quos Valdenses vocant, & Piccardos, per Bohemiam & Moraviam Christum annuntiantibus, Gratia & pax vobis in Christo Jesu unico Redemptore nostro. Non aliter de charitate vestra persuasi sumus, dilectissimi Fratres, quam vos Christianam ingenuitatem, quæ vos debitorum in Christo esse omnibus agnoscitis, & divina in eo subserviendo voluntati, Fidei vestre, totiusq; Ecclesiasticæ administrationis dedisse rationem, Apologia illa rogatu Illustrissimi Principis Brandenburgici scripta. Tempestivè illa hoc exculcerato tempore prodijt, quæ nescimus quò Zelo (parum certè Christiano) tam cupidè in lures & jungia ruunt, quibus præ cæteris plus ut Veritatis, ita Charitatis, esse debuit. Non ignoratis quàm acriter à partibus (eorum qui se hinc Lutheranos, inde Zwinglianos, vocant) pugnetur de sacrosancto Corporis & Sanguinis Christi mysterio

idd. tot jam annis, non sine insigni Ecclesiæ scandalo. Quæ concertamina ut è medio tandem tolli possint, multi boni cum gemitu optant: quorum pio desiderio (nè prorsus insanire libeat) unicus ille vester libellus subservire posset, si non & ille partium studio tam misere laceratus esset, ut mirum foret eum à vobis agnoscisci, ad vos redeat. Tigurini eum tanquam sua causa servientem in lucem ediderunt anno superiore, quem simul ac vidimus, approbavimus: jam autem Luterus quoque eundem edidit, longè ab illo diversum, quanquam sensu non adeò variatum, nisi quod duobus non immeritò suspectis locis aliquid hinc demptum, inde additum, appareat. Cum ergò libellus ille vester adeò sui dissimilis factus sit, & utraq; dissidentium pars pro se illum alleget: arbitramur ipsam rem dictare, quid pietati Vestre conveniat. Nempe ut idem libellus, quomodo à manu vestra exijt, ita mittatur ad nos, nostris typis bonâ fide edendus: quod non sine insigni fructu Ecclesiæ, nostra præsertim, futurum speramus. Imperet hoc à Vobis Christiana charitas, cui vos operamini, & per quam nos oramus, charissimi fratres. Aut certè saltem nobis rescribere breviter, quamam pars scripto Vestro injuriam inferre ausa est: quoniam fieri non potest, quin altera editio depravata sit, quarum utramque en mittimus ad Vos. Gratia DEI sit vobiscum. Argentorati, Julio, 1533. Subscriptio fuit: Wolfgangus Capito, nomine fratrum qui hic Christum docent.

77
 Fratres, re deliberatâ, miserunt exemplar ca-
 stigatius, non Argentoratum, sed Witebergam,
 ubi denuo, & nitidiùs, prodijt Anno 1534. Argen-
 toratum verò miserunt Anno 1540 ad Bucerum,
 scriptis & pietate, consiliorumq; moderatione,
 valde inclarescentem, *Matthiam Erythreum* (aliâ
Czerwenka) cum altero adolescente Petro, ut Ec-
 clesiæ Argentinensis ritus moresq; pernoscerent.
 Epistolæ Fratrum ad Bucerum (16 Junij die, Lito-
 misliæ scriptæ, quam legi Bohemicè) iste fuit
 sensus: *Dici vix potest, amantissime in Christo fra-*
ter, quantam cum voluptate consolationem percepi-
rimus ex Tuis in quatuor Evangelistas lucubrationi-
bus; Pauli Epistola ad Romanos Paraphrasi; & li-
bello de cura Pastoris. Miramur sapientiam divini-
tus tibi datam, ut res magni momenti, per tot secula
sepulta, & tanquam aurum abdita, de novo in aper-
tum proferantur, prolapsaq; Christi Ecclesia, hoc pro-
pter lucem caelestem mundo patefacta felici seculo, &
Prophetarum Apostolorumq; scriptis restituatur.
Certè nos legendo Tua haud mediocriter confirmati
sumus. Perpleximus enim te cognitione earundem
caelestium rerum, quas & in nobis spiritus Dominio-
peratus est, præditum esse: ac videre nobis videmur,
monumentis Tuis nostræ Ecclesiæ doctrinam, quam
ab annis propè centum, eodem Magistro percepimus,
luculentius illustrari: ut etiam mentes nostræ ex
Tuorum scriptorum lectione majori divina volunta-

78
tis notitiâ indies impleantur &c. Verum cum igno-
remus, num quando nostræ legeris, mittimus tibi li-
brum Fidei nostræ Vitebergæ publicatum: quò per-
lecto cognoscere poteris, an & nos eodem in rebus, in
quibus salus hominum vertitur, ducamur spiritu,
qui in Tuis, aliorumq; Tui similium, elucet scriptis.
Ut autem Tuam hoc de libro feras sententiam, & no-
biscum Christianam colas societate, Te etiam atq; eti-
am per Charitatem Christianam oramus. &c. Ubi ad
colloquium ventum est, præsentibus alijs aliquot
Theologis: Vos verò, inquit Bucerus, magnis
Dei dotibus ornati estis. Nam in Ecclesia vestra vi-
get Pacis vinculum Charitas, Disciplina, & Commu-
nio: quæ tria ubi desunt, ibi Christus non potest utiliter
predicari. At apud nos permulti jugum Antichristi
excusserunt, qui tamen jugum Christi subire recusant:
quin hujus loco libertatem Christianam in licentiâ
carnis vertunt: & factò ex Christo altero Mose,
Sacrificijs peccata delente, luxum vitæ, prob dolor,
sequuntur. Trahe nos post te Domine! nam multum
adhuc absumus à scopo; Tum Erythreus: Si nulla
apud nos, vel saltem solutior, Disciplina foret, frequen-
tissimos haberemus catus. Sed nemini inter nos fas
est, præter Unitatis constituta normam quidquam
agere. Bucerus: Disciplina Ecclesiastica thronus
est regnantis in Ecclesia Christi. Crebrant sunt apud
Vos Synodi! Erythreus: Quotannis ferè habentur:
in quibus communi consilio constituitur, ne quis agat,

dicat vè quidquam, secus quàm Ordo Ecclesiæ patitur. Attamen licet aliquid contra dicere, modò ne is qui hoc facit, monitu melioribus refragetur. Tum Bucerus, his quoq; collaudatis; *Suntne inter Vos fanatici Spiritus Anabaptistæ?* Erythreus: Minimè: non desunt tamen alij qui turbent, Etiam domestici quidam Wittembergâ reversi, Unitatem nostram ita sunt conati corrigere, ut eam, de qua audis Disciplinam tollerent: idq; sub prætextu Evangelicæ libertatis. Buc. Si verè diligeremus Deum, ac nos ei prorsus addiceremus, nequaquam tam laudatæ rei repugnaremus. Num inter Vos inveniuntur Ministri Ecclesiæ maritati? Eryth. Per pauci: Ab exordio quidem Unitatis plures erant, sed postquam eâ persecutionum procellis exagitati, exilia perferre, seq; in sylvis & montibus, metu inimicorum, abdere necesse habuit, visus est illis, Apostoli consilio, Celibatus commodior. Buc. Rectè, inquit; ac mirari licet copiam donorum Spiritus S. in Majoribus vestris, qui post habitis rebus omnibus, nullis se adversis usq; adhuc deduci passi sunt à Veritate, sicut nec ab illa semel sanctè inita animorum Unitate. Multane ij lingua patriâ scripsere? Erythreus: Per multa. Bucerus: Quàm vellem ea cognoscere, Estne Vobis lingua Latina studium? Erythreus: Jam juvenis nostræ, multò quàm antehæc cupidius, huic lingua incumbit. Bucerus: Rectissimè, est enim ea admodum necessaria, minus cetera. Quam

Es vos vestrâ Slavonicâ, cujus magnus est in Europa atq; in ipsa Moscovia usus, pluribus gentibus quàm nos Germani, utiles esse potestis. Erythreus: Tu verò ne oratione nostrâ parùm politâ offendare. Bucerus: Pietas spectanda est in Christiano, non sermonis elegantia; pietatem vitæ, non splendorem orationis Deum remunerari solere, scribit Apostolus. Divinum est autem planè id opus, quòd non admodum eruditi Ecclesiæ tam benè moratam habeant. Nos autem, Et si eruditiores esse videamur, tamè quia Disciplinam negligimus, parùm proficimus. Quare de constituenda omni modo cogitamus. Quærent eodem de officijs Adolescentum, Seniorû curis, & Ministrorum ordinibus: alijsq; (quæ nos libro Octavo recensēbimus) respondit sic ad omnia Matthias, ut optimè ille Bucerus lacrymas non tenuerit, ad assidentesq; Theologos conversus dixerit; hæc verò est celestis potius, quàm Ecclesiastica in terris, hierarchia. Tandem rogatus, ut aliquid rescriberet, quod Fratribus utilitatem adferret: Quid, inquit, ad eos scriberem qui in opere Domini bñæ pergunt? quid divinitus edoctos ego docerem? Attamen quidpiam, regerit Matthias, vel saltò quod ipsis cōsolationi foret &c. Quibus peractis ad Hagenensia Comitatus profectus est, æquè se Fratrum ac suæ causæ apud Ferdinandum Regem qui pro Fratre Carolo, propter negotium Religionis, ibi erat, Patronum futurum recipiens; quæ

quod tam suorum, quam Fratrum idem esset Evangelium, licet Disciplina diversa. Caspar quoque Hedio se in retexendis suis Paralipomenis, quæ Chronicis Abbatis Urspergensis addiderat, veteriora de Fratribus scripturum, quàm id prius fecerat (Slechtæ ad Erasmum secutus Epistolam) pollicitus est.

Legati Fratrum quadraginta duobus diebus cum Bucero amicissimè consumptis, rebus necessarijs benè perceptis, consideratisq; domum, repetierunt: è quorum schedis Bohemicis ista excerpimus. In literis Buceri ad Fratres hæc leguntur, inter alia. Magno nobis, charissimi Fratres, fuit solatio, Epistola vestra, nec munusculum, librarium minus gratum. Ex quo percepimus, quemadmodum nos utrosq; Deus conjunxit concordie de rebus sacris sententiâ. Id tantum discriminis est, quod apud nos, ubi Verbum Domini in agro Papistico, multis sentibus obducto, seminandum erat, nec ulla Disciplina morum ferripoterat, nondum sit ea, vis Christi spiritus, quâ ordo & animæ adverso Christiana conservari solet. Quibus malis dum insudamus evellendis, ecce tibi alia, Anabaptistica, spina, & adversus veritatem varia conspirationes! quibus Tritici incrementum nō mediocriter impeditum est. Multi nostrum nulli in Papatu disciplina affveti, nihil aliud quàm jugum, Papale excutiant, nec tamen Christi suscipiunt. At vero id semper conservet omni-

potens.

potens DEUS, quod in vos semel contulit, nosq; vestro exciter exemplo! Vos enim tantum hoc tempore in Mundo esse mihi persuadeo, apud quos solos viget, cum sincera doctrina, pura, utilis, salutarisq; Disciplina. Perlegi Confessionem mihi missam, haud parvo perfusus gaudio, visâ apud vos tantâ luce Veri, talisq; rerum Ordine, ac puritate. Certè magna existit Dei erga vos liberalitas, quod adeo puram doctrinam, & ejusmodi sectatores ejus habeatis, qui id diligenter curant, ut Disciplina quasi postliminio in Ecclesiam reducatur. Nos certè haud mediocriter nostri pudet, quoties nostram Ecclesiam cum hac tali vestra comparamus. Lubenti hoc etiam animo ex Mathia vestro audiui, precipuos inter vos Ministros celibes esse: ut eò melius Domino adhæreant suorum munia majore obeant diligentia & pietate. Verumtamen Vos oro, ne quis tanti Celibatum faciat, ut eū vel sibi ipse, Deo negante, vindicet, vel alijs in vitia injungat. Dicit enim vix potest, quantum satan Ecclesiam nocuerit, Apostolorum Martyrumq; seculo, nimio Virginitatis cultu. Sed ego grates Deo ago, quod nihil simile apud vos esse audiam, de quo olim conquesti sunt tam Cyprianus, quam alij. Quamobrem Communionem vobiscum inimus, quæ non solum in Catholica fide, & eodem quò antè consistat spiritu, sed ut etiam consolationibus, admonitionibusq; mutuis, ea subinde in posterum renovetur, atq; confirmetur. Hæc Bucerus, qui fatalem diem obiit.

27 Februarij 1551. in Anglia, quo cum Fagio, ad disseminandum Evangelium, ab Edvardo Rege, pio, accersitus erat. Haud dissimilia his ad Johannem Augustam, Antistitem Fratrum, scripsere, Doctor Fabricius Capito, & Johannes Calvinus, Ecclesiæ tum Gallicæ ibidem exulantis Pastor. Illius epistolæ pars hæc est: *Gratus nobis fuit liber fidei nostræ, qui ordinem Ecclesiæ continet, quod ego nihil vidi nostro secuto absolutius: nimirum quia cum solida fidei Confessione, veròq; Sacramentorum usu, sanctam Disciplinam, & vigilantem Pastorum curam, spirat. Calvini verò epistola existat in Epistolarum ejus volumine: cujus hoc est fragmentum, Ecclesiis Vestris ex animo gratulor, quib; præter singularem doctrinam, tot egregia bona contulit Dominus. Neq; n. parvo æstimandum est, quod tales habent Pastores, a quibus regantur & ordinentur; quod adeo bene morata sunt; quod adeo præclarâ formâ constituta; quod optimâ Disciplinâ prædita, quâ jure vocare possumus optimū atque adeo unicū retinendæ obedientie vinculū. Nos n. magnâ nostrâ molestiâ experimur quid valeat, dū eam desideramus, nec ullâ ratione possumus ad eam pervenire. Hæc res facit, ut sæpè animo vacillem, ac minùs strenuè functionem meam exsequar. Quinetiâ desperare prorsus, nisi succurreret, Ecclesia adificationē semper esse opus Domini, quod ipse virtute suâ prosperabit, etiamsi nos adminicula omnia deficient. Est tamen hoc magnarum rerumq; bonum*

bonum, adjuvari tam necessario presidio. Itaq; Ecclesias nostras tum demum rite suffultas artitabor, ubi isto nervo colligata fuerint. &c.

XXVII.

Ultimum Fratrum cum Luthero colloquium.

— **A** NNO 1542 Johannes Augusta, Fratrum Senior, Lutheri amantissimus, cum Georgio Jfzele Ministro, ac Joachimo Prostiborio viro nobili, & aliquot alijs comitibus, profecti Witebergam visitarunt Lutherum, renovandæ cum eo sanctæ amicitie gratiâ; & conferendi de Disciplina; quam in Ecclesias Evangelicas introduci posse Argentinenses Theologi tam ferventer desiderium prodiderant suum. Quæsti ergo fuerunt Fratres, in illis per Bohemiam & Moraviæ Ecclesijs, quæ paulatim ab Hussitismo transirent ad Lutheranismum, doctrinam quidem Evangelij recipi, vitam tamen profanam nihil remittere. Eamq; rem Fratrum Ecclesijs adferre, eladem, cum licentiosi, haberi posse etiam absq; Disciplinæ jugo Evangelium, prætendentes, eò confugiant: An ergò tantum Evangelij abusum tolerandū putent? Ad quæ Lutherus, post auctas de malitia & perversitate Mundi, gratiâ Dei & omnia semper in abulum rapientis querelas, respondit: *Non*

Non aliter destrui potuisse Papatum, quàm disiectis
quæcunque humanam redolent constitutionem, &
conscientijs inferrent vim. Caterum quum videat
stultum in contraria ruere mundum, agnoscere, ne-
cessariò esse obstitendū, reparandāq; Disciplinam.
Qua de re cogitandum fore, simul ac respirare dabi-
tur à difficultatibus, etiam quas denuò Pontifex obji-
cit novæ Concilij spe, &c. Addebant Fratres:
Non posse se rebus illorum bene ominari (quod idem
jam Anno 1523 scripserant quoq; ad Lutherum)
quam diu per illorum Scholas & Academias tantam
scientia, tantillamq; conscientia, videant suscipi cu-
ram: rogantes ut de obviam eundo periculis, quæ
parte irruere, & Ecclesiam obruere, possint, serio cogi-
tare libeat. &c., &c. Cùm verò post familia-
rissimam cum Luthero, cæterisque Theologis,
per duas circiter septimanas conversationem,
deque omnibus mutuam collationem, Wite-
bergâ discessuri erant, excepit eos Lutherus con-
vivio, atq; in præsentia multorum illius Aca-
demix Professorum, abeuntibus ultimum dicens
vale, dexteram sanctæ societatis dedit toti Fra-
trum Unitati, hæc verba proferens: *Esse vos
Apostoli Bohemorum, ego cum meis erimus Apostoli
Germanorum. Agite vos ibi opus Christi, prout se
occasiones dabunt vobis: nos itidem agemus quo-
modo se hic dabunt nobis.* Aliquot autem mensi-
bus post dedit ad eundem Seniores Fratrum e-
pistolam,

pistolam, in qua hæc verba leguntur: *Moneo vos,
ut nobiscum ad extremum usq; per duretis, in commu-
nitione spiritus & doctrina, pro ut capistis, ac pugna-
re unâ nobiscum, verbo & precibus, contra portas in-
ferorum, quæ indefinenter oppugnant veram Ecclesi-
am Dei, & caput hujus Christum: qui licet aliquan-
do viribus satana impar esse videatur, tamen virtus
ejus in imbecillitate nostra perficitur, sapientia ejus
in stultitia nostra celebratur, & bonitas in iniquita-
tibus & peccatis nostris sit gloriosa, secundum mira-
biles & incomprehensibiles vias ejus, &c.* Trien-
nio post, & mensibus quatuor, migravit ad Do-
minum D. Lutherus: cujus mortem sequuta sunt,
(inquit Bucholcerus) bella, Theologica & Civilia
Evangelicorum inter se. Id quod futurum aliquan-
do, propter non stabilitum Ordinem, Unitatis &
Concordiæ vinculum, metus erat Fratribus:
Non abs re duxi adijcere hîc, & inferere, Testi-
monia de Fratribus, quæ nostri Poloni ex ore Lu-
theri & Philippi audita, commemorare deinde
solebant alijs. *Albertus Marzevius*, vir nobilis,
magnæque authoritatis, cùm Witebergæ Anno
1539 Lutherum audiret, in publica lectione ex-
cepit hæc verba: *Non surrexerunt à temporibus
Apostolorum homines, quorum Ecclesia propius ac-
cessisset ad doctrinam & ritus Apostolicos, atq; Fratres
Bohemi.* *Matthias Polej*, qui aliquândiu vixerat
in Bohemia, sed inde se transferens in Poloniam,

843
Ephorum egit duorum Comitum à Gorka, per
steaq; Consiliarium eorundem Polnantiæ, circa
Annum Domini 1540 Wittebergæ quæsit,
ex D. Luterò, quid sentiendum sit de Fratribus
per Bohemiam & Moraviam dispersis, qui vulgo
Valdenfes vocantur? Respondit Lutherus: *Eti
Fratres hi nos puritate doctrina non superant, quia
à nobis omnes Articuli fidei sincerè & purè à Verbo
Dei proponuntur, ordinariâ tamen Disciplina Ec
clesiæ, quâ utuntur, suâq; feliciter gubernant Ecce
sias, longè nos superant, & in hac parte majorem
laudem habent: quam illis concedere nos propter
gloriâ Dei, & veritatem, oportet. Quia plebs
nostra Germanica illud jugum Disciplina non vult
subire adhuc. Quapropter quicunq; Evangelio, &
nostræ Confessioni Augustanæ addicti estis, eundè &
piè Ministerio, tam Verbi quàm Sacramentorum,
apud Fratres uti potestis.* Idem Mathias Poleij
Anno 1748 Wittebergæ, in Convivio D. Luca à
Gorka (postea Palatini Polnantiensis) præsentè
ibidem Andream Lupinio, & aliquot ex Nobilitate
Polonica, assidentibusq; mensæ præcipuis Profes
soribus, quæsit ex Philippo Melanthon: *Do
mine Præceptor, rogo quid sentiendum est de istis ho
minibus, qui nunc pelluntur ex Bohemia propter Re
ligionem, Valdenfes vocati? Respondit Philippus:
Isti sunt nostri Fratres, piij homines, & veri Christi
ani, qui propter veram fidem fortibus animis susti*

nens

844
nent persecutiones, meritò ab omnibus Deum in
mentibus chari habendi, &c. &c.

XVIII.

DE LIBRO QUINTO. ANTONII BODENSTEINI.

De Fratribus Bohemiâ pulsîs testi
monium.

Qum post superatos bello Smalcaldis
co Protestantes, & captos Principes, munda
tasq; calamitatibus Evangelicis per Germani
am Ecclesias, & pulsos à Ferdinando Bohemiorum
Rege Bohemiâ Lutheranos Pastores, Fratrum
quoq; aliqui (propter consiliorum, uti suspica
bantur adversarij, complicitatem) captivati, alij
verò proscripti, & in Poloniam delati, indeq; in
Prussiam recepti, essent: scripsit Antonius Boden
stein, Pastor Gvizinensis ad D. Brentium, tum Bas
iliæ quoq; exulantem, epistolam hanc.

S. D. Cum mihi hi tres juvenes, Fratres Bohē
mi (erant studiosi Theologiæ, Johannes Rokita, Joh.
Blahoslau, & Simeon Felinus) indicarent consilium
suum, de profectioe in Helvetiam: & ex animo pe

2

terent

terent humanitati Tua commendari per Reverendiss. Episcopum meum Pomezaniensem, D. Paulum Speratum; & me quodq., qui tum forte aderam, & in mensa Episcopi virtutum tuarum praestantiam, quantum mihi constabat predicarem, &c. visum est hac occasione gratitudinem mentis meae erga te ostendere, ac Fratres Bohemos charitati tuae commendare.

Sunt juvenes isti è numero Fratrum illorum, quos expulit ante annum Boëmia patria, & exules recepit nostra Prussia, nobiscum in doctrina & confessione conjunctorum, quorum Confessio edita est Wittebergae, & commendata iudicio ac testimonio D. Lutheri pia memoriae, patris ac praeceptoris nostri reverendi. Puto quod Confessionem illam Fratrum viderit, atq. legerit aliquando, humanitas Tua. Et confessio ore tenus facta Regiomonti, coram Examinatoribus Illustrissimi Principis, antequam reciperetur in has terras. adventitius Bøemorum populus, & sedes figeret, consentit omnino cum scripta; ita ut bene nobis constet de doctrinae genere, & reliquis omnibus quae inter Fratres geruntur & fiunt. Præterquam quod habent doctrinam consentientem, cum nostra, habent & peculiaria quaedam, quae apud nos haud cum exiguo conscientiae discrimine desiderantur: addo vigilantem curam animarum, ut nihil absolutius unquam viderim; pulcherrima exercitia pietatis & poenitentiae, tam domestica quàm ec-

clesia-

clesiastica; honestatem morum externam; justitiam, verum usum jejuniorum, vigiliarum, laborum, precum; fraternas admonitiones, propria iudicia, censuram Ecclesiasticam, &c. &c. ita ut merito omnibus sint admirationi, nec sciam an meliores homines Prussia recipere unquam possit. M. Bucerus, vir magni iudicii, & de Ecclesijs nostris bene meritus, non verebatur eos in suis opusculis omnibus Ecclesijs in toto orbe Christianorum praeferre, & hoc eis tribuere, quod nulli alijs: incorruptam scilicet doctrinam, & simul veram disciplinam: & omnibus pijs commendare, ac in exemplum, quod imitentur, proponere. Idem faciunt & fecerunt alij summi viri, Lutherus, Capito, Calvinus. Et, si quae exstant Ecclesiae, in quibus reperiri liceat censuram & gravitatem Apostolicorum Virorum, & omnia composita ad exemplum sanctissimorum Martyrum, certè haec erunt Fratrum Ecclesiola. Est discretio auditorum certa & cauta, piorum à profanis; accedentium ad Ecclesiam gravissima instructio & exploratio; vigilantissima susceptorum cura & inspectio; exercitia varia, quibus augeatur & conservetur pietas; obedientia populi in omnibus spontanea; & mirabilis omnium inter sese consensus, & verè, quod loquitur Scriptura de Apostolico tempore, cor unum. Eadem leguntur apud Dionysium de ordine purgandorum; Cyprianum, Augustinum de catechizandis rudibus, & similia lumina superiorum temporum. Ac iudico populum

nam sanctum in hac loca divinitus missum, cuius exemplis excitarentur alij, ut cogitarent rectius de multarum navorum, qui haerent in nostris Ecclesijs, correctione, & verorum exercitiorum constitutione. Nam quanto dolore, quaso, haeremus in officio, omnium ita perturbato ordine in Ecclesia? ubi nemo recte suum officium facit, in tanta morum dissolutione & contumacia, ubi indignissimis etiam tantum ex officio, aut propter stipem, sacra ingerenda sunt. Res est tristissima, Evangelium Dei tantum annunciare in testimonium Mundo (quoniam & semper suos habet Dominus, quos ipse novit) ubi nulla est promiscui populi discretio, aut piorum impedita gubernatio. Habent quidem & suas infirmitates Fratres illi, & excessu fortassis peccant, aut rigiditate & severitate, ut in doctrina Celibatus, & aliarum quarundam observationum: sed quas recte admoniti facile agnoscunt, & de emendatione aut mitigatione cogitant. Nihil est in humanis ex omni parte beatum, nec quicquam tam pie & caute constitui potest in Ecclesia, quin id defletere & pervertere tentet Satan. Videmus quam facile imposuerit sanctissimis Viris illis, Doctoribus, Confessoribus, Martyribus, in primitiva Ecclesia, admiratione vita calibus, & simularum observationum Merito igitur & his Fratribus aliquid condonemus, ut pie fecit Lutherus, & in solutaribus consilijs & veris rationibus simus auxiliores emendationis. Igitur hos tres juvenes charitati

ritati Tua summopere commendo, qui soles bonis prodesse: & si quis est locus precibus meis apud Te, anxie oro, ut eorum studia atque pietatem juvare velis & promovere, quantum in Te est, ut sentiant literas Reverendissimi mei Episcopi, & meas qualescunque, sibi baud parum profuisse. Hoc Tibi devinxeris omnes Fratres, de quorum numero juvenes isti sunt, & benemereris de singulis eorum Ecclesijs, quibus aliquando praeficiendi sunt. Vale diu clarissime Vir, quem Deus Pater Domini nostri Jesu Christi, in his turbulentissimis temporibus incolumentem & saluum Ecclesiae suae conservet. 15. Septembr. ex insula Mariana, Anno 1549.

ANTONIUS RODENSTEIN

V. Vittebergenfis, humanitati

Tuae olim notus.

Stimile fuit ipsius Episcopi, praedictos adolescentes Academiæ Basilienfis Rectori, Osvaldo Hero, commendantis testimonium. Hic autem biennio post, per eosdem revocatos, & ad suos redeuntes, ita rescripsit: Juvenes à Te nobis commendati, amplissime Praesul, propter praecipuam pietatem, morum honestatem, & doctrinam, grati nobis fuerunt; adeo ut semper precemur Deum Patrem, ut tales multos in Ecclesia sua, quales hi sunt, excitare velit. Nam praeter ardens in optimis quacunque arte studium, etiam majorem

rum suorum in Evangelij professione constantiam, & disciplina Ecclesiastica severitatem, referunt: qua duo Dei munera caelestia in Bohemis Fratribus ita suscipimus, ut miremur quomodo in tam profundis tenebris, quas filius ille perditus in loco sancto effudit, tam claram Christi notitiam, & tam severam vera Religionis disciplinam, tueri potuerint; quam nos hodie, in qua versamur luce, vix tentare audemus, tantum abest ut speremus, eam nos consecuturos.

Bodensteinius verò Thorunium brevi post ad propagandum Evangelium (cujus semina ibi iparserant Fratres, & collegerant Ecclesiolam) vocatus, ut in Fratrum societatem reciperetur quassivit. Quod ut sibi negari videret (respondit n. fuit, societatem cum Luthero semel initam omnes utrinque complecti, novo aliquorum huc aut illuc transitu opus non esse, ne schisma denuò fundare videamur) rescripsit uni Fratrum his verbis: *Mibi in votis nihil magis fuisse, quam ut verè possem esse membrum Ecclesiae Fratrum, Deum testem facio, qui corda novit hominum & judicat.*

Quod scio non esse deficere à nostris Ecclesijs, aut doctrina divinitus patefacta hoc postremo tempore; sed tantum ab horrenda confusione Ministerij in eam, quæ adhuc impeditum & oppressum jacet. Confusionem eam & oppressionem puto agnoscere omnes pios, & deplorare hanc sortem Ecclesiae. Si qua desideravi, aut argui liberius in Fratrum regimine
seu

seu obligationibus, tantum idò factum fateor, quòd judicavi conscientijs libertatem necessariam esse, non carni. Deinde humilibus gratiam dat Dominus, non affectantibus aliquid præter vocationem: & fidelitas in omni vocatione probatur illi. Cetera relinquo consilio & arbitrio Fratrum de mè statuendi, quibus me totum commendatissimum esse & opto, & humiliter peto, 19. Julij.

ANTONIUS BODENSTEIN,
 propria manu.

XIX.

Theologorum Helveticorum de Fratribus testimonia.

COepit interim sementis Evangelij, per majorem quoque Poloniam à Fratribus facta, non radicari tantum, sed & fructificare adeò, ut minoris etiam Poloniæ Proceres & Ministri Evangelici horum inciperent uti consilijs, & ambire conjunctionem. Sed quæ res cum non satis placeret istorum Diotrephi, Lysmanino, occultè jam tum Arianizanti, facta est provocatio ad Theologos Tigurinos, & Genevenses, aliosque istorum locorum. Undè cum responsa rediissent, conjunctio processit: collaudarunt n. propositum omnes, Disciplina potissimum causa, Ad damus è quorundam epistolis particellas quas
 Calvinus

Calvinus ita scripsit. De vestro cum Valdensibus consensu optima quæq; spero. Non modò quia sanctam Unitatem, in quam coalescunt Christi membra, Deus semper benedicere solitus est: sed quòd inter hac rudimenta vestra Fratrum Valdensium peritiam, quam longo usu Dominus exercuit, non vulgari adjumento vobis fore spero. Quare sedulò à vobis omnibus danda opera est, ut hac pia conspiratione magis ac magis sanctiatur. Sic ille. Wolfgangus autem Musculus, Bernensium Theologus, ita: Exosculamur cum primis admirabile illud consilium Dei, quòd ante annos aliquot Fratres, quos Valdenses vocant, Boëmià ejectos, ad vos, vel ad confinia saltem Regni Polonia, transferre voluit: quòd vestris Ecclesiis, in cognitione ac propagatione veritatis, adjumento essent. Non erat hoc in animis eorum, quorum studio sedibus suis sunt expulsi; imò nec ipsi puto, quid divinitus ageretur, intellexerunt. Verùm qui prudentes hujus Mundi, in suis ipsorum consilijs, miris modis infatuat, & excæcat, hoc patet voluit primordijs renascentis apud vos Ecclesie haud parum adferre adjumenti. Plurimum autem placet, quòd in eam doctrina formam consensistis, quam illi puram, simplicem, ac minùs scrupulosam, in suis Ecclesijs retinent. Si quidem ea est, quam primum Tiguri, deinde Vitebergæ iterum atq; iterum impressam vidimus. Et paulò post: Gratulor hoc consilium Ecclesijs vestris, quòd cum Valdensibus con-

jungi

jungi voluistis. Spero enim fore, ut minùs inter vos dissensionum nascatur, atq; si quid nascatur, citius compari possit. Et, quòd quidem ad certam post hæc doctrina formam docendo collimare potestis. Rursus idem ita: Existimò prudenter à vobis esse factum, quòd eam doctrina formam amplexi estis, quæ sic est simplex, & sacro literis attemperata, ut, quemadmodum memini, etiam dissidentibus inter se Ecclesijs digna visisset, quam typis excudendam traderent, inq; Germania nostra spargerent. Hæc Musculus, qui & alijs literis gratulatus, Polonis hæc cum Fratribus conjunctionem, ita eos monuit: Vehementer necessarium erit, ut omnes inter vos valvas, & fenestras, curiosis illis quæstionibus precludatis, quæ non nisi ad destructionem operis Domini, instinctu satana, excitantur; quas melius est contempsisse. Neve detis locum illis, qui ingenij sui acumen, vel indivina, vel in humana Christi Servatoris nostri natura, exercere & ostentare volunt; nec idiomatum communicationem admittunt, aut servare in Christo naturarum discrimina volunt. Vigilate, & astutias Satana irremissà diligentia observate, atq; si quid malorum exortum erit, maturè occurrite. Si concordiam inter vos illasam servaveritis, frustranei futuri sunt omnes conatus Antichristi, se contra vos armantis, &c. Cave ne quis aliud inter vos docere, ac doctrina consensum, qui est secundum sincerum ac certum Deum Verbum.

Verbum, indissidia, offendiculis plena, pervertere, presumat. Si cui accuratius quadam cognoscenda videbuntur, servant hanc in domo Dei modestiam, ut nihil illorum mox ad aures Ecclesiae deferatur: sed cum symmystis amanter conferat. Nunquam satis expendimus, quam verum sit quod Apostolus dicit, Scientia inflat, Charitas edificat.

Quid autem damni in Ecclesijs Christi Scientia inflans intulerit, & hodie quoque inferat, sole clarius est, & deplorandum magis quam recensendum. Vos qui tam serò ad Evangelium Christi accessitis, diu satis spectatores eorum fuistis, quae egimus in hac causa, alij sincero quidem animo, sed non satis prudenter; alij insincerè, & astutè; rursus alij frigide, & securius quam conveniebat, & junctà nostro ipsorum vitio malitià Satanae, varia discrimina percolimus. Quare si post nostra exempla, perinde atque nos, impegeritis (N. B.) minus excusationis habebitis. Petrus etiam Martyr, Argentinen sis tum Theologus; Date (inquit) operam Fratres, ut Veritatem Dei, quam vobis dignatus est patefacere, cum innocentia Vitae conjungatis. Alioqui nihil proderit, si quis eam vità negaverit. Videndum, ne Lux nostra sit absque calore, Folia sine fructibus, Nubes sine aqua! Agat Fides in cordibus vestris altissimas radices, quò magis frugifera sit, nec in instaurando Templo Christi moras neccatis. Hoc enim agit Diabolus, ne quod agendum est, citò fiat: modò

fugit

fugit expectandum esse Concilium: nunc fabulatur Comitiorum auctoritatem, & Principum virorum consensum interponendum. At vos satagite domum Dei ab Antichristo contaminatam, & prope funditus everfam, instaurare, &c. &c. &c. Consulo praeerea, ut Disciplina, quatenus fieri potuerit, in vestris Ecclesijs omninò invehatur. Nam si ab initio non recipietur, cum homines Evangelij cupiditate fervent, non facile postea, cum, ut fit, aliud quod frigus obrepserit, admittetur. Ut verò frustra absque illa laboretur, Ecclesia quam plurima vobis posunt esse exemplo: quae à suae instaurationis fundamentis, cum hoc tam salutare jugum subire noluerint, nunquam deinde, quoad Mores & Vitam, justà ullà regulà potuerunt in ordinem redigi: quò fit, quod magno cum dolore dico, ut omnia propemodum parum firma sint, & undique ruinam minentur. Est igitur grave damnum, & certa Ecclesiarum perniciēs, si nervus Discipline illis defuerit: neque verè solides habere ac profiteri Evangelium illa discenda sunt, quae Disciplina vel carent, vel illam contemnunt, nullòve studio ejus tenentur. Certè in Evangelijs, & Apostolicis Epistolis, cum tantà diligentia tradatur, illam oportet fateri non minimam Christiana Religiois esse partem. Ex quo fit, ut Evangelium ab ijs videatur negligi, qui tam praecalam ejus portionem à se ipsis ablegarunt. Ad conservandam verò Ecclesiam Scholas Theologicas instituere oportebit, quae viva-

ritas

via quedam, & seminaria, sint Ecclesia. In quibus
videntur quæstiones supervacaneæ, & ut Paulus ad
Titum dixit, inutiles & vana.

XX.

Polonorum, & Vergerij, de Fratribus testi-
monia.

— ANNO 1557, Proceres majoris Polonia, Jo-
hannes Croscius, Palatinus Inowraslavi-
ensis, Jacobus Ostrogus, Johannes Tomicius, Ra-
phael Lescinus, & Albertus Marszevius, celebri
Fratrum famâ concitati, iter ad illos in Moravi-
am, Synodum Slezanij celebraturos, susceperunt.
Ad quos cum circiter festum Bartholomæi lati-
venissent, ampliora majoraq; omnia ijs dictis,
quæ de ipsis vulgò ferebantur, comperisse, vidisse-
que, me audiente, ingenuè fatebantur: simul &
devera hospitalitate, germanitate, ac singulari co-
rum pietate, multa palam referebant. Creaban-
tur tum ibi (in pago Sleziay) Ministri Evangelij,
Seniores & Convenientes: ac erat omnis cleti-
num numerus major ducentis capitibus, cum Patrono-
num suorum non nulla parte (inter quos emine-
bant, Fridericus de Zerotin, Fridericus de Na-
chod, Benedictus Prazma de Bilkow, Petrus de
Czertorey &c. Ubi nostrates foelicitati illorum
congratulati, arctiorem Religionis societatem.

ita cum ipsis inierunt, ut eam ad ultimum spiri-
tum conservârent, & in fundis suis propagârent
omnes.

Eodem anno curavit edi in publicum, Tubin-
gx, Fratrum Confessionem Paulus Vergerius Ita-
lus, quondam Episcopus Justinopolitanus, & Pon-
tificis Rom. in Germania Legatus: qui agnitâ
Evangelij veritate, exilium pro ea passus, & apud
Wirtebergelem Ducem hospitium nactus, fuit.
Ita verò Vergerius de Fratribus, in Præfatione
Confessionis, Quâ ratione quòve consilio ductus,
hanc ego Waldensium, aut Picardorum (quos vo-
cant) Christiana Religionis Confessionem non ita
multis hætenus cognitam ediderim, imprimis dicen-
dum mihi esse puto. Cum Deus me nuper ex Germa-
nia in Prussiam, in Lithuaniam, atq; Poloniam evo-
casset, multas ac varias variarum gentium Ecclesi-
as visendi descendiq; studio intensum: tandem diu
multumq; in illa ipsa Polonia obequivitando, atq; lu-
strando, in Ecclesias incidî circiter quadraginta,
ad Waldensium morem præscriptaq; institutas.
Quæ ipsæ me sanè singulari quâdam voluptate lati-
tiâq; affecerunt. Etenim pura in illis ac concors so-
nat Evangelii vox: adeò id quidem, ut neque indo-
ctrina, neque inter docentes, erroris aut controver-
sæ quicquam, non dico animadvertere, sed ne suspi-
cari quidem, potuerim. Cereemonia castissima atq;
purissima, à Papisticis istis superstitionibus, gesticula-
tione.

tionibusq; ut aliena, sic prorsus remota, ut ne odor quidem illarum, aut vestigium ullum, reliquum sit. Disciplina gravis atq; severa, ex qua vita renovatio atq; redintegratio tales fructus fert, ut radicem horum minimè fucatam, sed verissimam, ac Christiano homine dignissimam facile agnoscas, penitentiam. Hæc cum partim ad Fratres in Italiam, aliarumq; nationum, scripsissem, partim nonnulla Illustrissimis Principibus Germania, aliisq; summis in ea viris ingenti exultatione coram nunciassent, alij in universum ignorare Waldenses, alij vehementer mihi mirari visisunt, quid tandem in mentem venerit Sarmatis, ut Waldensium præcipuè Confessionem admitterent: veriti nimirum, ne puram ac sacram Christi doctrinam, quam nuper adeò recepissent, illorum placitis inficerent, atq; commacularent. Hanc igitur ob causam, gravissimam quidem illam, omnistudio mihi faciendum putavi, ut Waldensium Confessio, quæ jam erat difficilis inventu, recederetur, atq; invulgaretur: quòd minimè dubitarem, quin omnes quibuscunq; purior doctrina cordi foret, vel ex primo (quod dicitur) gustu, non Confessionem modò, sed Polonos etiam ipsos, aliosq; quicunq; eam in suam Ecclesiam recepissent, magnis celebraturi laudibus essent: ac deniq; patrem cælestem rogaturi, ut tam bene captas apud illos Ecclesiarum instaurationes servare, ac suâ immensa bonitate augere, indiesq; magis fortunare, dignetur. Præter verò Martini Lutheri, Re-

vi, Reverendissimi atq; sanctissimi viri testimonium, qui hanc Waldensium rationem Ecclesiasticam approbavit atq; commendavit, subjicienda non immerito putavi aliorum quorundam, maximè eruditione, maximè pietate atq; autoritate virorum testimonia, imprimis Philippi Melanthonis, Martini Bucerii, & Wolfgangi Musculi, qui mihi videntur eandem Confessionem adhuc magis, quàm Lutherus, laudare, tum tamen is gravissimis verbis laudavit. Ceterum quoniam qui sum non ignoro, moneo tamen Ecclesias hæc XL annis in Christo renatas, ne satis esse putent: quòd superstitiones Papisticas, abominationesq; ceteras, ab Ecclesiis suis exturbare potuerint, sed ut de concordia, de pura, de genuina filij Dei, Domini nostri Jesu Christi, doctrinâ retinendâ, tum de disciplinâ vitæq; mortificatione tali doctrinâ dignâ, aliquando tandem vicissim invehendâ, diligenter & anxie curent.

Tubingæ Cal. Augusti M. D. L V II.

XXI.

Illyricus, Fratrum captans societatem, repellitur.

— **M**atthias Flaccius Illyricus, qui contra Philippum Melanthonem, ceterosq; Lutheri Synergos, doctrinam Evangelij ab eo cœptam fideliter continuantes, & ad normam Sacrarum li-
 R terarû

terarum explanantes, quæq; ille polemicè tractabat didacticè & pacificè ad adificationem Ecclesiæ proponentes, consurrexerat; multosq; non postremæ auctoritatis viros in Saxonia, & passim, imò jam integras cum Pastoribus Ecclesias, ab unitate Vitebergenfium, genuinum Lutheri ac Scripturæ sensum sequentium, verorum & discipulorum successorum ejus, avulserat, & tristissimum Schisma fecerat; ablegavit quoque Anno 1558, in Sarmatiam emissarium suum, per quem in Polonia, præsertim Poloniarum, offerens & cõmendans Fratribus summam animi sui erga eos (ut potè quiescentem gente Henerâ esset oriundus) propensionem, benevolentiam, & amorem, in amicitiam societatemq; suam contra Wittebergenfes illos exstimulabat, & allicere conabatur. Sed rejectus est à Fratribus, gravi cum objurgatione: quòd nullâ iustâ causâ tantas turbas in Ecclesiâ excitârit, & exiguas scintillas, quæ in charitate fraterna, & collatione àmica, facillè extingvi poterant, hostili suo impetu in magnum incendium auxerit, præceptores suos, à quibus & scripturæ sacræ, & Lutheri veram doctrinam, perfectiùs edificare debuit, impudenter, & iniquissimè persequatur: atq; magno scandalo Ecclesiam Christi lædat. Væ illi, nisi pœnitentiam egerit, fore. Se jam pridem cum Luthero, illiq; tum divinitus additis cooperariis, Philippo, Georgio Majore, &

cæteris ejus Collegis, societatem & fraternam amicitiam iniisse, & mutuâ dexterarum stipulatione (Anno 1542) Vitebergæ confirmasse. Hanc se cum veris ejus Successoribus (qui per totam vitam ad mortem usq; ei adhærentes, eum, doctrinamq; ejus optimè nōrunt, & tam priorum quàm posteriorum sermonum ejus consiliis, verum ejus sensum retinent) & incorruptæ Scripturis sacris consonæ, doctrinæ ejus sectatoribus, fideliter, semper servaturos; atque cum ipsorum adversariis nullam unquam societatem habituros. Offensus est vehementer hac repulsâ Illyricus, & ex animo factus Fratribus hostis, quibuscunq; potuit modis, per se & sua farina homines, illos deinceps persequabatur. Verùm quia semper inveniunt tua labra lactuca; invenit ille quoq; Illyrici pararius in Polonia aliquos, sed in Prussiam multò plures, quibus rixosi cuj spiritus ad turbandam pacem Ecclesiæ venenum instillavit, & ubiqueistici erroris semen iniecit. Quòd malum ne Consensus quidem, postea sequutus, ex animis quorundâ extirpare potuit; quin hucusq; inplerisq; vestigia ejus appareant, & subinde repullulent.



XXII. E LIBRO SEPTIMO.

*Legatio Fratrum in Sueviam
& Helvetiam.*

Occasionem huic dedit D. Lysmaninus. luisiterum a d. Tigurinos, Lausannenses, & Genevenses literis: quibus ut Fratrum Confessio in articulo Cœnæ non satis probaretur, eoque consensus Ecclesiarum in Polonia turbaretur, effecerat. Rescripserant enim illi: Apertius Fratres suam de Verbis Cœnæ Domini sententiam scribere debuisse. Adjunxit & hæc Bullingerus: die 28. Octob. Augustana (inquit) Confessio approbata est à Papistis, sicut ejus testatur Apologia. Quid autem probant Papistæ? an alienum à sua sententia? non puto. Utrique consentiunt Corpus Christi substantialiter adesse, & manducari, à fidelibus & infidelibus. Prudenter, inquam, noluerunt Papistæ contendere de præpositione, Trans, cum viderent Confessionem addere, quod majus est, substantialiter. Dissplicet ergo nobis illa Confessio in hoc articulo, quia dissplicet Papismus. Sic & Calvinus de eadem & Fratribus, Anno 1557. ad Polonos; Pars vestrum, ut audimus, Augustanam Confessionem amplectitur: alij Valdensium doctrinam mordicus retinent: sunt qui desiderant puram & dilucidam mysterij

(De Sa)

(de Sacra Cœna, de qua exortum est aliquid dissidij inter Vos) explicationem. Et de Augustana quidem Confessione, non videtur justæ esse ratio, cur inter se litigent servi Christi, modò degenuino ejus sensu conveniat. Valdeses etiam cupimus vobis semper conjunctissimos manere. Sed non videmus, cur magis arrideat cuiquam Augustana Confessio, quam ejus Authori Philippo. Atqui profiteri non dubitat clarissimus ille vir, tradendam esse posteris plenam & liquidam hujus doctrinæ lucem. Et sanè quò minus omnes ad tollendam ambiguitatem consentiant, nihil aliud obstat, quàm Crucis metus: quia de hoc capite doctrinæ infelicitè nostro seculo pugnatum fuit. Non nulli dum pro ingenij sui mansuetudine turbas fugiunt, leviter, & obscure, attingi vellent, quod perspicue in Ecclesia docendum est. Sed longè falluntur, dum hoc remedium componi, sedariq;, posse certamina existimant. Nihil tamen hæc erit ab Augustana Confessione discessio, si clarior fidei vestræ expositio accedat: Sicuti vos divortium cum Valdensibus facere minimè vellemus, quibuscum fraternâ conjunctio, ad extremum usq; colenda sit. Tantum cupimus ulro citroq;, alios alius accedere, ut communibus studiis quæretur sacrum unitatis vinculum. Nec cerè putamus adeò morosus esse bonos illos Fratres, quin libenter recipiant, quæ aliunde allata fuerit, explicationem: si modò in usum Ecclesiæ commoda aptaq; esse videbitur.

Legi-

Legimus locum illum, ubi suam de Sacra Christi Cœna Sententiam exponunt. Breviter, & fere concise, *asserunt Panem & Vinum, esse verum Christi Corpus & Sanguinem.* Statim ad Confessionem transeunt, quæ nostro iudicio doctrinam obscurat, vel involvit, magis quàm illustret, &c. &c. Fratres igitur ut malevolorum calumnijs maturè occurrerent, atq; malè persuasos melius edocerent, ablegarunt Boleslaviâ (quæ est in Bohemia) Anno 1560. legatos suos, viros doctos, *Joh. Rokitam & Petrum Herbertum*, ad quosdam Principes & Theologos Germaniæ, nominatim in Sveciam & Helvetiam. Hi igitur ut Goppingam pervenerunt, ubi erant Duces, *Wolfgangus Biponting. Palatinus Rhœni, & Christophorus Dux Viterbergensis* ac Theccensis, rogati ab illis de statu Ecclesiæ, tam suæ quàm Polonicæ, responderunt se ab annis duodecim in Bohemia multis adversis premi; insidias, quas vitare vix possent, sibi strui, publicos conventus vetari: in Moravia verò & Prussia, sub protectione Alberti Ducis, satis tranquillum Ecclesiarum suarum esse statum. Sed Ecclesias Polonicas dissidijs scindi, seq; multa acerba audire, qui simplicem tuerentur fidem & Confessionem Bohemicam, à Lütero probatam & publicatam, Augustanæ conformem, profiterentur. Idq; ab ijs maxime, qui eam pro sua acceperant, nec se in Polonia aliam admissuros sanctè promi-

promiserant: Cum enim nos patriâ ejeti (addebant) in Poloniam venissemus, placuit multis Regni illius Incolis nostra doctrina: Licet ijs qui se nobis adjugebant visum esset. aliarum quoq; reformatarum Ecclesiarum de ea cognoscere sententiam. Factum q; fuit, ut post testimonia Lutheri, & Academiæ Vitebergensis, etiam Ecclesiæ Argentinensis, Basiliensis, Tugurina, Bernensis, Lausanensis, atq; Genevensis, veram esse ac dignam, quam p̃ omnes amplecterentur, uno ore judicarent. Poloni proinde sumpto nobiscum Eucharistiæ Sacramento, obstrinxerunt sese ad ejus professionem, quod ab illa nunquam deflexuri, nec quicquam in ea immutaturi, essent. Sed quidam alterius sententiæ, aliunde venientes, adeo multos auctoritate suâ ab Ecclesiâ nostra, jam benè crescente, & bonam doctrinam non pejore disciplinâ ornante, averterunt, ut ea progressu temporis negligi cepisset. Audierunt omnia libenter Principes, hospitium Fratribus apud se, si inde quoq; rursus pellerentur, polliciti. Aderat tum ibidem *Petrus Paulus Vergerius*, Ducis Vitebergensis Consiliarius, & D. *Johannes Brentius*, &c. Die Junij 5. Christophorus Dux Wirtenbergensis legatis dans responsum, & scriptum mittens per Cancellarium suum, & D. Brentium, tale de Confessione ipsorum tulit testimonium, Confessionem Fratrum se vidisse, & judicare Prophetice & Apostolicæ doctrinæ consentaneam, atq; sententiam Augustanæ Confes-

Confessionis in omnibus Articulis sequi. Deinde cum ei valedicerent legati, in præsentia Jacobi Andrea, Pastoris Ecclesiæ Goppingensis, Brenij, Egerij, & aliquot Consiliariorum, atq; Secretarij (qui fuit Joachimi Camerarij filius,) hæc verba dixit: Confessionem Fratrum video eandem esse cum Augustana; Et placeat mihi, ac me volente nuper publicata est Tubinga, idè quòd succincta methodo Articulos doctrina Christiana ex fonte scripturæ Sacrae plenius quàm nostra Augustana explicat. Idem tunc in literis ad Ducem Nicolaum Radivilum, Palatinum Vlnensem, datis, de Fratribus Bohemis, etiam in Polonia commorantibus, ita scripsit: Cum Confessionem eorum ante annos viginti Witebergæ typis excusam, & ante biennium Tubingæ recusam, summi Theologi suis calculis, & suffragijs approbent, & cum Scriptis Prophetiis & Apostolicis congruere judicent, ex animo illi favemus & benè cupimus, etsi in Ritibus, & Ceremonijs aliquantum à nostris Ecclesiis differant, tamen in doctrina optime conveniunt. Deinde, valde laudabile hoc eorum institutum est, quòd sanam doctrinam servatorem (ut Paulus loquitur,) ornare studentes, severiter, & modo Christianis conveniente, inpeccantes animadvertant; atq; hoc pacto cum puritate Doctrinæ rigorem etiam Disciplinæ Christianæ, apud se retineant. Quamobrem cum communi omnium favore & assensione digni sunt, vestram dilectionem majorem

rem immodum oramus, ut eos suis beneficijs, ac propenso favore, dignetur: Et nostro etiam nomine Serenissimo Regi Polonia illos commendet, ut homines pios, disciplina studiosos, quæ Christianis, tanquam renovatis, & regeneratis hominibus, est dignissima. Suiward. 18 Junij 1560, Idem ad Comitem Lubicam à Gorka, Palatinum Polonianensem: Quia Valdenses, vulgò sic nominati, piam Doctrinam profitentur, & cum ea honestam ac Christianis convenientissimam disciplinam conjungunt, judicamus eos dignos esse, qui omnium piorum studijs juventur ac promoveantur. Vobis igitur ipsorum Ecclesias ita commendamus, ut diligentius non possimus. Quicquid beneficiorum in eos contuleritis, Christo ipsi præstabit, qui magno cum favore remunerabit. Idem Dux Wirtembergensis obtulit tunc Fratribus suam liberalitatem, se velle aliquot juvenes ipsorum, bonarum artium studiosos, stipendio suo in Germania sustentare. Quò beneficio ipsius Fratres deinceps libenter uti sunt.

His expeditis, legati Fratrum (munusculis à Principibus ornati) discesserunt: Rokita quidem certis de causis pedijt in Poloniam; Herbertus vero ad Helveticos Theologos perrexit, & cum viris doctis Heidelbergæ, Argentorati, Basileæ, Tiguri, Bernæ, Genevæ, de negotijs Ecclesiasticis contulit. Sunt in monumentis Fratrum digna lectu colloquia Herberti: præsertim cum Musculo,

lo, Bullingero, Vireto & Calvino, in quibus praecocem illorum de Confessione Fratrum censuram, ad Polonos scriptam, reprehendit; ad omnia illorum quaesita & objecta solidè, Fratrum nomine, respondens, palamq; demonstrans, *Fratres in Articulo de Cæna Domini pugnantibus Theologis, & utrinq; à sensu Verborum Christi nimium desistentibus, jure non subscribere.* In Cæna (inquit) Dominica nostros neutram partem per omnia sequi, certum est, neq; Helveticos, neq; Lutheranos. Non assentimur Zwinglio in re sacramentaria: quia ut magis reverenter debuit, ita commodius & certius potuit, de hoc mysterio dissetere. Quod vos ipsi nobiscum agnoscitis, quia jam aliter, & cautiùs quàm ille, loquimini & scribitis. Obijcitis nobis, quòd videamur quendam medium, seu mixtum, presentia modum statuere, & simplicem Verborum Christi sensum nimis urgere. Libenter id fatemur: & hoc ipsum studiosè ac sedulò agimus, ut Verbis Domini fide simplici inherentes, hinc modum carnalem Capernaïticum, inde autem merè significativum ac tropicum, fugiamus; mediumq; Sacramentalem ac verum, statuamus. Majores nostri semper navim doctrinae suae in hoc articulo, quasi inter Scyllam & Charybdim, ita dirigebant, ut vicarent hinc Papisticam Transsubstantiationem, & consubstantiationem, inde Tabernaculorum & Habrovanitarum nudum, sine presenti veritate, signum; amplexi veritatem inter-

hos sco-

hos scopulos mediam, Panem Domini verum ipsius corpus modo Sacramentali, vero tamen, esse credebant, & debebant; modumq; hunc à communicatio-
ne spiritali, qui tantum fide fit, distinguebant.

Fratrum ad Theologos tum epistolas, horumque ad illos, apponit Lasitius: sed quæ hic recitari non interest. Quia verò Vergenij ad Rokitã epistola, anno post scripta, apud Lasitiũ non exstat, eam hic ex authentico transcribemus. *Mi Frater salve, scripsi ad te ante tres Menses de rebus meis non pauca, quomodo scilicet gravissimè aegrotaverim, & quomodo nihil vehementius petam à patre Cælesti, quàm ut me in sinum vestrarum Ecclesiarum transferat. Nã in summa illas omnibus antefero, libenterq; dare hoc testimonium palam reliquis Ecclesiis, quòd ita sentio.* Abs te verò responsum nullum accepi, pro quo insto atque urgeo. Spero quidem, me post aliquot septimanas missurũ nepotem in Prussiam, cui mandatum dabo ut te accedat, & de tota hac re loquatur. sic enim me extimulat Deus. Interea utinã scriberes, aut venires etiam, ut scripsi: neque n. paterer ullam tuam jacturam. Non dubito quin Magnificus Dominus Jacobus sit tibi quedam de Concilio (Tridentino) scripta communicaturus. Angustia temporis non patitur, ut plura nunc mittam, sed per nepotem mittam. Sentio me à spiritu Dei commoveri, ut ad Concilium accedam, & profectò (si mihi dederint qualem jam petivi saluum conductum) non
potero

potero me continere quin eò accedam. Est quidem periculum, ne me faciant, quod Johanni Hussio & Hieronymo de Praga fecerunt: sed non possum hanc vitam melius collocare, quàm si martyrio eam exponam. Cupio dissolui & esse cum Christo. Saluere jubeo Fratrem Georgiũ & Fratrem Petrum, omnesq; reliquos Verbi Ministros & fratres. Orate pro me, quod ex animo rogo. Cælestis pater augeat omnibus suis cælestes thesauros, Spiritum & Fidem, per Christum Dominum nostrum. Tübinge die, 19. Martij Anno 1561.

VERGERIUS.

XXIII.

Fratrum contra adversarios Wittebergam provocatio.

INter eos, quos Illyricus turbulento suo spiritu infecerat, fuit in Brussia Benedictus Morgenstern, Pastor Thorunij Evangelicorũ non postremus. Arripuerat hic Fratres infectandi occasionem ex eo, quòd cum hi Coetum in ea urbe peculiarem, anteqvam Lutherani Doctores eò vocati essent, collectũ haberent, reviserent eum subinde. Ille igitur schisma fieri clamare, cõtraq; illos plebem, & quos potuit e Senatu, incitare, etiam errorum insinulare, cœpit: frustra primario Pastore,

pio Bo-

pio Bodensteinio, moderatione suadente. Fratres recognita, totius Synderij sententijs decernunt; Oculas suas Thorunij Christo collectas, Ministris ibi Lutheranis, tanto impetu eas poscentibus, publicè pascendas committere: sed innocentia suã prius, ab errorum & schismatis reatu, solemniter defensã.

Mittunt igitur eò Johannem Laurentium Confectionem, cum exoratis aliquot Magnificis & Nobilibus Viris: qui Anno 1563, mensq; Septembris, Thorunium profecti, in publico Senatũ, honestissimorumq; civium consensu, de injuria sibi illata conqvesti, Morgensternium, calumnias suas defendere volentem, ita convicerunt, ut omnium auditorum judicio Fratrum innocentia pateret. Tum verò hi Auditores suos, quos ibi loci primam frangendo glaciem, e densissimo Papatu Evangelio lucrati erant, ordinarijs jam ibi Evangelij Doctoribus commendarunt: his rursus Disciplina Ecclesiastica seriam promittentibus curam. (Actiones has prolixè describit Laschius) Sed cum inquierus Morgenstern, ne sic quidem, rixas undiq; seminare desineret, prudens Senatus jurgia diutius ferre non valens, Urbe suã eum excedere fecit. Qui quod Thorunij non potuit, alibi eò malitiosius tentavit, odia disseminare in Fratres, non in Prussia jam solum quietem Bohemorum exulum turbando, sed & in Poloniam majorem (ubi Confessionis Augustanæ Ministri jam-

jamq̄uoq; inclarescere, & in ordinem coire, atq; Synodum primā in oppido Gostin celebrare, Anno 1566 cōperant) profectus, Articulos XL (sub titulo *Novorum*) à Synodo illa recipi, & Fratribus mitti, obtinuit. Responderunt Fratres scripto, jam ad istas calumnias esse responsum. Thorunij: repeteruntq; argumenta sua sic, ut prudentiores acquiescerent, licet non deessent qui nodos in scirpo quærent. Itum ergo tandem est in eam sententiam, ut scriptum utrumq; ipsius Lutheri Cathedræ, nempe Vitebergensis Academiæ censura & decreto, subijceretur. Quod postquam Fratres cognoverunt, & esse jam in prociñctu nuntium Luteranorum sciverunt, etiam illi continuo (sub initium Anni sequentis, 1568) ablegarunt Vitebergam *Iohannem Laurentium*. Sed non comparente ibi legato Luteranorum, forsan causæ suæ dissidentium, adiit Laurentius Collegium Theologorum Vitebergensium, & scriptum illud utrumq; iudicio & censuræ eorum subiecit. Quid verò isti, veri discipuli & successores Luteri, responderint, malo id proprijs ipsorum verbis, ex Epistola ad Fratres in Poloniam tunc data descriptis, referre.

Reverendi viri, Domini & amici honorandi, diligenter audivimus virum reverendum, Collegam vestrum, ad nos missum, statum Ecclesiarum vestrarum nobis exponentem. Dolemus au-

tem toto pectore, in Polonicasq̄uoq; Ecclesias penetrasse spiritum illum inquietum ac rixosum, qui annos propemodum viginti Ecclesias nostras, Augustanam Confessionem amplexas, turbavit, & distraxit. Ac valde metuiamus, ne & vestris Ecclesijs idem ille turbator, ac verè *διαβολος* spiritus, certamina nova attrahat, & æumnas ac difficultates augeat. Optamus etiam, & precamur gemitibus ardentissimis à Deo Patre misericordiarum, & authore omnis pæ pacis & consensionis, ut Ecclesiam suam universam, in his terris & alibi sparsam, & ubiq; periculis & æumnis tristissimis expositam, clementer tandem respiciat &c. Affecti sumus ingenti tristitiâ, postquam cognovimus criminationibus novis Ecclesias vestras turbari ac deformari. Cæterum de Confessione Vestra, & libellis missis ad nos, quos legi ac dijudicari à nobis petivistis, breviter respondemus. Legimus Confessionem Vestram ante hoc etiam tempus, & in omnibus doctrinæ partibus & Articulis necessarijs, cum Summa doctrinæ, quam in nostris Ecclesijs profiteamur ac sonamus, congruere illam intelleximus: etiam si alicubi quædam dicuntur minus explicatè, & rituum aliqua videntur esse dissimilitudo. In fundamento tamen & doctrina necessaria, cum Consensus sit, vestras Ecclesias à nostris nunquam iudicavimus alienas esse. Meminimus etiam, quàm benignè & honorificè

rificè Confessionem Vestram Reverendus Vir,
 Pater ac Præceptor noster colendissimus, D. D.
 Lutherus, commendârit, publicè & privatim;
 utq; Vestros Fratres complexus sit Anno Christi
 1542, quadriennio ante mortem suam. Quò
 iudicio videtur ipse quasi voluisse obliterare ea,
 quæ dudum antea, nondum perspectâ Confessi-
 one Vestrà, de vestra communitate scripserat.
 Hoc tanti viri postremum iudicium de vobis, &
 de doctrina vestra, non aspernamur. Ideò tur-
 bari vòs, aut deformari injustis criminationibus,
 (ab ijs qui se Lutheranos vocant,) dolemus. Ac
 Navos illos notatos ab his, qui Admonitionis Fra-
 ternæ titulo ac prætextu disputare vobiscum co-
 eperunt, non navos saltem, aut maculas exiguas,
 sed tetra & hæretica crimina esse judicavimus, ni-
 si aliud ostendisset ac testata fuisset Confessio, &
 opposita his Responsio vestra, quæ illas asperas Ec-
 clesijs vestris absternistis. Itaq; cum accusatio
 gravissima, illis blandis & mollibus adversariòrum
 vestrorum verbis involuta videretur, lectâ Re-
 sponsione vestrà, & collata cum Confessione ve-
 stra publicâ, non potuimus non requirere in re-
 prehensione & objectione Navorum illorum
 (quos vobis Flacciani Sarmatici adscribunt) &
 candorem, & æquitatem. Ac perplacet nobis
 moderatio vestra, quòd perspicuè, & sine acerb-
 itate, crimina falsa à vobis depellitis. Et quæ à
 maio-

majoribus vestris minus perspicuè aut propriè di-
 cta sunt, ingenuâ confessione agnoscitis, ac dex-
 tere explicatis, &c. Hæ ergo criminandi vos oc-
 casiones ut tollantur, iudicavimus publicè profu-
 turum vobis, si editâ & Confessione vestrà denudò,
 & Apologîâ hujus novâ & explicatiore, ac ma-
 gis propriâ, testaremini de his quæ majoribus ve-
 stris, vel excidissent imprudentius, vel temporum
 vitio quomodocunq; adhuc antè pleniorē Evā-
 gelij lucem adhæsisent, contracta ex consuetudi-
 ne longa inveteratorum errorum Regni Pontifi-
 cij. In editione tali Ecclesijs vestris, nostro iudi-
 cio, profuerit fortassis & hoc, si adderetis; In-
 fundamēto doctrinæ planè vos hoc sentire & do-
 cere, quòd illæ profiteantur Ecclesiæ, quæ Minis-
 terio Lutheri repurgatæ Confessionem ample-
 ctuntur exhibitam Carolo Imperatori in Convē-
 tu Augustanò, Anno tricesimo, & postea repeti-
 tam in ea Confessionis forma, quæ ab Ecclesijs Sa-
 xoniæ superioris scripta est, ut Synodo Tridenti-
 næ exhiberetur, & à multis præstantibus viris ap-
 probata est: quæ deniq; prolixè & verè declarata
 est, in eo volumine, quòd *Doctrina corpus* ap-
 pellatum, & nostra & Lipsiensis Academia ample-
 ctitur ac retinet, constanti & consentienti spiri-
 tu. Talis ergò explicatio locorum obcuriorum,
 & protestatio de confessione cum his Ecclesijs
 nostris, prodesset nostro iudicio Ecclesijs vestris
 multi-

multipliciter. Verum de eo, ut vos statuatis quod ex re vestra futurum iudicabitis, liberè vobis permittimus, &c. Benè & feliciter Valete. Datæ Wittebergæ, die Cathedræ Petri, Anno 1568. *Paulus Eberus*, Decanus Collegij, & Ecclesiæ Witteberg. Pastor. *Georgius Major* Senior. *Paulus Crellius* Doctor, suo & totius Collegij nomine.

Inprivatis autem literis, quas Doctor *Georgius Major* ad *Georgium Israelum* Episcopum Fratrum (cui etiam Lutherus dexteram societatis olim porrexerat) eodem tempore scripsit, hæc verba leguntur. Grata mihi fuit commemoratio, & commendatio, notitiæ & familiaritatis, quæ inter nos contracta est, cum antè annos circiter triginta Reverendus Pater & Præceptor noster D. D. Lutherus, piæ memoriæ, de confirmanda concordia in pura Doctrina Evangelij vobiscum ageret. Et memini me interfuisse aliquoties vestris pijs colloquijs, & sermonibus: Et Confessionē atq; Apologiam vestram approbatam, & consilio D. Lutheri ad aliorum hic Wittebergæ typis publicè editam, atq; dexteram perpetuæ amicitiae, & sanctæ Societatis, Anno 1542 ab eo Vobis esse datam. Nunc vestræ Ecclesiæ affliguntur abijs, qui hoc tempore non in Polonia tantum, sed passim in tota Germania, Ecclesias turbant insanis clamoribus, mendacijs, calumpnijs, & venenatis dictis & scriptis, multos bonos conipuant. Sed

tale

tales portabunt suo tempore suum iudicium. Is status Ecclesiæ hoc tempore est, ut si unquam coa sensu opus fuit, nunc maximè opus sit, &c.

XXIV.

Lafitij de Fratribus, primum visis, iudicium.

ANNO 1567. proficiscens mense Aprili Auditorum gratiâ Heidelbergam, & deinde 1571 Argentoratō domum revertens, deflexi non nihil exitinere ad Fratres Pragæ, atq; Boleslaviam: quorum eo tempore Antistes per Bohemiam fuit *Johannes Calephus*, vir gravis & severus, ut sunt omnes. Deum immortalem, qualis quantaq; tum exarsit in corde meo læritia, conspectis cognitisq; hiscè omnibus, quæ jam hic scripta sūt, quæq; bonâ fide Libro Octavo referentur. Certe lustrando diligenter singula, atq; de omnibus percontando, videbar mihi in Ecclesia Ephesina, vel Thessalonicensi, seu quavis alia Apostolica, fuisse; oculis intuens & auribz hauriens meis ea, quæ legimus inscriptis Apostolicis, Epistolis Ignatii Martyris, Apologis Iustini, Apologeticoq; Terulliani. Ut profectō valdè sint iniqui, & Fratribus injurij, omnes isti, qui afflatu maligni illius & invidi, sanctæ eorum conversationi detrahunt, si dei pia producentis opera derogant, quiq; adeo

S2

bonis,

bonis, infortibus, quietis hominibus, nocent.
 Ignorat certe Bohemia, nescit Moravia, quales
 habeat incolas: alioqui plus eis honoris deferret,
 magisq; eos quam id facit amaret; dignos omni-
 nō, quibus unversae Ecclesiae, si eam esse sanctā &
 sine macula, atq; ad illum Apostolici seculi flore
 ac vigorem redire velimus, gubernacula, crede-
 rentur. Verū frustra haec optantur omnia:
 nunquam credent parietes dealbari veris Episco-
 pis, neq; Oves Christi conversae in haedos ferent
 Pastores alios, quam sui similes. Luxuriabit
 Babilon, quoad unā horā veniant plagae, ei de-
 struatur, quas Noe, Loth, Daniel, Tobias, Deo de-
 fensore salvi evadent.

XXV:

*Confessio Fratrum denud Wittebergae
 editur: Judiciaq; de illa magne-
 sum Virorum honestissi-*

ma.

A Nno 1571 Edebatur Wittebergae (Latine &
 Germanice) Fratrum fidei Confessio, prior
 aliquotō ornatius, cum brevi originis illorum
 narratione. Qua cum esset iudicio subiecta
 Theologorum Wittebergensium, (quorum & con-
 fessio tenentes fuit) ita ipsi de ea ad Presbyteros
 Fratrum. Proclamant vobis ac Ecclesiae vestrae cumque

animus; quod laudabili Majorum vestrorum ex-
 emplo in hanc pacissimam curam incumbitis, ut in-
 cognitione Christi proficiatis indices, & preciosum
 Verbi depositum fideliter ad vestros quoq; vicinos &
 posteros transmittatis. Legimus formam à vobis re-
 petita Confessionis, & judicamus eam in fundamen-
 tum scriptis Prophetici & Apostolici, eoque doctrina
 genere, quod in Ecclesiis harum Regionum sonat, cō-
 gruere: omnesq; pros, qui sine sophistica judicant, &
 pacem atq; simplicem veritatem amant, in ea ac-
 quiescere posse, ac debere. Esi enim in Ritibus non
 nullis, ut pote Calibatus Sacerdotum, & paucis qui-
 busdam alijs, pro diversa apud vos rerum conditione
 à nobis discrepat, phrasum etiam alicubi apparet
 dissimilitudo: tamen cum indoctrina & fundamen-
 to utrinque sit consensus, de ijs pugnare nec volumus
 nec debemus. Nec videmus causam, cur vos a socie-
 tate & gremio Ecclesiarum nostrarum, ad quam con-
 fugitis, & vestrum cum ijs consensum profitemini,
 eemere (id quod ab aliquibus obijt vobis conqueri
 mini) excluderemus: cum & distinctio, disciplina
 Christiana symbolum, & exempla Praeceptorum no-
 strorum; Reverendi Patris & Doctorum Lutheri, &
 Philippi Melanthonis, eorundem nos iudicia & mu-
 nitionem hac in parte imitari jubeant; qui iam o-
 lim ipsi quoq; honorifico testimonio Confessionem
 vestram edulam, publice contra calumnias & inju-
 rias, à qua repentinè malevolorum ornarunt, à qua repentinè

hanc, aliquantò nunc scriptam dilucidius, nihil quod ad sententiam & res ipsas attinet discrepare videmus. Et tot jam antea vulneribus distractum, tot scandalis deformatum est, miserum Ecclesia corpus, foris & intus; ne præter mandatum Dei, vel publica salutis ratio, conjunctis animis & viribus mutuas tradere operas, ad conservationem & propagationem purioris doctrinæ, cogat omnes qui à scelere immanium pericidiorum, & reatu innoxij sanguinis, qui nunc majore javitiâ quàm unquam antea effunditur, in membris Christi, liberare Conscientias, & nomen Christianum coram Deo & hominibus sonare volunt, &c. Probamus & Disciplina Ecclesiastica, quam exemplo veteris Ecclesiæ, sine superstitione & laqueis Conscientiarum, apud vos retinctis, severitatem cum ex officio Ministri inquirere debeant in Conscientiis eorum, qui enormibus delictis societatem hominum turbant, & offendunt alios, ut ad strictam penitentiam convertantur: Auditores, verò obedientiam Evangelii, in ijs quæ fiunt secundum Evangelium, omnino debeant. Ita Decanus & Collegæ ejus, Theologi in Academia Vitebergensi. 8. die Februarij, 1577.

Hieronymus autem Zanchius, de ea Fratrum Confessione ad D. Johā Cratonem, Medicum & Consiliarium Cæsaris, hæc verba (Anno proxime sequenti) scripsit: Legi, & quidem attenti ac diligenter cum magna animi voluptate & utilitate, his; In istis plus esse Conscientia quàm Scientia, totam quam misisti Fratrum Confessionem. Nam

non solum vidi doctrinam universam esse consentaneam cum sacris literis, verum etiam mihi videre visus sum sinceram & verè Christianam cordium ipsorum pietatem. Quippè qui scopum in hac Confessione hunc sibi videntur proposuisse, non ut quicquid est in Ecclesia Romana, totum illud ab ipsis usq; fundamentis (ut quidam faciunt) sine ullo discrimine penitus subruant, atq; convellant; sed ut ad veram & Apostolicam, eorū salutarem pietatis normam suas edificent Ecclesias, rejectis reiiciendis, & correctis corrigendis, ac retentis quæ retinenda erant: quæ tandem vera est, ac legitima, Ecclesiarum reformationum ratio. Atq; utinam omnes horum optimorum Fratrum exemplo, in idem studium incumberemus! Plus certè Pietatis, Pacis, Concordiæ, Charitatis, quibus DEUS glorificetur, Regnumq; Christi promoveatur, & in nobis ipsis sentiremus, & in alijs conspiceremus. Et quorsum obsecro tota sacra Scriptura, Evangelij prædicatio, Sacramentorum administratio, Disciplina institutio, nisi ut his externis adminiculis sustentati, fulti, adjuti, operante in nobis Spiritu S. cum in vera Fide & Charitate, tum in studio bonorum Operum, sanctæq; Vitæ, quotidie magis ac magis proficiamus? atq; (ut inquit Apostolus) ἵνα ἀγέλοις ἢ ὄντι θεῷ ἀνθρῶπος πρὸς τὰν ἑγὼν ἀγαθὸν ἐκπέποιμένος. Ergo etsi concedo tibi ex parte, quod scripsisti, plus esse Conscientia quàm Scientia, simpliciter tamen non do. Plus enim mihi isti videntur

281
sapere videntur hac sua ignorantia, quam multi Co-
Qui multiplices suam scientiam. Precor illis Fratribus
omnem in Deo benedictionem, gratiam & pacem.
Hæc Zanchius, Italus doctissimus.

Sarnicius verò noster scripsit: Si quis ex me
quaesierit, quid Confessio Bohemica ab Augustana &
Helvetica defferat, demonstrare possem; Omnes
Confessiones, Germanicas & Gallicas, id potissimum
agere, ut abusus Papisticos refutent & damnent: So-
la Confessio successerunt Martyris Hussi, non modò
destruit qua contraria sunt, sed etiam reparat, restau-
ratq; ædificium novi & regenerati hominis, atq; Ec-
clesia benè morata.

Quod & Zacharias Ursinus sensisse videtur:
qui eodem 1574 anno ad Andream Stephanum,
Fratrum in Moravia Antistitem, ita scripsit. No-
ta est nobis ex vestra Confessione, vestra de omnibus
doctrina Christiane capitibus nobiscum consensio, &
vicam Christianis dignam conservandi cura & dili-
gentia. Atq; in hac quidem parte vestram pro nobis
felicitatem vobis merito gratulamur, & à vobis pe-
timus, ut precibus vestris apud Dominum nos juvetis,
in impetranda ejus gratia, quæ nobis etiam Ordini &
decori Christiani profectus aliquanto major conceda-
tur, fiatq; ut nos ipsos judicantes, non judicandi simus
à Domino.

Licet enim vota & studia jam dudum eò concen-
dunt, ut aliud memorie Ordinis eandem inter nos co-
spiciat.

282
spiciatur: eamen quia nomen Ecclesiastica Discipuli-
na, alijs imprudentius & importunius eam urgentibus
& tractantibus, alijs acerbius & sine discrimine repu-
diantibus, ita factum est odiosum, ut magna pars illud
averferetur, atq; deletum cupiat, vix etiam nomen ip-
sum, aut tenuem umbram disciplinæ, hætenus,
obtinemus, Idcirco cum pudore & dolore videmus
vestrâ opinione plus nobis tribui, quam apud nos de-
prehendimus: nobis tamen inde stimulos incuti sen-
tismus, quibus excitati conemur vestra & aliorum
piorum honesta de nobis opinioni magis respondere.
&c. 19. Maij. 1574.

Itemq; Caspar Olevianus, ad eundem ita
scribens: Dicit non potest, quanti ego illud opus Do-
mini faciam, quod in Ecclesijs vestris non inchoavis
modo, sed tot etiam annos continuat. Mòvet me nò
parum, & collegas meos, ultima hujus seculi corrup-
tio, ut de optima Ecclesia gubernatione vobiscum cõ-
feramus: cupimus enim ita ædificare, ut ædificium
ad posteritatem sit stabile. Videmus autem, quan-
ta sit varietas, quam subita mutationes in ijs Ecclē-
sijs, quæ jure veluti suo exuta, simpliciter à Politijs
pendent. Hisce malis nisi maturè occurratur, senti-
ent multipy, se (saltem magnâ ex parte) in vanum
cucurrisse: dico quod ad stabilitatem ædificij atti-
net. & ad conservationem atq; propagationem totius
Oeconomia Regni Christi. Quæ in re quæ Dominus
vobis concepsit, agnoscimus atq; plenius ea agnoscere
& cupimus.

cupimus; Dominumq; rogamus, ut ipsemet ad eam rem media suppeditet. Certè quum tristem faciem Ecclesiarum reformatarum in Germania intueor, totus penè cohorresco. Video Politias hospitii fuisse Ecclesia; at jam multis in locis hospitii mutantur in dominia, ut liberè in Ecclesias, adeòq; ipsam caelestem doctrinam, dominantur. Causa huius mali non potissima esse videtur, quòd Ecclesia multè nimis sese Politijs huius mundi adstrinxerunt, quasi pars sit essentialis regni Christi. Itaq; vestram rationem adificandi non possum non magnifacere, qui vultis Ecclesias vestras ita Politijs huius mundi, imò omnibus hominibus ad bonum esse subiectas, ut tamen nil libertatis sue, quam Christus sanguine suo eis comparavit, decedat. Heidelberg. 6. Septemb. Anno 1574.

XXVI.

Ex Appendice Libri VII quadam.

Dicis tu (Morgensterne); Malle vos desiderare aliquid in Disciplina, quàm in Doctrina, Sed quæro ex te, ó Theologe: Integrane tua ista doctrina erit, quæ doctrinam Evangelij de Disciplina, suis gradibus descripta, & severè à Christo mandata, ab Apostolis verò exercita, negligit? Integrumne etiam Ministerium Christi, in quo unà tantum Clave, aperiante scilicet & solvente, utimur? claudentem verò & ligantem abijcis?

Hoc ne

Hocne est fideli esse Janitorem domus Dei, quem vis venientem, ignotum etiam, imò notum, sed peccatorem impœnitentem, intromittere? Hocne fidelem esse Dispensatorem Mysteriorum Dei, Sanctum canibus etiam, & Margaritis potèis etiam, obijcere? Annon indignatur Deus, si qui Dei loco populo loquuntur, dicant Pax, ubi nō est Pax? Non enim est pax impijs, dicit Dominus, &c. &c.

Simone Theophilum Turnovium, Super attendentem, in Pol. Ecclesiarum Confessionis Bohemica, cories perstringis, & hostiliter pungis: quatenus nihil proferas, nec possis, quod illi iure obijcis. Illumne etiam persequi libuit? virum pacificum, pacificandisq; alijs prorsus deditum: erga omnes Christianos, etiam erga te (quod ipsemet per munusculum ab eo acceptum te expertum esse fateris) benignum? & ob singularem humanitatem, placidosq; mores, omnib; bonis, ipsis etiam hostibus, Clero & Episcopis Romanis, charum? &c. Ex cujus ore sæpius ego hæc audivi verba: *Letà hæc etiam in parte fruor conscientia, quòd secundum mandatum Christi omnes Christianos, tanquam Fratres, ex anima diligo & etiam erroribus pollutos; etiam Papistas, & alios aut malitia aut in tempestivo zelo nos hostiliter persequentes. Neminem illorum damno, omnes eos Domino, qui novit qui sint sui, etiam in rer Saulos Pauli, committo: nullum eorum odi, neq; cuiquam per-*

disia

ditionem opto, conversionem potius omnium, si possem
ad veram Evangelij lucem & pacem, promoverem.
Nam non Cainum & Phariseos, sed Abелеm & Do-
minum Jesum, imitari nos Spiritus & jubet: ut cum
Apostolico actu in tribulationibus vere gloriari, &
ipse gaudere possimus, scientes nos esse transitos de
vita ad mortem, quoniam diligimus Fratres, &c.

Tandem tibi, & tui similibus, quibus ma-
gnam illam Lutherum, Romae fulmen, non nisi
in vehementia & iracundia imitari, nec tantum
in hostes, sed in leviter etiam dissidentes fratres,
perpetuo fulminare allubescit, hunc propono in-
charitate solvendum nodum: *Quid Deus Elias co-*
paratus esset in monte, quare in spiritu ac veno ve-
hementi & forti, subvertente montes, & conterente
petras ante Dominum, non erat Dominus? neq; in ma-
gna commotione Dominus? neq; in igne Dominus?
sed tantum in sibilo aure lenis Dominus? Aut potius
Amilem huic, sed apertius & planis verbis à Spiri-
tu S. proposita legis Christi sententia, (2. Tim. 2.)
Sedare Justitiam, Fidem, Charitatem, Pacem, cum
ijs qui invocant Dominum expuro corde. Stultas
autem & inerudititas quæstiones de vita; sciens eas
gignere lites. Servum autem Dei non oportet li-
tigare, ac pugnacem esse: Sed mansuetum, & placidum
erga omnes: aptum ad docendum, patientem,
ac tolerantem malos: cum lenitate erudiantem eos
qui resistunt, si quando det eis Deus, ut despiscen-
tes agnoscant Veritatem.

Reveren-

Reverendo Domino Francisco Rosentrit, Pa-
stori Ecclesie Dei apud Lissam in Polonia
&c.

Salve Reverende Vir, amice & Fra-
ter in Christo charissime. In hac tempo-
rum incertitia portus & anchora nostræ consola-
tionis est, primum cum Deo & sanctis hominibus
colloquium, & assidua meditatio rerum maxi-
marum in Verbo Dei nobis promissarum, quas
hic fide infirmâ tenemus, fide tamen. Hoc con-
silio ante annos 12 ingressus sum studium Chro-
nologicum, in quo mea opinione diutius versa-
tus sum, ob crescentes ex Theologorum rabie-
rixas: ac solitas cum amicis studii novi tractatio-
nem mirantibus respondere: *Malle me compus-*
are, quam disputare, eoque hoc destructionem &
dissipationem, illud collectionem fieri. Ex hoc ita-
q; labore meo natus est libellus quem mitto, teq;
reverenter & amanter oro, ut non tam ipso mu-
nusculo, quam mea in te benevolentia planè exi-
miâ, & vere fraternâ, delecteris. Sciscitatus sum
ex generosissima Domina, cum de alijs rebus, tum
de tua valetudine; didici ex ejus narratione
italia, pro quibus Deo gratias ago. Verè hoc
tibi consicmo, Charissime mi frater, non esse
me ex eorum numero, qui Fratres vestros flagel-
lant, lacerant, aut damnant: sed optatim nostris
Ecclesiis

Ecclesiis tandem, quam vos immenso Dei beneficio servatis & custoditis, sanctam Disciplinæ Ecclesiasticæ severitatem. Nostrum ovile, nostræ caulæ, carent januis, repagulis, & seris. Verba facimus vento & æri, lignis & lapidibus, surdis ac mutis, mortuis & vix vivis: nisi quod miraculosè Deus non nunquam virtute Spiritûs sui ac Verbi, Crucisq; tolerantia, & Pœnarum gravitate, sibi vasa misericordiæ præparat, & Saulos in Paulos potentia dextræ suæ transmutat. Alioqui sicut Sodoma & Gomorrha periremus. Sed hac in re plus votis quàm indignatione proficetur. Confer quæso, frater dulcissime, oculos tuos in totum Ecclesiæ corpus, quid illo ærumnosius? A Senioribus in Israel, i. e. Tuperbis, avaris, & rabiosis Matæologis, egreditur iniquitas. Nullum ego nunc in mundo novi intolerabilius genus hominum, quàm quosdam Germaniæ nostræ Theologos, qui summam pietatis in his vocibus, quas S. Paulus tantoperè detestatur, ponunt: *Ego sum Pauli, ego sum Apollo.* Interim excoriant Fratres, & viva membra Christi. O bone, o dilecte Franciscè! ubi nunc sunt illa beata tempora, quando tu & ego juvenes sedebamus ad pedes Viri Dei Philippi, ante annos 28? ubi nunc sunt illa secula? perierunt nobis lucidi illi soles. Sæpè recordor vocis, quæ de tuis Fratribus sententiam proferebat: *Fratres Bohemici*


inici, inquit, sunt homines boni & orthodoxi & tantum sunt in odio propter Disciplinam, quam Deus voce sua sanxit, piam observationem. Verum sanctæ illæ voces nunc non à rudi & impio tantum vulgo, sed etiam à Magistris & Ministris nequitia i. e. ab ipsis Evangelij doctoribus exploduntur, exhibentur, & una cum suis autoribus ad inferos relegantur. Quoties audivimus beatam illam animam Melanthonis exclamantem: *Adolescentes venient tenebra!* Aspice Germaniam, videbis vaticiniij hujus tristem ac deplorandam veritatem. Adest mundi vespera, aut potius ipsa nox tenebrarum, Christus sanguinem sudat in suis, osculo traditur hostibus necandus, abnegatur à Petro, deferitur à dilectis, lancea; latus ejus perforatur ab impiis auditoribus nostris. Reviviscet tamen aliquando, nec semper sonabit vocem, *Deus, Deus meus, ut quid me dereliquisti?* sed *ἐμὴν ὁρᾷ* canet, devictis & conculcatis hostibus, *Ascendo ad Patrem: Ero mors tua o mors.* Data est mihi omni potestas. Hæc unâ consolatione me sustento, & interim, dum alii Christo insultant in cruce expiranti, ego pectus tundo, & omnibus sub cruce stantibus lachrymarum & dolorum societatem præsto, diemq; Resurrectionis, Vitæ, Victoris ac Triumphis Christi expecto. Hæc ego ad te, sancte vir, animo optimo, tuiq; amantissimo: teq; oro, ut isthæc piâ mente, quæ profectò à me scripta sunt, accipias, inq;

partem optimam interpreteris. Oro ac obsecro propter D. nostri Jesu Christi misericordiam: ne amicitiam nostram asperneris: sed cum corporibus & locorum spatiis distinctissimus, amore & precibus tuis nos complecteris, & si tibi grave non est, epistolio benevolentiae in nos tuae constantiam contesteris. De me tibi hoc planè perpetuoq; persuasum sit; fide, confessione, spe, invocatione, dilectione Dei & proximi, muneris, doloribus, odio diaboli, fuga scelerum, & vitae pia studio, esse tibi, tuq; sacro coetui conjunctissimum, fore etiam conjunctissimum in vita altera, in qua multi ex his, qui hinc anathemata & execrationes fuerunt, lucebunt in caelo. Multi etiam iustificati & canonizati, aut in sanctorum catalogum (ut cum Pontificis loquar) à Doctoribus mendaciorum relati, erunt inferorum favillae & cinis. Benè vale, Domino nostro Jesu Christo clementer jubente & benedicente, Salve mi Franciscè, meq; tui amantissimū redama. Amet te Dominus noster Jesus Christus Amen.

20. Martij, è domo servitutis meae, Freistadij 1579.

Te reverenter colens & amans.

Abrahamus Bucholcerus.



Conclusio.



Gnosce Fratrum pusille grex, quid tibi olim tribuerint magni Evangelij doctores! ut quas laudes tueri debeas, aut ob quas amissas erubescere, ne ignores. *Populus fuerunt (Majores tui) Dei metu percussus, idololatriam & superstitionem fugiens, salutis desiderio totum se rerum caelestium studio tradens, relictisq; mundanis cum Martha occupationibus, ad pedes Christi cum Maria confidens, & ab ejus solius ore, cum oblivione omnium, pendens; atq; ob hanc unius Christi sequelam contemptum, ludibria, persecutionesq; mundi perferens, sui tamen defendendi partes Domino suo securè permittens. Cui propositum fuit à nemine Christianorum separare se, nullamq; inceptare, aut fovere, sectam, adunari potius omnibus puro corde Christum invocantibus ullo loco, & servientibus DEO spiritui (1. Cor. I. 2. Phil. III. 3. vide supra Excerpt. III. IV. VI. VII. VIII. IX. XII. &c.)*

2. Cumq; corrupta & confusa viderent omnia, necessitatemq; constituendi ea melius, quae in salu-

T

in salutem generis humani Verbo suo ostendisset Dominus, distinguere prudenter coeperunt inter Christianismi *Essentialia*, *Ministerialia*, & *Accidentalialia*. *Essentialia* appellantes (seu *Substantialia*) tres illos salutis æternæ cardines, *FIDEM*, *CHARITATEM*, *SPEM*, sine quibus neminem salvari è Scripturis dedicerant. *Ministerialia*, vocarunt illa divinitus subministrata media, per quæ ad Fidem, Charitatem, Spem, cooperante Spiritu Sancto, venire voluit Dominus: nempe *VERBUM DEI*, *CLAVES* Regni cœlorum, & *SACRAMENTA*. *Accidentalialia* deniq; illa, quæ modum concernunt datis illis divinitus modis tam prudenter utendi, ut rectè utentibus non ingenerari Fides, Spes, Charitas, non possint: *CEREMONIAS* videlicet, & *RITUS*, externum Dei cultum, & in eo Verbum Dei, Claves, Sacramenta, sic dispensandi, quòmodo gratiosæ diviniæ in hominibus salvandis voluntati humanâ etiâ prudentiâ subserviri possit commodè.

3. Factum ergò fuit divinâ benignitate (*em-
jus via sunt misericordia & veritas; & qui ambu-
lare facit humiles in judicio, & mites docet viam
suam, revelatq; secretum suum timentibus se, & se-
re quarentibus voluntatem Dei, ut faciant eam,
(Psal. XXV. 11. 10. 15. Joh. VII. 17.)* ut illis præ-
diceret *FIDES simplex & plana*, nullis curiosis qua-
sitionibus concisa, aut intercisa; Dei mysteriis
credere.

credere, non rimari, sveta. *CHARITAS* vero *fervida*, in Fidei demonstranda soliditate operosa, omniaq; ad mutuam ædificationem, & communia solatia, referens. *SPES* deniq; misericordiæ Dei *tenax*, in futuram æternitatem tota exporrecta, transitoriorum bonorum obliviosa, Hinc enatum uni Christo placendi studium, etiam si toti displicerent Mundo. Submittebant quidem se omnibus humilitate: sed ne quis dominaretur illorum Fidei, præter Spiritum in Scripturis loquentem. Gaudebant in tribulatione: sed ne eas in se concitarent ipsimet, irritato quòquam sine causa. Vanitates mundanas ignorari etiam à suis volebant; ne his intenti ab æternorum desiderio avocarentur. Revocabant ergò se, & suos omnes, in omnibus externis, à fastu ad modestiam, ab insolentia ad simplicitatem, à luxu ad sobrietatem- à libidine ad continentiam, à morum feritate ad mansuetudinem, ab impatientia ad injuriarum tolerantiam, à dissidijs ad concordiam, &c. ut *quacunq; essent vera, quacunq; bone, & quacunq; justa, quacunq; pura, quacunq; amabilia, quacunq; bonæ famæ, hac cogitarent omnes* (Phil. IV. 8.) Hoc tum fuit apud nos, dici Fratrem, aut Sororem, Christi.

4. Ab hac tali idea degenerare quàm turpe sit; & degenerasse quàm dolendum, jam discendum

dum Vobis est sub castigatione divina constitutus. Degenerasse enim nos, testis est castigans nos ob desertam illam primam charitatem Christus, rerumq; ipsarum adsunt testimonia: quæ si quis non videt, palpet. Ordinis quidem externi arbor stare adhuc videtur, nominis cortice testis suo, vestitaq; hincinde apparentia cujusdam folijs: at medullam intus exaruisse (in plerisq; saltem) fructusq; aut non edi, aut non nisi acerbos, negari non potest, si modò quales Dominus requirat, & expectet, ab Ecclesiæ suæ vinea fructus, non ignoramus. (Jes. 5. 4.) Nam

5. Illa majorum sanctimonia, qualis libro VIII. Lasciij (Capite I. § 5. 8. 9. 10. & Cap. II. § 4. 5. & alibi) describitur, ubi nunc est? Ubi juniorum erga Superiores, & populi erga Pastores, de prædicata illa reverentia, & spontanea in omnibus, tanquam erga Christum, obedientia? Ubi tanta illa inter omnes domi concordia, ut totus fraternus cœtus unum cor, unaq; anima, videretur? Ubi erga alios, aliunde venientes, ad exemplar Apostolicæ Ecclesiæ composita hospitalitas? quam dilaudat Author Capite IX. § 16. &c. Ubi erga ipsos quoq; hostes mansuetudo illa, qualem miratur Excerpt. XV? Fuit n. certè singularis, dum inter nos nemini cum quoquam de Fide rixari, omnibus secundum Fidem vivere, cura fuit? nec litigare cuiquam cum quoquam, nisi cum ve-

teri

teri Adamo, libuit. *Bella gerere, aliorum esse voluerunt opus, quibus id esset volupe. sancti prædecessores nostri: ipsis pati, tolerare, & interim amare, res visa ad exemplum Christi. An & nobis nunc? Utinam!*

6. Si Ecclesiarum Pastores, seorsim inspicimus: ubi est illa industria, labor indefessus, vigilantiaq; & sanctitas, qualem in majoribus commendat Lascius Cap. II. § 8. & alibi? Multa sæ jam habemus inter nos paulos, qui se gratis dent Ecclesiæ? qui cum illi possint esse oneri, tanquam Apostoli Christi, nolint tamen: sed sint in medio auditorum placidi, ut cum nutrix fovet fetus suos, cupidi impertire illis non modò Evangelium Dei, sed etiam suas ipsorum animas? & qui noctes atq; dies operando, ne quem gravent, prædicent Evangelium? sancteq; & inculpate vivendo unumquemq; tanquam patres filios hortentur, ad ambulandum dignè Deo? (1. Thess. II.) Ubi inquam talis hæc austeritas, frugalitas, parsimonia, opum contemptus? qualem in majoribus nostris laudat Author, Capite XVII. § 22. 23? Ubi prudentia illa, homines ad Christianismi medullam, FIDEM, SPEM, CHARITATEM, ita deducendi, ut rerum in Religione concurrentium essentialium, ministerialium, accidentaliumq; discrimen omnes nostri nôriant? & se non propter ceremonias, sed res majoris momenti, mundi odia, persecuciones, exilia,

mortes, sustinere intelligant? Hinc nimirum tot nostrorum, nostro tempore, apostasia, aut vacillationes: quia cur constando mori etiam, quam nutando vitam, honores, aliq; vitæ præsentis bona redimere debeant, non intelligunt. Non intelligunt autem, quia Pastores officium segniter nectis, aut etiam inerte, faciunt: vividusq; ille Patrum Spiritus filios destituit. Ubi nunc est præsentia illa, Auditores pro diverso captu diverso doctrinæ genere imbuendi? aliter scilicet de rebus divinis informando incipientes, aliter proficientes, aliter perfectos? (Lib. VIII. Cap. 10. v. 11.) Ubi studium, uniuscujusq; è populo iatimas Conscientiæ necessitates noscendi? Concionesq; eorum pabulum suum pro præsentis semper necessitate quaq; ovicula Christi inveniat, dirigendi? Nempe non Auditores jam nobis Postilla sunt (ut majoribus, Christi & Apostolorum exemplo, fuerunt) sed quas concinnarunt alienorum gregum Pastores, in illis nos oberrando, & alienissima sæpè à nostrorum usu, aut præsentis rerum statu, cantillando, aures titillamus verius, quam pascimus conscientias: & miramur sermonibus nostris deesse illam, quæ hominum flectat corda, & transvertat in Deum? Non attonitos jam redditos, non noster audientes (ut olim ipsum Laodicenum, *Phil. § 4.*) sed somnolentos, aut saltem carnaliter, superficialiter, delinquentes. Nempe non in in-

firmi-

firmitate & timore, & tremore multo, prædicatio Christi crucifixi nobis peragitur (hinc nec in ostensione spiritus & virtutis) ut majoribus (& Paulo I. Cor. II. 1. 2. &c.) sed in persuasibilibus humana sapientia verbis, ex arte Rhetorica haustis, quorum cincinnis dum ornare quærimus (aliorum sanè exemplo) Evangelij doctrinam, evacuamus vim crucis Christi (1. Cor. I. 17.)

7. Episcopos habetisne, aut habuistisne posterioribus temporibus, quales ab initio? quibus nempe tantus inesset animas lucrandi ardor, tantaq; felicitas, ut intra paucos annos, & quidem in medijs persecutionibus, tot florentes plantarent Ecclesias? Aut saltem qui quæ à plantatoribus primis acceperant, providè rigando conservare in flore, aut rectè scirent, aut serio studerent? Obeundo scilicet Ecclesiarum visitationes, creberrimè: non dicis causâ, sed serio scandala ubiq; præveniendi, ædificationem undiq; promovendi, desiderio. Eoq; Ordinis fulcra, Ecclesiarum Pastores & Patronos, nutantes confirmando, legnes excitando, exorbitantes in officij orbitam reducendo, omniaq; luxari incipientia reëctitudini & soliditati suæ restituendo: atq; ita non cessando nocte dieq; cum lacrymis monere unumquemq; & commendare Deo & Verbo gratiæ ejus: qualiter fieri debuisset, Pauli exemplum docuit (Act. XX. 19. 20. 31. 32.) & taciturnum à majoribus nostris

T4

fuisse.

fuisse, Lascius testatur (Cap. III. § 16. 27. &c.) Ita ubi non defuit Paulus qui plantaret, & Apollo qui rigaret, non defuit Deus qui daret incrementum (1. Cor. III. 6.) Ubi ergo nihil nisi decremen-
ta videre est, imò ruinas jam, & rùdera Hortuli nostri: quid nisi Plantatorum & Rigatorum de-
fecisse diligentiam, eoq; divinam quoq; illam, incrementa laboribus dare solitam, rece-
nisse benedictionem, dicendum est? Tibi Domine iustitia,
nobis confusio faciet.

8. Patroni Ecclesiarum, Nobilitasq; formi-
turne etiam num qualiter olim? ut plebejos an-
tecedant, non contemnant; quibus imperant, eos
adjuvent, non opprimant; fortunatum suarum
non dominos, sed dispensatores, se esse sciant; sub-
ditorum sudoribus parca non dilapident, verum illi
in gloriam Dei, & proximorum subsidia utendo, in-
opum rationem habeant, à luxuria, prodigalitate,
superbia, inhonestis lufibus, ebrietate, contentioni-
bus, discordijs, alijs vitijs, omnino abstineant, ge-
nerisq; splendorem Virutum splendore ornent?
Talia docenturne, aut commonefuntne, priva-
tim quotannis, ut olim? (Cap. III. 26. & VII.
22.) Omnesne hunc Barones & Nobiles nostri,
ut Domus cujusq; sua Domini Ecclesiola sit, laborant?
Neminemne huius Ecclesie Episcopum agere, ad pre-
ces familiam (absente Pastore) congregare, infla-
mare, votuq; ad Deum conceptis prout pudet? (C.

VIII. §. 13. 14.) Omnesne illorum Dòmos suas à scur-
ris, susurrionibus, adulatoribus, ebriosis, alijsq; in-
quinamentis, repurgatas habere student! ut olim
(Davidis exemplo, Psal. CI.) nostra sub disci-
plina Majores? (Lasc. VIII. §. 15.) Omnes e-
nim tùm Disciplina legibus subjacebant: peccare
impune licebat nemini, nec plus indulgebatur uni
quam alteri. Cap. VIII. 9.) At verò sancta hæc
tempora ubi jam sunt?

9. Auditores ipsi, quantilla nobis horum
superest manus, moribus ab alijs, extra Disci-
pline septa viventibus, differuntne aliquid? Sunt-
ne adhuc Philipenses, gaudium & corona Pasto-
rum suorum? (Phil. IV. 1.) liberalitate in eos flo-
ridi? (v. 10.) aut Galatenses, oculos sibi eruere, &
Paulo tradere, parati? (Gal. IV. 15.) Talem n.
fuisse Unitatis nostræ populum olim, testatur La-
sicius (Cap. IX. 14. & XVII. 17. & XVIII. 7 8.)
Suntne adhuc Thessalonicenses, qui audita ex ore
Pastorum suorum Verba excipiant, non ut ver-
ba hominum, sed ut Verba Dei? (1. Thess. II. 13.)
ipsoq; sicut Angelos Dei, sicut Christum Jesum?
(Gal. IV. 14.) Tales enim fuisse nostros quoq;
laudat idem, (cùm alibi tùm Cap. VI. § 19.)
Suntne adhuc Corinthij illi experimento cogniti,
quod obedientes sint in omnibus? (2. Cor. II. 9.)
Tales n. fuisse nostros, ducum suorum religiose
sequaces, de prædicat passim, Nunc autem quid? Vel

constantiam in agnita Veritate svadentibus, quous quisq; obsecundavit? Et qui hic obsecundarunt, etiamne in alijs, quibus veritatis professionem debitis modis ornent, rebus? Eheu! Pro peccatis habere vitia, nisi tetriora illa quæ Mundus etiam ferre nequeat, nostrates jam nōlunt; nec sibi comestationes, choreas, luxum in vestitu & similia Evangelij (& exilij) dehonestamenta, prohiberi patiuntur.

10. In summa mutati sumus, ut non iidem videamur. Resurges jam Lasiti, imò tu Luthe-re, Melancthon, Bucere, Vergeri, Bucholcere, &c, quàm aliam videretis faciem Ecclesia illius, in qua fraterno charitatis vinculo colligata Ecclesia Apostolica spectastis faciem! Nos autem sanctæ illius majorum simplicitatis hæredes, quid agimus? Nomen retinere sine re pergitur? Utinam quot Ecclesiæ nostræ tribui à tantis Viris vidimus (Excerpto XVI. XVII. XVIII. XIX. &c.) laudes, tot conscientijs nostris inuri sentiamus stigmata! quorum dolor & pudor nos cogat, ut aut esse denuò incipiamus, quod dicimur, **FRATERNA EVANGELICA UNITAS**; aut desinamus dici, quod non sumus! ne nobis aggravemus iudicium, dissipandisq; penitus nobis Deo demus occasionem. Verè enim olim Fr. Lucas, pientissimus ille Episcopus noster, prædixit: Non ab externa hostium persecutione, sed à neglectu Disciplina me-

na me-

na, metuendam esse Unitatis ruinam (suprà Excerpto XIV.) Non hostes igitur dissiparunt nos: sed nosmet ipsi. Nec reliquias perdere poterit illi (Deo quod suum est, adversus omnes Mundi & inferorum furores conservante, Lasiti. VII. Cap. XXXIII. §. 4.) sed nos ipsi nos perdemus certò, nisi resipiscimus.

11. Nam quod nos ab alijs antè segregabat, Disciplina Morum fuit. Doctrinam Evangelij communem cum multis habuimus. Disciplina igitur, Ecclesiæ nostræ anima, si expiravit, cadaver sumus; sepeliendum omninò potius, quàm fovendum, ne fateat. Verūmenimverò sepeliri nondum opus habet, quod ægrum quidem est, adhibitis tamen remedijs sanari potest. Laxata enim licet sint Disciplinae apud nos vincula, nondum tamen soluta, nedum sublata: reparari autem potest, quod amissum non est, luxatum duntaxat est. Ergò nos jam hōc statu insonet vox Dei: Remissas manus, & soluta genua, erigite; & gressus rectos facite pedibus vestris, ut ne quod claudum factum est penitus deficiat, sed potius sanetur (Heb. XII. 12. 13.) Hoc nisi agitis, Vos potissimum qui dispersi gregis Pastores cladibus superestis, audite aliam Dei vocem: *Va pastoribus Israël, qui infirmum non solidatis, egrum non sanatis, confractum non alligatis, abactum non reduciis, quod perijt non quaritis, &c.* (Ezech. XXXIV. 12. Unie-

2. &c.)

12. Unie-

12. Universalis, prorsus universalis emendationis, omnium nostrum, 6. Fratres, in omnibus corruptelis nostris, tempus nunc adest, alia tempora, aliasq; occasiones, ne expectemus: ne deperdere quicquid in nobis reliquum est, perireq; nos ipsos, volumus. Revelavit enim nobis Deus in castigandis nobis finem suum: ut *subjeti ejus scepro, seu virge, redusamur in vincula Fidei* (Ezech. XX. 37.) *Doloresq; immisos Ecclesia, dolores esse parturientis, ad emittendum novos, ad voluntatem Dei regeneratos, filios* (Osee XIII. 12.) Felix igitur partus, qui citò erumpit ad inchoandam vitam novam: infelix (& ut Deus ibidem loquitur, insipiens) qui diu hæret in ore matricis, tardas renasci, & suffocationis periculo exponens seipsum. Renascamur igitur per salutis amorem, ne nos diu parturientis matris dolores diu premant, tandemq; opprimant. Emendemus nos ultro, antequam nos in impenitentes, atq; etiam securitatis somno oppressos Jonas, deserviens ira Dei opprimat.

13. Quæ prima est celeris nostræ conversionis causa, ut ab interitu nos, & reliquias, servemus, si præveniri ultima exersio ad huc potest. Quod si autem eò nobiscum ventum est, ut veluti nimis diu Deo refractarij Jonæ in procellosum mare præcipitandi simus omnes, antequam rebus Ecclesiæ redeat serenitas: ut tamen potius de-

prehen-

prehendamus poenitentes, quàm obstinati; & moriamur reconciliati Deo, quàm iræ obnoxij: excipiendi saltē æternæ salutis portu, si ad vitam præsenrem enatare non contingat.

14. Tandem, siue vivimus siue morimur, ut nihilominus, tamen hoc bonum quod concediderat Deus Ecclesiæ nostræ, conservemus ab interitu, & si possumus, quâcunq; ratione possumus, commendemus Ecclesijs: eoq; vel pereuntes assequamur desideria majorum: ut bonum hoc desinat esse privatum, quorundam tantum peculium, incipiat esse commune & publicum. Reditu ergo solemni unde digressi sumus, etiam morituri, reformemus nos: hoc est, condamus Testamentum, & obsignemus illud morte. Fieri sæpè solet, ut hæres melius bona dispensare sciat, quàm possessor primus, si nimium tenax fuit. Neq; nos Dei consilium, cui interire nos sinat, si interire siverit, scrutari possumus. Hoc scimus: Samsonem plus damni dedisse hostibus moriendo, quàm vivendo (Judic. XVI. 30.) Ipsumq; Dei filium, ut deleteret mortem, voluisse mori testatum, non aliâ ratione naturalium quoq; rerum fieri multiplicationem, nisi ut moriantur semina, horumq; demum morte vitam acquirant nova germina. (Joh. XII. 24.)

15. Nemo igitur cogitet, *Serò deliberari de salute, agro jam expirante: Serò de Candelabro loco*

loco non movendo illo jam dimoto, terra alliso, confrecto, procurationi dato. Potentia enim Dei mortuos etiam vivificare potest, ut in Ezechielis patuit ossibus (Ezech. XVII.) Etiam vasorum, testas conglutinare novit artifex noster, ut ostensum est Jeremiz (XVIII. 1.) Etiam è succiso trunco, producere surculos in Arbores novas surrecturos (Jes. XI. 1.) Et quis scit, utrum nos penitus mortui, Vas penitus confectum, Arbor penitus succisa, simus? Moribundo sanè similem esse Ecclesiam nostram, patet, sed adhuc tamen spiranti; Vasi conquassato, adhuc tamen partibus coherenti; Arbori cujus decissi ac decussi sūt rami, radicibus jam quoq; intentato ictu, cujus tamen & radices hærent, & trunci ramorumq; partes vigent adhuc. Cur ergo desperemus penitus? Etiam Amos Propheta in præveniendâ ira Dei tardior fuit, nec tamen omnino fructu cassè. Vidit n. Dominum parantem locustas, & tacuit: Vidit & emittentem, tacuit. Demùm cùm videret devoratas herbas terræ, exclamavit; Domine Deus propitius esto, obsecro! quis manebit Jacobo? nam parvulus est. Misertus ergo Deus, dixit; Non erit hoc. Audivit eundem Dominum advocantem ignem ad judicium: demum autem postquam devoratam abyssum magnam vidisset, exclamavit, Desiste obsecro! nam quid erit Jacobo reliquum? Misertusq; est Deus, & destitit (A.

tit (Amos VII. 1. &c.) Esto igitur: tacuerimus hos etiam, donec nostra quoq; consumta sunt prata, horti, campi, abyssus: an ideo tamen æternum tacebimus? de iræ Dei sistendo incendio nunquam solliciti erimus?

16. Nemo etiam dicat, *Amisimus Ecclesias,* & quid igitur reformabimus. Non n. quia Ecclesias amisimus, etiam Ecclesiæ decorem amittere necesse est. Reduci decor hic potest, sive in idea Ordinis vera, verè luci exposita: sive in reformatis verè quantilliscunq; Ecclesiæ reliquijs. Etiam ubi duo tresvè congregati sunt in nomine Christi, Ecclesia est, præsentem habens Christum (Matth. XVIII. 20.) Etiam ubi Petrus plures centum viginti hominibus non habet ad convocandum, Ecclesia catholica est, vacantias explendi potestatem habens (Act. I. 15. &c.) *Dispersi sumus?* Non ideo necesse est pietatis studia dispergi? coadunari potius ad solidam Fidem, Spē, Charitatem, omnia. *Sed ad tantam paucitatem redacti sumus?* Etiam si unus super sit, solitudine tamen ejus non minuitur Verbum Fidei: ut olim exprobrantibus dixit, quum solus hæresi non subscriberet, Liberius Episcopus. Quinimò melius inter pauciores, ut alia, ita pietatis studia, coluntur: quia turba, ut alibi ita hîc, turbat; dum pro-niores omnes ad malum, alienis exemplis segnescimus facilius, quàm ignescimus. Hinc illud Scri-

Scripturis Iolemne, *RELIQVIÆ CONVER-
TENTUR, RELIQVIÆ SALVABUNTUR*,
(Vide Ies. X. 22. Am. IX. 8. Zach. XIII. 8. 9. Rom.
IX. 27. & alibi) quasi non possit etiam fieri, ut con-
versio & reparatio fiat, nisi submotâ turbâ, à re-
siduis illis qui relinquentur (vide Ies. I. 4. ad io.)
Addit Deus, Iesaja X. 22. *consummationē* (seu *con-
sumptionem*) *inundaturam iustitiam*. Nempe cum
Deus parcit, securi homines fiunt, & prolaban-
tur: cum verò exercet iudicia, excitantur, & di-
scunt iustitiam (Ies. XXVI. 10.) Discamus igitur
iustitiam nos quoq; qui iudicijs Dei superfluum
consumptio nostri tam horrenda inundet super
nos quoq; iustitiam!

17. Neq; sit qui dicat, *In angustijs versamur
nunc, In angustian. tempus est requirendi Dominum*,
ipsâ castigatione premente nos (Ies. XXVI. 16.) Si
jam non convertimur, quando igitur? an casti-
gationibus exempti? Atqui non eximet Deus nō
convertos? (Ier. V. 7. & alibi.) Aut si etiam (pro
multitudine misericordiæ suæ) eximat, nō erimur
tū conversioni idonei, per alia rursum dilapsi.
Cogitetur & hoc: *Corruptæ rei emendatio non
fit nisi reditu ad principia sua*. Nostra verò Eccle-
sia in persequutionibus fuit nata, crevit, floruit
in pace emarcuit. Reddita ergo angustijs, revivi-
scat: aut resuscitari non posse, nec unquam re-
suscitandam, patebit. Quia formosa fuit inter

tribula-

*tribulationum squalores, similis alis columba dear-
gencata, cujus penna sunt ex auro fulgente Pluma*
*LXVIII.) sed adusta post à tranquillitatis sole, deco-
lorata & fusca facta fuit* (Cant. I. 6.): *reducta*,
igitur nunc jam rursus ad squalores, candescat i-
terum, resumatq; faciem pristinam; nisi *Æthio-
pum atrorem induisse, & pellem mutare jam non pos-
se, videri velit* (Ier. XIII. 23.)

18. Vos gregis Pastores præite cæteris Ex-
emplo, Voce, Disciplinâq; sanctæ prudenti usu.
Si ab Ordine Vestro somnolentiæ, & dehinc cor-
ruptionis, factum fuit initium, fiat & vigilantia,
& ad se reditus. Solet autem à Capite fieri deri-
vatio pravî humoris ad reliqua membra. Ergo
ne per Vos ægrescat Ecclesiæ Vobis commissæ
corpus, Vos ipsi ægrotare primum desinite. Hoc
est, antequam reformatis populum, reformet
Vestrum quisq; seipsum, Conscientiam suam,
Conversationem suam, Contuberniumq; suum,
sive Domum suam: ut omnia ad beneplacitum
Dei composita sint, & Vos conscientiam habeatis
illâsam, grex autem Vester Vos in omnibus ut vi-
vum actionum suarum exemplar intueatur. Hoc
nisi egeritis, omnes reliqui conatus frustra erunt.
Hinc optimus doctor Christus prius capit facere,
quàm docere (Act. I. 1.) dicturus post, *Exem-
plum dedi Votis, ut quemadmodum ego feci faciatis*
(Joh. XIII. 15.) Utq; quos loco suo reliquit Ec-
clesiæ

clenia dicere possent idem iussit eos esse *Sal terra*,
h. e. incorruptos in se ipsis, & conservantes à cor-
ruptionibus alijs (Matth. V. 12.) item esse *Lucem*
mundi, lucereq; ita, ut homines boni eorum operavi-
dentes, glorificent (inuitando) Deum in celo (ibid.
v. 16.) Nisi ergo Minister Christi eodem modo
quod Christus (ipso scilicet intimo affectu, vultu,
oculis, vitâ & operibus) docuerit ea, quæ docuit
Christus, Christi opus agere quomodo dici pote-
rit? Quæ autem illa? *Homini Christiano non esse*
ambienda huius mundi bona. Opes, Voluptates, Ho-
nores: quippe transitoria, in quibus figi non liceat;
& *vaniatis veneno infecta*, quibus sine periculo
frui non liceat: si extendendum esse desiderium in
bona futura, quippe sola solida, secura, æternum du-
ratura. *Neg.* Christiano esse fidendum ulli mun-
dani presidys, sed totum oportere pendere de celo.
Evadendumq; illi ad regulas, non mundi, sed Christi.
Omnes homines diligendo, & omnibus benè cpiando;
etiam malis, etiam hostibus; benèq; merendo etiam
de malè merentibus; benè precando etiam malè pre-
cantibus. *Inurias* declinando potius, si licet, quàm
repellendo: si a. declinari nequeunt, tolerando
non autem retaliando; omnemq; malignum affectum
superando & corrigendo benignitate. *Vitam cor-*
poris non amando nimis, quippe laqueis plenam;
mortem non timendo, quippe quæ nihil in Christum
credentibus nisi ad vitam meliorem transitus est. &c.

Hæc

Hæc qui factis docet, verus Christianus doctor
est, in veram Christi imaginem homines trans-
formare gnatus.

19. Addenda tamen sunt factis Verba, tan-
quam Exemplis illustrandis Regulæ. Ergo totum
Concionatorium opus eò tendat unice, dilecti,
ut parturiatis Deo filios, donec formetur in illa
Christus (Gal. IV. 19.) aliò si quis collimat, aber-
rat à scopo, & rem agit quæ ignis examen non
sustinebit. Felices hic etiam Apostolorum imi-
tatores, patres nostri, bono nos collocarunt fun-
damento, super immortâ rupē CHRISTUM: nec
fundamento huic superadificare docuerunt Opi-
natiuncularum, aut Ceremoniarum, fœnum &
stipulam; sed purissima Fidei aurum, fulgida Cha-
ritatis argentum, in confusq; & inconfundenda Spei
gemmas. Ergo si quid se antehac stipularum hu-
mana imprudentiâ admiscuerat, id probationum
igne exustum iam esto: iterum ad aurum, argenti,
gemmarumq; superadificationem revertamur. Sin-
exuremur ipsi quoq; iusti furoris Denigne. Nec
propter nos, culpâ nostrâ pereuntes, Christo de-
peribit quidquam sui: cui solemne est rebellante
semper Mundo, semper tamen extendere Eccle-
siæ regnum, nobis quâ id virtute fiat ignoran-
tibus.

20. In eodem autem Concionatorio opere
mementote Fratres verborum Dei ad Jeremiam:

V.

Sis

Si separaveris pretiosum à vili, sicut eos meumerba, Convertentur illi ad te, & tu non converteris ad eos (Cap. XV. 19.) Hoc est, si non humanæ sapientiæ quisquilias protuleris, sed è thesauris meis pretiosa, addam ego verbis meis pondus, ut non obistere valeant spiritui loquenti; quinimò converti necesse habeant, &c. O dilecti, quantum est quod hic promittit Deus? Quis non optet esse *dei*? Esse autem potest Vestrū quisq;: modò nomine Dei non alia proferat verba, quàm profecta ex ore Dei (Ezech. III. 17. & XXXIII. 7.) Ubi autem unq; nisi in Scripturis loquitur Deus? *Scripturas igitur divinas Vobis facite Pandectas Vestras, Thesaurusq; tam sapientia quàm eloquentia Vestra?* Loquantur alij, si volunt, phrasi Ciceronianā, Demosthenianā, & quibus volunt: Vobiscum Mose, Davide, Jesajā, Petro, Paulo, Christo loqui, perpetuum sit, juxta regulam, *Si quis loquitur, loquatur ut eloquia Dei*, (1. Pet. IV. 11.) h. e. divina tantū verba, divinā tantū intentione, divino charitatis fervore, proferat: divinam expecturus in convertendis hominibus virtutem. Verbum n. Dei, rectè adhibitum, *Ignis est, exrens humanarum vanitatum paleas: & Malleum conterens atq; conquassans duri humani cordis petra* (Jer. XXIII. 29.) Quæ omnia eò tendunt, charissimi, ut præ omnibus humanis scriptis divini majorū exemplo, ametis: omnia vestra dogmata

sententias, phrasas, verba, apices, inde haurientes. Et sentietis spiritus divini ad vos redeuntem, & per vos quicquid libuerit operātem, vim, (Jes. LV. 10. 11.)

21. Etiam rogandi estis, ut à polemicis ad populum Concionibus, uti ante hāc, ita post etiam, abstinere velitis. Infeliciter mos iste à pruritu ingeniorum invaluit alibi, ut diligentius dedoceant, quàm doceant; operosiusq; destruant, quàm struant; & libentius odia instillent, quàm dilectionem: contra Christi & Apostolorum exemplum, & cum evidentissima pietatis noxa, & charitatis Christianæ in populo Christiano extinctionione. Vobis hic etiam Patrum nostrorum pia simplicitas, & simplex pietas, verèq; Pastoralis indoles, imitanda est: qui maluerunt simplices mansuetarum Ovium esse Pastores, cum Jacobo; quàm subtiles ferarum Venatores, cum Elavo. Maluerunt cum Salomone ædificando Dei Templo navare operam, quàm cum Davide præliari: (tametsi Domini bella viderentur, quæ alibi alios contra alios sine fine continuare viderunt.) Maluerunt rixarum scintillas & fomenta neglectu suffocare, quàm intempestivi zeli ventum afflando incendia excitare, aut fovere. Maluerunt inter suos fraternæ concordie triplicatum funiculum, non facilè rupendum, contexere, quàm cum alijs funem infaultæ contenti-

quis,

onis, à Christo suis prohibita trahere. Maluerunt deniq; luos circa Arborem Vitæ continendo, permittis bonæ Conscientiæ voluptatibus laetare, quàm circa Arborem scientiæ boni & mali circumduciendo, veritatis curiosarum quæstionum delictis pascere. Lubentes ignorare voluerunt ea, quæ sunt *Cathedra Scholastica*, ijs quæ *Cathedra Ecclesiastica* sunt contenti: opinatiq; Deo magis placere credulum cor, quàm curiosum caput; confictari homines docuerunt non cum alienis erroribus, sed cum proprijs virijs: certi, *Christum* extremo illo die, non quid hic didicimus, sed quid egerimus, exquisiturum (Matth. XXV. 35 &c.) ut referat unusquisq; quæ gessit in corpore siue bonum siue malum: hominibus igitur timorem suaserunt (1. Cor. V. 10, 11). In summa, sufficere sibi credebant imitari Paulum, omnia præter Christum in cistum ignorare optantem, hunc solum suis ob oculos depingentem (1. Cor. II. 2. Gal. III. 1). Hoc igitur & Vobis sufficiat: ita veris veri Christianis, in doctoribus futuris.

22. Nec verò tantum docere Evangelium abe vivere secundum Evangelium, sed & urgens vestros ad convertendum dignè Evangelio (1. Thim. 2. 6.) debetis, qui potestatem ad redigendum omnia adsequum Christi accepistis (1. Cor. X. 4. &c.) Remissi hic fuistis nonnulli, hominum metu omnia conniventes: excitare Vos. Alij, quid ve-

ra Dis-

ra Disciplina sit ignari, tetrica quâdam severitate omnia expedire voluistis: corrigite Vos. Utroq; modo, ut alibi ira hic, peccatur, *defectu & excessu*. Disciplina nulla, laxat & luxat omnia, licentiaq; peccandi portas pandit: quia ubi licet quod libet, libet plerumq; quod non licet. Severior autem iustò Disciplina, violentiam exorquens obedientiam, spontaneæ pietatis inimica est, facitq; aut hypocrisis, formidine duntaxat peccare metuentes; aut obstinatos, poenas contemnentes, & ne has extimecere habeant necesse, Ecclesiam ubi Disciplina vigeat deserentes. Ubi ergo Disciplina nulla est, Ecclesia senum labascit; ubi nimia & violenta, violenter dissipatur: atq; sic utroq; modo perit. Vos igitur dilecti habete *Salem in Vobis*, sed & habete *Pacem inter Vos*: utrumq; mandante Christo, Marci IX. 50: hoc est, habere Disciplinam in Vobis, sed talem quæ pacem afferat Conscientijs, non turbas, non violentiam, non odia, non dissipationem. Et quæ id unicuiq; fidelium sit, quod eam esse scripsit Beatus Cyprianus: *Custos fœi, Retinaculum fidei, Dux itineris salutaris, Fomes ac nutrimentum bonæ indolis, Magistra virtutis*: quæ nos faciat in Christo manere semper, ac iugiter Deo vivere, & ad promissa celestia divinæ præmiâ pervenire: quam & sectari salubre sit, & avversari ac negligere leiabile. (Cyp. libro de Disciplina & habitu Virginitatis.)

23. Ta-

23. Talis autem esse non poterit, nisi ad exemplar Apostolicæ, tum mansuetudinis tum severitatis, composita. Qvalis autem illa fuit? Id è Paulinis Epistolis imprimis discendum venit; observando quàm ille (non minoris esse virtutis sciens, parta tueri, quam parasse) quoscundq; per Evangelii Christo genuerat, pari studio ad Christum perpetuò revocans, jam Apòstolicâ auctoritate sæviat, corripiat, objurget, minitetur deniq; ac terreat; jam paterno affectu blandiens, exhortetur & obtestetur; necessariæ reprehensionis acrimoniam laudis admixtu leniens, & sapientum Medicorum exemplo amarum absinthij pharmacum prælito melle condulcans, ac singulis malis singularia quædam, singulariter opportuna, remedia admovens. Ita nusquam non Christi negotium agit, nusquam non gregis, sui commodis consulit; fidi Medici ritu nullum remediorum genus non adhibens, quò perfectam suis restituit sanitatem. Ut verè tandem gloriari possit, se in omnibus functionis suæ partibus nec se, nec sua quævisse, sed salutem eorum, *quorum non padagogum egit, sed patrem.* (2^a Cor. IV. 15.)

24. Vos ergò charissimi mementote, datâ Vobis potestate similiter utendum esse, *ad adificationem, non ad destructionem* (2. Cor. XIII. 10.) Quod esse non poterit, nisi illâ utamini, *I. Purè, sine affectu, in alios sic in alios aliter inclinante:*

se

sed quemadmodum Sol cœlestis omnia inferiora ijsdem radijs inquetur, ita Vos in omnes Vobis creditos pariter affecti, communi omnium salutis pariter in vigilate: ne ullis in grege vestro factionibus, aut diffidijs, vel mutuis diffidentijs, occasio relinquatur, nedum per Vos ipsos suppeditetur. 2. *Prudenter & circumspèctè*, secundùm rerum, personarum, temporum, circumstantiarumq; necessitates; severitate, aut rursùm blanditiæ, jam intensâ jam remissâ. Iterùm ad Solis cœlestis imitationem: qui non semper clarè fulget, & blandum ostentat vultum; etiam caput obvolvens nubilo, pluit aut ningit, aut grandinat, tonat, fulminat. 3. *Constantè* deniq; non cessando per fœcordiam in attentionis opere; ad quasvis corruptelas, & corruptelarum occasiones præveniendum potiùs, quàm violenter emendandum: imitatione rursùm cœlestis Solis, inferiorum omnium moderatoris. Qui abdat se licèt quotidie sub terram, quietem nobis concessurus: redit tamen quotidie, nos ad munia revocaturus, Abscedat licèt à vertice nostro quotannis, requietem itidem Terræ, ad roborandum se, daturus: redit tamen quotannis, ad vegetabilium generationem eam reducturus. Ita conservatur Mundi vita: ita conservari necesse est. Ecclesiæ vigorem; indefinenti Vestrà, qui illi Soles dati estis, vigilantia.

V. S.

15. Vos

25. Vos deniq; *populus noster*, quantillocunq; superestis nūmero, iuvate sanctum hoc *Regenerationis* nostræ promovere opus, obsecramus Vos omnes. Peccavimus enim omnes, sup̄ quisq; loco: respiciamus ergo pariter omnes, suo quisq; loco: ut propitius omnibus nobis Deus, auferat ab omnibus iram suam. Commonet aciendi autem estis, omnia fraternæ nostræ Unitatis membra: Quomodo rebus nostris hucusq; deductis gerere se nostrum quisq; debeat.

I. Erga seipsum, in Christiano suo.

II. Erga Confratres, eadem adhuc (miserè persequutionum undis conquassata) navicula nobiscum veherentes.

III. Erga alios fratres Evangelicos, eorumq; Cœtus.

IV. Erga illos, qui sibi nos scopum fecerunt, ad quem collimando, & quem impetendo, evertent.

V. Erga Deum deniq; talia nobis immittentē.

26. Ante omnia, charissimi, non immerito omnes Vos oramus, ut ne quem tam pulchris eloquijs decorata Ecclesia membrum esse pœnitiat, vel pudeat: tamen si laudibus illa suis minor facta sit. Redeundi enim ad amissum decus stimulus erit, gratiam Dei nobis olim factam æstimate dignè. Dabine, ut primum esse in Corpore hoc membrū summa ope angetur quicq; vauis alioqui futurus, et

q; maiorem ignominiam & iudicium, reportaturus. (Quid autem sit esse inter nos, aut dici fratrem & sororem Christi, dictum est suprà, §. 3.) Tum ne quis sibi inuideat in hac Ecclesia, & cum illa, passionum Christi esse consortem: quæ gloria nostra sunt, quibus id gratis datur dono Dei, ut digni habeamus non tantum credere in Christum sed & pati pro illo. (Phil. I. 29.) Nec igitur moveatur quūquam in tribulationibus istis, quum in hoc positi simus (1. Thess. III. 3.) tamen si maiora etiā perferenda sint pro spe gloriæ; aut non invenendus sit afflictionū finis nisi non alteravita, ad quā vocati sumus; quū non propter hanc præsentē spe remus in Christum (1. Cor. XV. 19.) Cavete tantum charissimi, ne coronam martyrij Vestri commaculetis indigna martyribus vitia. Desinite Christianismum vestrum dedecorare (quem admodum nonnulli capistis domi, & continuastis in exilio.) Religionis frigore, & ad mundanarum rerum confectionem calores intemperantiā item, fastu, & erga invicem asperitate; fucati veriùs, quàm veri, Christi fratres. Discamus, o discamus jam tandem post deflagrationem stipularum nostrarum, quærere solida, non fucum; & non hære in Religionis cortice, sed penetrare ad ejus medullam. Fidem veram, per Charitatem efficacem, & Spem ad cœlestia sese erigentem, terrena proculcantem. Ut Fides nostra veritatis lux cœ-

stem habeat Vitam nostram: Vita autem per jugem Pœnitentiam, & in cruce Patientiam, ostendat Innocentiam nostram, lætæ in Deo exultationis fontem: *Quicumq; relictus fuerit in Sion, & residuus in Jerusalem, sanctus vocabitur* (Jes. IV. 3.)

27. Quantum ad alterum, utinam Apostolicum illud usurpare liceat, *De Charitate in fratres non necesse habemus scribere vobis; ipsi enim vos à Deo didicistis, ut diligatis invicem* (1. Thesk. IV. 9.) Et quæ sint mutua eorum, qui in eadem vera Ecclesia vivunt, officia, exemplo membrorum in eodem vivo Corpore connexorum docuit Apostolus (1. Cor. XII.) *Concordia nimirum decet omnes: ne sibi invicem ulla Dei dona invident; ne se invicem ullam ob causam odio habeant, mordeant, premant, injurijs afficiant: mutuam potius in omnibus ædificationem sollicitè quærant.* Id quod fit, *ignaros docendo, ignavos exhortando, aberrantes revocando, lapsos erigendo, delinquentes increpando, maestos consolando, & quævis alia aliorum opera portando, & sic legem Christi adimplendo: benefaciendo etiam reipsa maximè domesticis fidei,* inquit Apostolus (Galat. VI. 2. 10.)

28: *Quid autem cæteris? Nostrum est, dilecti, omnes diligere, omnibus benè velle, omniumq; commodis, quantum datur, servire. Hominibus, quia homines; Christianis, quia Christiani; Evangelicis quia Evangelici sunt.* Utq; proximus vel

exem-

exemplo, vivamus inter homines ut homines, non ut belluæ; inter Christianos ut Christiani, non ut pagani; inter Evangelicos ut Evangelici, non ut Pharisei. *Quantum ad hos in specie, infelici (ehèu!) jehisinate disiectos: si non reducere in concordiam possumus utrosq;, concorditer saltem vivamus cum utrisq;, majorum exemplo.* (Nec enim quorum conciliare non possumus amorem, eorum asperare odia Christianum foret.) Maluerunt majores nostri vivere secundum Fidem, quam altercari de fide: quod rem sine exitu esse monuerunt, nosq; id verè fuisse prædictum, alterius jam seculi exemplis docti sumus. Non enim tuba tæ, sed fixæ sunt, lectæ; auctæq; rixandi materiæ, dum non obstabatur principijs; & multiplicata atrociter odia; irritatus etiam DEUS, & devocata cælitus pœnæ. Utinam resipiscant, à quibus hæc peccatum est! Quodd si nōlunt illi, at nos; apud quos jam ab initio non fuit sic. Ergo neq; nunc sit: nec unquam. Acculat quidem nos altera pars, degenerasse nos à Patrum vestigijs, non esse eosdem quibus Lutherus fraternitatis dextram junxisset. Quod equidem agnoscimus ac deploramus: at non sensu illorum, qui nunc ista contra nos eò torquent, quod non ejusdem Evangelij consortes odijs prosequi eos juvemus, (id enim nec majores fecerunt); sed quod pietatis studia, tam ferventer illis culta, apud nos refrigerunt; & ob quod

quod illi Viris sanctis amore (partim etiam admiratione) digni visi sunt, id in nobis conspicuum non amplius est. Premendo nihilominus majorum vel eminens vestigia, eò nos, ut alienæ scientiæ vel conscientiæ nos constituamus magistros, abripi ne patiamur.

29. Imò ne intricari quidem controversis adeoq; non audire etiam contradictionum strepitum, tutissimum fuerit. Quia disputationes istæ (de illis nunc loquor quæ Evangelicis intercedunt, Lutheranis & Calvinianis, ut dici volunt) sunt res, primum inutilis; secundo illicita; tertio noxia. Inutilis, quia ad Christianismum nihil confert. Illicita, quia à Spiritu Christi prohibita. Noxia, quia cum iactura melioris boni conjuncta. De singulis dicendum explicatius.

30. Christianismi cardines divina Sapientia posuit tres, *Fidem*, *Charitatem*, *Spem*. Hæc tria ab omnibus salvandis requiruntur, præter & ultra illa nihil. *Fidem*; ut quicquid revelavit Deus, firmiter credatur. *Charitatem*; ut quicquid mandavit, alacriter obeatur. *Spem*; ut quicquid promissit, fidenter, & cum exultatione, expectetur. Hanc esse omnem divinæ revelationis, coeque viæ salutis, summam, patet ex universis Scripturis: in quibus nihil uspiam reperire est, quod non ad hæc tria referri possit, referriq; habeat necessesse. Videantur loci, ubi tria hæc junctim existant.

1. Cor.

1. Cor.

1. Cor. XIII.; Ephes. I. 15. 18. 1. Thess. I. 3. & v. 8. & 1. Thess. I. 3. 4. Coloss. I. 2. 5. Tit. I. 1. 2. 1. Pet. I. 3. 5. 8. Item 21, 22. Jude v. 20. 21. Act. XXIV. 14. 15. 16. imò & in formula Fœderis, cum fidelium patre Abrahamo in iis, Gen. XVII. 1. cum adjuto versu 1. Caput XV. Jam autem ad Fidei firmitudinem quid quæto confert, articulos Fidei in minutas quæstiones confidi? in varios inde elici possibiles sentes discerpi? deindeq; illos ipsos diversos sensus, in conspectu mentis inter se committi, collidi, conquassari? An ut melius; quid verum sit aut non sit, pateat? Ajunt. Atqui nihil facilius est, quam tenuissimas etiam columnas quassando vacillare: evidentissimas etiam veritates contradicendo in dubium deduci. Nec enim ulla Veritas esse potest tam clara, quin sophismatum nebulis involvi, eòq; infirmari, queat: nec ulla Disputatio tam sacra, quin studium vincendi ad sophismata deflectere, falsisq; veri colorem affricare, sudeat. Atq; tum fidei simplicitati, qualem requirit Deus, quid fiet? Certè pro fide opiniones prodire necesse est: credendo aliquid, non quia Deus dicit, sed quia rationi consonum videtur. Sapienter Erasmus: Olim credebatur Philosophia Christiana, non disputabatur. Et pia simplicitas hominum, sacrorum Voluminum oraculis erat contenta. Nec egebat varijs præscriptis ulro prævia charitas, OMNIA CRE-
DENS,

DENS, NUSQVAM HÆRENS. Ecce, sancta priscorum Christianorum simplicitas, Omnia credere, nusquam herere! Ad quam auream Fidei simplicitatem, optandamq; securitatem, si revertimur, theatricis illis de Fide digladiationibus quid opus? De quarum origine, usq; & obulu, ita pergit Erasmus ibidem (præfatione in Paraphrasin super Epistolam ad Ephesios): Mox Theologia patrociniū capeſſebant humanis instrumēti disciplinis, sed fermē his, quas hodie Rhetoricas vulgus appellat. Paulatim magis ac magis adhiberi capit Philosophia: primū Platonica, mox Aristotelica. Captum quari de multis, quæ vel ad mores, vel ad celestium rerum speculationem, pertinere videbantur. Quæ res primū visa est, propemodum necessaria. Ac sensim eō succrevit, ut pleriq; neglecta linguarum ac politioris literaturæ peritiā, imō neglectis divinis voluminibus, in curiosis, supervacaneis, & immodicis quæstionculis, velut ad Syreneos scopulos consenserent. Jam ars esse capite Theologia, potius quā sapientiā: theatrica verius quā ad veram pietatem accommoda. Hanc præter ambitionem, & avaritiā, viciarunt aliæ pestes, adulatio, contentio, ac superstitio. Quibus rebus ubi tandem eō ventum est, ut Christus ille purus, propemodum esset obrutus humanis argutationibus, at impidissimi quondam evangelica doctrina fontes, Philistarum scrobe, oppleti, divinaq; scriptura cor-

2255

visima regula, nunc huc, nunc illuc detorta, nostris serviret affectibus magis quā gloria Christi, quādam piā certē mente conati sunt orbem ad pristinam studiorum simplicitatem revocare, atq; à lacunis jam fere turbidis, ad vivas, illas ac purissimas scatebras reducere. Rectē igitur idem alibi (præfatione in Johan.) Hac (revelata scilicet divinius mysteria) simplici fide tenerē, vera Christiana philosophia est: hæc puro corde venerari, vera religio est: per hæc tendere ad celestis vitæ meditationem, pietas est: in his perseverare, victoria est: per hæc viviss, summa felicitas est.

31. Præsertim, quum articulis, quos inter se disceptant (infelici quādam sorte huc delati) Evangelici, nihil tantis dissidijs dignum inesse, pridem deprehenderunt pientissimi Viri (Bucerus, Melancthon, alij) nostriq; cum illis majores. Convenit enim in illis ipsi articulis fundamentaliter, utriq; parti: si modò incidentibus oblique quæstionibus semetipsos implicare, & suspiciōse alij alios exagitare, non induxissent animum. Nam tametsi circa quædam explicanda mysteria diversis, ac veluti contrarijs, utuntur loquendi formulis: postquam tamen utraq; pars plenius mentem explicavit suam, aut coincidunt revera in eundem sensum, aut tam propè distant, ut differentia notari vix possit. Si deniq; realis differentię superest alicubi aliquid, illud in modo

X

quorun-

quorundam mysteriorum est: quem quum Scriptura tam profunde, ac nos erutum volumus, nō detegat, etiam detegendum non esse credere, & curiositatem cohibere, debebamus. Nempe si mysteria Fidei nostra mysteria sunt, velamenta illorum non tolli ex toto, penitusq; intelligi omnia, oportet; nihil alioui relinqueretur credendum, si intelligerentur omnia, 1. Cor. II. 7. 1. Tim. III. 9. &c. Inter virtutes Grammatici est, nescire quaedam; dixit Quintilianus. Verius hic; Inter virtutes Theologi est nescire quaedam; adorare potius, & edocti servare, Schola.

[Nequis autem discordium istorum Fratrum ægrè ferat; Controversias suas extendari; aut nos tam esse tardos, qui fixarum suarum mysteria non intelligamus, existimet: ad speciem venire, & inutilitatem contentionum istarum, demonstrare non gravabor: idq; Veftri in gratiam, o Vos nostri, ut anxios in cassum labores commiseremini, & Vos talibus non distrahi gaudeatis.

I. De Baptismo utriq; secundum Scripturas fatentur, esse lavacrum regenerationis (Tit. III. 5:) per quem conspelimur in mortem Christi, ut quemadmodum ille surrexit à mortuis per gloriam Patris, ita nos in novitate vita ambulemus (Rōm. VI. 3, 4.) Atq; sic nos per Baptismum induere Christū, ut simus filij Dei per Fidem (Gal. III. 27, 36.) omnes unum corpus in Christo (1. Cor. XII. 13.) Et quod nos Baptismus salvos faciat, non carnis ablutione, de sordibus, sed Conscientia bona stipulatione coram

Deo

Deo (1. Pet. III. 21.) Quid his deest, si non ad curiosas quæstiones; quæ occultā virtute Baptismus id in nobis agat, descendendo, potius ut agat, solliciti simus? O quā præstaret operam dare, ut Virtus Baptismi se exferat is omnibus nobis! ut saccati Christo, & abluti à sordibus, immaculatos nos conservemus à mūdo; induitiq; Christum, ambulemus in novitate vitæ, omnes unum corpus in Christo! &c. &c.

II. De Cæna Domini omnes fatentur, Carnem Corporis Christi, pro nobis in mortem traditi, esse verum cibum; & sanguinem ejus, pro nobis in remissionē peccatorum fusum, esse verū potum. Quo cibo nisi quis cibetur, & potu potioneetur, habere non posse vitam æternam; eos a qui edunt & bibunt consubstantiari Christo, ut cum illo unum fiant corpus, unusq; spiritus: ut quomodo Christus vivit per Patrem, ita ille vivat per Christum (Joh. 6. v. 52, 55, 53, 56, 57, 58.) Atq; hoc cælesti pabulo pasci nos in sacrosancta ejus Cæna: ubi Panis, quem frangimus, est communicatio (seu communio) corporis Christi; & Calix cui benedicimus, est communicatio corporis Christi, Apostoli testimonio (1. Cor. 10. 16.) Quin secundum Christi edictum, Panis est corpus ejus, & Vinum sanguis ejus (Matth. 26. 26, 28.) Ideoq; Mensam hanc esse magnum mysterium, ad quod non nisi magnā reverentiā & pietate accedendum sit (1. Cor. 11. 28.)

X 2

Ea

Ecce credunt omnes! Utrum autem assumatur Corpus & Sanguis Christi ore tantum Fidei, an etiam ore Corporis, quid inquiri, eodq; opinionibus distrahi, opus? Semel novimus, Christum carnales in hoc mysterio cogitationes contempnissse (Joh. 6. 63.) Et confitentur utrinq; *Oralem manducationem non salutare*: quia expressè Apostolus, *quos dñs sibi manducare judicium* (1. Cor. XI. 29.) Rursus tamen novimus, *Corpora quoque nostra esse membra Christi, & templa Spiritus sancti, redempta magno pretio* (1. Cor. 6. 15. 19, 20.) Ah cur frui hoc prædulci mysterio ad intimas animæ suavitates non sinimus alijs alios, quàm optimè quisq; potest? Confratribus nostris, quibuscunque Christianis, quomodo sua illi inde hauriant solatia, liberum relinquendo. Si quis hinc in simplicitate cordis aliquantò plus, aut aliquantò minus, quàm oporteat, credit, aut sperat; cur non sufferimus nos, sicut Christus omnium nostrum infirmitates tolerat? *Nemo se constituat alterius Fidei magistrum, ne majus judicium sumat: in multis enim offendimus omnes* (Jac. 3. 1, 2) Præsertim in præsentī mysterio offendere alijs alios, ca vere debebamus, quum illud à communi hominum amatore eò fine, ut amoris vinculum esset, institutum sit. Quod quia satan, scelestus ille & perpetuus contra Deum machinator, ita pervertit, ut ex amoris inter nos vinculo dissidiorum

aniam

ansam fabricare, potuit, omnes nos ingemiscere, tristari, & ut tandem non satanæ maledicta, sed Christi sancta intentio obrineat, omnibus viribus anniti, conveniebat. Nec tam sollicitis esse nobis, *quomodo adsit Christi corpus*, quàm dare operam *quomodo tantum hospitem excipiamus dignè*: ne quomodocunq; acceptus, indignè tamen acceptus, pro absolutione nobis judicium, pro vita mortem, ferat.

III. *De Persona Christi*, communis Salvatoris, piè utrinq; secundum Scripturas creditur, *Deum & Hominem esse, una in persona Immanuel, Θεὸς ὑμῶν* (Matth. 1. 28.): *cui data sit omnis potestas in Cælo & in Terra* (28. 18.) *ut in nomine Jesu Omne genu flectatur* (Phil. 2. 10.) Utrinq; etiam solatio sibi contra satanam & inferorum portas credunt, *Salvatorem nostrum nobiscum esse ad finem usq; sæculi* (Matth. 28. 20.) Totum inquam Christum, Deum & hominem: quia distractum Christum nemo cupit. Utrum verò Humanitas, æquè ac Divinitas, ubiq; præsens sit, ea de re cur verba facimus? Cur inquam quæstiones nobis movemus, quas non movet Scriptura? Christum, Deum illum & hominem, datumq; Cælo & terræ judicem, ubiq; adesse, omniaq; intueri, ac regere, Scriptura docet, sed de alterutra natura seorsim ita loqui, Scriptura non docet: nec etiam in tremendo hoc Unionis, hypostatice

mysterio.

in yficio intelligere omnia; nostrum est: quia sublimitatem divinæ essentia, & profunditatem mysterij manifestati in carne Dei, perscrutari quis confidat? (Psal. 139. 6. 1. Tim. 3. 16.) Melius comedere multum, non est bonum: & scrutator majesticæ opprimitur à gloria. (Prov. 25. 27.) Utinam vereri potius ubiq; præsentis oculos, quam quomodo præsens sit litigare, animum inducamus!

IV. De Prædestinatione eò minus homines litigare conveniebat, quòd imperscrutabilior abyssus sunt iudicia Dei. (Psal. 36. 6.) Nam cogitationes ejus de nobis mirabiles sunt. (Psal. 40. 7.) Quoniam tamen illa etiam abyssus in Christo detecta est, rectè hîc etiam, atq; unaminiter, utrinq; consentitur, quod secundum scripturas credunt. Nempe (1) Omnes nos in Adam esse lapsos, Rom. 5. 12. (2) Deum omnium misertum, Rom. 11. 32. (3) Misisse Filium, per quem sibi reconciliaret Mundum, 2. Cor. 5. 19. (4) Ut quicumq; in eum credit, ne pereat, sed habeat vitam æternam, Joh. 3. 16. (5) Et oq; solos credentes, omnes tamen credentes, salvari, (6) Fidem autem esse donum Dei, Eph. 2. 8. (7) Et quoniam Deo opera sua nota sunt ab æterno, Act. 15. 18.) prævidisse Deum ab æterno, quoniam futuri sunt credentes. (8) Quos itaq; præsciuit, eos prædestinasse, conformes fieri imagini filij sui, Rom. 8. 29. (9) Deditq; Christo, ut oves Pastori, ut ne quis co-

rum periret, Joh. 6. 39: & 10. 15. &c. (10) Honorumq; nomina scripta esse in Cælis (Luc. 10. 20.) in Libro vite, (Phil. 4. 3. Apoc. 3. 5: & 21. 27.) Hæc ecce omnes credunt.

Dux tantum supersunt quæstiones controversæ. Prima: Absolutène voluntate Deus elegerit, quos voluit, & præterierit quos voluit? an vero in Hominibus ipsis differentias observârit, cur hi eligendi, illi rejiciendi, forent? Atq; hîc elij respondetis cum Christo: Confiteor tibi Pater Domine cæli & terræ, quia abscondisti hæc à sapientibus & prudentibus, & revelasti ea parvulis. Ita Pater: quoniam sic placitum est ante Te (Matth. XI. 25.) Et cum Paulo: Non volentis est nec currentis, sed misertis Dei. (Rom. IX. 19.) Illum autem cui vult misereri, & quem vult indurare (v. 18.) quia sicut Figulus potestatem habet in lutum, ut ex eadem massa faciat aliud quidom vas in honorem, aliud in ignominiam (v. 21.) ita Deus in nos (Jer. XVIII. 6.) Alij rursus cum Apostolo respondentis: Deum, nolle aliquos perire, sed omnes ad penitentiam reverti (2. Pet. III. 9.) & salvos fieri (1. Tim. II. 4.) Et cum Christo: Jerusalem Jerusalem, quoties volui congregare filios Tuos, & noluisti (Matth. XXIII. 37.) Item ex ore DEI: Vivo ego, dicit Dominus, nolo mortem impij, sed ut convertatur & vivat. (Ezech. XXXIII. 11.)

Alteræ quæstio est: Possintne semel electi, &

Libro vita inscripti, gratia Dei finaliter excidere, & Libro vita deleri, necné? Ubi rursus diverse respondetis. Alij ex Apostolo: Qui stat, videat ne cadat. (1. Cor. X. 12.) Item: Cum timore & tremore operandam esse salutem. (Phil. II. 12.) Et quod David inimicis suis optat, ut ex libro deleantur. (Psal. LXIX. 33.) Alij rursus cum eodem Apostolo: Firmum stat fundamentum Dei, habens signaculum hoc: Novit Dominus qui sint sui. (2. Tim. II. 19.) Et: Deum donorum suorum, & vocationis, non penitere. (Rom. XI. 29.) Item ex ore Christi: Ego Ovis meis vitam aeternam do, & non peribunt in aeternum; nec eos quisquam rapies de manu mea. (Joh. X. 28.) Hac enim voluntas ejus est, qui misit me, Patris, ut omne quod dedit mihi, non perdam. (Joh. VI. 39.) Electosq; virtute Dei per fidem custodiri ad salutem. (1. Pet. I. 5.)

In hoc ecce articulo dissensio videtur maxime notabilis: videtur tamen magis quam est. Scriptura enim sic in utramq; partem loquuntur: verè autem loquuntur, dictante ubiq; illo Veritatis spiritu, qui à seipso dissonare nunquā potest. Si ergo dissonantia aliquid esse videtur, id culpā caliginosæ mentis nostræ, quæ illa velut oppositè sibi dicta reconciliare nescit, ita videri statuendum est. Quum itaq; utraq; pars, quod ad prædictas quæstiones respondet, ex Scripturis responderet, possent id in se invicem ita tolerare.

quomo.

quomodo utraq; illa dicta in Codice sacro utraq; pars tolerat: si modò charitas esset, & bona de invicem perivasio: non scienter volenter nimirum dissentire aliquem à Veritate, nec datā operā adulterari Verbum Dei, sed ex sinceritate, & sic ex Deo, coram Deo, in Christo loqui, quod loquitur. (2. Cor. II. 17.) Me quod attinet, de utrisq; id sentio ex sinceritate, & tanquam ex Deo, & coram Deo, ita quemq; sentire & loqui, uti sentio & loquitur: quia in utrisq; finem bonum, cur potius sic quam sic sentiant & loquantur, video: (si quid aliter alicubi se habet, iudex & vindex erit Deus.) Etenim qui loquutiones illas, Deum simpliciter quos vult electione præterire, audire horrent; manifestum est facere id metu, ne misericordia Dei blasphemetur: malunt itaq; sentire & loqui, paratum fore Deum omnes admittere, Homines autem nolle. Alteri rursus audient ita loqui: quia quomodo à tot apertis Scriptura dictis dissentire liceat, non vident. Vident potius adaperiri nobis in horrorem imperscrutabilis justitiæ, sapientiæ, & disponendi de Creatura sua absolutè, liberi arbitrij divini impene- trabilem abyssum: metuentes ab altera parte, ne, si, electionem suam non uni misericordiæ Dei transcribant, ingrati reperiantur in eandem. Quoniam expressè Scriptura: *Prædestinatos esse nos in adoptionem Filiorum, per Jesum Chri-*

Xs

sum.

sum, in ipsum, secundum propositum voluntatis suae, in laudem gloriosae gratiae suae, in qua gratia sibi acceptos effecit &c. (Eph. I. 5. 6.) Item, Nos gratia salvari per fidem, & id non ex nobis; Dei enim esse donum: Non ex operibus, ne quis gloriatur (Ephes. II. 8. 9.). Et quia deniq; efficacius pietatis incitamentum videtur, adeoq; praxi deprehenditur, si statuatur, Deum in nobis quos elegit, nihil pra illis quos dereliquit, videntem, elegisse tamen, ideo quia, sic complacitum est illi (Matth. XI, 26.) ad ostendendum divitias gloriae suae in vasa misericordiae, praeparata in gloriam (Rom. IX. 23. Vide plura Ephes. II. 11. &c.)

Similiter se res habet cum responsionibus ad alteram quaestionem. Alteri metuunt, ne se & alios in perniciosam praecipitent securitatem. Alteri, ne sibi & alijs solatium a Christo, contra omnium, a satana, mundo, carne, venientium tentationum procillas datum, (Electos seduci non posse, Matth. XXIV. 24. Oves suas sibi neminem rapturum de manu sua, Joh. X. 28.) eripi patiantur: tenent itaq; ut anchoram animae tutam ac firmam (Hebr. VI. 19.) Omnino igitur patet, utrosq; id, ne gloriae Dei, ne certitudini salutis suae & proximorum, aliquid decedat providendo, Scripturisq; se defendendo, id quod in seipso pinum, bonum, Deo gloriosum, Ecclesiaeq; salutare est, agere.

Dicat

Dicat quis. Necessario tamen alicutra parte periorum defendit sententiam: quia contradiCTORIArum utraq; simul vera esse nequit. Reip. Forasan. Ego tamen eo tendo, in hac dissensione (circa Articulum hunc) nihil adeo atrox, absurdum, impium, blasphemum, occurrere, in hac vel illa parte, quod iure Christianam concordiam, tolerantiamq; & mutuam dilectionem, tollere debeat, aut possit. Plus dico: *Utrorum locutiones verasensu veras, bonas, utiles esse*: quia utraq; ex Scriptura desumptae sunt; & utraq; salutarem usum habent, suo loco recte adhibeant. Nempe in Pharmacopolio diversissima, adeoq; sibi invicem opposita, venduntur Medicamenta, depromunturq; dum his opus haec, dum illis illa. Cur e Myropolio Dei, usq; Ecclesiae, spiritualium illorum medicamentorum alterutrum sublatum, alterumq; duntaxat relictum, vellemus? Potius cogitare conveniebat, quò casu hoc, quò illud, usurpare conveniat? Si me urgere pergis: *Quomodo igitur utraq; contradiCTORIA vera erit?* Respondendo cum Augustino, *Turmare, ego mirabor.* Deum nolle perire quemquam, credo. Neminem tamen non perire, nisi quem Pater traxerit, & Filio, ne eum perire sinat, donaverit, scio: Cur autem non trahat omnes, cum possit, nescio. Idem si quisquam mortalium scire posset, possissent Apostoli, primitias Spiritus habentes.

Nesci

Nescierunt autem: Si enim scivisset Paulus, non toties illa reconciliare pertentans (Capite IX. & X. & XI. ad Romanos) tandem exclamasset, *o profunditas!* & in illa profunditate velut absorptus istis solum verbis terminasset: *Illi honor & gloria!* Si quis se Paulo sapientiore credidit, disputare pergat. Nos (majorem exemplo) à profunditatibus illis nos retrahimus Vosq; , o mortales, hortamur, *cavete servari majestatem, ne operamini à gloria!* *Quæ abscondita sunt, Domino Deo nostro sunt: nobis manifesta sufficiant, quæ manifestata sunt idèd, ut faciamus ea.* (Deut. XXIX. 29.)

Neq; dico Scripturam contrarios continere sensus. Coram tamen intellectu nostro apparenter contradictoria continere, certum est; & utile est, diversis in casibus. Idèd *Augustinus* primò, quando illi cum Manichæis, cæca quædam fata fingentibus, negotium erat, *Electiōnem Fidei superstruebat.* Quando verò cum Pelagianis, omnem in homine ad bonum aptitudinem naturalibus viribus adscribentibus, res illi fuit, è profundissimis æterna prædestinationis, secundum merum beneplacitum Dei, & Fidem, & Salutem, & omnia, deducebat, potenterq; ex Scripturis demonstrabat. Quis illi propterea inconstantiam, aut blasphemiam, impingere præsumet? D. *Luthero* contrarium evenit, Primùm quippe

cum

eum sophistis Semipelagianis congregiēns, à sola nuda præscientia & præordinatione Dei salutem & damnationem omnium hominum pendere docebat: idq; cum magna vehementia & acrimonia, duriter etiam alicubi, ex Scripturis commostrabat: (libro de *Servo Arbitrio.*) Postea verò, abusum videns, mitigabat sententiam, periculosumq; esse cum Deo nudo, extra Christum, congregi, demonstrabat (libro super *Genesim.*) Similiter *Melanchton*, duriter primùm de Prædestinatione scripsit, in Locis communibus. Anno 1523 editis. Videns a. infirmiorum scandalum, mutavit loquendi formulas: satis esse existimas, Homines ad Christum, Vixæ litrum, deduci: potiusq; quomodo vocationem & electionem suam firmam faciant, quam quomodo de ea disputent, docendos (2. Pet. I. 10.)

Sed & ipse Apostolus, in eadem ipsa ad Romanos epistola, utroq; docendi modo utitur. Capite nimirum octavo altè orditur, ab ipsa æterna prædestinatione, descendensq; veluti per gradus, à causis ad effecta, per Vocationem ad justificationem quæ per Fidem fit, in ultimam Glorificationem definit (Rom. VIII. 29-30.) Capite verò decimo, prohibet eos qui salutis certitudinem querunt, in celos ascendere, aut descendere in abyssum (quia illud foret Christum de celo deducere, hoc revocare à mortuis): Sed ut attendamus Verbo illi,

bo illi, quod prope nos est, in ore nostro, & in corde nostro, Verbum quod predicatur (Rom. X. 6, 7, 8.) Eoq; viâ contrariâ incedens, ab effectu ad causas, dicit, Salutem venire ex Invocatione nominis Christi; Invocationem ex Fide; Fidem ex Auditum; Auditum per Verbum Dei; Verbum a. Dei pertinere ad illos, ad quos mittitur, & efficaciter operari in cordibus eorum, quibus inveniendum se gratiâ suâ dat Deus (v. 9, &c.) ceteros excecari (Cap. XI. 7, &c.) Ubi tandem in Prædestinationis profunditatem definit. Hic ergo videre est mirabilem illam Jacobi scalam, per quam ascendunt & descendunt Angeli Dei: non aliter tamen quam per scalam, quæ est Christus. Sive enim ex Electione Fidem deducimus, Electio non nisi in Christo facta est (Eph. I. 5, 6.) sive per Fidem ad Electionem ascendimus, Fides non nisi Christum habet basin (Joh. III. 16.) O aperiat oculos nostros Deus, ut undecunq; scalam hanc, cæcæ namvè salutis nostræ, spectamus, nihil nisi Christum, & ex illo nobis venientem salutem, videamus?]

32. Ita Evangelicorum disceptationes esse inutiles ostendi: sed & illicitas dixi, ut pote à spiritu Christi prohibitas. Ubinam? dicet quis, Ubi Christiani sapere supra quàm sapere oportet, prohibentur: sapere verò jubentur ad sobrietatem, prout Deumq; ad mensuram fides (Rō. XII. 3.)

Et

Et cavere scientiam qua inflat; operam verò dare charitati, qua edificat (1. Cor. VIII. 2, 3.) Et esse unanimes, id ipsum sentientes, nihil gerentes per contentionem, aut inanem gloriam (Phil. II. 2, 3.) Et non contendere verbis; quia id ad nihil utile est, nisi ad subversionem audientium (2. Tim. II. 14.) Item vitare quæstiones immodicas, & sine disciplina, quæ generant lites: quia servum Domini non oportet litigare (2. Tim. II. 23, 24.) Item Curare, ut qui crediderunt Deo præeant bonis operibus, quæ bona sunt, & utilia hominibus: Quæstiones autem & contentiones, & pugnas de Lege (quidni etiam de Evangelio?) devitare, ut pote inutiles & vanas (Tit. III. 8, 9.) Etiam ubi in Ecclesia verbis quæ idiota non intelligat, & per quæ non edificetur, loqui prohibemur (1. Cor. XIV. 16, 17.) Nam hodiernæ illæ polemicæ conciones quid majori sui parte sunt; nisi populo non intellectus, & ad edificationem nihil conferens, sermo? Audit, sanè plebs, & intelligit, errorum alios insinulari: ceterum quid propriè controversatur, & quis ejus rei usus, (nisi ad odia inter Christianos accendenda) vix quisquam è plebe capit. Præsertim quum plerunq; ipsi Declamatores statum controversiæ verum, aut non intelligant rectè, aut non proponant sincerè. Logomachia ergo ibi, & confusio certa, à catibus Christianorum abesse jussæ (1. Cor. XIV. 19, 20, 21, 22, 23.) Quia ubi Zelus

& con-

Et contentio, ibi inquietudo & omne opus primum, Christiani a. sapientiam ostendere jubentur conversatione bona, non zelo amaro, & contentionibus (Iac. III. 13. ad finem.)

33. Tandem dixi, noxias esse illas Evangelicarum lites: quippe cum MELIORIS BONI jactura conjunctas. Cujus melioris boni? CHARITATIS, PIETATIS, EVANGELII, ad gentes propagationis. CHARITAS enim, seu Dilectio mutua, ita commendata est Christianis, ut nihil æquè aliud; tanquam fraternitatis Christi character unicuique (Joh. XIII. 35.) tanquam via omnibus charitativitatibus excellentior (1. Cor. XII. 31.) tanquam preferenda omni scientiæ & cognitioni, etiam Angelicæ; tanquam sine qua nec donum prophetiæ, nec omnium mysteriorum cognitio, nec miracula, nec martirium, quicquam prosint (1. Cor. XIII. 1. &c.) & tanquam quæ totius præcepti sit finis; & à qua quisquis aberrat, aberrat simul à Conscientiâ bonâ, & Fide non ficta (1. Tim. I. 5.) Aberrari a. à Charitate per doctrinas, quæ quæstiones præstant magis quam adificationem Dei, quæ est in Fide, patet ibidem (è versu 3. 4. 6. 7.) ubi perniciosus ille discipulandi pruritus depingitur. Et exemplo Ecclesiæ Corinthiorum, ubi immoderatum scientiæ studium, & in eo sibi placentia, & hinc orta schismata, exstinguebant charitatem, inflatis alijs adversus alios (1. Cor. I. &c.) & exemplo Ecclesiæ

rum Evangelicarum, ubi tanta regnant, tamque multiplicata, & se indies magis, levissimas quasque; ob causas, multiplicantes, similitudines, dissidia, rixæ, odia, ut deplorari nunquam satis possit Unde alterius magni boni, PIETATIS & Sanctimonie (sine qua nemo videbit Deum, Hebr. XII. 14.) sequitur jactura. Satanæ namque stratagemata est, ut dum nos invicem commissi pugnamus, ille facilius per carnis opera irrepat, serpens astutissimus: nosque ab Arbore vitæ (Fide viva, per Charitatem efficace) abducti, circa Arborem scientiæ boni & mali, non tam deliciemur, quam nixemur: obliiti, Fidem veram non opinionem esse, sed Opus (2. Thess. I. 11.); nec aliquid in nobis mortuum, aut immobile, sed vim vivam, nos spiritum vivere & ambulare facientem (Gal. V. 25.) præstantemque; ut vivamus non jam nos, sed Christus in nobis. (Gal. II. 20.) carne nostrâ crucifixâ cum concupiscentiis & vitijs (Gal. V. 24.) Hujus talis Fidei Vitæque studia vigent nec hodie inter disputatores Evangelicos? Non vacat, propter lites ob conservandam Evangelij puritatem (scilicet!) insceptras. At cujus Evangelij? Cujus compendium in hanc redegitur summam: *Vive ut lubet, modo credas te justificari Fide.* Atque ut id credas tutius, crede simul *Opera bona non esse ad salutem necessaria.* O seductio! ô Evangelij abusus & opprobrium! Esto enim, defendi subtile hoc paradoxon

radoxon Academicâ subtilitate posse: effugi tamen nunquam poterit, subtilitatem hanc ex illo inaniloquiorum genere esse, quæ multum proficiunt ad impietatem (2. Tim. II. 16.). Nam quis *Pietati studiose det operam*, si etiam citra illius studium, solâ Fide, salutem adipisci liceat? *Quæ enim timore & tremore salutem operetur*, ubi omnia tam securâ sunt, solâq; Fides expedit omnia? At hoc quid est, nisi querendo justificari per Christum, constituere Christum peccati ministrum? (Gal. II. 17.) Quid autem si Johannes seductionem esse pronunciet, si quis non faciens justiciam iustum se esse credat? (1. Joh. III. 7.) Quid si Christus compellantibus se, Domine, Domine, dicat: *Non novi vos, Abscedite à me qui operamini iniquitatem*? (Matth. VII. 22, 23.) Hoc nimis nobis conciliant subriles nostri circa Evangelium sensus, ut non Charitatis tantum, sed & omnis jam Pietatis obliviscamur: non tolerantes inter nos vel tantillum sensu à nobis discedentes fratres: & tolerantes nidulantem in nobis *Intemperantiam, Avaritiam, Ambitionem, Superbiam, Iram, Nocendilibidinem, omnemq; Iniquitatem*, h. e. Inferorum portas: quasi licentiosum esse minus malum sit, ac in hoc vel illo doctrinæ puncto diversum sentire. Tam crassus autem error unde est, nisi à neglectis tot Apostolicis monitis? de studio *habundandi in charitate, ad probandum potiora &c.* (Col. I. 9, 10.)

34. Sed & ipsi Evangelio nocent, ne se ad plures propagare queat, Evangelicorum lites: non minus ac olim Christianismi incrementis nocere Christianorum discordiæ, schismata & hereses. Quanquam enim idololatriæ & superstitionum tenebras potenter dispellere cæperat, olim & nuper, Evangelij fulgor, ad collustrandū & convertendum populos: substitit tamen cursu ille, hic & illic. Quâ culpâ? Non certè Evangelij, quod semper & ubiq; fuit, est, & erit, *Virtus Dei in salutem omni credenti* (Rom. I. 16.) sed eorum qui Evangelium jactando non secundum Evangelium vivunt, vitæq; tenebris doctrinæ lucē obscurant, utq; blasphemetur hoc bonum nostrum, *Veritatis doctrina*, faciunt (Rom. II. 24. & XIV. 16. & alibi.) & qui insuper discordijs suis hominēs ab Evangelio deterrent, ut rixis intricatos videntes quò se vertant, a quibus se potius jungant nesciant. Nam quis credat *Evangelium Pacis* esse (quale Christi est, Eph. VI. 15.) quod per viam pacis non propagatur? & ubi nihil per mansuetudinis spiritum geritur, omnia per tumultum, contencionem, Zelum amarum, & dissidentēs opprimendi conatum? Nostrum quidem non est ullius partis causam, aut eam tutandi processum, præjudicio nostro gravare aut levare (scimus suam cuiq; causam videri iustissimam, processumq; legitimum); utinam tamen exami-

net pars quæq; seipsam! Nunc hoc tantum monetur, illis qui extra partes sunt, non posse non suspecta videri causa, quæ talibus defensatur armis: & non posse non esse occasione hostibus egregiè nos iugillandi, totamq; nostram causam, iusto quodam colore suspectam reddendi. Quia nempe ut certum Veritatis indicium videtur, aliquid eodem modo videri omnibus, ita falsitatis nota certa, dissidere à semet ipso.

35. Nos igitur, Fratres dilecti, pergamus Fratribus Evangelicis exemplo nostro ostendere, Evangelij perfectionem non in sensuum sublimitate, aut questionum varietate, & has sic vel ligandæ celeritate, consistere (nec enim Deus per subtiles questiones ad regna cælestia nos vocat, ut pridem monuit Hilarius) sed in sancta illa nobis unice mandata Charitate, quæ patiens est, benigna est, non emulatur, non inflatur, non irritatur, non cogitat malum, omnia suffert, omnia credit, omnia sperat, omnia sustinet, &c. (1. Cor. XIII.) Meliusq; esse quædam aut humiliter ignorare, quam fastuose scire; aut timidè credere, quam temerè asseverare, aut pertinaciter negare, impetuosèq; defensare, in hac tanta imperfectione vitæ præsentis; ubi non nisi ex parte cognoscimus, & ex parte prophetamus, omnes (ibid. v. 9.) Ostendamus credere nos Apostolico testimonio, si quis nō

et quis sit doctrina illi quæ secundum pietatem est,

est superbum, nihil scire, sed langvere circa questiones & pugnas verborum, ex quibus oriuntur invidia, contentiones, suspensiones male, &c. Rursusq; hunc esse hominem Dei, qui ista fugit, sectaturq; iustitiam, pietatem, fidem, charitatem, patientiam, mansuetudinem (1. Tim. VI. 3, 4, 5, 11.) Quod si toto credimus corde, sectemur igitur ea quæ pacis sunt, & quæ adificationis mutua (Rom. XIV. 19.) cū omnibus qui invocant Dominū puro corde (2. Tim. II. 22.)

36. Si nos propterea odisse, aut pro peccari secta, quæ cum neutris faciat, diffamare, hi aut illi, aut utriq; voluerint, toleremus id potius, Fratres, quàm ut odij nos implicando, in Deum & conscientias nostras peccemus. Ostendamus re ipsa, nos eque ac majores nostros non aliud querere, quàm ut cum sana Evangelij doctrina Pietas vera vigeat, Ordinis ac Discipline adminiculo. Hæc enim una res fecit, ut licet omnibus veris Christianis optarent jungi majores nostri, imprimis a Germaniæ Ecclesijs, D. Lutheri operâ reformatis; non tamen successerit coalitio. Nempe quia Ecclesiæ, quæ à Lutherò denominari voluerunt, & adhuc, nunquam huius rei seriam suscepunt curam, quomodo Christo in Ecclesia, non tantum Cathedra, ut Doctores; & Altare ut Sacerdoti, concederetur; sed & Thronus ac tribunal, ut Regi, erigeretur. Tentabant quidem Argentinenſes; sed quorum conatus morte Bucer, Ca-

pitonis, & collegarum, interrupti fuerunt. Tentabat & Saubertus Noribergensis nuper; & Meyfartus Erfurtensis, & alij aliquot hinc inde sancti Viri desideria sua (pro erigenda in Ecclesijs Evangelicis Disciplina publica) in publico explicantes: sed res hucusq; successu caruit. Non caruit *Gmieu*: quò revocatus Calvinus, (annò. post effusum ad Johannem Augustam Episcopum nò. strum, de non resuscitata in Ecclesijs renascentibus, unà cum doctrina puriore, *Disciplina*, dolo-rem suum: de qua Vide *Except.* XVI. pag. 238. & 239.) tam solerter illius Ecclesiæ ordinem & Disciplinam constituit, ut admirationi fuerit ipsi etiam adversarijs (Bogini testimonium videatur suprà, Libri VIII. Capite XXVIII. § 25, 26, 27) Quod exemplum quia alij per Galliam, Belgium, Germaniam, Poloniam, Hungariamq; Reformati, quantum licuit sequuti sunt, factum est; ut hoc ipso Ordinis & pacis vinculo illis propiores facti fuerimus: eò solùm ab illis quoq; sejuncti (Nam à sententia Zvinglij de Sacramentis, à qua abhorrebant majores nostri, jam quoq; recesserant Helvetij) quòd subingressis odijs & rixis implicari metuentes, maluit institutum tenere nostrum, & extra partium studia tacite antiquo more) servire Deo parati tamen & illis utrisq; sicubi daretur servire,) donec fortè communis fraternæ reconciliationis tempus adesse

vellet

vellet Deus. Per hanc spem & patientiam nostram jure nos meruisse odia, non confidimus: si pòdisse volent, Deo respondebunt. Nos namq; jam ab initio fraternæ cum illis conversationis, fraternis illorum monitis morigeri fuimus: an & illi? Quod enim Lutherus, Bucerus, alij, emendatum à majoribus volebant, & monebant, *studium Lingvarum* fuit, & *Ministrorum Ecclesiæ Cælibatus*. Paruimus in utroq;: licet utrumq; hoc ex eorum esset genere, quorum usus & abusus datur. Monebant contrà nostri, & urgebant, *tribunal Christi in Ecclesia*, *Disciplinam* ad stabilis- dum opus Evangelij contra hæreses, schismata, profanitatem vitæ: estne illorum votis & obsecrationibus aliquid datum? Eheu! rixari maluerunt, & scindi, & permittere ut Evangelium carnale enatum sit, abominandoq; doctrinæ de *Justificatione* abusu Christus discerptus: quem scilicet carnales Evangelici *justiciam* tantùm suã esse volunt, non etiam *sapientiam & sanctificationem* (1. Cor. I. 30.) Maluerunt, inquam, perpetuò contendere, quàm vel semel convocata *Nationali Synodo* lites dirimere, *Doctrinam canonem stabilire, Disciplinamq; formam erectam totum Evangelij opus firmare*. Quibus illæ suæ contentiones, integro sic seculo continuatæ, quid profuerint, viderint ipsi: nobis quid obfuerint, nimis experti sumus, nostro malo. Virgo fuit Ecclesia nostra, prius-

quàm

quam se illorum consilij, & exemplis, commi-
scuit. Nos autem dum hæc loquimur, defectus
suos nemini exprobramus, nō ignari nostrorū (&
ne aggravemus nobis iudicium, Jac. III. 1) protesta-
mur tantūm constantē, Hoc unum esse (DISCI-
PLINAM) quod Patres nostros, etiam post accen-
sam alibi Evangelij faciem, in sua singularitate deri-
nuit, nosq; ad huc detinet. Si impetrare possumus, ut
illi nobiscum, quid ad Evangelij gratiam perfecti
dispensandam desit, agnoscant, finem hæc parte dis-
fensionum fore pollicemur. Desinant ceteri Evange-
lici de Evangelio rixari, & incipiant secundū E-
vangelium vivere; utq; ab omnibus Christo sacra
Vita Christianis digna exigi possit, Tribunal Christi
inter se, ad leges ipsius Christi, erigant: nos peculia-
ris esse cætus mox desinemus. Pereant secta, nostra
etiam: modò non pereat quod usquam boni est, sed
collectum in communem Ecclesiæ thesaurum commu-
ne sit. In summa, Verba Christi spiritus & vita
sunt (Joh. VI. 63.) non audiri tantū, sed præstari
volunt. Hoc si facimus sapientes sumus, edificamus
ad stabilitatem: sic, in ruinam cum factis (Matth.
VII. 21. ad finem.)

37. Quantum ad communes adversarios,
Pontificios, qui more suo soli regnare avari, o-
mnes à se dissentientes, nos etiam, capitali odio
prosequuntur, nos è vita & mundo tollere unicū
intenti: iterum iterumq; monendi estis, Fratres,

ut

ut memores vivatis & mandati & exempli supre-
mi magistri Christi: qui diligere iussit inimicos, &
benefacere his qui oderunt nos, & orare pro perse-
quentibus, & calumniantibus nos (Matth. V. 44.):
fecitq; id ipse, pro Crucifigentibus se orans, Pater
remitte illis: non enim scunt, quid faciant (Luc.
XXIII. 34.) Quod imitari Apostoli, benedico-
bant, cum maledicerentur; submebant, cum perse-
gutionem paterentur; obsecrabant, cum blasphe-
marentur (1. Cor. IV. 12, 13) iusseruntq; nos o-
mnes imitari pariter: Benedicite persecuentibus
vos; benedicite, & nolite maledicere. Nemi-
nū malum pro malo reddentes, nec vosmet ipsos defen-
dentes (sem ulciscētes) sed date locum ira &c.,
(Rom. XII. 14, 17, 19.) Mementote quā-
parū feliciter cesserit Petro, quod propugnare
volens Dominum, irruit cum gladio stricto in
hostilem turbam. Quid enim effecit? Unicum
duntaxat læsit, auriculā illi amputatā; quam te-
men & ipsam eidem hosti suo restituit Dominus:
Petrus autem fugā tandem querere salutem com-
pullus fuit. Oblitus antè, regnum Christi non
esse de hoc mundo, mundanis armis defendi non
posse, nec debere: arma quæ furor ministrat,
hostibus Christi, Phariseis, fuisse relinqvenda:
Patremq; cœlestem submittere potuisse plusquā
duodecim legiones Angelorū, si tali victoriā,
tali loco & tempore, opus esset; sed quomodo

Ys

imple

implerentur Scripturæ, sic fieri oportere prænu-
tiantes? (Matth. XXV. 51. &c. &c.) O quam si-
mile quid Perrino illi Zelo (sed qui non secun-
dum scientiam fuit) contigit nuper nobis, even-
tuq; perfimili! Christi enim Veritas, quam sic in-
consideratè defensare, alieno porius quàm majore
exemplo, tentabamus, capta est, discipulo-
rumq; numerus dissipatus, & non unus Petrus in-
consideratè rursus fogam recusans, lapsus. Sal-
tem ergò nunc jam iētus piscator (Petrus) sapiat,
~~malum pro malo non reddat, nec maledictum proma-~~
~~ledicto, sed è contrario benedicat; quia in hoc voca-~~
~~si sumus.~~ (1. Pet. III. 9.) Judicium enim Dei incipiat
(necesse est) à domo Dei (cap. IV. 17.) Quam-
igitur patiendum nobis sit (cap. II. 19, 20, 21.)
hoc unice dabitur operam, & fixiori ac antè un-
quam curà, dilectissimi, ut nemo Vestrum patiatur
ut homicida, aut fur, aut maledictus, aut alienorum
appetitor: si a. ut Christianus patitur, non erube-
scat, glorificet porius Deum isto nomine. (1. Pet. IV.
15, 16.) Cavete a Vobis ab hominibus, dicat Chri-
stus (Matth. X. 41.) h. e. ne irriteatis quinquam
hominum, aut Vos illorum sive blanditijs & sedu-
ctioni; sive rursus furori, remerè obijciatis. Pru-
dens, in tempore illos acebit, inquit Propheta, quia
tempus malum est (Am. V. 13.) Et Christus: In-
patientia possidere animas vestras. (Luc. XXI. 19.)
Et Iesajas: In silentio & speeris fortitudo vestra
(XXX. 15.)

38. Coram

38. Coram Deo autem, qui nos examinat
igne hoc, sicut examinatur argentum; qui nos indu-
xit in laqueum hunc, & posuit tribulationem hanc in
dorso nostro; qui homines posuit super capita no-
stra, & nos ingredi fecit ignem hunc & aquam (Psal.
LXVI. 9, 10, 11.) gerite Vos, primum Humili-
ter; agnoscendo & confitendo justitiam ejus, &
judiciorum ejus (Psal. CXIX. 137.) in confusionem
faciet nobis, Regibus nostris, Principibus nostris, Pa-
tribusq; nostris, qui peccavimus. (Dan. IX. 7, 8.)
Secundò, Patienter, etiam si differat auxilium, eti-
am si augeat porro etiam afflictiones, etiam si nos
morti & interitui tradat. Dicat quisq; nostrum,
totaq; in reliquijs suis Ecclesia nostra, cum affli-
cta Israëlita Ecclesia: Iram Domini portabo, quo-
niam peccavi ei (Mich. VII. 9.) Tertiò, in preci-
bus ardentè; ut ne taceatis, & ne detis ei silentium,
donec stabiliat, & donec ponat Jerusalem laudem in
terra (Jes. LXII. 7. Tandem, Confidenter, in me-
dijs quoq; afflictionibus, adeoq; morte ipso, spe-
præcipiendo dulcedinem misericordiæ Dei, nobis
castigatis, & emendatis, tandem, tandem, tandem,
non negandæ. Habemus enim firmissimas pro-
missiones veracissimi Dei; Reversurum esse Domi-
num ad eos, qui revertuntur ad se (Zach. I. 3. &
Mal. 3. 7.) Et qui cum quaerunt inventuros, si qua-
rant in toto corde (Jer. 29. 13.) Illum enim nosse
cogitantes, quas cogitat super populum suum, ca-
gitando

gitationes *PACIS*, & non afflictionis (ibid. v. 11.) Et, loqui *PACEM* in populum suum, & super sanctos suos, modò ut ne revertantur ad stultitiam. (Psal. 85. 9.) Et, si placuerint Domino via hominibus, etiam inimicos ejus pacatos ei redditurum. (Prov. 16. 7.) aut, si nolint Zelaturum Zelo magno, impitiusq; hostibus reversurum ad Jerusalem in misericordijs, ut reedificetur Domus sua (Zach. 15. 16.) Manumq; ejus nunquam esse abbreviatam, ut saluare nequeat (Isa. 58. 1.) &c. &c.

39. Ne despondete igitur animum, fratres, quocunq; tandem miseriarum delati. Nondum eò nos deduxit, unde reducere nequeat, manus ejus, qui mortificat & vivificat, deducit ad inferos & reducit (1. Sam. 2. 6.) Si quis ergò serum esse consilium, nunc jam remedia quærere, cogitat aut loquitur; is sciat, se cum ejusmodi imaginationibus similem esse Israelitis ad maris angustias stantibus, res suas pro conclamatis habentibus, exitumq; ex Aegypto deplorantibus: at quid per Mosen vox Dei? Nolite timere, stete, & videte, magnalia Domini, qua facturum est hodie! (Exod. 14. 11, 12, 13.) Similis Sioni querulanti: Dereliquit me Dominus, oblitus est mei: quid autem responderet Deus? Nunquid oblivisci potest mulier infantem suum, ut non misereatur filij uteri sui? & si illa oblita fuerit, ego tamen non obliviscar tui (Isa. 49. 14, 15.) Similis illis qui Jaisi fidem labefacta-

bant,

bant, dicentes: Mortua est filiatua, quid ultra vexas Magistrum? At quid ad hæc ipse celestis Magister? Noli timere, tantum modò crede (Mat. 5. 35, 36.) Similis Israelitis penitus perditis, & desperando dicentibus: Aruerunt ossa nostra & perijt spes nostra, excoli sumus (Ezech. XXXVII. 11.) Verum, quid ad hæc DEUS? Ecce ego aperiam tumulos Vestros, & educam vos de sepulchris vestris, populus meus, & introducam Vos in terram Vestram, & scietis quòd ego sum Dominus (v. 12.) Similis Marthæ, de fratre tuo sepulto jam narranti, Domine jam facies, quadriduanus enim est: at Dominus quid? Si credideris, videbis gloriam Dei (Ioh. 11. 39, 40) Demus igitur honorem Domino, fidemq; tantum modò postulanti, tam potenti, sapienti, bono, ne negemus! Esto, simus jam ad mare ipsum: an Omnipotenti deerit Virga quædam, seu baculus, quò diffindat abyssum, & per invisam ostendat viam? Esto: fluitemus jam super mare, & quidem super procellis agitarum mare, ut navicula nostra fluctibus cooperiri, Dominus interim dormire, nosq; nobis jamjam perire, videamur: an tamen illi, qui dixit, cum ipso ero in tribulatione, eripiam eum, & glorificabo eum (Psal. 91. 15.) Item, Nolite timere, quia redemite, meus es tu: cum transferis per aquas tecum ero, & flumina non oportient te. (Isa. 43. 1. 2.) qui deniq; dormire videtur, cor tamen ejus vigilat (Cant. 5. 2.)

huc

aut vox, quâ furibundum mare, increperet; aut digitus, quô compesceret, dextrâ? Esto ultra id etiam; ut Navis nostra, quâ cum Apostolica doctrina vehimur, naufraga facta sit, jamq; mergatur, non enatura unquam: an tamen deserit jam misericordia illa, quæ naufragium passas animas Paulo alicui donare omnes; neque naufragium in alto alicubi, sed prope litus aliquod permittere, naufragisq; insulam aliquam, nobis etiam de nomine ignotam, ostendere possit? (Act. 27 & 28.) Quin & si nos omnes, veluti Apocalyplici illi testes, à bestia de abyssu ascendente occidamur, corporaq; nostra jaceant in plateis civitatis magnæ, (quæ vocatur spiritualiter Sodomæ, & Ægyptus, ubi & Dominus noster crucifixus est) lateantq; de interitu nostro inhabitantes terram: mortuis tamen etiam potens est Dominus noster immittere spiritum vitæ, in terrorem hostibus (Apoc. 11. v. 3. &c.) Et quod magis est, ramentis computruerint etiam corpora nostra; & disjecta per mundi campos jaceant arefacta ossa nostra: vivit tamen adhuc illè Dominus; qui disjecta ossa recolligeret, & arefacta ossa carne explere, cuteq; vestire, spiritumq; à quatuor ventis vocare, eumq; interfectis afflare, ut reviviscant, potest (Ezech. 37. 1. &c.) Hoc est, potest in locum nostri, & nostro è cinere, excitare sibi cultores, eadem Veritatis luce collustratos, eodem

charitatis


charitatis igne inflammatos, Ipsdem Ordinis & Disciplinæ vinculis colligatos: in majorem quàm per nos hostium, Thronum Christi in sedibus fidelium irrito conatu subvertere querentium, confusionem, majoraq; Ecclesiæ suæ incrementa. *Noli timere vermicule Jacob, vas paucilluli de Israël, ego auxiliabor tibi, dicit Dominus, redemptor tuus, sanctus Israel.* Ego ponam te quasi plaustrum triturans novum, habens rostra serrantis! *Triturabis montes, & comminues: & colles quasi pulverem ponès. Ventilabis eos, & ventus tollet eos, & turbo disperget eos: & tu exultabis in Domino, in sancto Israel lataberis.* Egeni & pauperes quarunt aquas, & non sunt; lingua eorum sit arida; ego Dominus exaudiam eos, Deus Israël non derelinquam eos. *Aperiam in collibus flumina, & in medio camporum fontes: ponam desertum in stagna aquarum, & terram in viam in rivis aquarum.* Ponam in deserto cedrum, & myrtum, Oleam, ulmumq; & buxum: ut videant, & fiant, & recogitent, & intelligant pariter, quia manus Domini fecit hoc &c. (Isa. XLII. 14. ad 20.)

40. In eo solum totus rei cardo versatur, dilecti, ut qui cladibus nostris supersumus, tales simus verè, quales Deus castigati populi sui esse vult reliquias, relictas in semen Ecclesiæ, quando novellandum erit novale, & non ferendum amplius inter spinas (Jer. IV. 3.) Si enim nos reverta-

mu

mur ad Dominum reverteretur & ille ad nos (Mal. 2. 7.) ut sanet contritiones nostras, & diligat nos tam spontaneos (Os. 14. 5.) Est enim Deus, qui non mutatur: tuncq; nos non sumus consummi (Mal. 3. 6.) Quoniam propterea expectat Dominus, ut misereatur nostri: ideo exaltatur, pariens nobis, quia Deus iudicij est, & beati omnes qui expectant eum (Ier. 30. 18.) Converte nos Domine & convertimur: innova dies nostros sicut à principio (Thren. 2. 1.) Fac ut nobis faciamus cor novum, & spiritum novum (Ezech. 36. 26.) Imò da nobis tu ipse cor unum, & spiritum novum tribue in visceribus nostris: aufer de carne nostra cor lapideum, & cor carneum da nobis, ne in preceptis tuis ambulemus, & simus tibi in populum & Tu nobis in Deum (Ez. 36. 26.) Da ne amplius in nobis sit radix germinans fel & amaritudinem: nemoq; nostrum amplius obdurat cor suum, ut audiant verba adjurationis hujus, benedicat sibi in corde suo dicens, Pax erit mihi, tametsi ambulavero ex sententia cordis mei; quò addat ebriam scienti: quoniam Tu non ignoscēs illi (Deut. 19. 18, 19. 20.)

Quis sapiens, ut intelligat ista? quis intelligens, ut cognoscit ista? quia recte sunt viæ Domini, & iusti ambulant in eis: pravaricatores autem corruent in eis. (Os. 14. 10.)



De primâ Ecclesiarū

Unitatis Fratrum in Polonia

Origine succincta
narratio.

(Authore Martino Grat.)



Ecclesiæ Unitatis Fratrum

Orthodoxorum, per Poloniam hinc inde dispersæ, Coloniarum quadam sunt Ecclesiarum Bohemicarum ejusdem Unitatis: hac occasione inde traductæ.

Regnante in Bohemia Ferdinando primo, gestum est in Germania bellum Smalcaldicum; quò clade Protestantium finito Ferdinando auxiliares copias, quibuscum fratri Carolo Imperatori venerat in subsidium, reducens in Bohemiam, Pragam & proceres Evangelicos, quòd contra Saxoniæ (ob antiqua fœdera, & Religionem) militare nollent, ad pœnas traxit. Ubi cum Fratrum quoq; Patronis primarijs eripuisset, confiscationis nomine, Oppida & arces suas, jussit ex iisdem dyna-

Itijs (nominatim *Litomyslena, Bidzowina, Brudusina, Cblumecensi, & Turnoviensi*) Ecclesias Fratrum ejici, hominesq; qui Romanæ vel Hussiticæ (seu Calixtinorum) Ecclesiæ membra fieri nolent, omnibus terris suis (sub capitis pœna) proscribi; Ministros autem captivari & ad carcerem rapi. Promulgatum fuit ferale hoc edictum. Anno 1548, Maji die 4. captiq; mox è Ministris *Johannes Augusta Fratrum Antistes*, cum *Jacobo Bilek*, collega suo; (excarnificati, torturâ crudeli, ter repetitâ, innocentesq; omnium reperi detenti tamen in carcere ad mortem usq; Ferdinandi, per annos sedecim) & *Georgius Israel*, mirabiliter liberatus, & Polonorum postea factus apostolus. Quemadmodum enim olim inopinata Ecclesiæ Hierosolymitanæ dispersio, occasionem divulgandi per varias provincias Evangelij dedit; ita per istam Fratrum proscriptionem Polonis, densâ rûm errorum caligine circumfusus, Divina prospexit providentia. Nam quum per angustiam temporis, quò se verterent, & ubi tutò pedem figerent, deliberare vix possent; ad Polonos illi, tanquam consanguineos suos, utpote, ab eadem secum stirpe oriundos, & quibuscum ejusdem etiam Linguae (quamvis dialecto non nihil variante) commercium haberent, sibi profugiendum rati, bonis suis partim pretiò qualicunq; divenditis, partim direptioni hostili relictis, in-

nere

tere tumultuario, periculoso, & per sylvas atq; tum jugâ difficili, per Silesiam in Poloniam majorem contenderunt, agmine ternò. Primum è Litomyslijs, Bidzovinis, & Cblumecensibus collectus ibat (sexaginta & aliquot curribus, ad quingentas animas) per Glacensè Comitatum & Silesiam superiorem; alterum, Turnovienses & quosdam Brundusinos habens, animas circiter trecentas, curribus quinquaginta, ibat per montes Giganrû & Silesiam inferiorem; tertium eadem viâ continens Brundusinos reliquos. Quibus omnibus, in summo isto fortunarum & Vitæ discrimine, cessante humano præsidio, divinum præstò fuit auxilium. Egressi enim exules Lithomislîo die 15. Junij Richnoviam pervenere: ubi aurigæ Curribus exoneratis, ulterius suppellectilem ipsorum vehere omnino recusarunt, metuentes impendit ab insidiatoribus pericula. (Percrebuerat enim malignantium hominum manipulum, undecunq; collectum, præcessisse ad his insidiandum. Quare & illi consilium de itinere mutaverunt, per Comitatum Glacensem potiùs, quam tramite recto, ituri.) Opportunè autem Olomûtiò sub illud ipsum tempus advenerant alij qui præmium Vecturæ stipulati prioribus successerunt. Dominica 1. Trinit. Richnoviâ egressi Dobrûskam veniunt, ubi à Magistratu oppidi perquam benignè excepti, cibo & potu recreati

Z 2

fuerunt

fuerunt: assignati ipsis præterea quindecim milites, suppellectilis ipsorum custodes: alij itidē quindecim armati præmissi, qui itinera & sylvas explorarent, latrones dispellerent, & Exules per loca suspecta comitarentur. Capti tunc fuerunt *sex latrones, caeteris fugā dilapsis*. Iter habuerunt verius oppidū Duszniķ. Cujus loci Praefectus, 160. armatis stipatus Exulibus occurrit, deducitur ipsos per montana. Fessos de itinere Magistratus ibidem cibo refecit, & discedentibus Cohortem armatam securitatis ergo adjunxit, quod collectus ex Fossoribus in vicinia illā latronum manipulus (numerus 250. excedens) insidias Exulibus struere perhiberetur. Restabant aspera montium iuga in confinio Bohemiæ & Silesiæ superanda. Præmisit itaq; Senatus Dusznicensis, nec non Generosus Dominus Trzka, haud exiguum Rusticorum Igonibus, palis, ferris, securibus, & id genus instrumentis alijs instructorum numerum, qui vias complanarent. Idem charitatis Christianæ officium, complures quoq; alij, commiseratione ducti, præstitērunt: Praefecto interim Dusznicensi Exules cum cohorte armatā, per sylvas & montes, in confinia Glacensis civitatis amice deducente. Senatus Glacensis, ut primum per internuncios advenas appropinquare acceperit, causamq; itineris intellexit, benignē ac non sine evidenti commiserationis significatione, illos Mundi peregrin-

nos excepit, humanissimē tractavit, operā deniq; suam in ipsis rurē deducendis, ultrō obrulit. Imō valde rēnuentibus, & reverenter gratias agentibus, (quod aliunde, Zambergā videlicet, itineris comites benē armatos haberent) adjunxit 150. milites. Ipse deniq; Civitatis Praefectus, habens in comitatu suo sedecim Equitēs, honorificē exules deduxit. Sic confecto per montana itinere in Silethiam descenderunt: ubi primum Frankenstein à Praefecto Principis benevolē excepti, & liberaliter tractati sunt. Hinc domum dimissi milites Bohemi: Exules verō Vratislaviā contenderunt. Ubi itidem, ut & alibi passim, benignē excepti & humaniter tractati fuerunt: plerisq; ipsis condolentibus, & lachrymas gratulationibus, quod pro nomine Christi constanter facultatum suarum jacturam, cum tristi exilio conjunctam ferrent, temperantibus.

Posnaniam, quæ Majoris Poloniæ metropolis est, ipso die Johannis Baptistæ sacro, ingressi, Deum, itineris sui ducem, laudāvunt. Silentio enim prætereundum non videtur, quod totum hoc iter Cælo sereno, nullis tempestatum & pluviarum injurijs vexati, peramœnum habuerunt. Nec temerē scriptum quidam de hoc Exulum cæto reliquit: *Non secus atq; olim Israëlitas à Domino quasi alis aquilarum toto hoc itinere portatum fuisse.* Munere Capitanei Posnanienſis, & Ge-

peralis Majoris Poloniae Praefecti, auctoritate Regia tumungebatur Illustr. Dominus Andreas Comes à Gorka. Id quia non male erga miseros Exules affectus erat, ut Posnania, ubi maxime in suburbijis hospitia sibi conduxerant, subsisterent facile permisit: imò, in sua etiam Ditionis oppidis diversis, nempe Cosmicij, Kurnicij, & Szhamotu-
lis, hospitia ipsis concessit. In quibus etiā oppidis, annuente Comite, sedes suas fixissent plurimi, nisi brevi post edicto Regio, (de quo mox dicendum erit) prohibiti fuissent.

Quia tamen Posnania stabilem sedem non sperabant, miserunt nonnullos in Borussia questum: quò jam ante praecesserat Johannes Gyry, Vir Nobilis & Doctus, qui postea Cancellarij Vices apud Paulum Speratum, Episcopum Pomezanensem, obiit, & tandem sacro Ministerio in Unitate Fratrum functus est. Ipsi interim habentes in comitatu suo Posnaniae aliquot verbi Ministros (nempe Matthiam Aquilam, Urbanum Hermonem, Johannem Koritanscium & Matthaeum Tatjczek) cultui divino, diebus potissimum Dominicis, feriis item quartā & sextā, pro more apud ipsos recepto, singulis septimanis vacabant. Conciones Sacrae adhibitis etiam hymnis & precibus, habebantur, idq; in duobus diversis hospitijis. Quorum pios ceteros non pauci urriusq; sexus cives jam tum frequentabant;

qui

qui tamen paulò familiarius cum Ministris Exulium conversarentur, nulli penè tum temporis erant. Clerus autem Pontificius, cum Episcopis suis, Regiam Majestatem sollicitant, ut Exules Bohemos Poloniae etiam pelli jubeat: nec difficulter quod volebant obtinuerunt: quando inter Sigismundum Poloniae, & Ferdinandum Bohemiae Reges ita convenerat, ne proscriptos ab uno, alter in suo Regno foveret. Scribitur igitur mandatum Regium 4. Augusti, quò Domino Generali Majoris Poloniae severè injungitur, ut Picardos istos Regno ejiceret. Sic miseri denudò solum vertere coacti, Thorupium, quae inter primarias tres Regalis Borussiae Civitates eminet, circa Festum Bartholomaei migrarunt: Ubi Octodecim ferè hebdomadas transegerunt, exercitia Religionis eadem quae antea Posnaniae habentes, donec iterato Regio edicto Torunio simul & tota Regali Prussia ejecti sunt. Quò factum est, ut tandem in Prussia Ducalem omnes migrarent, in qua etiam (Illustrissimo Principe Alberto Marchione Brandenburgico, & primo Prussiae Duce, clementer annuente) diversas sibi sedes delegerunt, Quidzinum, Dabrowam, Jaldoviam, Hostinam, Nidburgum, & alias. Quidam in ipsa etiam Metropoli Ducalis Prussiae, Regiomonti videlicet, confederunt; Generosus imprimis Dominus Vilhelmus Krzynecki; qui

Z 4

Nobili

Nobilitate generis apud Bohemos clarus, Exilium pro Christo, & ipsius Evangelio quocumque tandem eventu ferre, quam Conscientiæ vim aliquam inferre, maluit: id quod & alij nonnulli Nobili stemmate prognati fecerant.

Illud porro silentiō mihi non est praterendum, ut melius intelligatur, quā occasione primum Ecclesiæ Unitatis Fratrum in Polonia fundata sint: quod sub illud ipsum, quō Thorunij Exules commorabantur tempus, binas ibidem nundinas celebrari contigit, alteras quidem circa festum Simonis & Judæ Apostolorum: alteras verō ineunte Anno Christi 1549, circa festum Epiphaniarum. Harum occasione Cives quidam Posnanienses, qui ad mercatum venerant, & qui antea Posnaniam Concionibus Fratrum interfuerant, familiarit̃ iisdem sese insinuare, sermones diversos de Religionis negotio habere, Conciones deniq; ipsorum diligentius frequentare, & magis attentē omnia observare coeperunt: idq; eo eventu, ut jam tum quidam ex illis Erroribus Pontificijs deprehensis, Veritatem verbi divini amplecterentur, & Ecclesiæ illi Fratrum sese adjungerent. Paulopost Senior Fratrum primarius, *Matthias Sionski*, qui superiori Anno (sub finem ætatis) in Poloniam ceteros Exules sequutus erat, curandæ valetudinis ergō Posnaniam se contulit. Illic usus hospitio Nobilis Domini *Andrea*

Lipczin-

Lipczinski, quāvis infirmā esset valetudine, tamē crebra de Religione cum multis colloquia misit, Conciones sacras habuit, neq; ulli adeunti operam denegavit suam. Non solum autem, doctrinam ipsam, sed & Ritus in Unitate Fratrum usitatos penitus cognoscere multi sategerunt: qui etiam de omnibus accuratius edocti, tandem more consveto in communionem Ecclesiæ Orthodoxæ recepti sunt. Præcipui qui tum nomina sua coram Seniore professi sunt, fuere Dominus *Andrea Lipczinski*, *Georgius Schilling*, *Albertus Stamorki*, *Jacobus Pharmacopola*, & *Victorinus Bohemus*. Hæc tum fuerunt primitiæ Ecclesiæ Orthodoxæ Posnaniz. Auctus est in dies numerus fidelium. Senior interim Posnaniam in Moraviam profectus est, Fratrum ē Bohemia dispersorum reliquias illic visitaturus, & in fide confirmaturus. Transactā illic hyeme, Anno Christi 1550. reversus est per Poloniam Majorem in Borussia: Ecclesiamq; tenellam Posnanienſium, Fratrum in transitu visitavit, & auctiorem discēdens inde, post se reliquit. Paulō pōst venit Posnaniam *Matthias Aquila*, Ecclesiæ Exulum *Dzialdoviz* in Borussia pro tempore Pastor: qui Senioris exemplum imitatus, fidelem eidem Ecclesiæ operam navavit, DEO pijs laboribus affatim benedicente, ut indies plures Orthodoxæ Doctrinæ subscriberent.

Z s

Ine-

Ineunte Anno 1551 Posnanienses simul atq; iterum missis, in Borussia literis, Seniores sollicitant, ut Ecclesiæ ipsorum de Ministro Verbi & Sacramentorum prospiceret. Senior, re diu & benè apud se deliberatâ, accersit ad se *Fr. Georgium Israëllem*, huic eam demendat provinciam, ut Posnaniam profectus, pio tenella illius Ecclesiæ desiderio, satisfaceret. Jubeat præterea, iter accelerare, propter instans festum Paschatis; quod ipsum Posnaniæ celebrari voluit. Ne verò interim Ecclesiâ illa, cujus in Borussia Pastor ègebant, ministerio Verbi careret, datus est ipsi ad tempus Successor *Martinus Felinus*, Diaconus. Israel igitur, bono cum Deo iter ingressus, Feria quarta post Dominicâ quartâ Quadragesimæ Thorunium venit. Ubi memorabile quid, mihi hoc loco non reticendum, accidit. Alluit Urbem illam Vistula, nobilis Europæ fluvius, quem quidem, tum adhuc glacie concretum offendit, Pontem verò sublicium, quo sub ipsis Civitatis manibus, iteratur, de industria jussu Magistratus solutum & remotum videt: ne videlicet Violentiâ fluctuum & glaciei (quod plerunq; sub illud tempus quo hyems solvitur usu venire solet,) abreptus periret. Unde in ulteriorem ripam non nisi per concreti gelu fluminis dorsum, transitus ipsi dabatur. Sed & hunc periculosum sibi fore animadvertit, quod glacies aurâ leniore, simul & radijs solaribus, jam labefacta,

esset. Postero igitur quum advenerat die, equo in hospitio relicto ipse pedes glaciem tentat, periculum facturus an equum etiam in ripam ulteriorem traducere posset. E regione Civitatis flumibissidum efficit insulam quandam, non adeo magnam: illam jam attigerat, superatâ potissimâ fluminis parte. Processit ulterius, visurus utrum ulterius etiam fluminis paraglacie constricta staret. Et quis ubiq; benè crassam offendit glaciem, tutum sibi per illam cum equo futurum iter ratus, eadem quâ venerat viâ revertitur. Vix dimidiam fluminis partem superaverat, cum subitus retrò fragor auditur, quem quassata & collisa impetu aquarum glacies edidit: mox aquas vehementer intumescere sentit. Dumq; ulterius properat, priora legens vestigia, solutam jam sub Urbe glaciem conspicit. In insulam igitur revertendi properum suscipit consilium, in ulteriore ripam evadendi spe. Sed hic quoq; spe suâ frustratur: quod & in altero fluminis brachio glacies jam dissilisset. Tum verò dubius animi, quid faceret, iterum glaciem illam, quæ versus Civitatem immota adhuc hærebat, & quæ impetus aquarum ingentibus acervis confracta jam glaciei oneraverat, tentat: visurus si quomodo in ripam illam cui muri Civitatis imminent, evadere possit. Sed frustra omnia. Dum enim propius accedit, glaciem versus Civitatem pror-

prorsus collisam celeri fluctuum impetū rapi, & præcipitem ferri, contpiciat. Substitit tamen aliquid admirandus, exortus Psalmum centesimum quadagesimum octavum, *Halleluja, Laudate Dominum de Calis.* Ecce autem opinione citius aquæ mirum in modum intumescentes, illos etiam glaciæ acervos quibus insistebant, solutq; dispellunt. Hic verò omnino de ipso actum fuisset, nisi divina non sine miraculo ipsū servasset providentia. Deteriore tanē loco res ipsius videbantur esse, quàm sint naufragi alicujus: qui nave amissā, tabulis, & id genus alijs parum tutis præditijs, salutem suam firmiori tamen spe committit, quàm iste glaciæ tabulis mutuo sese collidentibus, tanquam fragili alicui restat, sese permittere necesse habuit. Ferebatur, sic per aliquā multa stadia, pius Christi Minister, variè jactatus: maxime cum incidisset in locum illum vorticosum, ubi bipartiti fluminis fluctus in unum iterum coeunt. Ibi vidisset horrendum in modum glaciem sibi mutuo occurrentem collidi, & in gyrum volvi; hunc verò manu Angelicā sustentatum non mergi. Spectatores tanē habuit perquam multos: inter quos multi fuerunt primarij Cives, & ipse etiam Proconsul, *Dominus Hofmannus*: (Lætitius habet *Rudgerum*) qui verò suppetias ferret neminem præter *Jehovam*, qui suos per Prophetam sic alloquitur:

Has

Hæc dicit Dominus creans te Jacob, & formans te Israhel: Noli timere, quia redemi te, & vocavi te nomine tuo, meus es tu. Cum transieris per aquas tecum ero, & flumina non operient te &c. Cujus promissi veritatem *Georgius* iste *Israhel* re ipsa expertus est, divinitus, & magno Ecclesiarum Polonicarum bono, in summo hoc vitæ discrimine servatus: Cum pleriq; ex spectatoribus actum jam de illo esse, nec amplius panem gustaturum, non sine commiseratione affirmarent. Sed summus piorum protector qui deducit ad inferos & reducit, hunc quoq; quasi ex mortuo redivivum Ecclesiæ suæ restituit. Appulit enim tandem variè jactatus & defatigatus, ad ripam longè infra Civitatem, ubi mox præstò fuerunt non pauci, qui ceu redivivum magno cum applausu exceperunt, & gratulabundi, cōcurrentibus undiq; Saluatoribus, in Urbem deduxerunt, prædicantes divinum auxilium, & affirmantes se hoc exemplo confirmatos credere, Deum peculiarem semper curam agere omnium qui sincero corde ipsam colunt. Deductum in hospitium accessit, præter alios non nullos cives, ipse etiam Proconsul gratulabundus.

Porro Thorunij, tantisper ipsi fuit quiescendum, donec glaciæ fluctibus collisa diffuisset. (Tum demum continuo itinere, quod tanē perquam difficile & periculosum, propter ni-

mias

mias passim aquarum exundationes expertus fuit, saluus & incolumis Posnaniam venit. Ubi tamen iterum Equum in suburbio (quod *Szwode* dicitur) relinquere, & navigio Civitatem intrare coactus est; tanta quippe Wartæ fluminis tum fuit exundatio, ut aquæ ipsius etiam fori Civitatis partem bonam operierint.

Hospitio Posnaniæ usus est Nobilis *Dominus Andrea Lipczynij*, & alacriter mox opus Evangelistæ aggressus, primam concionem in ædibus ejusdem Domini Lipczynij habuit feria quartâ ante Dominicam Palmarum, convocatis ijs duntaxat, quos cupidos audiendi Verbi Divini norant. Feriâ deinde sextâ secundam Concionem habuit, cui interfuit Illustris & Generosa *Catharina Comitissa Ostrogorana*, Virgo, quæ de industria Pamiatkovviâ Posnaniam ejus rei gratia venerat. Interfuit etiam sacris istis Generosus Dominus *Lucas Jankovius* Illustris Comit. ab Ostrogor Affinis (nupta enim illi fuit dictæ Comitissæ Soror, quæ & ipsa prædicationi Evangelij patulas post præbuit aures.) Tandem post variâ de Religione Colloquia dictus Dominus *Jankovius* invitavit Fratrem Georgium amicè in ædes suas; degebat autem tum in villâ cui *Psarskie* nomen est. Annuens piæ petitioni *Fr. Georgius*, comitatus aliquot civibus Posnaniensibus, feriâ post Dominicam Palmarum proximâ venit

venit ad Generosum Dominum Jankovium: qui novum & desideratum in ædibus suis hospitem hilari admodum fronte excepit, & liberaliter tractavit. Postridie autem, post preces & Concionem Sacram, solennes agit Fratri Georgio, gratias, quod Vocatus haud ægrè comparuisset: ubi cum Coniuge in communionem Orthodoxæ Ecclesiæ recipi se non sine lachrymis petens. Idem paulò post petijt Nobilis Martinus Kadziński Generosi illius Domini Servitor: cui Dominus egregium pietatis & fidelitatis testimonium perhibuit. Frater Georgius mirifice pio hoc Zelo delectatus, accuratè de omnibus eruditos & diligenter præparatos, Voti compotes effecit, ipsoq; die Ccenæ Dominicæ, post S. Concionem, tum istis noviter receptis; tum etiam Posnaniensibus qui una venerant Sacram, Domini Cenam administravit. Et tandem multis verbis ad sanctam constantiam in agnita Veritate adhortatus, gratiæ divinæ eos commendavit.

In reditu deslexit Pamiatkoviam ad Comitissam Ostroroganam, cujus jam facta est mentio: quæ & ipsa diligenter in Catechesi Christiana instituta, nihil morata, ipso mox die Passionis Dominicæ Ecclesiæ Orthodoxæ, una cum duobus pedisequis suis, nomen dedit.

Hinc Posnaniam iterum abiit, & finito mox Paschatis Fæsto in Borussia ad suos reversus, Se-

niori suo *Fratri Matthia Sionio* (qui tum admodum infirma erat valetudine, & paulò post in Cælestem Patriam consummato feliciter Exilij sui curriculo, emigravit) administratae functionis rationem reddidit, & quo successu Polonis Evangelium prædicasset, diligenter exposuit.

Post decessum Senioris, Frater Georgius Ecclesias illas recens collectas subinde (præsertim tempore nundinarum *Posnaniensium*) visitavit, & in agnita Veritate confirmavit. Quò factum est, ut indies numerus fidelium augetetur; nec solum è plebeis plurimi, deprehensis Pontificijs erroribus, Veritatem alacres amplecterentur, sed ex nobilibus etiam non pauci. Quorù primizia fuerunt, præter Generosum & Magnificum Dominum *Jankovium*, de quo antea dictum fuit, Illustris Comitum *Ostrogorum* familia. Item domus *Kanšinovia*: in qua cum pietate morumq; honestate excelluit *Anna Kanšinovia*, singulare matronarum illà ætate decus. Domus item *Bukovviecia*, & in ea *Wolfgangus Bukovviecius* cum Coniuge sua; & *Joachimus Bukovviecius* cum Coniuge *Catharina Paskoslavia*, ultimo istius familiae surgulo; quam Deus præter senectam vegetam hâc etiam beavit benedictione, quòd ex unica filia sua, quæ ante Annos 25 obiit, pronepotes & proneptes septendecim numerat. Domus item *Jaskoleciorum*; & aliz, quas omnes recensere longum foret.

Ostro-

Ostrogog, quæ est *Vetusta Ill. Comitum Ostrogorum* sedes, primus publicè Evangelium docuit *Felix Cruciger*, quem Illustrissimus Comes *Ostrogogius Jacobus*, postea Majoris *Poloniae Generalis* præfectus, secum Anno Christi 1551. ex *Minore Polonia* adduxerat. Docuit autem in Templo, sed nondum reformato: sacrificus enim Pontificius Missam suam adhuc in eodem templo celebrabat. Anno demum Christi 1553 *Fr. Georgius Israel*, relicto successore in Ecclesia suâ, quam in *Borussia* hucusq; rexerat *Petro Studenscio*, iussu Seniorum *Posnaniam* migrat, Ecclesijs ibidem & in vicinia collectis operam navaturus. Id quod & sedulò, nulli parcens labori, nec minori quàm antea successu, fecit.

Ægerrius id tulit infensissimus ille humani generis hostis *Diabolus*, qui nihil habet antiquius, quàm cursum Verbi divini, & salutem hominis, modis omnibus impedire. Cum igitur hæc Dei ministrum conatibus suis strenuè resistere, & Regnum Christi sedulò propagare videret, fraudem non unam commentus est, quâ ipsi apud Viros summae authoritatis invidiam constare, & tandem in discrimen vitæ immergium adducere satagit. Primò autem infensum illi reddere conatus est Illustrissimum Dominum *Jacobum Comitum Ostrogogium*, herodem eximium, & non vulgari Veritatis divinae cognitione jam im-

buam

butum, quæ etiam Confessionem Unitatis Fratrum, nec non alia quædam piorum scripta, sedulo legerat. Huic per nonnullos insurrexit, ut Fratri Georgio suâ Domo & Ditione prorsus interdiceret: periculum enim esse, ne quando peste eam inficeret, cū jam semel atq; iterū grassante Poloniæ pestiferâ lue Pamiantkoviâ inde excurrere, & ibidem Conciones habere, non sit veritus. Commotus eâ re non nihil fuerat heros Inclytus, persuaderi tamen sibi non est passus, ut animum suum ab ipso penitus alienaret: quin imò, Deo sic moderante, brevi in conspectum suum benignè admisit, ad Colloquia familiaria de Religionis negotio adhibuit, & tandem in Communionem Orthodoxæ Unitatis Fratrum Ecclesiæ una cum Coniuge sua, receptus est.

Elusus hic Sathanas, aliud Ecclesiæ adhuc tenere periculum moliri cœpit. Anno Christi 1553 mortem obiit Girzbnicius Episcopus Polnaniensis; quò sedente, primùm Ecclesiâ Orthodoxâ Poloniæ fundata fuit. Hic n. etsi minas intenderat Fr. Georgio, cutsum tamen Verbi Divini non impedivit, neq; Civibus Polnaniensibus, qui orthodoxam Religionem amplexi fuerant, admodum molestus fuit. Successit huic alius, ex illustri in Majore Poloniâ familiâ oriundus: qui, reliquo clero frigidam suffundente, fidelibus molestiam exhibere cœpit. Quâ occasi-

ione

sione Generalis Majoris Poloniæ præfectus, vocavit ad se in Arcem Posnaniensem Fr. Georgium Israëlitem, qui sub illud tempus in suburbio Polnaniensi, in ædibus Illustrissimi Domini Comitis ab Ostrorog degebat, Conciones ad Populum ibidem habere solitus. Quem satis benignè exceptum, Fidei suæ Confessionem edere iussit: eiq; rationem Doctrinæ & Ipei suæ reddenti, aures satis attentas præbuit; palam tandem restatus, se ex istâ confessione hæreseos ipsum damnare minimè posse, quod nihil in eâ erroneum deprehenderet. Subiecit verò tandem, fuisse nuper unâ Gnesinæ Archiepiscopum & Episcopos duos, inter quos conclusum esset, Regiam Majestatem sollicitare omnino, ne ulla in Civitatibus Regiis Conciones Evangelicas haberi permitteret.

Quare authorem se illi esse, ut saltem ad tempus aliò ex Urbe migret, ad aliquem ex vicinis Nobilibus, quorum non pauci Evangelij doctrinam jam amplexi essent. *Vereor enim, inquit, ne pro ratione munera mihi à Regiâ Majestate commissi, manus tandem vel invitæ adversus pusillum gregem, non sine vulnere conscientia mea, extendere cogar.* Adjecit præterea: *posse Posnanienses, qui vellent, aliò etiam ad audiendas conciones ipsius excurrere.* Frater Georgius actis quâ par erat reverentiâ gratijs, pro commonefactione benignâ, quæ non absorta esset ei quâ Salvator noster olim

A a a

disci-

discipulis dedisset, inquit, *si vos in unâ Civitate persequuti fuerint, fugite in aliam; acceptâq; veniâ discessit.* Cum interim Adversarij ipsius anxie rei eventum exspectarent, futurum rati, quod & unice optabant, ut in arce captivus derineretur. Dimissus autem ille per ostium, quod prope arcem extra civitatem ducit, redijt in hospitium: ubi semestris fere tempus adhuc transegit, cultui interim divino, & sacris ad populum concionibus, uti antea, vacans. Ostrorogum tandē vocatus auctoritate Magistratûs Templo oppidi illius perfectus est: ædes mox parochiales (cum non nisi calam humilem & ruinas minantem invenisset) non sine labore & sumptu mediocri (Anno Christi 1554.) extruxit, quæ postea Anno 1589. die 25. April una cum Templo & oppido conflagravit. Quo incendio Bibliotheca satis instructa, cum plerisq; monumentis, multa memorabilia continentibus, perierunt. Ostrorogi residens, Posnaniensis Ecclesiæ curam non abiecit, quam & ipse sæpius visitavit, & collegas qui sacras Conciones haberent subinde illuc misit.

Episcopus autem novus Ecclesiam Posnaniensem novam disturbare aditus, Cives nonnullos, ob factam ab Ecclesiâ Romanâ secessionem, in jus vocavit, & hæreseos, quatenus legitime nõ convictos, damnavit. Primus Civis ad subellium ipse tractus, fuit quidam *Georgius Grycerus*. Ca-

pita

pita accusationis ipsius fuerunt; (1) Quod non conveniret nec concordaret in fide Catholica & Romana, quam hoc Regnum dudum suscepisset & profiteretur: sed aliam quandam sectam Picardorum proficeretur. (2) Quod post suam ab Obedientia, Fide, & Ceremonijs Ecclesiæ Romanæ, Catholica & Apostolica, secessionem, dictam Ecclesiam modis omnibus execraretur & abominaretur. (3) Quod Conventicula diurna & nocturna in domo sua, & aliorum Civium, haberet, obiret, & alios ad eadem invitaret. (4) Quod Communionem sub utraq; specie de manu Laici Picardi susciperet, & alijs suscipiendam persuaderet. (5) Quod cuidam Joanni Rokita, Picardo, in civitate degenti, pueros suos instituendos commississet. De his potissimum ab Instigatore Episcopi accusatus fuit: sed causa ipsius tam indecisa mansit, ipseq; dimissus fuit.

Postea in jus vocati fuerunt alij duo cives, *Jacobus Pharmacopola*, & *Seraphin* quidam *Sartor*: uterq; , quod Pontificem Romanum Ecclesiæ Christianæ caput agnoscere nolleret, hæreseos damnatus, & civili Magistratui exurendus traditus est. Innotuit ea res statim Illustri Domino *Luca Comiti à Gorka*, qui cum Posnaniæ fuit. Is pio motus zelo, assumptis secum Illustriissimo Domino *Stanislaw Comite ab Ostrorog*, & aliquot Nobilibus, illic in Curiam contendit, cum Senatu de injuria Civibus Posnaniensibus,

A43

Sacra

Sacræ Regiæ Majestatis subditis, illatâ, severe ex-
postulavit: indignum esse ostendens, jure non
convictos publicè, ad nudam Episcopi narratio-
nem, capitis condemnare. Adjecit præterea, le-
istos, de quorum vitâ judicium agatur, in suo cen-
sere famulatio. Et tandem Curia eductos, do-
mum abire, & quietos esse, jussit: se ubi ulus po-
stulaverit, ipsorum patrocinium suscepturum pol-
licitus. Dimissi, pacatè deinceps vixerunt, nec
reperitus est, qui litem ipsis ampliùs moveret.

Anno sequenti, qui fuit à nato Christo 1554.
Paulus Organista nomine, arte sutor, Civis Polna-
niensis, quem antea Sutoria tribus Religionis er-
gò diu multumq; vexaverat, ab eodem Episcopo
in jus vocatur, die 21. Maij: cui eandem quâ prio-
ribus hæreseos litem intendit. Hic quia masculè
Fidei suæ confessionem ediderat, testatus se nun-
quam à fide Verâ Catholicâ & Apostolica dese-
cisse: sed corde credere & ore confiteri, Catholi-
cæ Fidei Articulos in Symbolo Apostolico com-
prehenso, nec jure se hæreseos cujuscunq; dam-
nari posse, nisi priùs ex S. Literis convictus esset,
in carcerem compactus, ibiq; per decem dies de-
tentus: postea verò cautione datâ, ut citatus ite-
rum se sisteret, dimissus fuit. Decimo post die,
iterum vocatus, comparuit, & ab ipso Episcopo
audiri se petijt, id quod fuit denegatum: sed da-
ti duo Canonici, qui hominem examinarent, Pro-
pa-

positæ tû aliquot quæstiunculæ fuerunt, nomina-
tim hæ: 1. *Teneaturne Christianus sub juramēto dice-
re Veritatē.* II. *Vbi in festo Paschatis peccata con-
fessus esset.* III. *Qualem accepisset absolutio-
nem.* IV. *Crederet ne se coram vero Ministro Ec-
clesiæ peccata confessum, & verum Sacramentum
accepisse?* Respondit præsentī animo ad singu-
la. Postea dilemmata quædam ipsi proposita fu-
ere, ad quæ facietē respondit.

1. *Meliusne ipsi placerent hymni & Conciones
Picardorum, quàm Ecclesia Romana?* Melius, re-
spondit: illic enim omnia intelligo, hic nihil.

2. *Missam laudaretne, an vituperaret?* Qui
laudarem, inquit, cum ignarus Latinæ Linguae ne-
sciam, quid illic Sacrificulus agat, dicatve? 3.
*Utrum Processioni proximè in Festo Corporis Christi
interfuisset, nec ne?* Qui interesset, respondit, in
vinculis tûm ab Episcopo detentus? *An postea in-
teresse vellet?* Non svidet, ait, conscientia. Sym-
bolum jussus Apostolicum clarâ voce recitavit.
Rogatus deniq; *Quid de non baptizatis infanti-
bus sentiret?* Istam se quæstionem ipsi spirituali-
bus discutiendam relinquere, dixit: sibi hætenq;
non licuisse de illa cogitare. Post longam disce-
ptationem dimissus tum fuit. Sed exactis decem
iterum diebus, citatum monuerunt, tûm sacerdo-
tes alij, tûm ipse etiam Episcopus, ut palinodiam
caneret, & in gratiam cum Ecclesia Romanâ redi-
ret.

et. Cumq; obfirmatum perspexissent ipsius animato exire, & in consilium adhibere amicos & familiares, qui ante conclave illud præstiderat, iusserunt: Interim verò dum ille cum amicis sermones miscet, iudicium sententiâ hæreticum pronuntiatur: acceptaq; novâ cautione ad diem undecim, iterum se sistere, at non jam Polnaniz, sed aliquot ab Urbe miliaribus, ubi Episcopus residere consueverat, jubetur, ad audiendum latam de se sententiam.

Venit dies destinatus, *Paulus Organista* se sistit. Hunc vestigio subsequuntur Magnates & Nobiles non pauci: inter quos eminebant Dominus *Jacobus ab Ostrog*, & Dominus *Raphael de Lesno*, *Capitaneus Radzijeſiensis*, *Comites*; & *Johannes Tomicki*, *Castellanus Rogosnensis*; *Albertus tam Marſſeuski*, & alij non pauci. Episcopus certior de ipsorum adventu factus, neq; cunctandū sibi ratus, dictum Paulum hæreticum, & poſitis hæreticis constitutis subjacere, pronuntiat. Post latam mox sententiam adfunt dicti hospites, quos Episcopus hilari fronte excipit. Deinde cum condemnato alium silentium, donec ipsi Magnates, quid de ipso ageretur, quærerent. Respondet Episcopus, Tardè ipsos venisse, latam esse adversus ipsum sententiam. Ipsi instare: doceret Episcopus, ob quos Articulos erroneos damnatus esset, sibi ut caverent, ne iisdem erroribus

implicarentur. Quod cum impetrare nullo modo possent, commoti non nihil vehementius expostulare cum ipso ceperunt, de rei indignitate, quòd hominem palam non convictum damnasset. Adhæc Episcopus, *Mirari se ipsos tantopere in causâ hominis plebei, & quidem Sutoris, laborare, non secus ac si ipsimet infanti aliquâ injuriâ affecti essent.* Respondit Comes ab Ostrog, non de personâ Sutoris litam esse, de fide ipsius. Metuendum præterea, ne quam modo in Sutorē, brevi in præcipuâ dignitatis Viros extendere conaretur jurisdictionem: maxime si istiusmodi processus juris clandestinus obtineret, in quo ipse Actoris simul, & testis, & iudicis, partēs sustineret. Post longam disceptationem, quam protestatio Magnatum contra iniquum juris processū diremit, Episcopus ad prandium ipsos invitat. Aquam jam manualet non nulli ex Nobilibus supplerant, ad mensam accubituri, dum Comes Ostroggius in hæc prorumpit verba; *Absit hoc à me, ut apud talem Judicem cibum capiam, cujus panis mihi verti posset in venenum.* Nec mora, surgit, & consensu curru discedit: idemq; mox reliqui omnes ad unum faciunt, assumpto secum Cive illo, de cujus ludebatur corio, quem Episcopus indignabundus exire jusserat, quòd masculè ipsi ad objecta, in præsentia Magnatum, respondisset. Cum hæc non succederet, ad Regiam

Maieftatem Epifcopus reum (quia & ipfe ad Regem provocaverat) defert, impetratq; mandatum, quò Magnifico Domino *Januffio de Kofcielec*, Palatino Siradienfi, Majoris Poloniæ pro tempore Generali Præfecto, injungitur, ut Authoritate Regiæ in novatores, quos ipfi vocant, inquirat, omnes ipforum congregationes inhibeat, & immorigeros feverè coerceat. Scriptum fuit hoc mandatum, die 27. Junij, Anno Chrifti 1555, & *Polnaniam*, ut eam in urbe tum alibi publicaretur, miffum. Quà occasione aliquandiu delituit *Paulus Organifta* in Arce Comitris de Gorka Kurnicenfis: in jus tamè vocatus à Senatu *Polnaniensi*, ad diem fibi dictam comparuit. Ubi caufà indictà ad carcerem à Senatu damnatur: fed Illuftri Comite à Gorkà, Domino Luca (Palatino tum temporis Lancicienfi, poftea *Polnaniensi*) ipfius patrocinium fufcipiente, ad Regem iterum provocavit. Quia verò nemo deinceps (Patronis ubiq; caufam ipfius strenuè promoventibus) in jus eum vocavit, tranquille in pofterum, fuperatis tot periculis, & conftans in agnitâ veritate, vixit, ipfi etiam Epifcopo, qui totius tragediæ author fuerat, fuperftes.

Opus interea Evangelij crevit, fundatis ab Georgio Ifraele per id tempus alijs alibi Ecclefiis. Inter primas fuerunt *Lobfenenfis*, cui paflorem dedit *Georgium Philippenfem*: *Barcinenfis*, cui

cui Paftor datus *Johannes Rybinus*: *Marſevidenſis*, cujus cura Petro *Scalnicio* primùm fuit demandata: *Cofmungenſis* item, in ditione Comitum *Oſtrorogorum*, quæ inter alias eminebat, cui Senior, Fr. *Georgius Ifraël*, primùm Paflorem dedit *Albertum Serpentium*. Qui vir cum antea Sacerdos Pontificius creatus, & tandem in Collegium Canonicorum adoptatus fuiſſet, agnitâ veritate divina fidelem Chriſto in Eccleſiâ ſibi commiſſa, annis plus minus viginti, operam navavit. Succellorem poſtea habuit *Johannem Rokyam*, virum doctriâ, humanitate, & facundia ſingulari præſtanti: qui Anno Chriſti 1570, jufſu Seniorum ſuorum, ſereniſſimi Regis Poloniæ legatos in Moſcoviam comitatus, ipſis à ſacris fuit Concionibus. Hic cum ipſo Magno Moſcoviæ Duce, *Baſilio* (vocatus in arcem Moſcovienſem die 10. Maij,) colloquium habuit, & in magna Procerû gentis ejus frequentia fidei ſuæ rationem reddidit. Aquo etiam (die 18. Junij) Librum Ruthenicæ characteribus (quorum illic uſus eſt) exaratum, accepit, quo ſumma Religionis Moſcovitiæ continetur. Qui liber à Domino *Johanne Laſſito* Latio donatus *Spiræ Nemetum* Anno 1582 typis editus eſt, unâ cum reſponſionibus, quibus errores Moſcovitarum deteguntur & refutantur.

Sed ad *Polnanienses* redeo in quorum Civitate cum non tantum ex Polonis multi, ſed non pauci

pauci etiam Germani Evangelij doctrinam amplexi essent, occasio fundandæ ibidem Ecclesiæ Germanicæ sese obtulit, petentibus ipsis Pastorem sibi peculiarem dari. Missus igitur ex Bohemia, quò antea ex Polonia reversus fuerat, Iohannæ Korytanski, qui Ministerio Verbi & Sacramento, Germanorum illa in Urbe Ecclesiam colligeret: cui etiam ab Anno 1558, ad annum 1565, fidelem, nec sine fructu, navavit operam. Taceo alias Germanorum Ecclesias, in ipsis Silesiæ confinij collectas; quarum primitiæ fuerunt Lesnensis & Lelvicensis, in Ditione Comitum de Lesno.

Anno Christi 1560, cum Ecclesiarum numerus augeretur, datus fuit *Georgio Israël*, Antistiti, à Bohemis Collega Frater *Johannes Laurentius*, vir piè doctus, & propagandæ gloriæ nominis divini studiosissimus. Cui olim, juveni adhuc, Cancellarij apud Episcopum Olomucensem in Moravia munus ultrò fuit oblatum: quod ipse conscientiæ suæ consulens recusavit. Huic tandem (Anno 1573.) Fr. Georgius, ætate & laboribus confectus, munus suum plenè resignavit, & ad quietem in Moraviam concessit. Successor vero Laurentius, postquam demandatum sibi ab Ecclesia munus fideliter, & non sine laude planè eximis, per annos 14 administrasset, Anno 1587, die octava mensis Iulij piè in Domino obdormi-

vit.

vit. Quo ipso die anno sequente (1588.) Frater Georgius Israël, emeritus Christi athleta, Lipnicij Moravorum octuagenarius ad Dominum migravit.

Fratri Laurentio successit eodem (anno 1587) *Simcon Theophilus Turnovius*, vir doctrina non vulgari, laboriosus præterea & magnanimus, plerisque Poloniæ Magnatibus adeò familiariter notus, ut etiam Pontificij plerique singulari ipsum favore prosequerentur. Hic postquàm ultra viginti annos Ecclesijs suæ inspectioni commissis præfuisset, curis & laboribus confectus Anno 1608, die 22. Mensis Martij, rebus humanis exemptus est.

Cui in eadem Ecclesiarum per Poloniam, majorem Superattendentia successit Fr. *Matthias Rybinius*, Vir egregius, & singulari ad res gerendas prudentia & dexteritate: verùm non diu. Superatus enim partim phtisi, partim Calculi doloribus, Anno 1613. die 22. Maji, Posnaniz, quò curandæ valetudinis ergò sese contulerat, placidè in Domino obdormivit. &c. &c.

Atque hæc fuerunt Ecclesiarum Unitatis Fratrum Orthodoxorum per Poloniam primordia; sceptris Regni tenente Sigismundo Augusto, Rege Inclito: quem togata prudentia, & singularis in subditos clementia, imò affectus planè paternus, omnibus amabilem fecerunt. De cujus gubernatione Stanislaus Sarnicius

in

in Annalibus suis sic scriptum reliquit; In gubernatione (inquit) Reipublica, hic Rex mirâ dexteritate usus est, cujus rei multa documenta produci possent. Idg, imprimis, quod ipso regnante rarus fuit ex Principibus Christianis, Regibus & Monarchis, qui fluctuante mundo ob controversiam in negotio Religionis Christiana, aliquod naufragium non sit passus. Carolus ipse quintus Imperator prudentissimus fuit; & tamen in Germania & Hispaniâ multum vidit effusum sanguinis Christiani, si non ipso imperante, tamen certè connivente. Sic in Anglia quot quantaq, persequutiones? in Gallia item, quot quantaq, laniena, & bella parricidalia exhibuerunt? Hoc incommodum nec Ferdinando Caroli Frater evitare potuit, quin in Bohemia & Austria ejus rei tristissima aliquot exempla ipse ediderit. Solus Sigismundus Augustus inter Christianos Principes ea in re palmam meruit. Nam cum totus ferè Orbis Christianus, ut dictum est, furenter nomine Religionis quateretur, ille tamen Poloniam & Lithvaniam sanguine civium sedari non est passus. Minabatur ille interdum, à Legatis Pontificiis exagitat: interea tamen Ducè Prussia, & Urbes ejus Provincia, ex præscripto Confessionis earum vivere passus est. Quin & Poloni sui à Romana Ecclesia deficientibus, eâ in re molestus non fuit: & non modo Confessionem Fidei ab eis exhibitam, amanter manibus suis suscepit, sed etiam Concionatores eorum inter-

interdum audiuit, & in Aula servavit. Ex quibus fuere Johannes quidam Cosminius, & Laurentius Prasmitius. Ex professus quidem est ille se Romana Ecclesia obsequentem esse, incensores tamen sacrorum bellorum, & præsertim Concionatores, asperius clasticum canentes, civiliaq, bella cientes, pejus canere & angere odio habuit, eosq, sæpè severiter increpavit. Meminerat enim prudentissimus Princeps, Majorum suorum mores & instituta, qui malebant semper cum Tartaris experiri aleam cruentissimi belli, quàm communem Parentum Patriam, undiq, à furiosissimis barbaris per circuitum septam, civilibus & parricidalibus implicare bellis. Hactenus Sarnicius.

Cæterum Confessio Fratrum oblata fuit Regi Clementissimo, die 8. Decembr. Anno Christi 1563, in generalibus Regni Comitibus: quam de manu Dn. Jacobi Comititis ab Ostrorog, Rex in manus proprias benignè acceptam legere, & in meliorem partem interpretari, non fuit dedignatus. Etsi verò ne tunc quidem hostes Veritatis destiterunt cruenta agitare consilia, irritus tamen (DEO suos protegente) fuit ipsorum conatus: imò pax tandem optata, post varias difficultates, Ecclesiæ affulsit, sublati è medio sub illud ipsum tempus, qui vel maxime in perniciem gregis Domini conspiraverant, pleriq; adversariorum Corypheis: Jacobo verò Cómite Ostrorogio, primario Orthodoxorum Patrono, Majoris Poloniæ

niz Generali Praefecto, (præter spem & votum multorum) à Rege designato, Hæc tum fuit mutatio dexterae Altissimi, & quidem mirabilis in oculis multorum.

Istud porro minimè dissimulandum est, quòd licet Ecclesiæ Orthodoxæ in Polonia eo quo dictum est modo primùm plantatæ, propagatæ, & inter varias tentationes Divinæ providentiæ hæcenus conservatæ sint: illi tamen quos nominavimus, nec soli omnino, nec primi, fuerunt, quorum operâ Dominus in revelando Polonis Evangelio Christi, discussis errorum nebulis, uti voluit. Extiterant ab aliquot retrò seculis apud Polonos nonnulli, etiam in summo dignitatis gradu constituti, qui eximio indagandæ veritatis divinæ studio flagrârunt. Commendatur eò nomine *Regina Polonia Hedvigis, Vladislai Jagellonis*, Regis Polonorum & Magni Lithvaniæ Ducis &c. *Conjux*: quòd libenter legerit testamentum Vetus & Novum, in Polonicam linguâ translatum. Obijt hæc Regina Anno Christi 1399; (Miechovio referente, libro IV. cap. 44. Bielski, & alij) Cujus memoria ob vitæ ipsius sanctimoniam, clementiam in subditos & egenos, aliq; pietatis exercitia apud gentem suam nunquam intercidet. De Matre ipsius, Vladislao Jagellone, constat, ipsum privatum Colloquium cum quodam Sacerdote Bohemo, quem hæreticum

vocat

vocat Cromerus (Libro 20.) remotis arbitris habuisse: quæ res apud Clerum, qui verebatur ne quid de religione Regi svaderet, suspitione non caruit. Sbigneo Episcopo Cracoviensi potissimum hic Rex suspectus fuit, ac si hæreticis, quos ipsi vocant, faveret: quod legatos Bohemorum hæreticorum, ut Cromero videtur, comiter & lautè habitos (assentientibus etiam Archiepiscopo & Episcopis cæteris, qui tùm aderant) ad Sacerorum Communionem (in oppido Pobianice dicto) admisisset. Hujus Regis postrema *Conjux Sophia*, Ducis Kioviensis filia (Vladislai a. Regis Poloniæ & Hungariæ, qui sub Varna periit, mater) Biblia sacra in Polonicam linguam sibi transferri curavit, usq; ad eam rem operâ Sacellani sui, Andreæ de Jaswic. Unde colligere promptum est, ipsam singulari cognoscendæ doctrinæ cælestis studio flagrasse. Quod Bibliorû exemplar manuscriptum hæcenus in Domo Mag. & Gen. Dominorum Krotosciorum de Krotoslyn studiose asservatur.

Ipsis etiam Hussi temporibus, & ante concilium Constantiense, doctrina Evangelij Polonis innotuerat; quod Cromerus (qui novam eam hæresin appellat) in suâ Historia dissimulare non potuit, libro XVI. Sed post Hussi tempora plures longè in Polonia Majori, & alibi, reperti sunt, quibus purior Evangelij doctrina cordi fuit. Ex-

Bb

cellunt

celluit inter alios *Abrahamus Sbanfcus*, præclaro stemmate oriundus: quem *Andreas de Bnin* Episcopus Pofnaniensis, quod Ministros Evangelij domi suæ alebat, & per ipsos populum etiam erudi curabat, anathematis fulmine percussit. (Vi. de Cromer lib. XXI.) Quia verò Sbanfcus fulmen istud nihil morabatur, Episcopus irâ percitus nongentos amplius Equites coëgit, quos ad arcem Sbon/zin duxit, dediç; sibi Ministros Verbi coëgit, quos deniq; Pofnaniæ palàm cremavit. Accidit id Anno 1439, regnante tum in Polonia & Hungaria Vladislao Jagellonis filio, qui paulò post (Anno videlicet 1444.) ad Varnam contra Amurathem (fractò vsaſu Juliani legati Pontificis fœdere) pugnans, magno Reipublicæ Christianæ malo periit. Cæterùm Cromerus incendiū illud pestilens (suo more Papæ devotus loquitur) haud leviter jam gliscens in Majori Polonia, virtute Episcopi tunc restinctum fuisse scribit. Unde apparet non paucos jam tū in illis oris extitisse Veritatis Evangelicæ minimè ignaros: quos cum Episcopi Verbo Dei convincere erroris non possent, ferro & igne sibi coerendos putârunt. Hæc tum fuit Episcoporum à Cromero prædicata virtus: non pastoralis, sed bellicâ, ne dicam tyrannica, quâ & Caiphas olim cum suis excelluit, quando turbam gladij & fustibus instructam, quæ Christum comprehenderet, misit.

Verum

Verum enim verò veritatem premi quidem posse, non opprimi, hic etiam compertum est, quando tandem Dominus pro immensâ bonitate suâ, superiori seculo lucem Evangelij è tenebris iterū splendescere jussit, ejusq; radijs multorum passim per totam Poloniam corda collustravit. Quo enim tempore primū exules Bohemi in Majori Polonia Evangelium palàm prædicare cœperunt, in Minori etiam Poloniâ nonnullos excitavit Deus, qui in repurganda & excolenda vinea Christi strenuè laborarunt. Ex quorum numero, præter alios multos, fuerunt *Felix Cruciger*, postea Superintendens renascentis in Minori Polonia Ecclesiæ: *Stanislaus Sarnicius* cujus antè facta est mentio: *Paulus Gilovius*, *Georgius Zarnovicius*, qui ambo & vivâ voce & scriptis præclaram Ecclesiæ operam navârunt. *Joannes* item à *Lasco*, illustri loco in Polonia natus, & cujus nomen apud exteros etiam celebratur. *Andreas Prasmovius*, qui cū antea Præpositus fuisset cujusdæ Ecclesiæ in Minori Polonia, post agnitam Veritatem ultrò relictâ quæstuosâ conditione, in Christi castra concessit: atq; in Cujavia, quæ provincia ad Majorem Poloniam pertinet, & alibi, Evangelium prædicavit. Pacis Ecclesiæ fuit studiosissimus, & cum Fratribus Bohemis fraternum in Domino Consensum sanctè semper coluit. Plures recentere nolo, cū mei instituti.

Bb 2.

non

non fit longum eorum, qui Ecclesias in amplissimo Polonia Regno fundarunt, Catalogum texere. Habent per DEI gratiam & hodie Ecclesie in Polonia utraq; Magnaq; Ducatu Lithvanie, & alijs ejusdem Regni Provincijs, multos Viros doctos & pios, quorum opera Dominus ad destruendum regnum tenebrarum utitur: licet non tam frequentes in his oris, quam alibi, Ecclesie colligantur. Quod partim acceptum ferendum est temporibus istis, de quibus jam olim Salvator predixit, fore ut sub finem Mundi in testimonium predicetur Evangelium; partim etiam genio Gentis, naturam quodammodo ad superstitionem proniori: quod fit, ut splendore illo externo, quod Idololatrius cultus fucatur, dementati, de inquirenda Veritate minus sint solliciti. Huc accedit, quod a Clero, qui tyrannice Conscientijs miseræ & sibi nimis credulæ plebis dominatur, sub anathematis fulmine prohibentur Conciones Orthodoxorum audire, vel colloquia de Religione ulla cum ipsis habere. Sic miseri ad nutum istorum captivi tenentur. Taceo alia impedimenta, quæ plura in Polonia, quam alibi, cernuntur.

Porro illi renascentis in Majori Polonia Ecclesie Ministri ab initio statim consilia sua cum Fratribus in Majori Polonia contulerunt, diversisq; temporibus & locis colloquia fraterna instituerunt, mutuas operas ad Ecclesie Christi edificationem

ationem conferentes. Et quia metuebant, ne quando idem in Polonia usu veniret, quod in Imperio & alibi evenire videbant, ubi vix ulla res majus Ecclesie attulit damnum, quam infastæ illæ Theologorum de diversis quæstionibus contentiones: indicta Synodo Generali omnium Evangelicorum in Polonia, Sendomiriz, anno Chr. 1570, frequentes undiq; convenerunt, ibiq; Domino pijs cœptis annuere, cum viderent tres illas maximè celebres Confessiones, Bohemicam, Augustanam & Helveticam, de præcipuis Religionis Christianæ capitibus eandem Verbi Divini doctrinam tradere, mutuam illic Consensum confirmarunt, & publicè toti mundo testatum fecerunt.

Quem etsi postea nonnulli inquietiores convellere, idq; non semel, conati sunt, singulari tamen D. D. Patronorum, ut & Seniorum Ecclesie, vigilantia maturè conatibus ipsorum obviam itum est.

Qua in re permagnus Generalium Synodorum (quæ nunc propter iniquitatem temporum rariores habentur, quam ab initio) fuit usus. In illis enim barbarum authores, si qui fuerunt, repressi sunt, & mutuus Consensus arctiori semper charitatis vinculo constrictus.

Quod reliquum est, assiduis & ardentibus votis invocandus nobis est DEUS, ut dictas Ecclesias maximis hoc novo seculo periculis iterum expositas,

omni-

omnipotenti brachio suo defendere dignetur
quò pium hunc in Religione Consensum deinceps
etiam sanctè custodiant, & ad poster-
os etiam suos sacrum rectumq;
transmittant.

Domine IesV Chryste sis pils IesVs.
(id est, Anno M. DC. XVII.)



BIBLIOTHECA
UNIV. IAGELL.
GRACOVENSIS

Errata quædam ita corrigantur.

Præfat. pag. 2. lin. 20. lege per-
pauci. Cap. I. p. 2. lin. 6. *see.* ult. *Confessione* 112. 21. *con-*
feratissimi. lin. 12. 1450. *stantia mentio* 155. 21. *afflict-*
ib. lin. 20. *tenenti.* p. 5. 1. a-
ligbam. lin. 9. UNITATIS
Fraterna. p. 6. li. 9. *audires.*
9. 16. *inter fideles.* ibid. l. 11.
de affectatione. 11. 20. *et Seni-*
orum. 17. 9. *assumtis.* 19. 11.
occupati. 29. 16. *infructuosus.*
lin. 10. (*Ibid.* 7.) lin. 12. *contin-*
git. 30. 14. *cognoscere.* 1. 27
obedientiam. 30. 19. *Ecclesia*
Fratrurn. 33. 6. *memoria be-*
betes (dele *et*) 16. 10. *res ludi-*
cras. 41. 7. *docebo.* lin. ult.
oblationes. 46. 26. *contri-*
stantur cum contristato. 47
3. *siatico.* 1. 7. *concionetur.*
lin. 10. *Antiochia.* 49. 6. *Pro-*
ficientium, ad perfectionem ten-
dentium, et Penitentium. 51
6. *certiores.* ib. 12. *debocant.*
52. 2. *desperantes.* 1. 21. *gerun-*
tur. 56. 6. *hortantibus.* 58
26. *illorum operam.* 59. 21. *I.*
Pet. 2. 34.) 23. *Quæ o-*
15. *rudimenta doctrina.* 65.
10. *negari debet.* 76. 15. *a vir-*
tutis. 1. 16. *ab illis* 81. 21. *ab*
hili. 89. 21. *scripta* 104. lin
112. 21. *con-*
stantia mentio 155. 21. *afflict-*
[NB. Quæ Cap XXXII.
§ 18. 19. 20. de Sessionis ritu (ad
Cœnam Domini) narrantur,
habentur totidem verbis in
decretis earundem Synodorum,
ferventi in Arianos tum emer-
gentes, omniaq; temerè inno-
vantes, dicta zelo. Quod pro-
inde Ecclesiæ Orthodoxæ, quæ
ritum eundem (antè vel post)
libertate Christianâ admise-
runt, non tanquam in se con-
tumeliosè dictum accipient.]
pag. 178. l. 5. *descriptio.* 183.
18. *extulisset.* 185. 23. *imposu-*
ras. 186. 10. *à Babylonis.*
91. 13. *ordinationem* 201. 2.
Principum 230. 21. *jurgia*
238. 8. *fidei vestra* 259. 18. *vi-*
rosi sui 261. 1. *penult, aliun-*
de. 300. 14. *colligata.* 310.
1. *sicut os* 323. 7. *divinitus.*
327. 1. *potuerit.* 334. 7. *majo-*
rum exemplo 341. 18. *vertat,*
aut quibus 344. 14. (*Bodini,*
353. 3. *Cetibus* 1. 6. *vos paucis*
1. 16. *ab illis* 81. 21. *ab*
hili.



Addenda & corrigenda quædam,
omissa & admissa.

Capitis XIV. inscriptio talis sit.

Synodorum habendarum ratio: & de Ritu ordinandi Acoluthos & Diaconos.

Cap. XXVI. § 6. omisſum ſic expleatur: *Si quis Clericus, aut Laicus, à communione ſegregatus, ſeu nondum in communionem receptus, ad aliam profectus Civitatem ſine commendatitijſ literis, receptus fuerit, &c.*

Quæ Capite XXXII. § 18. 19. 20. de Seſſionis ritu (ad Cœnam Domini) narrantur, habentur totidem verbis in decretis earundem Synodorum, ſervatis in Arianos, tùm emergentes, omniag, tœmerè innovantes, dicta Zelo. Quod proinde Eccleſiæ Orthodoxæ, quæ ritum eundem (antè vel poſt) libertate Chriſtianià admiſerunt, non tamquam in ſe contumeliôſè dictum accipiunt.

Ad pag. 286 ubi Laſcius de Lutheri vehementia, comparata Eliæ vento, & terræ motui, & igni, liſſerit, addi poſſet quod eundem in ſenſum de ipſo, Lutherus ipſe, ſcribit in epiſtola ad Brenium, præfixa Commentario ſuper Amos Prophetam ejusdem Brentij, hiſ verbis:

(*)


Vene-


Venerabili in Christo Fratri D. Iohanni
Brentio, Discipulo & Confessori Christi,
Ecclesiæ Halensis Presbytero fide-
lissimo.

Gratiam & pacem in CHRISTO IESU Domino nostro

Redit ad Te, optime Brenti, Amos Tuus, quem ad
me jam dudum miserat. Non est mea culpa quod
tardius editus est; sed voluntate ejus, cui Tu donasti.
Quâ ratione is motus sit, incertum est mihi. Ve-
rum quod tu pro humilitate Spiritus Tui totum hunc
Commentarium meo iudicio subicis, ut mutem, ad-
dam, detrahā, quæ viderentur mihi; absit à me, ut
in hoc Te audiam. Cum enim inter prophanos odio-
sum sit, in alieno libro ingeniosum esse; multo magis
inter Christianos intolerabile est; sibi Magisterium
super ejusdem Spiritus discipulos arrogare. Satis est,
probare Spiritus, an ex DEO sint: ubi probati fuerint,
tum mox venerari & osculari, ac posito Magisterij
superciliorum discipulum potius fieri. Neque enim po-
test fieri, quin ubi Spiritus S. loquitur, talia loqua-
tur, quæ omnem Hominem venientem in hunc Mun-
dum sibi subiciant, & discipulum faciant, siquidem
sapientie ejus non est numerus.

Ego verò præter hoc generale encomium Spiritus, de
Tuis scriptis sic sentio, ut mihi vehementer sordeant
mea, ubi Tuis Tuique similium scriptis comparantur.
Non adulator, neque fingō, sed neq. ludo, neque fal-
lo. Non Brentium, sed spiritum prædico, qui in te sua-
rior, placidior, quietior est; deinde dicendi artibus
instru-





XIII. Confessione Hohen
fratr. Hapileu 1575.
imp. H. Hales gualt. pauli
ante Cris. et Apostolus
rita, in Camerario de
prip. ubi simul et
in proamio ad Eodem
totu h. h. de origine
fratr. Hohen. seu. Kal.
et. in. J.

stdr0021492



Biblioteka Jagiellońska

